



JOHN CARTER BROWN  
LIBRARY

---

Purchased from the  
Trust Fund of  
Lathrop Colgate Harper  
LITT. D.









IOHANNIS BOTERI  
RELATIONES  
*DE*  
PRÆCIPVIS  
REBUSPVBLCIS

*CVM*  
NOTIS ET INDICE AVTHO-  
RVM POLITICORVM

IUSTI REIFENBERG Jcti

Denuo

*EDIDIT*

LYDOLPHVS GEORGIVS LÜNDE  
Hannoveranus.



*HELMESTADI*

Typis ac sumtibus HENNINGI MULLERI,

Anno CIO IO C LXX.



JOHANNES  
RELATIONES

PER  
REDACTIO

NOTITIA  
C. RUMOLDI

LASTI

LABORIS



ANNO 1500  
Typis adscriptis Henrico





V I R O

NOBILISSIMO ATQVE AMPLISSIMO

DOMINO

HENRICO EBERHARDO

AB ANDERTEN

J. V. D.

Cognato & Favitori suo

suspiciendo

S. P. D.

LYDOLPHVS GEORGIUS LÜNDE

**I**N quanto pretio fuerint JOHANNIS BOTERI *Relationes*, quas bono publico recudendas curavi, Nobilissime Domine Ab ANDERTEN inter alia edocent variæ, quas subiere, editiones. Etenim postquam non unâ vice Italico idiomate excusæ in Latinam & Germanicam linguam conversæ sunt, sæpius manus typographorum exercuerunt. Ex eo principio, etsi quàm maximè encomia hu-



DEDICATIO.

jus libri arcessere possem, nolo tamen vel tantillum inde meo BOTERO decerpere: audiam potius viros eruditos, qui eundem *in perquirendo censu dynastiarum & regnorum industrium & Politicorum* sui temporis *Coryphaeum* appellare nulli dubitant. Neque hi nobis imponunt; quisquis enim in accuratam Reipublicæ cujuspiam cognitionem penetrare, eandemque erudito orbi communicare desiderat, necesse est, ut probe hæc quatuor tanquam summa rerum capita observet: ex quibus scilicet civitas illa, quam perpendendam suscipit, constituta sit, ad quid collineet, quænam ejus statum confervent & quo authore glorietur. Ad hæc sine dubio quicquid de Republica docere & cognoscere quispiam expetit, judice nostro CONRINGIO possunt referri; quin imo ad hæc perinde ac ad amissim examinare possumus Rerumpublicarum scriptores, num exactam Reipublicæ scientiam tradiderint. Neque ego affirmaverim BOTERVM ea omnia, quæ faciunt ad perfectam Rerumpublicarum à se traditarum cognitionem, attulisse: tradit tamen egregia



DEDICATIO.

gia occupatus plerumque in iis, quæ vires re-  
gni ostentant. Per me licet extollant alii  
*SANSOVINVM, HONORIVM, BEL-*  
*LVM, CASPARVM ENS, LVCAM DE*  
*LINDA*, cæterosque, quemque suus maneat  
honos, nihilominus BOTERVS cæteris her-  
bam reddet dubiam, aut omnino præripet, li-  
cet cum reliqui mole vincant. Valeat CO-  
LERVS, quando BOTERVM è manibus  
nostris eliminaturus sinistre judicat: *BOTE-*  
*RVM non tam fallere quam falli*, hoc, inquam,  
judicium nimis late se extendit; quis quæso ho-  
minum existit, qui non aliquando in relatio-  
nibus fallatur, aut si ex relationibus falsa per-  
cepit inscius tamen absque intentione damnum  
inferendi aliis possit imponere? Audiat τὸ πᾶν  
*CONRINGIVM*: *Fuere quidam nostro ævo,*  
*qui de omnibus Rebus publicis nostri ævi commen-*  
*tati sunt, quemadmodum etiam Aristoteles suo*  
*ævo fecerat. Inter hos primo loco occurrunt duo*  
*Itali, BOTERVS & SANSOVIVS. Et paucis*  
*interjectis: egregius est ille Boteri liber, quamvis*  
*non adeo magnus, tradit egregia & perquam docta.*



DEDICATIO.

GASPAREM SCIOPPIVM, qui in *consultationibus de Scholarum & studiorum ratione* p. 445. admonet nos in Italia non sine fructu lecturos libros BOTERI: vide si lubet ejusdem libri p. 437. Neque Botero laudem suam dene- gat Clarissimus JOHANNES HENRICVS BOECLERVS, quando censet in sua erudita *commentatione in Taciti primordia Annalium & historias* pag. 419. *ejusmodi libris descriptiones im- periorum tradentibus non esse nimis fidendum.* Verba laudati viri ita sonant: *Posuerunt in ta- libus regnorum descriptionibus aliquid operæ Bo- terus & Caspar Ens, qui omnium manibus feruntur, quanquam ejusmodi libris non est nimis fidendum.* Quapropter cum hic BOTERI liber omnino dignus sit, qui rursus lucem subeat, me non ma- le de bono publico meriturum confisus sum, si meam qualemcunque operam æquis, ut spe- ro, rerum censoribus haud ingrata, typogra- pho locarem. Tuo verò nomini NOBILIS- SIME DN. AB ANDREÆN Cognate & Favitor suspiciende, eandem consecrare pla- cuit, quod ejusmodi libris delecteris, & memor  
partium



DEDICATIO.

partium Legati Venetæ Reipublicæ similis argumenti quam plurima alia in pectore & adversariis tuis recondita asserves. Vlysses

*adversis rerum immersabilis undis*

ἐπεὶ Τροίης ἱερὸν πόλιός θ' ἔπλεε,

Πολλῶν ἀνθρώπων ἰδεῖν ἄσπεα, καὶ νόον ἔγνων

Non aliter, DN. COGNATE, postquam obstacula, quæ ceu remoræ naves TE potuerant detinere, removeras,

*multorum providus urbes*

*Et mores hominum*

inspexisti, quo, cum res postularer, erudita Tua rerum suppellectili (cujus egregium exstat specimen DE REGALI VECTIGALIVM JURE) PATRIÆ posses inservire. Proinde serena fronte BOTERI RELATIONES varia eruditione refertas (ex quibus nil nisi fructum & delectationem haud vulgarem lector percipere poterit) suscipe & me favore VENE. RANDI TVI PARENTIS prosequi non dedignare. Vale. Helmstadii, Idibus Octob. Anno recuperatæ salutis MDC LXIV.

INDEX



# INDEX. CAPITVM.

I. Cap.		Pag.
I.	GALLIA.	8.
II.	ANGLIA.	16.
III.	DANIA.	18.
IV.	SVECIA.	24.
V.	POLONIA.	34.
VI.	MAGNVS DVCATVS MOSCOVIÆ.	44.
VII.	FAMILIA AVSTRIACA.	47.
IIIX.	IMPERIVM ROMANVM.	56.
IX.	PONTIFEX ROMANVS.	58.
X.	DVX SABAVDIÆ.	60.
XI.	MAGNVS DVX ETRVRIÆ.	67.
XII.	DVCES FLORENTINI.	68.
XIII.	DVCES VRBINI.	73.
XIV.	VENETORVM CIVITAS.	88.
XV.	MAGNI CHAMI TARTARI IMPERIVM.	96.
XVI.	MAGNVS MAGOR.	104.
XVII.	CHINA.	115.
XIIX.	SIAM.	124.
XIX.	NARSINGA.	128.
XX.	CALICVTIVM.	131.
XXI.	PERSIA.	140.
XXII.	JAPONIA.	144.
XXIII.	PRESBYTER JOHANNES.	148.
XXIV.	REX BORNO ET REX ADEL.	152.
XXV.	MONOMOTAPA.	153.
XXVI.	SERIFFVS.	162.
XXVII.	HISPANIA.	183.
XXIIX.	VNITÆ BELGII PROVINCIÆ.	192.
XXIX.	TVRCA.	

LECTO.



# LECTORI CANDIDO

S. P. D.

L. G. L.

**P**riusquam ad ipsas Relationes Boteri perlegendas & examinandas progredieris, de uno atq; altero hujus operis editionem concernente certior te faciendum esse non abs re fore duxi. Paucis igitur, ni aliter visum fuerit, accipe occasionem recusarum Boteri Relationum & alia nonnulla, quæ faciunt ad Boterum ejusq; scripta, cum primis verò præsens aliquanto penitus cognoscendum.

Annis superioribus HERMANNVS CONRINGIVS viva illustris Iulie Bibliotheca, priusquam accurata Rerumpublicarum cognitione nos imbueret, antiquum nunquam non summa laude extollendum obtinens authores, quorum opera in civitatum scientia comparanda uti possemus, recensabat & inter alios hunc Boteri fœtum laudabat. Nullus dubito, quin ipsum potius candide docentem sis auditurus; verba ejus itaq; ut potuerunt calamo excipi, referam. Fuere quidam nostro ævo, qui de omnibus Rebuspublicis nostri ævi commentati sunt, quemadmodum etiam Aristoteles fecerat suo ævo. Inter hos primo loco occurrunt duo Itali, Franciscus Sansovinus, qui de Rebuspublicis universi orbis scripsit Italicè: versus autem hic liber nondum est in Latinum sermonem,



P R A E F A T I O.

nem, ideo quia hunc Sansovinum Boterus (hic est alter ille Italus) longe superavit, ut ego quidem existimo. Hic Boteri liber, quamvis mole sit exiguus, est tamen egregius: minime autem tradit plenam notitiam Rerum publicarum omnium; tradit tamen egregia & perquam docta. Hoc Viri incomparabilis limatum iudicium plurimos instigabat ad eum librum sibi comparandum. Advolant ergo in bibliopolia, quærunt, sciscitantur, percontantur; sed frustra: vel ipsum Boteri nomen bibliopolas latebat. Brevis temporis spatium elapso dum inter obambulandum sermones cadimus, fortè fortuna quispiam Boteri mentionem facit exoptans sibi dari hujus Viri Relationes: respondeo, me sibi hujus libri perlegendi copiam facturum & famulo petenti traditurum. Quid sit? petit, accipit, rectè pergit ad typographum eundemq; rogat, ut librum illum bono publico recudat. Typographus consulit plurimos ex asciatæ eruditionis viros, num dignus sit iste liber, qui prælum rursus subeat; non dissuadent. Deliberato igitur aliquamdiu negotio me convenit & rogitat, ut pace mea isto exemplari ad excudendum & mea opera ad relegendum posset uti; polliceor meam operam ipsi non defuturam, per me licere primo quovis die operis excudendi specimen dare. Pacta, transacta omnia. Tantum de priori: ni molestum fuerit, Benevole Lector, alterum quoq; membrum percipe; paucis me expediam.

Ea vero, quæ in hoc altero membro traduntur, vel ad authorem ipsum, vel ad ejus scripta referri possunt. Ad primum quod spectat, constat Iohannem Boterum fuisse Italum & qui-



PRAEFATIO.

& quidem Benesium, ut tituli librorum nos docent. Sed qui-  
 nam locus Italiae ipsi posterius nomen indidit? obscurum eun-  
 dem esse oportet; procontatus enim sum & in libris Geogra-  
 phicis & mappis recentioribus, nec invenire potui. Colligo  
 autem, quod locus, qui ipsi nomen dedit, situs sit in regione Pe-  
 demontana; Gabriel Naudæus enim Bibliographiæ po-  
 lit. pag. 81. Boterum nostrum vocat Pedemontanum. Dixe-  
 ris: non fit verisimile; quippe qui p. 59. ciues suos perstrin-  
 git sat acerbe, quando dicit: Pedemontanos quicquid  
 habent insumere in luxum. Verum scias velim, illam  
 relationem de Duce Sabaudiae non esse Boteri sed alterius cu-  
 jusdam Itali. Gasparis Ens Thesauri Politici Apote-  
 lesmat. VII. inscriptio habet Senensis p. 146. Tom. 1. M.  
 Sebastianus Schröter Pastor Erffurtensis in initio Mer-  
 curii Cosmici ex Boteri Geographia concinnati vocat eum  
 Genuensem. Sed quantum fallant & quam vera fuerit con-  
 jectura superius tradita te, Lector docebit Antonii Possevini  
 apparatus Sacer. Audi ipsum: pag. 827. in volumine primo  
 ita loquitur: IOHANNES BOTERVS Benensis, quod  
 oppidum & præsidium est in Subalpinis, libros decem  
 De ratione (ut vocant) status, hoc est, De rebus Po-  
 liticis, una cum tribus libellis, De origine Urbium  
 earumque præstantia & modo augendarum lingua  
 Italica edidit Venetiis apud Jolitos anno 1589. Hic au-  
 tem liber ad pietatem & ad prudentiam utilis est; quo  
 item mala fana & impia Machiavelli fundamenta,  
 quæve ex Cornelio Tacito possunt desumi, dum Ty-  
 b 2 berii



P R A E F A T I O.

berii Neronis artes exponit, evertuntur breviter, docte, Christianè. Sed & antea quædam nitida carmina emiserat. De Regia Sapientia Latine. Deinceps autem Italicè. Libros quoque De contemptu Mundi (del Dispregio del Mondo) & duas Conciones ejusdem argumenti, simul editas apud Franciscum & Simonem Tinos Mediolani an. 1584. Descriptionem quoque Mundi universalem prænotatum Relationes. Deinde autem Quindecim Christianorum Regum Vitas. Trium Hierosolymæ Gothifredi, Balduini primi, Americi. Trium Galliæ, Clodovei, Ludovici Noni, Caroli Noni. Trium Hispaniæ, Pelagii, Ferdinandi Magni, Ferdinandi Sancti. Trium Angliæ, Alvredi, Canuti, Guilielmi Acquisitoris. Trium Lusitaniæ Alphonsi Primi, Alphonsi Quinti, Emanuelis. Quas excudit anno 1601. Ioannes Tarinus Augustæ Taurinorum in Subalpinis Italiæ. Porro primi illi libri de Politicis rebus ex Italicis facti Germanici, ac deinceps Latini prodierunt Argentorti. *Hæc ille. Justus Reifenberg refert in præfatione Politicæ Regiæ eum fuisse Canonicum Romanum. Vixit seculo superiori ad finem vergente. Plura Benevole Lector, percipies (ni valde fallor) ex libro cui titulus: Dei detti memorabili del Sig. Giov. Botero.*

*Quod scripta ejus attinet, nosti, quod multos eruditos libros orbi reliquerit. Audi ergo primo fortunam, quam perpeſſæ sunt hæ relationes. Excusæ sunt sæpius idiomate Italicò*



PRÆFATIO.

*Italico sub finem seculi superioris & hujus nostri anno quinto  
rursus Venetiis in quarto, ut vocant, hoc titulo: Le Rela-  
tioni Universali. Deinde ex Italico in Latinum versa pro-  
diere Lubecæ Anno 1600. in 4. sub hac inscriptione: AM-  
PHITHEATRIDION: hoc est; Parvum amphithea-  
trum, cui pauca mundi theatra comparare vix ullum  
anteponere amphitheatrum possis. In quo (velut in  
speculo) cuncti præpotentes Orbis Monarchiæ, Prin-  
cipesque opibus viribusque pollentes cum uniuscu-  
jusque censu, potentia, regendi forma, Principibus-  
que finitimis spectabiles ob oculos Philologorum re-  
præsentantur in quatuor partes divisum. Quæ quidem  
editio, etsi prodierit cum gratia & privilegio ad annos  
quindecim nihilominus tamen anno sequenti tertio excusa  
est altera Vrsellis eadem forma cum superiori hoc insignita ti-  
tulo: MVNDVS IMPERIORVM sive Relationes de  
præcipuis mundi Imperiis, Regnis & Dynastiis; simul  
cum eorum regali censu, ærario, & armorum poten-  
tia: Imperii denique magnitudine & forma regimi-  
nis, Principatibus deinde sibi invicem finitimis. Opus  
novum in rerum magnarum cognitionis cupidorum  
gratiam à GVIDONE DV BRVECQS ex JOHAN-  
NIS BOTERI & aliorum Relationibus Italicis Lati-  
ne factum, jucundum sane lectu & etiam utile, non  
Regibus Principibusque modo, sed & Dynastis & vi-  
ris heroibus, militiæ quoque & rerum politicarum ne-  
gociorum studiosis. Differunt autem in eo duæ istæ edi-  
tiones,*



P R A E F A T I O.

*tiones, quod Lubecensis primum locum dederit Regi Hispaniarum, altera vero primas adsignaverit Galliae Regi, quam & ego secutus sum. Præterea Vrsellensis illa gaudet aliis relationibus alterius cujusdam Itali de ditionibus Ducis Sabaudie, Magni Ducis Etruriae, Ducis Urbini & Civitatis Venetiarum, licet seorsim proftet ipsius BOTERI Relatione della Rep. Venetiana. Reddit autem laudatus GUIDO rationem in præfatione ad Lectorem, cur libellum inscripserit: **MUNDVS IMPERIORVM**; scilicet, quod eorum opes, vires, formamque ea administrandi regendiq; referret declararetque. Vrsellensem excepit anno decimo tertio nostri seculi editio Colonienfis in octavo: quæ quidem exemplaris Vrsellis excusi vestigia fideliter legit, nisi quod inscriptionem libri mutaverit & pauca quaedam vocabula Græca expresserit literis Latinis adeo rudi Minerva, ut hominem Græce planè indoctum possis agnoscere. Græca quæ habentur p. 171; καὶ ταῦτα μὲν δὴ ταῦτα; ille p. 255. typis Latinus ita excudifecit: ke taffta mendi taffta. Cur autem adeo vitiose Græca editor Latine scripserit, vides Benevole Lector ipsi ansam dedisse pronunciationem illam, quam multi tanquam veram & genuinam nobis obtrudere annuntur. Titulus ita se habet: **IMPERIORVM MVNDI CATALOGVS ET DESCRIPTIO**; &c. Verum quisquis ille sit, qui istam editionem curavit, male meritus est & de Botero & de re literaria. Etenim Johannis Boteri librum de origine urbium, earum excellentia & augendi ratione discerpfit & tantum libri secundi partem posteriorem*



## P R A E F A T I O.

riorem à capite quarto & tertium excudit, omisso integro libro primo & prioribus secundi libri tribus capitibus. De-  
testandum profecto facinus & quod nil nisi turpe lucrum  
bibliopolaë emptoris pecuniæ inbiantis redolet. Porro seculi  
hujus anno vigesimo **IUSTVS REIFENBERG** Ictus  
has relationes Boteri, emaculavit, exposuit, (ut sonant  
ipsius verba) auxit, notisque illustravit. Inscriptio talis:  
**POLITIA REGIA: &c.** Istam fortunam expertæ sunt,  
Candide Lector, hujus viri Relationes, ut quoties excusæ,  
toties novum aliquod nomen sint sortitæ; primo enim **AM-  
PHITHEATRION**, deinde **MUNDVS IMPE-  
RIORVM**, postea **IMPERIORVM MUNDI CATA-  
LOGVS ET DESCRIPTIO**, tandem **POLITIA RE-  
GIA** hoc Boteri scriptum audit, forsitan etiam plura nomi-  
na (inter quæ illud de **REGIA SAPIENTIA** Boteri,) accepit.

Tantum de Latinis, sequuntur editiones Germanicæ,  
quarum duas memini me videre. Constituunt autem alteram  
partem der *Allgemeinen Welt-Beschreibung* des Boteri.  
Prior prodiit Colonia 1596. in 4. majori: posterior Mona-  
chii in Fol. Isti nomen interpretis non erat additum, hæc  
præ se ferebat nomen *Ægidii Albertini*. Index authorum  
Politiorum (quem in fine adjeci) Reifenbergii (cujus etiam  
notas in Boterum & Belgium inserui expetente typographo)  
refert etiam Mundum Imperiorum in linguam nobis verna-  
culam conversam esse à Johanne à Brussel. Notandum ta-  
men Teutonicas esse meliores Latinis superioribus, Etenim  
tanto




## P R A E F A T I O.

*tanta copia vitiorum scatent, ut non potuerim una vice omnia tollere. Profluxerunt verò partim ex ignorantia Interpretis Latinae, ut apparet, lingua minus gnari; quod enim ipsi reddendum erat per in ordinem redegit vertit barbare per disciplinavit: partim ex incuria typohetarum. Hinc non raro conjectura mihi vix licuit Boteri mentem assequi. Pag. 210. Coloniensis habet: Quartum genus militum conficiunt Arabes, qui continuo vivunt in suis Avaris (ita vocant sua castra quorum quaelibet jacentum ad 120 tentoria compartita sunt sub diversis Præfectis, quos Alcaidi nuncupant, ut cum opus est parati sint. Conspirant hac in re cum Coloniensi Lubecensis l. Dd. 2. Vrsellensis p. 163. Marpurgensis. p. 180. Quid sibi vult jacentum? quis sensus? Substitui igitur à centum, ut hic sit sensus: quod qualibet eorum in se contineant centum aut ad summum centum & viginti tentoria.*

*Præter ea, quæ jam laudavi Boteri scripta, recensentur sequentia Della ragione di stato (excusum Venetiis Ital. & Lat. Vrsellus; quod etiam Caspar Ens inseruit Scholæ politicae) Otium honoratum, La 1 & 2 parte de Principi Christiani, Relatione della Republ. Venetiana, in 8. Vener. 1605. Aggiunte alla sua ragion di Stato. Relatione del Mare, Discorso dello stato della Chiesa, Vide si lubet Catalog. Bibliothecæ Bodleianæ pag. 81. & appendicem p. 28. (circumfertur etiam inter Politicos Boteri liber, cui ipsi titulum fecit: La Lega. Naudæus Bibliogr. pol. p. 74. Lubecæ prodiit anno seculi nostri tertio Joh. Boteri Spiegel Hoher Fürstlicher Personen Georgius Draudius edidit cum libris de Urbibus Joh. Boteri de illustrium statu ac politia libros X. A. 1602. Plura de Botero ejusq. scriptis me pro Tua, Benevole Lector, humanitate edocebis. Interim meo conatui de bono publico saltem non male merituro fave, emenda, quæ operarum negligentia irreperunt, emenda & non amplius Argos nasci cogita. Vale.*

CAPVT





CAPVT I.

DE

REGNO FRANCIÆ.



ABET Francia pro terminis Alpes, qui ipsam ab Italia dividunt, Rhodanus separat ipsam à Sabaudia, Araris à Sebusianis & Heduis, Mosella à Lotharingia & Ducatu Lucemburgensi. Aa rivulus Flandriæ à latere Occidentali est, ad Meridiem Mare Mediterraneum & Pyrenæi montes, ad Occasum Oceanus, ad Septentrionem Mare Britannicum. Extendit se in latere Meridionali Septentrionem versus à Lotharingia Caletum usque spacio quasi ducentarum leucarum Francicarum, dilatatq; se paulo minus inter Ortum & Occasum à flumine Varo ad Paurum usque, restringit se tamen tanto magis, quanto plus Septentrioni accedit. Ejus minima latitudo est inter Caletum & Britannia Promontorium. Figura ejus inter quadratum & rotundum est, ideoque multo capacius, quam quispiam arbitretur. Continet Provincias amplissimas, sed præcipuæ sunt: Picardia, Normannia, Britannia, Francia, Campania, Burgundia, Arvernia, Delphinatus, Provincia: nec sunt tamen contemnendæ Bria, Beelsia, Turonia, Andegavensis Ducatus, Santonia, Biturigum Ducatus & aliæ. Initium eius est in 420 gradu experiturque talem aëris diversitatem, ut pars quæ ad Mare Mediterraneum est, (ubi sunt Langvedocia & Provincia) producat omne fructuum genus, quod dat Italia. Ea autem, quæ ad Mare Britannicum est, (ubi sunt Britannia, Normannia & Picardia pars) vinum non profert; reliquum regni abundat plus, quam credi possit, omni Europæ fructuum genere, exceptis olivis, ficibus & similibus. Aëris benignitas bonitati terræ, & fluviorum oportunitati conjuncta adeo propitia commodaque est productioni frugum, omnisque generis animalium, ut ea in re Francia omnes alias Europæ partes superet; inter montes enim Arvernia, & Delphinatus & nostrum ma-

A

re aër



re aër adeo temperatus est frigore montium perpetua fere nive o-  
 pertorum & leni aura marina, ut ob oculos ponat cœli benignita-  
 tem, qua gaudet ora Genuensis. Ab alia autem parte sunt Montes  
 Pyrenæi valli loco adversus frigus, quod retunditur perditq; suam  
 rigiditatem: ipsi montes abundant undiq; balneis & venis aquæ ca-  
 lidæ. Ventii Septentrionales, qui, sicut communis opinio fert, aërem  
 refrigerare deberent, non sunt ibi adeo gelidi, sicut in aliis locis; ca-  
 piunt enim venti partem naturæ locorum, per quæ transeunt. Si  
 transeunt per montes nivosos, adferunt secum frigus illorum mon-  
 tium: si per stagna, inficiuntur: si per silvas, corrumpuntur: si per re-  
 giones arena obfitas, incalescunt: si per lacus aut mare, refrige-  
 rant. Accidit hinc, ut venti Panormi in Sicilia sint extreme calidi;  
 antequam enim eo perveniunt, verrunt campos Siciliæ, accipi-  
 unt eorum calorem, feruntque eum in dictam civitatem. Notus est  
 frigidus Genuæ, quod, antequam eo pertingat, mare transit, nec at-  
 tingit terram, recipitque maris frigiditatem. Aquilo autem, qui per  
 Franciam spirat, venit à mari, quod sua falsitate caloris aliquid ha-  
 bet, nec impingens in montes glacie aut nive obductos, exerit se  
 curritque per campos Normanniæ, Campaniæ, Franciæ, aliarumq;  
 Provinciarum ad montes Arvernæ usque. Aptior itaque est Aquilo  
 temperandæ montium frigiditati, quam ut perdat suam temperi-  
 em. Ii montes itaque, à ventis Meridionalibus ab uno, & à ventis à  
 Septentrione flantibus ab alio latere calefacti producant undique  
 optima pascua, aluntque magnum armentorum, & gregum nume-  
 rum, herbas quoque medicinæ commodas & simplicia perfectissi-  
 ma. Inter multos illorum montium ramos est unus, qui Mons Au-  
 reus dicitur, propter herbarum copiam, & simplicium nobilitatem,  
 Horum omnium nos Anglia certos reddit. Quamvis enim ipsa ma-  
 gis ad Septentriones vergat, quam Francia, quod tamen nullos mon-  
 tes, mare autem undique habeat, est ibi aër satis temperatus. Multo  
 autem temperatior est Francia; quod à Polo longius absit; docent  
 id vites, qui in Anglia non maturescunt: reddunt autem vites in  
 Francia vina perfectissima, acciditque sæpe, ut ventus marinus à  
 Septentrione, aut ab Occasu exorsus, hiemem in ver mutet, vireant-  
 que campi latis floribus, vestiantur horti, renovetur tota fere na-  
 tura, ita ut habitatores Turoniæ, Pictaviæ, Insulæ Franciæ, Limaniæ  
 (non solum Provinciæ, vicinique populi) nec Lacui Benaco, (qui  
 nunc



nunc Lago di Garda dicitur) nec locis amœnioribus inuideant. Terra Franciæ tota fertilis & fructifera est. Appenninus occupat fere quartam Italiæ partem, estque ut plurimum asper redditque paucos fructus, sed fundus Franciæ undiquaque omnis boni dives est. Montes Arvernæ (qui tamen multi non sunt) habent multa bona oppida, multa opulenta fertiliaque loca, in quibus ars pecuaria exercetur, instruuntque carne, butyro, & caseis excellentibus bonam regni partem. Regni fere reliquum explicatur in latos campos, feracibus colliculis, herbosisque vallibus distinctos. Undique copia cum varietate, fertilitas cum deliciis, situs utilitas cum pulchritudine regionum contendit; in hoc absque dubio cedit Franciæ Italia. Quamvis enim in aliquo ejus angulo amœnitas singularis & excellentia situs perspiciatur, qualis ejus, quæ vulgo Pieve Incini, Riviera di Salo, Conrado Vicentiæ, appellantur, Campania foelix, Territorium Crotoniense, & Tarentinum, aliquarumque aliarum civitatum Calabriæ, sunt ea hic singularia, in Francia communia, præcipue in Burgundia, Bria, Insula Franciæ, Turonia, Andegavo, Santonia, Languedocia, ubi apparet situs à natura distinctos esse, & compartitos sua manu, aliquos Cereri, alios Baccho, alios Pomonæ, aliquos Palladi dicatos. Sed alia res visu & consideratione dignior in Francia non est, quam multitudo, & amœnitas fluviorum navigabilium, quorum pars eam cingit, sicut Araris, Rhodanus, Mosella, Soma: pars mediam percurrunt eam, sicut Sequana, Ligeris, Garumna. In hæc tria flumina influunt partim ex regni extremitatibus, partim ab ejus medietate, tot alia flumina, ut totum regnum supra modum mercatile, communicationique rerum aptum reddant, ita ut propter incredibilem commoditatem, quam præbent vecturæ mercium, populorumque commercio, dici possit, populis illius regni omnia communia esse. In solo Ducatu Andegavensi numerantur 40. flumina magna & parva; unde Catharina Medicæ Regina Franciæ solita erat dicere: in eo regno plura navigabilia flumina esse, quam in reliqua Europa. Hyperbole sane, quæ à veritate non longe discedebat. Terræ fertilitas & commoditas, quam flumina vehendis devehendisq; mercibus præbent, faciunt, quod tot urbes & oppida in Francia sint, quæ ut plurimum in ripis fluviorum sita sunt. Quamvis Franciæ multi bonique portus non desint, meliores tamen civitates, non ad mare, sed in locis mediter-



raneis situm obtinent. Ex eo colligitur, ipsarum amplitudinem non extrinsecus venire, sed quasi domesticam esse; sunt enim civitates maritimæ ibi mediterraneis majores, ubi plus auxilii sustentaculique à mari quam à terra recipiunt, ut Genua, Venetia, Epidaurus, quæ vulgo Ragusa dicitur. Sed ubi civitatum magnitudo & amplitudo essentialiter, solumque dependet à terra, ibi civitates mediterraneæ excedunt maritimas. Talis est Mediolanum, & alia Longobardiæ, Flandriæ, Germaniæ & Hungariæ oppida. Cum autem terræ opulentia, communis toti Franciæ, & fluviorum oportunitas generalis sit, accidit inde, ut excipiendo Lutetiam Parisiorum (cujus amplitudo procedit à sede Regis, Curia, Academiæ, quibus accedit fluviorum vicinitas) civitates & oppida Franciæ, ut plurimum mediocria aut parva sint, opportuna tamen, & pulchra frequentissimaque. Scribit IOHANNES BOBINVS descriptione tempore Regis Henrici II. facta (in qua non comprehensa fuit Burgundia) numeratos fuisse 27. mille pagos campanalibus instructos. Alia autem descriptione, quæ regnante Carolo IX. facta est, repertum fuisse, quod habitatorum numerus 15. milliones excederet. Sicut autem Franciæ civitates & oppida favorem fluminum experiuntur, ita & arcibus villisque nobilium privatorum, parvi lacus, stagnaque favent. Quamvis hujus Provinciæ lacus, Italiæ & Helvetiæ lacubus conferri non possint, sunt tamen in ea tam multa stagna optimis piscibus plena, ut eorum frequentia suppleat magnitudinem. Idem de sylvis dici possit, quæ non adeo spaciøsæ, sed frequentes ibi sunt, ex quibus percipiebatur quondam bona census regii pars; sunt autem nunc prorsus oppignoratæ. Habent quoque nobiles magnos redditus ex suis sylvis propter copiam lignorum pro focis, sed multo majores ex ligno ad fabricas faciendas; nam ob defectum calcis fit maxima ædificiorum pars ex ligno. Regnum Franciæ tantam habet com meatuum copiam, ut qualemcumque exercitum in campis nutrire sustentareque possit; com meatus enim propter fluminum commoditatem facillime ex uno loco in alium conduci possunt. Quando Carolus V. ex Provincia, & deinde ex Campania ingressus est Franciam, sustinebat ea plus quam 150 militum millia ultra Præsidarios. Regnante Carolo IX. & nostris temporibus fuerunt in eo regno 20 equitum, & 30 peditum extraneorum, 15 equitum, & centum peditum indigenarum aut naturalium millia, nec tamen regnum



## REGNUM FRANCIAE.

regnum caritate laboravit. Sunt deinde in Francia quatuor Magne-  
tes, qui foris ad se pertrahunt pecuniam: FRUMENTA, quæ inde  
in Hispaniam & Portugalliam vehuntur. VINVM quod in Flandri-  
am & Angliam & ad Maris Balthici accolæ mittitur. SAL quo toti  
regno, & regionibus vicinis prospicitur: Provincia quoque sal co-  
quit in Mari Mediterraneo, idque conficit Santonia ad Brovadium,  
ubi Solis virtus generandi, faciendi & coquendi sal ex aqua marina  
cessare, nec ultra Septentrionem versus transire apparet. Ex aqua  
maris dico, quia ulterius reperitur sal ex aqua fontium, ut in Lo-  
tharingia, & ex fontibus & minæis, in diversis locis Poloniæ, An-  
gliæ, Germaniæ: ex minæis quoque effossum fuit in Suecia, quam-  
vis nunc cesset. CANNABIS & TELÆ, quæ quanti census sint, vix  
credi queat. Is autem de eo iudicium facere poterit, qui scit quan-  
ta ejus copia, instruendis classibus Vlyssipponensibus & Hispalensibus  
vehatur, & quantum in vela & funes, qui ex cannabi conficiuntur,  
insumatur. Sunt ibi quoque gladium, crocus, aliæque res minoris  
momenti, quæ quamvis singulæ res supra dictas non æquent, aut  
rebus supra dictis pares non sint, omnes tamen simul junctæ ad bo-  
nam, & quæ regnum ditare possit summam ascendunt. Propter  
has omnium bonorum divitias dicebat Ludovicus XI. Franciam  
pratam florens esse, quod ipse merebat, quoties lubebat. Maxi-  
milianus Imperator solebat dicere, Regem Franciæ esse pastorem  
ovium cum velleribus aureis, quæ tonderet, quoties ei opus esset.  
Certum profecto est, Reges Franciæ adeo potentes fuisse, ut si inge-  
nio & prudentia, quantum viribus facultatibusque, valuissent,  
in ipsorum arbitrio res Europæ sitæ fuissent. Sed raro accidit, ut  
vires comitem habeant prudentiam, eamque ob rem finxerunt  
poëtæ Herculem furiosum: Ludovicus Ariostus Rolandum fatuum,  
Virgilius Daretem insolentem canunt: Græci autem Barbaros di-  
xerunt omnes populos, qui doctrina & artibus carerent: Homerus  
Achillem iracundum, Martem incautum, ipsamque reti Vulcani  
constringi canit. Quæ res enim plus metuenda, aut quæ potentia  
magis horrenda esse posset, quam Regni, quod intra suos limites a-  
bunde pascit 15. hominum Myriades, tantumque adhuc comme-  
atuum habet, quantum ad pascendum sustentandumque magnum  
exercitum opus est. Abundantia enim populi, & commeatum,  
sunt maximæ cujusunque regni vires. Romani tribum rusti-



cam maximi fecere ob hominum frequentiam, & alimentorum copiam. Quod ad redditus attinet, Ludovicus XII. percipiebat ex regno Franciæ Myriadem & semissem. Franciscus I. pervenit ad tres Myriades, Henricus II. ad sex, Carolus IX. ad septem, Henricus III. superavit decem Myriades, Ludovicus XII. autem reliquit regnum auro argentoq; plenum, ideoq; dictus fuit pater populi. Franciscus I. quamvis maxima bella gesserit, feceritq; infinitas expensas, reliquit tamen in thesauro octingenta aureorum millia. Sed Henricus II. ejus filius, Carolum Imperatorem superare volens, sumensq; ab unoquoque pecunias foeneratitias ad 16. per centum, reliquit filios obligatos ære alieno, ad 30. Myriades aureorum, nec mercatores ei quadrantem credidissent. Vnde Carolus IX. & Henricus III. ejus filii, magis tamen hic quam ille, non solum populum, sed & Clerum gravare maximis impositionibus coacti fuere. Vnde videri potest, divitias Principis non æstimari debere à magnitudine reddituum, sed à bono regimine. Franciscus I. enim minoribus redditibus gessit majora bella, reliquitq; fidem apud mercatores, & paratam pecuniam filio. E contrario Henricus longe minora bella gessit, reliquitq; regno debita & calamitatem. Dictis redditibus aluere Reges prædecessores 1500. lancearios, & 4500. sagittarios, quamvis nomine fuerint 4. lanceariorum & sex sagittariorum millia perpetua stipendia merentium. Hic equitatus nervus inter Christianos pro unico aut solo habendus est. Una lancea trahebat secum sagittarium, & turma lancearum turmam sagittariorum, quæ solo signo distincta erat. Eorum enim signum, vulgo Guidon dicebatur, unus enim. Capitaneus ambabus præerat. Conficiebant itaque centum lanceæ 250. sagittarios, præter ipsas lanceas. Impendebatur in hanc militiam una Myrias & trecenta aureorum millia annuatim, lancea enim recipiebat 250. aureos, sagittarius octoginta, signifer tercentum, Legatus 480, Capitaneus 820. Hanc militiam ad perfectionem reduxit Carolus VII. qui de terminavit numerum, stabilivit stipendium, in ordinem redegit eam exercitiis, disposuitque eam in locis limitaneis sub Capitaneis, Vicariis, Signiferis, Vexillariis. Divisit quoq; eam militiam in Cataphractos & sagittarios, adjunxit ei Scutiferos, Designatores diversoriorum, Diribitores, Solutores, Commissarios, ejusque militiæ curam commisit Connestabili, Marschallis, & præcipuis regni Dynastis. Non multum utebantur pedita-  
tu do.



in domestico præ metu tumultuum & rebellionum. Carolus VIII. cognoscens quam necessarius esset peditatus, instituit Phalangem quinquies mille peditum Francicorum, eum numerum Franciscus I. ad 50. millia auxit; sed ea institutio in fumum abiit, propter malum regimen. Ludovicus XI. ut pro libitu populum Franciæ tondere, imo excoriare posset, eum inermem reddidit, conduxitque stipendio Helvetios, quam rem imitati sunt ipsius successores Franciscus & Henricus, usque sunt magno Germanorum numero. Sed fallit se ipsum, qui suum populum imbellem fore sperat, si milites extraneos in suam ditionem introducit. Vsu enim armorum & periculorum belli paratur audacia. Vsu & experientia autem in suo regno militibus & populo communis erit, fientque illi pugnaces, si se milites esse profiteantur: hos defendendi necessitas bellatores faciet. Sicut enim conversatio cum bonis facit bonos, ita & frequentatio militum facit homines pugnaces. Sunt præterea multa negotia, quæ extraneis committi non possunt, quia non habent locorum notitiam. Multa quoque eisdem ob negotii pondus credi non debent. Quare necesse, ut populi, in quorum patria diu manet bellum, partim per necessitatem, aut suam aut Principis, partim propter usum & experientiam rerum belli, quæ ipsis quotidie accidunt, fiant bellatores, sicut Franciæ accidit, quæ facta pace cum Hispanis (quamvis Helvetii & Germani abivissent) remansit plena militibus Francis, qui in ea omnia sursum deorsum volverunt. Quod Munitiones attinet non alia est regio, in qua earum major numerus sit, cujus hæ sunt causæ; quod cum regnum in plura dominia & Principatus divisum erat, nempe Burgundiam, Britanniam, Andegavensem Ducatum, Normanniam, unusquisque suos fines muniverit. Crevit numerus munitionum bellis Anglorum, qui magnæ Franciæ parti imperarunt. Situs & natura locorum, fortificationi opportunorum, nec minus diligentia & aptitudo populi ad has res reddit faciliorem locorum munitionem. Non alia natio est magis industria in muniendo & quæ labori & sumptibus minus parcat. Nec Francia minus fortis est intus, quam in extremis finibus. Bellovacum, Trece, Aurelia, Andegavum, Biturigum civitas, quæ vernacule Bourges dicitur, Limogia, SanFlorum, Carcassona, Suesfionum, non cedunt fortitudinæ Caleto, Peronæ, Narbonæ, & aliis locis limitaneis. Aptaque est unaquæque hujus regni pars, ut reliquo regno pro limite sit.



## REGNO ANGLIAE.

**I**Nter Europæ Insulas, tam magnitudine, quam potentia, primum sine dubio locum obtinet illa, quam antiqui Britanniam nuncuparunt. Ejus ambitus mille & sexcentis milliaribus patet, diuisaq; est in duo regna, quorum unum Scotia, alterum Anglia dicitur. Causa diuisionis, est fortitudo Scotiæ, quæ adeo aspera, montosa, impeditaq; multis lacubus & sylvis est, ut nec arma Romana eam unquam plane domare potuerint. Severus Imperator amisit in ea maximam sui exercitus partem. Reges Angliæ (quamvis viribus multo superiores & multis præliis victores) nunquam potuerunt eam sui juris facere. Lacus, sylvæ & paludes, (quæ in planicie stagna efficiunt) sunt ei pro vallo aggereque, quibus natura eam munivit fortemq; reddidit. In verticibus montium, non desunt planicies herbidæ, pascuis pecudum commodæ & densæ sylvæ, feris abundantes. Hæc regnum optime muniunt. Cum enim dicta loca scopulosa montosaque sint, & nihilominus pascuis & sylvis copiosa, nunquam timerunt aut impressione cogi, aut si obsiderentur, fame premi; defendit enim eos contra vim hostium asperitas montium, & sylvarum amplitudo. In obsidionibus sustentant se armentis & venatione, quæ nunquam deficere possunt. His accedit frequentia populi armorum usu & animorum ferocia præstantis; possunt enim necessitate postulante colligere 25 aut 30 hominum millia, ut hostibus resistent. Confisi fortitudini situs locorum & armorum usui, non dant operam muniendis civitatibus aut portubus, qui satis frequentes sunt in hoc regno, cum mare ibi admodum sinuosum sit, ita ut in tota Scotia, domus non exstet à solo plus quam 20 milliaribus distans. Scotiæ Rex imperat quoq; Hebudibus, quarum 42 & Orcadibus quarum 32. sunt. Cum autem nec Scotia, nec dictæ Insulæ annonæ copia, qua eis ad victum opus est, superabundent, nec populi multum artificijs addicti sint, commeanteo pauci mercatores, estque populus pecuniarum indignus. Reditus Regii non sunt centum aureorum millium. Anglia autem, de qua nunc incidit sermo, dividitur in tres magnas Provincias, Angliam, Cornubiam, Walliam. Anglia



glia extendit se ad Mare Germanicum: Cornubia est in opposito Gallia: Wallia contra Hiberniam. Capit hoc nobilissimum Regnum duos Archiepiscopatus, Cantuariensem & Eboracensem, 20 Episcopatus, & 136 oppida. Tempore Henrici Regis, & Eduardi ejus filii fuisse recensentur 40 Parochiarum millia, quæ occupatione bonorum Ecclesiasticorum ad ejus numeri circiter dimidium redactæ sunt. Cornubia & Vallia sunt satis asperæ, victitatque populus in partibus mediterraneis lactiniis & avena, maxime in Vallia, quamvis natura ibi locarit insulam Monam, quæ vulgo Angleseii dicitur, estque frugibus & pecudibus adeo fertilis, ut merito Vallia mater dicatur. Cornubia, quam alii Cornvalliā dicunt, est abunde dives fodinis præcellentis stanni & plumbi. Anglia amplitudine, divitiis & fertilitate, dictas duas Provincias multum superat: & quamvis aliquantulum Septentrionalior sit, nihilominus maris beneficio aut occulta siderum virtute aer ibi benignus temperatusque est, potius densus & humidus, quam rigidus & frigidus, quod demonstrant lauri & rosmarini, qui virent florentq; feliciter. Estque res certa, quod Flandria & Brabantia plus à frigore & glacie infestentur, quam Anglia, in qua terra ut plurimum plana est, amœnis & fertilibus colliculis distincta, qui adeo placide & paulatim assurgunt, ut eos è longinquo intuentes à planicie non distinguant. Præcipua hujus regni annona sunt frumenta, pecudes & pisces, quorum abundantia, bonitas, perfectioque tanta est, ut Franciæ non invideat, imo nulli regioni vicinæ. Inter alias res caro maxime porcorum & boum, pisciumque luciorum & ostrearum est ibi magis sapida, quam in aliqua alia Europæ parte. Anglia non producit mulos nec asinos, sed equos infinitos. Opes Angliæ consistunt in venis nunquam deficientibus stanni & plumbi: sunt in ea quoque venæ æris & ferri; habet quoque maximam abundantiam lanæ tenuissimæ. Fere in toto regno, præcipue autem in Cornvalliā effoditur stannum tantæ excellentiæ, ut ipsi non multum ad qualitatem argenti deesse videatur: ejus similiter & plumbi evehitur ex hoc regno pro aliquot centum mille aureis. Lanæ habent hic suam bonitatem propter colles, quibus regnum plenum est: in iis assurgit herbulæ parva tenuisque, quæ nec irrigatur fontibus aut rivulis, nec stercoreatur, sed ipsi hyeme æris vapor, æstate ros sufficit; estq; ovibus adeo grata, ut ferant vellera singularis tenuitatis & molliciei



Cum insula non generet lupos, nec aliud noxium animal, vagantur greges interdum nocturneque per colles, valles & agros, tam privatos quam publicos sine metu aut periculo. Ex lanistexuntur panni delicatissimi, qui magno numero in Germaniam, Poloniam, Daniam, Sueciam & alias regiones evehuntur, ubi magno in precio sunt. Aestimatur quod in lanificio & metallis, evehitur ex regno, pro duabus myriadibus aureorum: colliguntur in eo multa legumina, multum quoque croci: multum etiam cerevisiae ex hordeo coquitur, mittiturque copiose in Belgium, sicut & coria & lapides nigri faciendo igni accommodi. Situs insulae commoditas facit, ut a mercatoribus Lusitanis, Hispanis, Francis, Flandris, Maris Baltici accolis apprime frequentetur. Negociatio, quam Angli cum Belgis faciunt, ad summam fere inestimabilem accedit; scribit enim Ludovicus Guicciardinus, id commercium ante tumultum Belgicum, aestimatum fuisse ad 12 Myriades aureorum quotannis. Coronae Anglicae subjacent quoque aliquae aliae insulae, praecipuae autem sunt Hibernia, Vectis, Monavia, Mona, Druidum olim sedes quam Angli Angleseii dicunt, Sorlinge, Grenezaia & Gerzaia. Hibernia amplitudine non multum Angliae cedit, longa est enim 300 milliaria, lata 90, montosa, sylvosa, paludosa, pascuorum quam frugum feracior, dives lacte & melle: emittit magnam quantitatem butyri, coriorum & croci. Multa in ea flumina, piscosique lacus sunt. Duos habet Archiepiscopatus, Armacanum & Casselensem. Locus Hiberniae clarior celebriorque est Dublinum portum habens munitum. Insulae pars, quae ad Ortum & Meridiem spectat, frequentius inhabitatur. Provinciae autem Ultonia, Conachia, & Mononia ad Occasum & Septentriones sitae sunt satis asperae & sylvestres: ibi se aliqui Domini, beneficio lacuum & sylvarum contra arma Anglica tuentur. Aliae tres Insulae magnitudine fere pares sunt. Mona habet optimum territorium, diciturque mater Cambriae, propter frugum pecudumque copiam, quam ei suppeditat. Menavia distat Anglia 25. milliaria: Episcopatu & duobus portibus gaudet, sed ejus territorium parum felix est. Vectis fere tota montibus asperis occupatur: est in ea Abrach civitas optime munita; haec insula claudit portum; imo potius Sinum Antonnae, qui contra eam est, interque meliores illius Canalis censetur. Anglia fortitudine sui situs, superat omne aliud regnum: habet enim per excellentiam duas illas proprietates, quas



quas Aristoteles in situ civitatis requirit. Vna est, quod hostibus accessu difficilis: altera, ut ejus exitus facilis sit ad faciendum expeditiones. Est Anglia in Mari, cujus ea est natura, ut regnum fortificet. Mare Hibernicum enim, quod ei ad Occasum est, adeo depressum, & scopulis periculisque plenum est, ut magnis navibus non sit pervium. Maris Britannici (quod Angliæ ad Meridiem est) æstus, ibi cum tanto impetu reciprocatur, ut à 12 ad 15 passus altum turgat (horrenda profecto hæc res est) & iterum tantum resideat, possuntque naves difficulter appellere, nisi vento & æstu adjunctæ, sed altero multo magis. Ora maris undiquaque aspera est, præterquam aliquot locis, quæ optime munita sunt sicut Barvicum, Douvera, Tones, Dorcestria, Dermont, Bleimutum, Falmut, Milfort, Brigstovia. Vnde tota insula pro uno munimento & castro censeripotest. Fortitudini situs adjunguntur arma maritima & terrestria. Quod ad maritimas vires attinet ultra Myoparones classis (quorum quondam centum esse solebant, non valde alti, sed longi & densi, nunc 70 aut paulo amplius sunt) habet regnum tot portus, iique à mercatoribus adeo invisuntur, ut Angli dicant, numerum navium, quæ ibi negociantur accedere ad bis mille. Sed quidquid de eo sit, certum est earum cum opus est, 400 aut plures colligi posse. Eduardus III. transmisit ad expeditionem Caletensem, Henricus IX. ad obsidionem Boloniensem cum mille navigiis omnis generis. Itaque insulam aggredi, cujus portus propter munitiones ibi factas accessu, non tantum introitu difficiles & periculosi sunt, & quæ in sua potestate tot naves habet, arduum erit, factuque haud facile. His difficultatibus accedit, quod Angliæ populus in rebus maritimis mire dexter sit: non enim alia gens audacior, nec mari promptior est. Ipsi navibus levissimis apprimeque optimis tormentis bellicis instructis (quibus regnum maxime abundat) intrepide tam hyeme, quam æstate Oceanum sulcant: negociantur in Moscovia, Cathajo, Alexandria Ægypti, Constantinopoli, in Livonia, Barbaria, Guinea. Anno 1585 classe 25 navium (in qua erant 2500 milites) vela fecerunt in Indiam occidentalem, ceperuntque San Jacobi oppidum, Fanum Dominici in Hispaniola, Cartagenam in Continente (quæ portum habet commodissimum ad mercaturam inter Hispaniam & Peruviam exercendam) Civitatem S. Augustini lignis ædibus constructam, quæ ab Anglis injecto igne exusta fuit.



Infestant continuo Terceram & Capitis viridis insulas, & Brasiliam. Duo ipsorum Capitanei, non minori audacia, quam fortuna, circumnavigarunt totum Orbem. Est præterea in Anglia militia terrestris magni momenti propter ejus multitudinem; cum enim regnum in 51 Comitatus partitum sit, in eorum uno, qui vulgo Lancaster dicitur, exercitum 70 peditum millium conscribi posse putatur: Sed utcunque res se habet, in confesso est, quod Anglia in campos educere possit centum peditum, & 20 equitum millia. Unicuique Comitatus præest Vicecomes, is cum opus est, delectum militum facit. In faciendo delectu, modo qui sequitur utuntur: cogunt omnes habitatores Comitatus, qui annum sextum supra decimum attigerunt, nec sexagesimum excesserunt, se sistere, ex quibus eos deligunt, quos armis magis putant egregios. In peditum numerum adscribuntur majores membrofioresque, dividiturque peditatus in quatuor genera. Aliqui utuntur arcu & sagittis, quæ arma Anglis propria sunt; olim enim iis sibi acquisiverunt maximam Franciæ partem, retuleruntque victorias gloriosas, fecerunt captivum Regem Franciæ Iohannem, occuparunt Lutetiam Parisiorum, quam 16 annis tenuerunt, Romanis non tam fuerunt tremendæ sagittæ Parthorum, quam Anglorum Francis. Alii utuntur pro armis hastis sparo similibus, sed ferro magis solido & graviori, quibus percutiunt & ex equis detrahunt homines: hoc armorum genus diu diuturnum fuit militiæ Anglicanæ, & satis magnæ executionis. Duo alia addidit experientia ususque temporum præsentium: unius generis sunt Sclopera, quibus ipsos huc usque aliquod experimentum aliquis magni exempli dedisse nescio; alterius sunt Sarissæ, quæ ipsorum staturæ quam optime conveniunt; sunt enim ut plurimum statura satis alti, nervosi, pleni & firmi. Pro militia equestri seligunt homines staturæ mediocris, sed bene compactos, dextros, agilesque. Eorum equi magnarum virium non sunt, nec incurfione impulsuque boni, Flandricisque aut Germanicis minime conferendi. Præterquam enim, quod pinguedo & amœnitas terræ id non fert (boni enim equi nec terram valde crassam, nec prorsus siccam requirunt) nec ipsi iis multum dediti sunt. Angliæ equitatus duorum generum est: aliqui equites se gravibus armis induunt & hi maxima ex parte nobiles sunt; alii levioribus armis utuntur, horum duo sunt genera: unum se Albanensium more armat; aliud equitibus le-



vis armaturæ Italicis similis est, induuntur thoracibus, squamis & tela cannabina farcitis, aut laminis & semigalea utuntur, gestantque lanceas graciles & longas. Quamvis autem Angli ad duo equitum cataphractorum millia, & magnum levioris armaturæ equitum numerum in campos educere possint, haud tamen equitatus Anglicus se aliquo præclaro facinore nobilem fecit, sicut de peditatu dici potest. Rex Eduardus IV, qui tot expeditiones in Franciam suscepit, totque victorias assecutus est, ut monstraret, cui militiæ generi maxime fideret, relicto equo se in pedes inter peditatum conjiciebat. E contrario Franci, quod nolint plebem armis assuescere, ne opificia manuarum, & negociationem spernant relinquantque, ac inter arma insolescant (in quod Franci proni sunt) ponunt militiæ vim in equitatu, qui ex nobilibus fere constat. Cum autem equitatus multus esse non possit, quod Francia equorum egregiam progeniem non habeat, eosque semper aliunde quærere, res magnæ impensæ sit, idcircoque generosos equos sibi parare non queant, & quod peditatus multo majori usui, quam equitatus in bello existat, ordinarie Franci ab Anglis superati fuere. Sed ut doceamus quantas Rex Angliæ copias educere possit, ponemus hic exemplum: Rex Henricus VIII. in expeditione Boloniensi transmisit mare cum exercitu trifariam partito: in prima acie erant 12. peditum millia, quingenti equites leviter armati, & mille equis minoribus merentes, lorica & lanceis tantum instructi, Rex omnes vestiverat panno cyaneo limbis rubris. Postrema acies, (ea enim acies post primam mare trajecit) quam ducebat Norfolcius, erat primæ, peditum equitumque numero par, vestibusque induta, sicut primæ aciei milites. Inter eos erant mille Hiberni, induti camisis longis strictisque, super quas erat pallium, cætera nudi, capite quoque aperto, capillis longis. Arma eorum erant tria jacula, ensis longus, & chyrotheca ferrea in sinistro brachio ad cubitum pertingens, in pugnæ cingebant vestes altæ, in cursu erant expeditissimi. Media acies, in qua Rex erat, ex 20. peditum, & 2. equitum millibus constabat, eorum vestes erant coloris rubri, marginibus coloris crocei distinctæ. Trahebant post se centum tormenta bellica majora, præter minora. Super currus convehebant centum molas, quarum unaquæque ab uno equo rotabatur, faciebatque farinam: clibanos quoque in curribus habebant, qui progrediendo panem coquebant, curruum multitudo tan-



ta erat, ut castra iis cingerentur tanquam vallo. Ad trahendum cur-  
 rus & tormenta, vehendumq; impeditamenta, transmiserunt in con-  
 tinentem plus quam 25 equorum millia: præter omne genus comme-  
 atuum, aderant 15 bouum millia, & pecorum aliorum ad edulia faci-  
 entium numerus infinitus. Quanta fuerit copia scalarum, pontium,  
 glandium, pulveris pyrii, munitio-  
 num, lignorum, aliarumq; rerum  
 ad expeditiones militares pertinentium, non possum enumerare.  
 Demonstratis viribus Angliæ, videndum quibus nervis reddituum  
 & pecuniarum eæ insistant. Præmittendum est, Regimen regi-  
 um Angliæ (in qua authoritas Parlamentorum multum potuit) nunc  
 ad regimen despoticum reductum esse. Maxima enim negociorum  
 pars, quæ antea ad Parlamenta spectabant, (in quibus unusquisque,  
 quod sibi videbatur eloqui, suasque rationes adducere poterat) de-  
 ciditur nunc in Regis confessu privato. Parlamenta autem quæ  
 ad moderandum & tanquam regula Regum appetitus coercendum,  
 instituta sunt, convocantur nunc, ut authoritatem concilient, colo-  
 remque inducant Regum voluntati. In Francia pejus cessit res; cum  
 enim in Anglia, saltem forma & usus Parlamentorum remanserit, in  
 Francia Rex Ludovicus XI. pro crimine læsæ majestatis habuit,  
 mentionem facere convocationis Statuum (ita vocant Dietas regni  
 Francici, quæ in Anglia Parlamenta dicuntur) inquit: Ego ex pe-  
 dissequis & pupillo excessi. Reditus ordinarii regni Anglicani, an-  
 tequam Henricus VIII, bona ecclesiastica occupasset, accedebant  
 ad quingenta aureorum millia. Percipiuntur hi reditus, ex tutela  
 pupillorum ad 21 ætatis annum usque: ii enim omnes, quorum bo-  
 norum aliqua pars quantumvis exigua, coronæ regni aliquo modo  
 obnoxia est, sunt durante pupillari ætate sub tutela Regis, qui eiste-  
 nue sustentaculum impertitur, servatque sibi residuos reditus, do-  
 nec pupilli 21 ætatis annum attigerint, quem ingressi, Regi certi a-  
 liquid persolvunt. Obligantur præterea ad tributum, quod Regi  
 pro nuptiis pendunt, qui se patronum matrimoniorum dicit. Per-  
 cipit præterea Rex, plus quam 80 aureorum millia, ex Ducatibus  
 Lancastriæ & Cornubiæ, qui coronæ conjuncti sunt. Præter hæc alia  
 centum Aureorum millia ex vectigalibus recipit. Mirari nemo de-  
 bet, quod ea summa adeo exigua sit, ratio est, quod paucae civitates  
 vectigalia pendant, & civitas Londinensis (quæ veluti centrum com-  
 merciorum regni est) ab oneribus libera facta sit Anno 1089 ob-  
 pecu-



pecuniarum auxilium, Regi Ricardo I. cum in expeditionem terræ Sanctæ proficisceretur subministratum. Dictis redditibus, alios adiunxit Rex Henricus IIX: conceidit enim redditus Episcopatum, adscripsit fisco Abbatis, & Commendas Equitum Rhodiorum, aliorumq; ordinum militarium: suppressit Curas (ut vocant) opulentiores, vendicavitq; sibi Annatas & decimas omnium beneficiorum. Pro his rebus ordinavit curiam augmentationum & decimarum, qui redditus omnes important plus quam octingenta aureorum millia. Redditi itaq; ordinarii accedunt ad summā unius Myriadis, & trecenta & amplius aureorum millia. Sunt præterea subsidia extraordinaria, quæ duorum generum sunt. Aliquando enim toti regno imperantur, tunc convocantur Parlamenta, in iis quid opus sit determinatur, & modus ordoq; qui sequendus est. Ordinarie duorum mensium spacio, aut paulo amplius colligitur, quod determinatum est. Aliquando petit Rex à particularibus subsidium, quod ipsi benevolentiam vocant, ea in re conatur unusquisq; suum obsequium Principi probare. Nostris temporibus inventa est alia via conflandi pecunias. Nempe ex quinta parte, aut simili quæ coronæ penditur ab iis, qui licentiam habent prædas faciendi, in oris maritimis Hispaniæ & Novi Orbis. Soliti sunt idem facere, facitque id adhuc Prorex Algeriæ, qui piratas recipit cum pacto, ut partem mancipiorum, prædarum spoliisque ei dent. Sed raro accidit, ut male parta, non male dilabantur: eos namque qui prædatum excurrunt, sæpe manet damnum; vendunt enim patrimonia, ut arment naves, sed lucrum incertum est. Hispani enim qui initio ex improviso obruti fuerunt, fortificant quotidie accessu, securasque reddunt suas classes. Hæc de viribus & redditibus Angliæ dixisse sufficiant. Addam hoc tantum, quod in Anglia nobiles loca munita non possideant, nec ædificia fossis aut vallo clausa, nec aliquā jurisdictionem in populum habeant. Dignitates Ducum, Marchionū aliarque, nihil aliud quam puri tituli sunt, quos Rex eis confert, nec tamen ii, qui titulis gaudent, aliquid in locis unde titulum sumunt, possident, sed se aliqua pensione ex ære regio sustentant. E contrario gaudent nobiles in Frænciæ, mero & mixto imperio, cum titulis Dominorum, Baronum, Comitum, Marchionum, Ducum, Principū: possident magnas & bonas civitates, non tantum pagos, clientes quoque habent, qui ipsis homagium & fidem præstant, sed Regem & Parlamenta in superiorem agnoscunt.



## CAPUT III.

## DE

## REGNO DANIAE.

Quamvis nulla Sveciae mentio facienda videatur, quod quasi extranostrium Orbem sit (quibuscum nobis nihil commercii est) tamen propter ejus amplitudinem, inter alia regna, de quibus in his Relationibus agitur, poni meretur. Continetur illa Europae parte, quam aliqui Scandiam, alii Scandinaviam, alii Balthiam dixerunt, unde olim Gothi Vandalique Imperii Romani conculcatores egressi. Duabus coronis subdita est, Dania nempe & Svecia. Dania Rex praeter Cimbricam Chersonesum, ubi Holsatia, Theuromarsia, Ducatus Slesvicensis & Flensburgensis, Friesa, & Iuthia regiones herbosae, ideoque pecoribus & feris abundantes sunt, possidet praeterea alias amplas insulas, sed praecipuae sunt eae, quae ad ostium Maris Balthici jacent, quarum ibi quindecim numerantur & comprehenduntur sub Daniae nomine. Earum praecipua est Selandunia, quae in longitudinem ad 60 milliaria extenditur, latitudo est paulo minor: praestat nobilitate, propter pagorum frequentiam, aeris clementiam, & Regis in ea habitationem. Is quoque Dominus est Gothlandiae, quae est regione Gothiae sita est, ejus cognatorum unus obtinet dominium Osiliae insulae mediocris, in magno Sinu Livoniae, & in fertiles regiones in ipso continenti Livoniae. Regi Daniae paret Scania, quae est regione Cimbrica Chersonesus est, extenditurque ab oppido Nihus Timalen usque. Ejus est magnum regnum Norvegiae, quod se a confiniis Scaniae, Septentrionem versus, ad arcem VVardhus extendit, cui adjacent Lappones, amplius quam per mille & 300 milliaria: Regis Daniae sunt quoque insulae adjacentes inter quas, cum amplitudine, tum ubertate primas tenet Sania Scetlandica & Fariae insulae, quae in alto mari sunt. Norvegiae populi fuere olim valde potentes, affligerunt diu Angliam, divexarunt Franciam, obtinueruntque in ea dominium provinciae, quae adhuc Normannia dicitur; in Italia paraverunt sibi regna Siciliae & Apuliae: bello sacro autem obtinuit Boemundus Normannorum Princeps, Antiochiae Principatum. In Oceano Septentrionali, obtinet Rex Daniae dominium dictarum Scetlandicarum & Fariae, praeterea Freslandiae, & orae



& ora maritimæ Islandiæ & Grunolandia. Orcades insulæ, quamvis Regi Scotiæ obediant, Reges Norvvegiæ pro dominis agnoverunt. Regnum Norvvegiæ cum electioni obnoxium factum esset, discordiis aliisque turbis exagitatum, pervenit ad Regem Dania, qui ut de eo securus sit, tractat dure incolas, spoliaturq; eos facultatibus, nec miseris hominibus spes est melioris fortunæ, quod Rex omnes aditus & portus maris habeat. Divitiæ Regis Dania consistunt in copia pecudum & piscium maris, quorum tanta copia est, ut ex hac cum captura ingens pecuniæ vis conficiatur. Tanta piscium omnis generis copia hic est, ut vix fretum navigari possit: circa id pascua aliaque loca pecori grata sunt. Scania frumento & pascuis dives est & incolis frequens. Norvvegia nullas alicujus momenti divitias habet, præter lignorum fabricandis domibus & navigiis aptorum, (quæ in Hollandiam & Flandriam evehuntur) pecudum, casei & lactis magnam copiam. Percipit quoque emolumentum ex pisce frigore indurato, quem Germani *Stockfisch* vocant: capitur mense Ianuario exponiturque vento, donec tanquam lignum induretur. Deinde in diversas regiones pro annona defertur. Id ergo, ex quo Rex Dania plus pecuniarum percipit, est fretum sive Porthmus inter Cronenburgum & Etlzenburgum vulgo *der Sundt*. Est is transitus tam angustus, ut nullum navigium, nisi cum excubitorum, quos Rex ibi habet venia præternavigare possit; necesse enim est, ut naves ibi magnum vectigal & portorium pendant. Ad magnam pecuniæ summam id vectigal accedere colligi potest ex multitudine navium Hollandiæ, Zelandiæ, Franciæ, Angliæ, Scotiæ, Norvvegiæ & Maris Balthici, quæ id mare sulcant, & angustas Porthmi fauces intrare coguntur. Populi hujus regni, vini Rhenensis, Francici, Hispanici, sacchari & specierum aromaticarum (quæ ex Portugallia deferuntur) & fructuum Andalusæ tam sunt indigi, quam illi cupidi ceræ, mellis, pellium frumentique, quæ ex Prussia, Livonia, Moscovia regionibusque vicinis petuntur. Quid Princeps terræ possit, nondum videri potuit, quod alicujus momenti expeditionem non susceperit, nisi adversus Theutomarfos, quos Rex Valdemarus sibi obedire coegit, sed rebelles facti, post varias res (quæ ab Anno 1500 acciderunt) anno 58 subjugati sunt à Rege Dania Friderico II. Ante id tempus, Ioannem, Regis Christiani filium prælio superaverant. Quid Rex Dania mari possit, æstimari potest ex classibus, quas aliquot



quot vicibus coegit. Christiernus II. rogatu Regis Franciæ Henrici II. misit in Scotiam contra Anglos, classem centum navium, in quibus decem millia militum erant. Cum tantum oræ maritimæ, totque portus in Dania, Scania, Norvvegia, totque insulas extra mare Balthicum possideat, verissimile est, ipsum magnum navium numerum colligere posse, si tamen pecuniæ non desint. quibus ipsum non abundare existimo, cum quod suis in regnis nullæ magni precii res nascantur (exceptis maris piscibus) tum quod in iis nulla civitas mercimonio celebris sit, quæ commercia ad se trahere conservareque possit; nihil ergo superest quam vectigal freti, fructus aliquarum minararum in Scania, equi, pecudes Cimbricæ Chersonesus, ligna, piscesque Norvvegiæ & insularum: observatum est, ex illis regionibus in Germaniam quinquaginta boum millia acta fuisse, qui vectigal Gottorpii pendunt. Aliquid etiam emolumenti percipit Daniæ Rex ex VVardhusia; nam Angli paucis ab hinc annis, inceperunt navigare inter Norvvegiam & Grunolandiam, alii ad Colmigras, alii Chilcheme, quod San. Nicolao vicinum est: cum Russis ibi commercia exercent, reportantque inde sebum, ceram, mel, linum: eo quoque navigant Bergenses, Scoti, Franci. In maris Sinus fere medio, est insula & oppidum VVardhus, quod Rex Daniæ Fridericus II. egregie muniri curavit; mercatores hic pendunt vectigal suarum mercium.

## CAPVT IV.

## DE

## REGNO SVECIAE.

**R**ex Sveciæ dominatur in Scandia, quæ Dania amplior est: nam à finibus Scandiæ ad Lappiam usque, computatur iter 45. dierum. Ora autem Sinus Boddici plus minus 400 milliaria longa est, æstimaturque hæc terrarum pars, Italia & Francia major. Possidet hic Rex, in Livonia Revaliam, Narvam, Parnoviam, aliaque magnæ æstimationis loca: insulam Olandiam & Alandes, quæ vix sunt dignæ relatu, aliasque multas, sed parvæ considerationis in mari Sveciæ & Finlandiæ sitas. Dividuntur hæ regiones, relinquendo Livoniam, in tria regna Gothiæ, Sveciæ, Vandalia, quæ in  
unde-



undecim Provincias, & duodecim Comitatus partita sunt, inter quos non comprehenduntur Lappi, quod hi populi (qui Provinciam Svecia majorem, sed pauperem miseramque inhabitant, & per sylvas vallesque vagantur) sub alicujus certo dominio esse dici non possunt: qui autem aliquo modo certas, fixasque sedes, aut domus habent, ut plurimum coronæ Sveciæ obediunt, penduntque pelles nobiles pro tributo. Trium regnorum, quæ diximus, Gothia contermina est Scaniæ, dividiturque in Orientalem & Occidentalem, terminanturque ambæ V Vener lacu, in cujus medio est insula, in quam, propter ejus amœnitatem, se confert & manet sæpe Rex: lacum 24 fluvii influunt, ei unus tantum exitus est, cum incolæ, eorum lingua, propter excessivum strepitum vocant cespitionem diaboli. Gothiæ nomen, regionem divinam significat, id ei, propter annonæ copiam optime quadrat, nulla enim alia regio carne, piscibus, frumento abundantior est. Hic sunt Kalmar ad mare, Viburg, Suderkope, Norkope, Tilge, Ianocopia, Vasten, Birka, Linkope, Lodhus, Schennada, Malmoge, Verdenburg, Varne, Scara, Ledekopia, Timalen. Sequitur Svecia, quæ Norvvegia & Gothia simul major est. In Svecia est civitas Upsalia Metropolis, & Stocholmia, in qua residet Rex, Strinpa, Ennecopia, Orogrundia, Arboia, Arosia. Sequitur Finlandia, sita inter Sinum Boddicum, & Finnicum, ubi Abo Metropolis est. Rangina, & Ange ambæ mercimoniis celebres, Vames, Viburg & Castelholm in Alandis insulis. Extra civitates habitant rustici, (qui hic commodè vivunt) inter sylvas, in vallibus aliisque in locis, ubi à vento Septentrionali tuti sunt, & ædificandi commoditas lignorumque copia invitat: habent suis in domibus greges pecudum, instrumentaque conficiendo quidquid ad victum amicumque necessarium est, apta: inde accidit ut civitates iis in regionibus nec frequentes nec magnæ sint, sicut in Germania & in Anglia. Numerantur ultra civitates & oppida, paræciæ 1433 in quarum aliquibus sunt mille rustici, vel, ut ipsi loquuntur, millæ familiæ aut foci, paucaeque earum paræciarum sunt, in quibus non ad minimum centum familiæ sint: hinc de populi numero judicium fieri potest, maxime si fecunditas populi consideretur. Mulieres enim Finlandiæ propter qualitatem cerevisiæ (ut aliqui putant) eximie fecundæ æstimantur. Diu hic vivunt homines, maxime in locis Septentrioni expositis, nec mirum ipsis videtur, quod aliqui centesimum supra quadrage-



dragesimum aut trigesimum attingant. Ea longævitæ multum facit ad propagationem, ubi enim minus diu vivitur, ibi & generandi virtus citius deficit: hanc ob causam, Deus Dominus noster, ut in mundi initio, propagationem humani generis faciliorem redderet, dabat hominibus septingentos & amplius vitæ annos: itaque generatio quæ nunc propter vitæ nostræ brevitatem, intra quadraginta annorum spacium cessat, extendebatur tunc ad plura centenaria annorum quam nunc ad decennaria. Hujus regni opes consistunt in copia annonæ, qua summè abundat, id & Gothiæ nomen quod regionem divinam (ut diximus) & Finlandiæ, quod regionem bonam significat, sicut & nomen Finmarchiæ, indicat. Victus eorum, sunt carnes, pisces recentes sale conditi & fumo siccati, frumenta, cerevisia: ea hic tanta copia sunt, ut vix mendicus inter ipsos reperiatur, & hospites fere gratis hospitio excipiantur. Ex minæris Sveciæ eruuntur thesauri. Minærarum enim plumbi, æris, argenti, & aliquantulum auri adeo dives est, ut nulla Europæ regio illam superare æstimeretur. Minæræ undiquaq, inveniuntur, quamvis rustici, quantum in ipsis est, eas occultent regantque, quod teneantur ligna ad eas vehere, operasque præstare. Argentum purissimum effoditur in Comitatu Vestros, nisi incolæ industriæ exterorum adeo inviderent, ipsi majores divitias consequi possent; non enim parcere ligno, nec fumos minærarum ad colores parandos colligere norunt: nec ipsis gratum est, quod venæ minærarum detegantur. Quod exteris averfantur, non ex odio, quo eos prosequantur oritur, sed à suspitione, ne ab iis ludificentur, aut male habeantur; sunt enim ipsi moribus simplices sincerique: ambitione non flagrant, nec stimulantur ab avaritia. Regis redditus consistunt in quatuor rebus, in fructibus beneficiorum ecclesiasticorum, in minæris, in tributis, in vectigalibus. Fructus beneficiorum accedunt ad bonam pecuniæ summam. In his regnis erant ultra septem Ecclesiæ cathedrales, sexaginta monasteria, partim virorum, partim mulierum, quæ amplissimis redditibus dotata erant, sed ministri hæreseos, qui loco paupertatis in Evangelio prædicatæ, ad suam sectam protrahunt Principes, eis monstrando bona redditusque Ecclesiasticos, induxerunt primo Gustavum, deinde ejus filium Ericum, ut altaria ornatu Ecclesias maxima reddituum parte spoliarent. Minærarum aliquæ effodiuntur expensis Regis, aliquæ privatarum personarum, illarum quid-



quid effoditur, habet: harum consequitur partem decimam. Trium  
æris fodinarum decima pars, quæ Regis est, accedit ad summam tri-  
ginta millium thalerorum quotannis, inde iudicium de argento &  
plumbo fieri potest. Sed plus quam omnia alia reddunt tributa;  
percipit enim decimas siliginis, frumenti, hordei, piscium, boum,  
pellium, rerumque similium: aliquando ex decima boum, eorum  
18 millia habuit, iis alit aulam, officarios, classem exercitumque;  
suppeditat enim victum militibus, cum bellum est, geritque id mi-  
nima impensa, tam offendendo, quam defendendo, cum Dano &  
Mosco. Consequitur enim à populo sine magna difficultate, magnas  
contributiones commeatus. Populus filias Regis maritis collocat,  
datque in dotem centum thalerorum millia, ultra vasa argentea, a-  
liaque. A rusticis aliisque, qui tributum annonarium non pen-  
dunt, solet Rex, secundum facultates bonorum, quotannis quinque  
aut plures thaleros viritim exigere. Portoria penduntur in Portu-  
bus, eorum præcipui sunt Calmaria, Lodhusi, Stocholmia (ubi a-  
liquando 300 & plures naves onerariae visuntur) Rangina, Abo,  
Ange, Revalia, Parnovia, Narva. Aestimatur Regem quotannis ad  
sexcenta aut septingenta Dalerorum millia in thesauros recondere,  
ultra expensas quas facit in arces Revalia & Viburgi, quæ accedunt  
ad centum thalerorum millia quotannis. Numerantur in Svecia &  
Gothia circiter 32 turmae, quarum unaquæq; est quingentorum aut  
sexcentorum militum, sclopetos humeris gestantium; ii quo occa-  
sio vocat, eunt, raro hastis aut lanceis utuntur, propter sylvarum fre-  
quentiam. Equitatus etiam sclopetis meret. Peditatus optimus  
censetur, quod unusquisque miles, ea quibus opus habet conficit ad  
capsulam sclopeti usque, quod indicat ipsos facile contentos esse.  
Vulgus in Peruvia & regionibus vicinis, quod parvo contenti sunt,  
faciebat, facitque adhuc, quidquid domui, suisque personis opus  
est: unusquisque fabricare, texere, vestes consuere, seminare, mes-  
sem colligere, omniaque necessaria instrumenta conficere novit. Ad  
res quæ non adeo communes, nec necessariae sunt, sicut ad pingen-  
dum, aurum argentumque elaborandum & similia, reperiuntur inter  
indigenas proprii artifices, nulla re præterquam materia opus ha-  
bent. Equitatus Svecicus in 13. turmas dividitur: Svecia & Gothia  
earum undecim, Finlandia duas suppeditat, necessitate autem ur-  
gente, possent multo plures colligi; solus enim Ducatus Ver melan-  
dia



dia, potest (sicut aliqui dicunt) plus quam decem virorum millibus equos subministrare. In Marchia est tanta equorum copia, ut fera nihilo veniuntur: ambæ hæ Provincie, sunt in Gothia. Ipsarum equi cedunt Frisis magnitudine, sed maxime strenui, fortes, robustique sunt, labori assueti, facileque pascuntur. Nolo silentio præterire, duas res præclaras, quas Rex Sveciæ in militum commodum facit: una est, quod si miles ab hoste capiatur, redimit eum Rex; altera, quod si militis equus occidatur, Rex ei alium confert. Rex dat quotannis, Capitaneis, & iis, qui equis merent, in solutionem partis stipendii vestem: olim apud Romanos id in usu erat, qui militibus sagas dabant. Quod ad res maritimas attinet, regna hæc, propter oræ maritimæ longitudinem & portus, abundant nautis navigiisque, quibus Rex uti potest, sicut alii Principes in suis Dominiis. Habet ordinarie 50 naves bellicas, quarum unaquæque 40 tormentis, pluribus aut paucioribus instructa est. Rex Gustavus instituit etiam triremium usum. In bello quod Rex Ioannes cum Rege Daniæ gessit, antequam pax (quæ Stetini tractabatur) confecta esset, habuit 70 navigia magna, ultra alia minora, in quibus erant duo de viginti hominum millia. Aestate mari, hyeme terra belligerant: tunc glacie concreti sunt lacus; mare quoque per magnam longitudinem, secundum littus congelatur. Cum autem de tormentis aliquid dixerim, hoc adjungam: æstimatur Regem Sveciæ habere, circiter octo tormentorum bellicorum millia, quorum maxima pars ex ære conflata est, ipsumque multo plura conficere posse, si major flammæ copia suppeteret. In sola arce Stocholmensi numerantur 400 tormenta bellica. Ad Occasum conterminus est Rex Sveciæ, Dano, Mosco ad Ortum cum quibus ei longa bella fuere. A Danis multum damni passi sunt Sveci; obsedit enim Rex Christiernus II Stocholmiam, coegitque eam ad deditionem: exercuit in incolas inauditam crudelitatem, implevitque civitatem sanguine & cadaveribus. Odiorum causæ sunt jus, quod Danus in Sveciam sibi competere putat: oportunitatem eam, ad libitum divexandi ei tribuunt situs regionis, portusque, præcipue Gothlandia quæ Gothiæ membrum est: ideoque contendunt Sveci eam sui juris esse, actionemque in eam habent. Postquam Gustavus regnum recuperavit, ipse ejusque filii Ericus & Ioannes successive id rexerunt. Quamvis autem satis multum sanguinis in bellis inter Gustavum & Danum effu-



effusum sit, regno Sveciæ tamen suus honos mansit, civitasq; Lube-  
censis (eo in mari potentissima) dum se modo huic, modo illi jun-  
git, ita temperat æquatque suo pondere, illorum duorum Regum  
vires, ut alterum illorum excrecere non sinat, ob periculum quod eo  
casu sibi impendere videt. Svecus cum Mosco belligerando primas  
habet, quod Finlandia (quæ Russiæ contermina est) ob lacuum &  
paludum frequentiam, aditus difficiles, periculoque plenos habet,  
acciditque plus quam semel, ut hostium exercitus, in illis glacie  
concretis aquis, submersi sint perierintque. Svecus habet maximam  
suarum classium partem hyeme eo in mari, in quo (sicut ante dictum  
est) tunc bellum geritur, sicut mari æstivo tempore. Habet arcem  
Viburgum, quam optime instructam, & in finibus Magni Ducis  
Moscorum Narvam, Revaliam aliaque loca & arces, quibus tanquam  
frenis ipsum constringit. Ut dicam quod verum est: illæ munitio-  
nes utilissimæ habendæ sunt, quæ in hostium solo jacent, faciunt e-  
nim duos effectus, defendunt quod tuum est, & infestant hostium di-  
tiones; suum tanto melius defendunt, quanto ab eo longius distant,  
dum enim hostis se circum ea torquet, sunt tua tranquilla, potesque  
extra strepitum, damnumque tuorum populorum redituumque, ea  
procurare, quæ ad liberanda ea conservandaque pertinent: hostem  
tanto majori cum damno vexant, quanto ei viciniores sunt: hujus  
generis erat Caletum, dum in potestate Anglorum esset. Talia quo-  
que sunt loca, quæ Lusitani & Castellani habent in Africa. Sed ca-  
stra in tua ditione exstructa, non alii serviunt, quam quod tua de-  
fendant, sed cum magno tuo incommodo; quotiescunq; enim inva-  
duntur, necesse est tuos populos damna gravissima pati, tuum re-  
gnum exagitari turbis, strepituque involvi, ejusque partem hosti  
prædæ cedere. Sed ut ad Regem Sveciæ revertar, tantum is in defen-  
dendis suis ditionibus Mosco potior est, quantum vires maritimæ  
terrestribus conjunctæ prævalent adversus Principem  
terrestribus tantum viribus in-  
structum.



## CAPVT V.

DE

## REGNO POLONIAE.

**P**oloniae regnum nunquam tam amplum fuit quam nunc est, quod Magnus Ducatus Lithvaniae & Livonia ei adjuncta sint. Extendit se à flumine Notes & Obra, (quæ id à Marchia dividunt) & fluvio Odera (qui ipsum à Silesia distinguit) ad Beresaiam & Boristhenem usque, qui ipsum à Moscovia separant, à mari Balthico, ad flumen Niester, quod id à Moldavia distinguit & ad montes Carpathios, qui ipsum ab Hungaria separant usque. Occupat itaque à finibus Silesiae, ad terminos Moscoviae usque, inter Occasum & Ortum 120 Milliaria Germanica: nec minus ab ultima Livoniae parte, ad fines Hungariae usque. Cum itaque talis sit ejus forma, ut cum rotunditate participet, multo capacius est, quam quisquam credere posset. Multas amplasque Provincias continet, nempe: Poloniam majorem & minorem, Mazoviam, Prusiam, Rusiam, Volhiniam, Livoniam, Lithuaniam. Inter eas Provincias, Polonia, à Polonis inhabitata inventa fuit. Prussia, cum parte Pomeraniae Podolia, Volhinia, Mazovia, Livonia armis acquisitæ sunt. Lithvania, cujus erat Samotgithia, & Rusiae pars, patrimoniales familiae Iagellonicae fuerunt. Anno enim 1380 Iagello tunc dux Lithvaniae duxit in uxorem Hedvigim Principem, quæ familiae Regalis Poloniae ultima erat, factusque fuit Rex tribus conditionibus: una fuit, ut Christianus fieret, altera, ut suos ad idem faciendum induceret, tertia ut suam ditionem Poloniae uniret: ea conditio nostris temporibus (cum familia Iagellonica defecisset) adimpleta fuit. Cum enim Reges, se ditione hæreditaria, cujus merum habebant imperium, privare nollent, eamque electioni submittere, distulerunt semper adimplentionem conventionis, allegantes Proceres & populum Lithvaniae id non passuros, ne illa admistione amitterent gradum & dignitatem. Tandem tamen Lithvani cum ab una parte viderent deficere stirpem suorum Principum (quæ quod ad masculos attinet, defecit in Rege Sigismundo Augusto) & ab altera parte sibi metuentes à potentia Moscorum, consentierunt ut unirentur. Livonia fuit quondam equitum Teutonicorum, qui in ea suum præfectum specialem



lem, qui Magnus Magister dicebatur, habebant: sed cum Anno 1558 à Magno Moscorum Duce maxima ditionis parte spoliati essent, confugerunt ad Sigismundum Regem Poloniae, qui eos in suam tutelam suscepit, sed Livonia ante liberata non fuit, quam cum Anno 1582 Rex Stephanus id fecit. Regni Poloniae pars maxima plana est; exceptis enim aliquibus montibus, qui in minori Polonia visuntur, & aliquibus potius collibus quam montibus, quibus à Prussia distinguitur, omne reliquum explicat se in latissimos campos. Verum quidem est, quod in eo regno satis multae sylvae sunt, praecipue in Lithuania, quae iis occupatur. Minor & major Polonia frequentius inhabitantur, quam ulla alia hujus regni Provincia. Idem dicendum fere est de Russia, Prussia & Livonia, quae propter oportunitatem maris, portuum, & fluminum ibi concurrentium aliis provinciis, civitatibus & fabricis ornatiores, commerciis quoque & concursu mercatorum ditiores sunt; cum enim ibi diu dominati sint equites Teutonici, aedificarunt civitates in morem Germanorum; arces quoque & loca praeciosa, quae se extendunt secundum littus maris, amplius quam per octingenta milliaria, habent multos & opportunos portus, dominanturque omni mercatura, inter Poloniam & mare Balthicum. Est ea res magnae consequentiae; fluvius enim Vistula, qui ortum habet in extremitate Silesiae, transfluit totam Poloniam minorem, & partem majoris, Mazoviam, & Prussiam, conditque se mari Balthico, infra Gedanum, quo conducit per plusquam quadringenta milliaria navigationis, (quo spacio recipit diversos alios fluvios) bonam partem siliginis, frugum, mellis & ceræ. Ab alia parte Duina flumen nobilissimus, (quod oritur ex lacu Ruthenigo auctum aquis, findensque mediam Livoniam) condit se mari sub Riga, ad quam urbem magnus concursus est. Sunt praeterea in Prussia & Livonia multi lacus, inter quos unus est, qui mare novum dicitur, quia antiquus non est, ad centum milliaria in longitudinem se extendens. In Livonia est lacus Peibas, plus quam 40 milliaria longus. Ex eo flumina, quae Pernoviam urbem ad mare, & Narvam alluunt, fluunt, faciuntque duos portus satis celebres. Inter dictas civitates sita est Revalia urbs, quae duabus supra dictis civitatibus non cedit. Samogithia aliis provinciis incultior est, retinetque plus barbariei: Podolia aliis magis deserta est, non terrae vitio, (copiosissima enim est omnium rerum, quas fert clima, cui



subjacet) sed culpa Tartarorum, qui eam suis excursionibus adeo infestant, ut præ ipsorum metu, aut fugiant incole, aut abducantur in captivitatem à Tartaris. Polonia opes consistunt in copia frumenti, frugumque omnis generis, quibus tanta copia abundat, ut anno elapso, qui fuit 1590 & anno præsentis, partim subvenerit necessitati Genuensium, Thuseiæ & Romæ (non solum gentium, quæ viciniore erant) ubi fame, non caritate extrema tantum laborabatur. Abundat quoque Polonia melle & cera infinita; cum enim omnes hæ Provincie Septentrionales Polonia, Lithuania, Russia, Muscovia, à natura vino donatæ non sint, ejus loco contulit illis mellis quantitatem incredibilem, ex quo hi populi conficiunt inter alia potionem delicatam & sanam. Apes mellificant partim in sylvis, ubi arbores aut carie, aut hominum industria excavatas reperiunt, aut in alveariis, quæ rustici in campis posuerunt, aut in terræ puteolis, omnique in loco, ubi vel minimam oportunitatem reperiunt. Abundat quoque Polonia lino & cannabe, gregibus & armentis, equis quoque bonis & multis, sylvestres equi quoque satis frequentes sunt. Inter sylvestria animalia est Bisons, magna Bestia, equi indomiti, boves colore nigri, qui extra sylvam, quæ in Nazovia est, non vivunt. Thesauri regni consistunt in salinis Bacanæ & Teliscie, quæ loca in territorio Cracoviensi sunt. Divitiæ Poloniae ut plurimum inter dominos & nobiles, satis bene divisæ sunt: nemo enim ex patrimonio adeo dives est, ut alios præter modum superet, nec maximi redditus excedunt 25 aureorum millia. Soli Duces Curlandiæ & Regii Montis excedunt mediocritatem; quamvis enim hi tanquam regni feudatarii Regem in superiorem agnoscant, non sunt tamen viva membra regni, non veniunt ad comitia regni, non habent suffragia in electione Regis, nec partem in regni gubernatione, nec pro dominis naturalibus habentur, sed pro extraneis, sicut vere sunt Dux Curlandiæ nempe ex familia Kettlerorum; Dux Regii Montis autem, ex familia Brandenburgica. Omnis Prussia fuit olim Equitum Teutonicorum, qui ibi habebant (sicut ante diximus) Magnum Magistrum specialem. Qui cum viribus Polonorum resistere non posset, submitit se tanquam feudatarius Regi Casimiro. Cum deinde Magnus Magister Albertus Brandenburgicus, Lutheranismum amplexus esset, factus est ex magno Magistro Dux Prusiæ, quæ tunc in duas partes fuit divisa: in regi-

am



am nempe, quæ immediate sub corona permansit, & ducalem, quæ  
tanquam feudum Alberto & ejus successoribus relicta est. In regia  
parte sunt Marieburgum, Toronia, Culma, Varmia, Gedanum: Du-  
calis partis (quæ reddit 120 aureorum millia annui redditus) caput est  
regius mons civitas, quam Germani appellant Königsberg/ubi Dux  
aulam habet. Poloniæ regimen potius reipublicæ, quam regni est,  
quod nobiles (qui magnam autoritatem in Comitibus regni obtinent)  
Regem eligunt, dantque illi autoritatem, quam volunt, ut tamen  
ipforum potestas major sit. De electione Regis non habent legem,  
nec statutum aliquod, non regulam certam aut formam scriptam  
nec traditam, Tantum hoc scitur, apud Archiepiscopum Gnesensem,  
Interregni tempore, supremam autoritatem esse: ipse denunciatur  
Dietas, præsidet in Senatu, proclamat novum Regem, sicut quod,  
cum Archiepiscopo Leopoldis, & suis Suffraganeis qui tredecim:  
Palatinis qui 28 Castellanis majoribus, qui 30. numero erant ante-  
quam Rex Stephanus instituisset novos Episcopos, Palatinos & Ca-  
stellanos in Livonia, quam ipse acquisiverat, pauci alii inter sunt  
Regis electioni. Habent ibi quoque quandam autoritatem Nuncii  
Terrestres (ita appellant quosdam quasi Agentes Circulorum no-  
bilitatis, qui in Provinciis habentur) Comitiorum tempore con-  
veniunt hi, in loco Senatu vicino, eligunt ibi duos Marescallos,  
per quos significant Senatu, quid desiderent, sed cum autoritate  
fere Tribunitia: crevit enim parvo abhinc tempore eorum autori-  
tas existimatioque in tantum, ut authores, & capita potius, quam  
ministri, & participes deliberationum publicarum regni sint, fuit-  
que unus, qui exemplo Clodii, renunciavit dignitati Senatoriæ, ut  
fieret Nuncius. Hi omnes simul, cum novus Rex eligendus est, re-  
stringunt magis magisque potentiam Regis, nec eam nimis excre-  
scere sinunt. Quamvis autem corona Poloniæ, à decreto nobilita-  
tis dependet, non tamen legitur ipsos unquam successores regios  
exclusisse, aut præteriisse, nec regnum in aliam familiam transulis-  
se, excepta una vice, cum Ladislaum deponentes (qui tamen post-  
ea fuit restitutus) elegerunt Venceslaum Bohemum. Filiarum Re-  
gum quoque semper ratio habita est, sicut olim Hedvigis, quæ Ia-  
gelloni ab ipsis collocata fuit, & nostra ætate Annæ, quæ Regi Ste-  
phano in uxorem data. Sigismundo III non parum profuit na-  
tum fuisse Catharina, Sigismundi Augusti, & Annæ sorore, ut coro-



nam Poloniae adipisceretur. Et si autem Regis autoritas ita ab electione dependeat: ejus autoritas tamen, cum electus est, in multis rebus absoluta est. Ipsius muneris est convocare dietas, assignare tempus, & locum ut ipsi placet. Eligit consiliarios laicos, nominatque Episcopos, qui deinde manent Consilarii. Est absolute patronus reddituum coronae, & domus eorum, qui ei immediate subsunt. In nobilium subditos ei nullum est jus. Est absolutus executor decretorum in Dietis factorum, est supremus Iudex nobilium in causis criminalibus. Habet in manu omnes modos remunerandi beneficioque afficiendi, quos ipsi placet. Ut finem faciam, tantum potest Rex, quantum ipse dexteritate & prudentia valet: propter rationes supra dictas vivunt nobiles in Polonia in magna libertate, faciuntque quod ipsis placet. Decreta Regis (sicut ipsimet dicunt) non durant plus quam tres dies: versantur cum Rege, non tantum tanquam cognati (quod faciunt Franci) sed ut fratres. Sicut Rex cum plenaria autoritate, eos qui immediate subsunt, regit; ita & nobiles disponunt independenter de suis vasallis, in quos ipsorum unicuique imperium plus quam regium est, habentque ipsos fere pro mancipiis. Stabiliendo suo Imperio, fecerunt Poloniae Reges, rem notatu admodum dignam; sicut enim Romani suas vires amplitudinemque auxerunt, communicando Ius Latii, & civitatis Romanæ, aliis civitatibus, immo integris Provinciis: ita & Reges Poloniae extenderunt, unierunt, firmaruntque suum Statum, participes faciendo privilegiorum nobilitati Polonicae priorum, Provincias armis aut alia via acquisitas, ipsarumque nobilitatem, Polonica nobilitati æqualem faciendo. Rex Ladislaus, hoc modo aggregavit immo univit Poloniae Russiam & Podoliam, Sigismundus Augustus Lithvaniam, Stephanus Livoniam; æqualitas enim in commoditatibus, & honore, reddit animos unitos in necessitatibus & periculis. Hujus regni vires, sicut & aliorum consistunt in comœatu, pecuniis, peditatu, equitatu, armis & munitionibus. De comœatu diximus supra: pecuniis quidem non admodum dives est; excipiendo enim portum Gedanensem non habet emporium alicujus estimationis. Merces autem, quæ ex portibus Prussiae & Livoniae evehuntur, non dicant regnum pecunia, imo vix pannis ex serico & lana, qui ex Flandria & Anglia: vino, saccharo, aromatibus, fructibus, quæ ex Hispania, & Lusitania advehuntur, sufficiunt.



unt. Eo usque ab alia parte quoque defertur vinum Malvaticum  
sive Creticum, cuius dolium 70 aureis venit. Cum denique regnum  
mercaturæ addictum non sit, nec civitates mercimoniis deditæ sint,  
nec populi industria polleant: nobilitas autem magnanima sit, pro-  
fusa in expendendo, quæque in victu & vestitu plus quam in redditu  
habet, consumat, cumque condimenta ciborum (aromatum  
Poloni plus absument quam ulla natio) vinum, panni è serico, &  
potissima pars laneorum ipsis ab extraneis adferantur, fieri non  
potest, ut regnum auro & argento dives sit. Opes enim uniuscujus-  
que regni consistunt in eo, ut multæ merces inde evehantur, paucae  
inferantur: ut exeuntia pecunias externas eo trahant, illata non ef-  
ferant. Ea in re consistunt opes regni Neapolitani & Ducatus Me-  
diolanensis: illud emittit maximam frugum, vini, olei, serici, cro-  
ci, aquorum, fructuum, & aliarum rerum quantitatem, quæ maxi-  
mam externarum pecuniarum vim eo pertrahunt: hæc suppeditat  
multis regionibus frumenta, oryzam, pannos, ferramenta & mer-  
ces omnis generis, recipitque parum rerum. Si regnum Neapoli-  
tanum & Regnum Siciliae, ita abundarent operis artificiose factis,  
sicut fructibus & bonis, quæ natura largitur, divites sunt, nulla alia  
regna eis possent comparari. Sed ut ad Poloniam revertamur ejus  
reditus non sunt adeo tennes sicut aliqui existimant. Reditus enim  
regni, qui ex minæris salis, & argenti percipiuntur accedunt ad sex-  
centa aureorum millia quotannis. Verum quidem est, Sigismun-  
dum Augustum reddituum partem oppignorasse; Rex quoque Hen-  
ricus, uno ante fugam mense, ut sibi unam nobilitatis partem obli-  
garet, ex redditibus plus quam pro trecentis aureorum millibus  
quoquo anno alienavit. Rex quoque potest, applicando coronæ bo-  
na caduca, quæ Reges privatis personis concedere solent, sibi ma-  
gnos redditus parare. Dictorum reddituum magnam partem potest  
Rex sibi servare parcereque sumptibus. Eos enim faciunt Lithua-  
ni, quando Rex cum aula in Lithvania dedit, idem quoque fit in  
maxima Poloniae parte. Hoc parvi non facit, is, qui perpendet Sco-  
tiæ, Navarræ, Sardinia regnorum redditus, non excedere centum  
aureorum millia quotannis nec regna Atagonia, quoquo triennio  
plus quam 100 millia aureorum pendere. Reditus Regis Angliæ,  
antequam usurpavit bona ecclesiasticorum, non excedebant sexcen-  
ta aureorum millia quotannis. Rex Polonia multo plus reddituum



haberet, si erga suos Palatinos & Castellanos tanta liberalitate non uteretur. Concedit enim eis ut plurimum duas partes tertias, & fere semper omnes redditus, quos in ipsorum gubernationibus habet. Sed in necessitatibus bellicis & arduis expeditionibus (facto decreto in Comitibus regni) gravat Rex populum magnis impositionibus, aut tributis, quæ ex territoriis percipiuntur, aut ex vectigali cerevisiæ, ascenduntque ea tributa ad talem pecuniarum summam, ut ea Rex Stephanus sustinuerit onera gravissimi triennalis belli, quod cum Magno Moscorum duce gessit. Sed illud maximum est, quod nobiles propriis expensis, pro defensione regni, Regi inservire obligati sunt. Serviunt hi equis, armis instructi partim sicut nostri cataphracti equites, partim aliquanto levioribus, partim sicut Tartari; dicuntur hi Cosacchi, horum ars est furari, de populari, omnia vastare pessundareque. Eunt in bella pompose ornati sagis & vestibus, quæ auro, argento, milleque variis coloribus discriminantur. Ornant se quoque pennis & alis aquilarum, exuviis leopardorum & urforum, vexillis labarisque multis variisque. Hæc aliaque ornamenta ipsos suis visendos hostibus terribiles faciunt suosque animos ad feritatem ferociamque incitare possunt. Ipsorum equi mediocres sunt, sed agiles, & Germanicis longe animosiores. Aestimatur Poloniam necessitate exigente centum, Lithvaniam 70 equitum millia colligere posse, sed tantum circiter centum equitum millia, educi posse existimant aliqui. Verum quidem est, quod equi Lithuanici Polonicis longe inferiores sunt. Fidunt Poloni tantum magno numero sui equitatus, ut non verentes ullius hostis vires parum de munitionibus extruendis solliciti sint, suumque exercitum in locis agrestis, adversus hostes, pro patria, liberis, libertate, omnibusque suis bonis, magno animo pugnaturum credunt. Hostibus se nunquam, etiam in quacunque fortuna, terga obvertere profitentur. Sigismundus Augustus tentavit, ut in Comitibus regni de liberaretur de munienda Cracovia, propter Cæsaris vicinitatem, sed Polonis id persuadere nunquam potuit, tum quod nolint Regibus medio præsidiorum commoditatem dare, invadendi merum Imperium & absolutam dominationem: tum quod dicunt, sua pectora defendendo regno sufficere. Pedestrem militiam non habent, quod omnis regni populus divisus sit in mercatores, & artifices (qui oppida incolunt) rusticos, & villicos, qui ruri in tali subiectione (sicut dictum est) degunt



degunt. Sunt itaque arma in manibus nobilium tantum, qui peditibus non militant. In necessitate peditibus Germanicis & Hungaricis usi sunt, habuitque Rex Stephanus, in expeditione Livonica, sub signis, plus minus 16 peditum Germanorum & Hungarorum milia. Ducendis tormentis bellicis, cuniculariorum & fossorum loco utuntur Tartaris & suis rusticis. Quod ad tormenta bellica, eorumque apparatus spectat, regnum iis satis instructum est: tum quod nobiles satis illorum in suis arcibus habeant; tum quod illorum indigentiam pati non possit, ob Germaniæ vicinitatem, quæ metallorum ferax est, habetque multos magistros fundendi tractandique tormenta, atque omne, quod ad usum armorum facit. Tanto quoque tormentis instructior est Rex Poloniæ, quanto minorem arcium numerum habet. Sunt tamen non parvæ considerationis arces Leopòlis, & Camnetòy in Russia, Arx Cracoviensis in minori Polonia, Polòscensis in finibus Moscoviæ, Mariemburgi & aliquorum oppidorum in Prussia, & in Livonia, quæ oppida non à Polonis, sed ab Equitibus Teutonicis (qui earum domini erant) munita sunt. Poloniæ vires, quas commemoravimus, sunt & numero & naturales, ut pauca Europæ regna eas æquent, non superent. Vna res eis deest, nempe agilitas: sed ad firmitatem cujuscunque status quatuor res requiruntur, nempe ut vires sibi propriæ, numerosæ, validæ, & agiles sint: Propriæ, quia ægre ei credi potest, quod alterius est: Numerosæ, ut in rebus adversis, & incommodis, semper aliquæ supersint: Validæ, quia numerus, absque fortitudine parum juvat, immo potius molestiam, quam auxilium adfert: Agiles ut facile colligi possint, impellicque quo exigit necessitas. Polonis deest dictarum quatuor qualitatum ultima, agilitas nempe, quæ à rebus duabus dependet; una est Principis autoritas; altera, prompta pecunia. Rex potestatem non habet in Polonia aliquid decernendi, bellum indicendi, onera ad conflandum pecuniam imponendi, absque consensu Comitiorum. Sed Comititia & consultationes, quibus multos interesse opus est, similes sunt machinis ex pluribus partibus multisque instrumentis constantibus, quæ progressum alicujus momenti, non nisi longo tempore faciunt. Sed in rebus bellicis sunt ii Principes expeditissimi, qui soli imperare possunt: qui pecunias in promptu habent; alioquin in indicendis disponendisque Comitibus, ut decreta propositioni respondeant, deinde



inde exequendo, colligendoque pecunias, tanti temporis iactura fit, ut ad expeditionem parum superfit, fugiatque occasio. Barones & nobiles Poloni tam magnos sumptus faciunt invisendo Comitibus hærentes degentesque in iis, ut ad bellum vires non superfint. Fieri posset ut ad defensionem status promptior expeditiorque resolutio inveniretur; quod imminens periculum omnibus pavorem incutiat; sed ad aliquid acquirendum credo ibi futuram magnam tarditatem; spes enim boni non adeo afficit, quam timor mali. Vidimus tamen Moscum abstulisse Sigismundo Augusto Statum Poloscensem & Smoloczensensem, nec hic tamen præsentit, aut vindicavit, sicut tanto Regi regnoque conveniebat. Idem Moscus absque obstaculo invasit Livoniam, quæ se sub umbra, & protectione Sigismundi Augusti contulerat. Tempore quoque Henrici Andegavenis Regis Poloniae, Ioannes Moldaviae Princeps (qui magno animo & clavis victoriis, per aliquod tempus bella adversus Turcas gessit) à Polonis præter pacta foederis, inter ipsum & Sigismundum Augustum, desertus fuit. Dicamus tamen vires Poloniae, per se numerosas independentes & validas, tantum agilitatis & promptitudinis habituras, quantum in Rege valoris, roboris & efficaciae erit. Ejus rei fidem fecit Stephanus Bathoreus, cujus tempore Polonia non solum conservavit sibi nomen & existimationem regni, quod se à viribus extraneis defendere queat; sed quod etiam magni momenti acquisitiones de potentibus hostibus facere valeat. Cum autem dixerimus de agilitate, quæ res viribus cujuscumque status necessaria est, non præter institutum erit, causas ipsius agilitatis adjungere. Præcipuæ sunt (sicut diximus) autoritas Principis, qui motum dat, & vis pecuniae, quæ ipsum conservat; vidimus enim potentissimos exercitus propter tarditatem torporemque capitis, tempus inutiliter trivisse & præclarissimas victorias, nullum fructum peperisse aut fecisse propter pecuniarum penuriam, sine qua moveri non potuerunt milites. Multum quoque ad rem facit militum qualitas; negari enim non potest, peditem Germanum & Bohemum ab agilitate laudari non posse, quæ laus absque dubio, Italo, Hispano & Franco debetur, non ob id solum, quod corpore melius constituti sint, sed quod plus est, quod in bello minori contenti sint, Quamvis enim vinum non habeant, non pavent: nec cadunt animis, si carnes desunt; & quo-



quomodocunque cedat, ferunt diutius inopiam & incommo-  
ditates. Levis equitatus magis agilis est, quam cataphracti, & tractatio  
sclopetorum, quam lancearum. Id considerantes Franci, ultimis  
bellis lancearum usum, in quibus ipsorum militaris gloria confi-  
tebat, reliquerunt, utunturque earum vice sclopetis, sicut equites  
Germani ense. Sed quo iudicio id fecerint excutiet alius. Hic non  
dico, equitem levioris armaturæ in rebus bellicis absolute cata-  
phracto esse meliorem, id dico, quod expeditior promptiorque sit.  
Mulum quoque facit genus equorum: Flandrici multum superant  
Friscos & Germanicos: nec minus præstant Hungarici Polonicis,  
Asturco Turcicus, Barbaricus prædictis sunt velociores, inter utro-  
que sunt equi Neapolitani, qui vernacule Corsieri appellantur;  
quamvis enim Asturconi velocitate pares non sunt, perdurant in  
labore, feruntque melius pondus armorum, nec tardi sunt. Ut quod  
verum est dicatur: experientia docet equitatum Germanicum pro-  
pter eorum tarditatem aptum non esse ad insequendum fugientes,  
nec ad effugiendum hostes. Si enim Valacchici, Hungarici, Polo-  
nici, Turcici, Mauri, Barbarici equites, Germanicos fuderint, non  
possunt effugere, si illi autem rupti sunt, non possunt equi Germa-  
nici illos consequi. Falcorum enim instar aggrediuntur hostes rur-  
susque avolant longissimè. In expeditionibus maritimis agilitate  
parum valent naves, destitutæ enim vento moveri non possunt neq;  
verti: aliquantulum, sed parum amplius faciunt magnæ aduariæ  
naves, sed velocitate præstant maxime triremes, quas Galeres vo-  
cant. Vidimus itaque classes Christianorum, quorum vires in na-  
vibus sitæ sunt, bonam ætatis partem, temporisque expeditioni  
commodi in progrediendo trivisse: Turcicas autem classes, cito  
institutum cursum effecisse. Nulla autem res Turcis in sua agilita-  
te plus commodi contra nos adfert, quam ipsorum parsimonia, &  
nostra ingluvies; vinum enim, similesque delitiæ sunt nostris exer-  
citibus tanto impedimento, quanto Turcis commeatus simul. Mi-  
rum itaque non est, quod ipsi in expeditiones eant, quam optime in-  
struati tormentis, globis, pulvere sulphureo, & omni commeatu: iis  
enim rebus currus terra, triremes mari onerant non vino, pullis,  
similibusque non necessariis rebus: eunt denique  
in bella, ut pugnent, non ut crapula in-  
dulgeant.



## CAPUT VI.

DE

## MAGNO DUCE MOSCORUM.

**M**agnus Dux Moscorum est dominus amplissimæ regionis, inter cujus fines comprehenduntur multæ ditiones. Septentriones versus pertingit ejus ditio ad Oceanum Septentrionalem, protenditurque à Sinu Graduico ad Obii fluvium: à Meridie continuatur ejus imperium secundum cursum fluvii Volgæ ad mare Caspium usque: ad Occasum attingit fines Livoniæ, habetque fere pro termino Boristhenem, sicut ab Ortu Volgam. Dicunt aliqui totum hoc imperium in longitudinem protendi ad tria milliarum millia, in latitudinem ad mille quingenta, quo spacio continentur 15 Ducatus, 16 provinciæ, & duo regna. Mosci quondam Tartaris subditi erant; nam Boido eorum Princeps Anno 1140. subjugavit totam Moscoviam, sed Ioannes I. Magnus Dux confusus discordiis Tartarorum, qui se mutuo vexabant, negavit eis tributum. Progressu temporis, cum à Tartaris Precopensibus superatus esset Ammetes, ultimus successor Boidi, qui mortuus est Vilnæ, adjungit Magnus Dux suæ ditioni Permiam, Veatiam & Iugriam, quæ Ammeti subditæ erant. Crescentibus itaque semper Magnorum Ducum viribus, cepit Basilius Cazan, & Ioannes II. Citrachan Provinciæ, quæ nomina regnorum habent. Ut dicatur quod verum est: Magni Duces valde dilatarunt suum imperium: ceperunt magnum ducatum Severiensem & Smolocensem, Bielschriensem, Prescoviensem, Novoguardiensem, Iaroslaviensem, Roscoviensem, partim à Polonis, partim ab aliis Principibus: occuparunt magnam Livoniæ partem, feceruntque se terribiles vicinis. Principes & primariæ civitates harum provinciarum sunt Mosqua, ubi Metropolita habitat: Roscovia & Novoguardia sedes Archiepiscoporum: Cortisa, Resania, Columna, Susdelia, Casanum, Vologda, Tuetia, Smolenczo, quæ Episcopatus sunt; deinde Plefcovia, Porcovia, Staricia, Sloboda, Iaroslavia, Volodomerica (unde Imperii sedes translata est, per Ioannem II. in civitatem Mosquam) Mosaiconum Nicolai, Sugana, Vstiud, Cargapolia. Princeps habitat in civitate Mosqua, quæ nomen sumit à Mosco flumine, quod 90 miliaria altius oritur. Fuit civitas



vitas Mosqua quondam major, quam nunc est, habebatque in circuitu novem milliaria, sed postquam Anno 1570 direpta, flammisque tradita fuit à Tartaris Precopensibus, non habet nunc in ambitu ultra quinque milliaria, stabulanturque in ea cum hominum 30 milibus, boves aliaque talia pecora, secundum relationem, quam Possevinus, non minus iudicio bonus, quam diligens scriptor fecit. Novoguardia cognomen magnæ habet, & tamen idem scriptor ei attribuit ultra 20 habitatorum millia, sicut & Smolenzō & Pleseovia: quod mihi difficile creditu videtur: si verum est, quod alii scribunt, scilicet, quod cum Pleseovia obsideretur à Stephano Rege Poloniae, in ea fuisse 50 peditum, & 7 equitum millia. Is numerus adeo magnus est, ut quamvis totus ex indigenis compositus non fuisset, requirit tamen frequentiam hominum supra dicta maiorem; ubi enim Princeps intrudit implicatque 157 pugnatorum millia, necesse est, ut ordinarius inhabitatorum numerus multo major sit. Volunt quidam hanc regionem præteritis temporibus frequentius inhabitatam fuisse, sed quod postea tribus de causis habitatoribus infrequentior facta sit. Prima fuit pestis, (res nova in Moscovia) quæ multa hominum millia abstulit: altera Principum crudelitas, qui multos, potissimum nobiles occiderunt: tertia excursiones, & depredationes Tartarorum Precopitarum & Nagajorum, qui nunquam quiescunt, nec vicinos quiete frui sinunt, non depredantur solum agros, sed & abducunt totos populos, quos postea vendunt Turcis aliisque gentibus. Ut uno verbo dicam Magnorum Ducum irruptiones in longinquas regiones magnam fecerunt vastitatem. Nulla in re melius perspicitur Principis prudentia, quam in bene dispiciendo, quæ expeditio suo statui sit futura damnosa aut utilis, & dum duci se non patitur vana specie amplitudinis arripiendæ, quæ non sit ei futura firma & stabilis, sed securitatem suam turbatura; is enim, qui ea spe ductus, ut statum suum amplificet, eum aut populo aut opibus enervat, mihi similis esse videtur illi, qui ut muros & tecta suæ domus altius tollat, conscindit fundamenta ædificii. Totius dignitatis caput est conservare, sed acquisitiones illæ, quæ fiunt diminuendo vires proprias, illi legi adversantur: cumque acquisitiones sint tanquam insitiones, conditionem imperii meliorem, non deteriore facere debent; sicut enim fiunt insitiones, aut ad nobilitandam, aut ad domesticam reddendam arborem sylvestrem; aut



ad plantam infrugiferam emendandam, & ut fertilis sit faciendum. ita & expeditiones Principum tales esse debent, ut commoda & beneficia referant, alias sunt inutiles labores, qui plus destruunt, quam ædificant, & plus perturbationis quam securitatis cedunt. Ejusmodi sunt ordinarie bella, quæ moventur ad acquirendum regiones longe disitas, quæque nihil contigui cum nostris habent: cum enim tam procul absunt, requirunt majora præsidia, quam nostræ facultates, ut eas conservemus, ferunt. Omnis itaque deliberatio expeditionum, tribus capitibus inniti debet: prima est causa æquitas: altera facilitas vincendi: tertia fructus victoria. Bella autem quæ suscipiuntur sine spe alicujus fructus, sunt meræ amentia. Magni Duces sæpe terminos sui imperii dilatarunt, sed potentiam non auxerunt. Nemo expeditiones longinquiores, majorumque expensarum fecit, quam Magnus Dux Ioannes. Cepit enim regna Cazam ad Volgam, & Astrachan ad mare Caspium: subjugavit bonam partem Livonia: in quibus expeditionibus periit magnus hominum numerus, in itineribus, in præliis, ad sultibus, ferro, morbo, fame, aliisque incommodis. Postquam ea acquisivit fuit opus ibi habere magna præsidia, deducendo eo totas colonias. Cum itaque homines essent longe à domibus, implicati aut in acquirendo alieno, aut in conservanda parte, manserunt domi uxores, quasi viduæ absque prole. Cum itaque homines in extremis regni finibus consumebantur, remansit regni meditullium tanquam cor ex angue, privatumque alimento, cumque ab Stephano Rege Polonia impeteretur, defuere ipsi domi vires ad resistendum, amisit itaque Polotiam aliaque magni momenti loca, quæ ei erepta fuere, ac necesse habuit tradere Polonis totam Livoniam. Ut ad nostrum institutum revertamur: Moscovia magna ex parte est occupata sylvis immensis & lacubus. Sylvæ sunt rami Herciniæ, quæ se per totum Septentrionem diffundit, sed plus forsitan in hac provincia, quam in alia. Hic arbores immensæ magnitudinis videntur, suntque propter earum spissitudinem solis radiis impenetrabiles; ex iis arboribus incredibilis resina & picis quantitas effluit: hic producitur copia mellis & ceræ inexhausta; apes enim absque curâ humana, faciunt alvearia in corticibus & cavitatibus arborum. Hic est copia omnis pecoris & ferarum: ut sunt, Martures, Zibellini, Lupi, ex quorum pellibus fit dives mercatura. Ex his sylvis excinditur fere omnis materia,  
tam



tam domibus quam munitionibus fabricandis apta: muri enim civitatum fiunt ex trabibus simul conjunctis in quadrante, implentque vacuum gleba, & terra. Faciunt quoque ex eisdem trabibus turres tantæ altitudinis & crassitudinis, ut omne tormentum bellicum quantumvis magnum ferant. Cito flammis corripuntur, sed non tam cito cedunt quassationi quæ fit tormentis bellicis. Disputant aliqui, quales munitiones meliores sint, num ex lapide, aut ex calce, aut ex terra: pro ultima sententia adducunt tales causas, quod citius fiant, & minori expensa, meliusque resistent quassationi, & quamvis facile destruuntur, reficiantur quoque brevi tempore, faciliusque mutatur (si casus & occasio necessitasque requirit) latus ex terra constructum, quam ex lapide. Sed his non obstantibus debent præferri munitiones, quæ muros ex lapide habent; cum enim quatuor modi offendendi munitionem sint, tormenta, cuniculi, ignis, excisio (quæ ligone & sarculo fit) murus ex lapide, forte minus resistendo, quam terra cedendo tormentis bellicis præstabit, sed adversus cuniculos, ignem, & excisionem, longe excellit murus ex lapide. Et ad jungendum muro, quod in munitionibus, ex ligno & terra constructis, boni est, eriguntur aggeres intrinseci. De aquis nihil opus est dicere. Moscovia enim est mater fluviorum & lacuum: Duinæ, Borysthenis, Volgæ, Desuæ, Onegæ, Mosæ, Voliscæ, & fama celeberrimi Tanais: Lacus Inæ, ad quem est Magna Novogardia: Voloppo multorumque aliorum. Aquarum abundantia reddit aërem magis frigidum, quam generationi animalium, & propagationi plantarum requiritur, etsi frigus calore salubrius esse æstimatur. Pecudes parvæ sunt, & segetes aliquando non perveniunt ad maturitatem, terra fere ab aquis absorpta, ut plurimum levis est, & arenosa ideoque & siccitas & pluvia immoderata, facile consumunt fruges. Hyems durat novem menses paulo plus aut minus, & tamen hic copia est frugum, hordei & pascuorum, & ex consequenti carni, tam ferinarum quam mansuetarum. Moscovia producit poma, nuces, corylos, aliorum fructuum vix habent notitiam Mosci, qui ex piscibus faciunt magnum lucrum, eorum siquidem maximam abundantiam habent. Indurant eos frigore & vento, sicut fit in Norvvegia, aliisque in locis Septentrionalibus, servantque eos pro bona annona, tam in præsidii munitionum, quam in domibus privatorum. Regio non est multum mercaturæ dedita.



quia indigenæ suapte natura non sunt admodum industrii. Nec possunt ibi esse multa mercimonia ubi non florent artes & artificia: tum quod Moscis non licet ditione sui Principis excedere. Ob has causas non habent ullum usum maris. Commutant tantum ea quæ regio fert, nempe pelles, resinam, ceram, cum panno, aliisque quæ Armeni perferunt in Astrachan ad mare Caspium, & Angli ad Fannum Nicolai ad Sinum Graduicum. Magnus Dux Moscorum regit suos populos magis despotice, quam ullus alius Princeps, quem novimus: disponit enim absolute de personis subditorum & ipsorum rebus: ideo dicebat Mahumetes Vesirus, quod Moscus & Turca, soli inter Principes essent domini suorum dominiorum, eaque de causa putabat, expeditionem Stephani Regis Polonorum, plenam difficultatibus fore. Vt in sua potentia & authoritate se Magnus Dux conservet, utitur artificio & industria incredibili: primo non licet cuiquam suorum vasallorum exire regni fines sub poena mortis: hac de causa nemo suorum subditorum navigat, nec cum legato externi Principis loqui potest, nec uti opera externi medici in suis morbis, nisi cum venia. Utitur apparatu inæstimabili in vestitu, addens ornatum Pontificium cum majestate Regis: fert capite mytram, margaritis & gemmis preciosissimis nitentem. Si eam capite non gerit, habet eam coram se in suo throno, mutatque eam ad ostentandam amplitudinem multis vicibus, in sinistra manu tenet Pastorale ditissimum, indutus veste, aut tunica longa, illi non absimili, quam Papa gerit ingrediens sacrarium, digitos annulis aureis refertos habet, Imago Christi ad dexteram, & sanctissimæ Matris Virginis super cathedram in qua sedet, est. Regia & proregia tamen est plena viris, vestibus auro depictis, usque ad talos indutis. In ceremoniis ad Religionem spectantibus utitur exquisita sagacitate solertiaque. Cum assidet mensæ, quoties mutantur patinæ aut vult bibere, multa signa Crucis edit. In jejuniis exhibet singularem venerationem, & in templo præ devotione fronte terram percutit, sicut & alii. Ne alius plus ipso scire possit, nullæ ibi scholæ præterquam in quibus docetur legere & scribere. Nihil legunt præter Evangelia, & aliquam historiam, aut descriptionem vitarum Sanctorum, aut homiliam Sancti Ioannis Chrysostomi aut alterius, haberetq; eum suspectum, qui demonstrationem faceret, se velle in litteris majorem progressum facere, nec impune ferret; id facit, ne



ne aliquis plus ipso, aut quantum ipse sapiat: indeque accidit ut Scribæ, nec ipsimet Antiscribæ ordinari non scribant nec respondeant legatis Principum externorum, nisi in quantum Magnus dux eis dicat. Cum negociantur nunquam Magnus dux nominatur, quin omnes assurgant in pedes, cum magna veneratione: idem etiam ad mensam fit, quando ipse ad bibendum invitat, aut participem facit suæ patinæ aliquem, fit id quoque in mille aliis similibus occasionibus. Docentur à pueris Moschi credere & loqui de ipsorum Principe, sicut de Deo, Deus solus (dicunt) & magnus dominus scit hoc: magnus noster dominus scit omnes res. Omne quidquid habemus, sanitatis & commodi, procedit à Magno Domino. Accidit inde, ut sui subditi, videntes tantam amplitudinem maiestatemque, in suo Principe, nec aliarum quam ejus rerum notitiam habentes, reverentur ipsum, obediuntque ei, non sicut subditi, sed tanquam mancipia, habentque eum pro Deo potius, quam pro Principe. Non habet sub se dominos titulis insignes sicut inter nos sunt Duces, & Barones, si ipse alicui pagum aut prædium concedit, non transit ad hæredes, nisi id ipse confirmet. Et si ipse aliis ea concesserit, villici tamen persolvunt ei portionem fructuum, debentque ei operas: id in causa est, ut unusquisque à nutu Magni ducis dependeat, & quanto aliquis ditior sit, tanto ei plus debeat. Ut obviet seditionibus, transfert integras familias, ex uno loco in alium, mittitque in præsidia, quos vult longe à domo tanquam in exilium. Ex his, quæ dicta sunt, fieri potest judicium de ejus divitiis opibusque. Cum itaque ipse adeo absolute omnium rerum dominus sit, utitur opera subditorum pro libitu, & tali parte ipsorum honorum, sicut ipsi placet. Arrogat sibi ex ferarum exuviis talem portionem ac vult, & ex piscibus omnis generis, quantum vult: pellicea vendit aut dat dono, prout liberipisces vento siccati servantur pro munitione. In foro nemo sua vendere potest, nisi Principis primum vendita sint. Minæras auri aut argenti nullas habet. Civitates mercimoniis celebriores, unde ipse maximam reddituum partem percipit, sunt Astrachan ad mare Caspium quo deferuntur merces Persiæ & Armeniæ: & Fanum Nicolai ad Sinum Gradicum, quo appellant naves Anglorum & Hollandorum onerata ære aliisque mercibus, quæ inde Vologdam ducuntur. Vbi sui legati domum sunt reversi, aufert eis Lautia, quæ à Principibus acceperunt, dando aliquid in illorum vicem, & aliquando nihil. Ut finem faciam sibi metit, capitque, quidquid in sua



ditione aut boni aut præciosi est. Putatur ipsum aliquem thesaurum habere, in arcibus Mosquæ, Iaroslavix & lacus Albi, quod verisimile est. Magnus enim Dux Ioannes spoliavit calicibus, reliquiis, crucibus, & argento totam fere Livoniam; nec concedit aurum & argentum sua ditione efferri, nisi in redemptionem bello captivorum, aliorumque, qui in captivitatem abducti sunt. Verum quidem est, quod amissione Livoniæ, quam Anno 1582 cedit Stephano Regi Poloniæ, privatus fuit ea regni parte, quæ erat ditissima, propter commercium maris Balthici, & meliori ditione quam habebat, in qua erant 34. arces. Munimentum regionis consistit, & in pluralitate paludum fluminumque, & in densitate nemorum. In usu habent Mosci, loca hostibus proxima depopulari, ut densæ sylvæ ibi crescât, quod & fit ob terræ humiditatem, suntque ex civitatibus, non secus ac sepes aut valla pro munitione. Multum laboris id Polonis attulit. Ut enim sibi itinera ad oppida hostium pararent, necesse eis fuit exscindere sylvas & magni temporis iacturam facere. Habet Magnus Dux munitiones, quæ partim ex lapidibus, partim ex lateribus, Italico more, constructæ sunt, sed absque lateribus & arte ædificatoria: tales sunt arces Mosquæ, Novoguardiæ, Plescoviæ, Porcoviæ, Stariciæ, Slobodæ, Alexandri; partim ex gleba viminibus contexta & probe calcata, qualis est Smolenczo. Sed ordinarie extruuntur muri locorum fortium ex magnis trabibus, inter quas constipant terram, relinquendo ad defensionem foramina pro Pyrobolariis. Talis ædificatio commoda est defensionem, contra tormenta bellica, sed non resistit igni. Subditi Magni Ducis inserviunt suo Principi, in bello, sicut ante de suo regimine agentes diximus, sed se potius timere pœnam (si se non strenue gesserint) quam promptitudinem alacritatemque monstrant: Capitaneis ad nutum sunt, patiunturque omnem incommoditatem, non curant frigus nec pluvias, patiunturque incredibiliter in ediam famemque, suntque parvo contenti. Æstimantur itaque aptiores defendendis castris, quam præliis campestribus: illic enim multum valet patientia & tolerantia, hic autem requiritur audacia animusque. Poloni sunt meliores conflictibus campestribus, quam propugnandis arcibus. Magnus Moscoviæ Dux Ioannes, experientia edoctus de suorum invelitationibus & præliis ignavia, & de Polonorum audacia animisque, dicebat suos opus habere calcaribus quibus impellerentur, Polonos



lonos freno quo retinerentur. Vires præcipuæ hujus Principis consistunt in equitatu, sed quem equorum numerum educere possit difficile dictum est. Nec tamen credo ipsum trecenta millia armis instruere posse (sicut aliqui dicunt) habet enim ditionem vastam, & pro majori parte incultam. A Cassano enim Astrachanum usque vix invenitur pagus, quamvis inter ea oppida aliquot dierum iter sit. Bello quod ei intulit Stephanus Rex Poloniæ (qui tamen non ultra 60. millia tum equitum tum peditum habebat) ipse tantum militum numerum colligere non potuit, quo non dico se ei aperto Marte objiceret, sed nec potuit ipsum divertere ab oppugnationibus Polotiz, Vilicoluci aliorumq; locorum, aut ab obsidione Plefcoviz. Anno 1570 penetravit Princeps Tartarorum Præcopitarum, cum 80 equorum millibus, usque in viscera sui Imperii, tradiditque flammis ipsam Mosquam urbem Regalem. Sed ii, qui dicunt Magnum Ducem 300 & Regem Poloniæ 200 equorum millia educere posse, potius numerant capita equorum, quam equitum. Etsi enim tot equorum millia sint, non tamen omnis equus bello bonus est, nec unicuique equitandi ars, aut se armandi facultas est: uni deest animus, alteri opes non suppetunt, alteri vires corporis, alteri animi fortitudo alacritasque desunt. Quamvis in Moscovia, tot equorum hominumque millia essent, quod illi dicunt, admodum difficile tamen esset, (immo vix possibile) eos in unum locum cogere, nec Principi in hoc suppetere pecuniæ, nec commeatus sufficerent; ducenti enim equi præliatores requirerent in Moscovia ter centum clitellarios, ac alios totidem ministros, quibus omnibus oporteret sufficere commeatus, sicut & annonariis, mercatoribus, artificibus, famulis, qui in bello requiruntur. Necesse itaque esset totam Moscoviam, in unum cogi ac tum verendum, ne in tanto itinere ab una parte regni, in regionem directo contrariam & hominum & jumentorum vires labascere. Quamvis etiam possibile esset, tantum numerum (sicut dictum est) equorum colligere, id tamen statui non expediret. Necesse enim esset denudare confinia præsidiis, Provincias nervis, civitates Magistratibus, campos agricolis. Inde clare apparet, Principem, cujus status 150 millia equitum cogere posset, abunde præstare, si tertiam eorum partem in exercitum regalem educat, de bellis, non excursionibus loquor. Scribunt aliqui, qui in affirmando magis moderati sunt, Moscum cogere posse 150 equo-



rum millia, si necessitas se defendendi id requireret, & quod Ioannes III. eduxit in expeditionem Astrachanensem, 120. equitum, & 20. peditum millia. Idem adortus est Livoniam, tempore Regis Alexandri, magnis exercitibus, retinuitque adhuc alium ad regni sui fines. Equitatu addidit Magnus Dux Ioannes aliquot millia Pyrobolariorum, quos ipse instituit, inter quos erant multi externi milites, qui ipsi præstiterunt egregiam operam in defensione suarum urbium. Quoquo secundo aut tertio anno describit per regiones bello aptos: in commentarios referuntur filii nobilium & numerus famulorum equorumque. Equites, ditiores præcipue utuntur thoracibus æneis, galeis & laminis subtilibus & tenuibus, quæ ex Persia adferuntur & lanceis. Alii gestant thoraces, gossypio quam optime farcitos, qui sagittis resistunt: hi utuntur arcu, multi eorum sclopeto, omnes ense & pugione; ei inserviunt quoque Germani in bellis & in fortificandis locis. Magno Moscorum Duci junguntur Præcopus, Princeps Tartarorum; Tauricæ Chersonesi Circassi (quinque montium inhabitant hi regionem quæ se ad 7. dierum iter extendit, regunturque à septem Ducibus, Helvetiorum modo) Tartarus Nogay: Reges Sveciæ & Poloniæ. A Præcopo recipit multum damni, nec ei spes est de sumenda vindicta, quod cum Turca confederatus est Præcopus, instruiturque à Turca sclopetis tormentisque bellicis, habetque in sua ditione loca fortia, cum præsidio Turcico, itaque eum invadere difficile factum arduumque esset; concitaret enim in se potentiam illius. Præcopo commodum est (sicut & pluries fecit) subitam excursionem facere in Provincias Magni Ducis, sicut & potest facere in Provincias Regis Poloniæ & diripere obvia. Si magnus Dux subjugavit Tartaros Cassanenses, & Astrachanenses, accidit id beneficio tormentorum bellicorum, quibus illi carebant. Duxit hic inter alia contra Cassanenses aliquas huiusmodi machinas. Temoni plaustrorum affigebat tabulam latam & crassam, cum multo foramine, trajiciendo Sclopeto & Mosqueto inventum: Cum itaque ipsi graviter ferirent hostes (qui sagittis tantum utebantur quibus Mosci lædi non poterant) non fuit difficile, eos vincere subjugareque. Sed Præcopus habet usum sclopetorum, & quod amplius est amicitiam, & protectionem Turcæ: qui ut sibi iter aperiret in Moscoviam, aut in mare Caspium, tentavit annis jam elapsis ducere fossam à Tanai ad Volgam, (hoc molimen al-

tioris



tioris erat animi, quam Turcæ plerumque faciunt ) sed ejus milites fugati fuere à Moscis, in hoc adjuri à Tartaris, qui verebantur, ne plane à Turcis pessundarentur, si illud opus eis successisset. Nec solum ruperunt classem Turcicam ceperuntq; ejus partem, sed & exitio dederunt exercitum terrestrem, in quo numerabantur 80. Tartarorum, & 25. Turcarum millia, inter quos erant ter mille Ianiari, Circassi vivunt (sicut diximus) more Helvetiorum; non nituntur, ut sibi aliquid acquirant, sed tanquam mercenarii milites militant Turcis, Persis, Mosco, à quo tam longe disiti sunt; ut non habeant occasionem sibi timendi ab ejus viribus. Tartari Nogai magis formidandi sunt, propter subitum impetum & excursionem, quam propter justam potentiam, quæ eis fit, ad suscipiendas expeditiones regias. Annis retro elapsis, cum se movissent, ut Mosco damnum inferrent, retrogressi sunt placati donis, quæ eis missa fuere. Cum hi, sicut & Arabes, dediti sint latrociniiis & grassationibus facilius est ipsos avertere donis, quam pugnando. Quod plus est, cum ipsi nec civitatem, nec munitionem habeant, qua expugnata & in dominium hostis redacta deprimi & tanquam freno cohiberi possint, bellum ipsis inferre, est expensas facere sine lucro. Adversus hos tenet Magnus Dux magnum equitatus numerum, in Citrachan, Casan, & Viatca: habet quoque præsidium in Culugan contra Tanam, ut resistent Præcopitis. Cum Rege Sveciæ jungit fines Moscus, præcipue ad partem Finlandiæ, ubi Svecus (cum quo diu bellum gessit) paucis retro annis ei eripuit munitiones Serenosco, Pernaviam majorem & minorem in Livonia, aliaque loca, cum Moscus impeteretur à Rege Stephano. Tenet Svecus in extremitate Sinus Finlandiæ munitionem Viburgum, magno præsidio & expensa, ut resistat Russis & Magno Duci: habet quoque in illo mari & protubus vicinis, suas naves bellicas, tum ut obviet omni tentamento Magni Ducis, tum ut impediat, ne ex Germania in Moscoviam vehantur arma & apparatus bellici: nec aliæ naves quam suæ ad illas oras appellere possunt, nisi permissione, propria Regis manu signata. Hoc præcommodum clasfis, & potentia navalis fecit Regem Sveciæ, iis locis ubi hanc vim armorum explicare potest, Mosco superiorem, cepitque hac via ab hoste, multa loca in ora Livoniæ locisque vicinis. Sed ubi equitatus Ducis, frequentiaque populi usui esse potest, nempe in campis apertis, & in locis longe à mari Bal-



thico diffitis, videtur Magnum Ducem potiores quodammodo p-  
 res habuisse; semper enim fere invasit Svecum. Non possunt tamen  
 sibi invicem multum damni inferre, propter asperitatem montium,  
 frigus, glaciem, nivesque. Superest Poloniae Rex, inter quem & Ma-  
 gnum ducem, est differentia, quod Moscus plus regionum habet, sed  
 Poloni melius inhabitatas civilioresque; illi plures subditi obedi-  
 entioresque sunt, huic autem audaciores & animosiores: illi ad re-  
 sistendum quam aggrediendum sunt aptiores, hi ad invadendum,  
 illi ad defendendum munitiones, hi ad aperto prelio pugnandum,  
 illi magis juncti unitique sunt, hi magis deliberati ad factionem ex-  
 peditionemque: illi riment minus inedia & incommoditates, hi  
 mortem & ferrum. Sed utrique tantum valent, quantum eorum Prin-  
 ceptis virtute & fortitudine praestat; Magnus enim Dux Basilii cepit  
 Magnum Ducatum Smolenscensem, & Poloscensem, & amplissimam  
 ditionem in Livonia. E contrario Stephanus Poloniae Rex eripuit  
 ultimo bello Ioanni Magno Duci, filio Basilii, Polnsco aliaque di-  
 versa magni momenti loca: obsedit civitatem Pleseoviensem, coc-  
 gitque tandem Moscum, tota Livonia decedere. Inde videtur  
 populum tantum valere, quantum ingenio animo-  
 que valet Rex.

## CAPVT VII.

DE

## FAMILIA AUSTRIACA.

**C**Um longo jam tempore Imperium in serenissima familia Au-  
 striaca permanserit (habuit enim felicissima continuata nec  
 interrupta successione septem Imperatores) non erit prater  
 institutum nostrum de ea aliquot verba facere. Hac serenissima fa-  
 milia celebris esse, famaue inclarescere coepit, eodem fere tempo-  
 re, quo familia Othomannica, excitataque a Deo videtur, ut lux Ec-  
 clesiae contra Turcos & haereticos pro vallo & propugnaculo esset.  
 Duos habet palmites, qui a duobus Philippi I. Regis Hispaniarum,  
 Archiducis Austriae, filiis Carolo V. & Ferdinando I. Romanis Im-  
 peratoribus prognati sunt. Illi Carolo Imp. Belgium, Hispaniaque  
 cum iis quae inde dependent cessit, quae filio suo dignissimo, Regi  
 Hispaniarum Philippo II. reliquit: de ejus ditionibus alias suo loco,  
 Ferdi-



Ferdinando ditiones in Germania obtigere. Austria nempe, Bohemia, Tyrolensis Comitatus, aliæque Provinciae, quibus per Annam ejus uxorem, Hungariae regnum accessit, Ferdinandus I. post se, tres filios reliquit, qui quamvis ditiones patrimoniales in partes tres dividerint, rexerunt tamen reguntque adhuc eas, ipsorum successores, tanquam unam Rempublicam, iisdem consiliis, animis, institutisque, ponuntque nobis ob oculos in effectu, antiquum Germanonem; omnes enim ad defensionem communis status, (quamvis provinciae alterius sint ditionis) non aliter adcurrunt, quam si ad unum solum omnes pertinerent. Sunt hi status tam amplii, tantique momenti ut nisi tanto terrarum spacio, quantum à montibus Carpathiis ad Segniam usque est, Turcae adjacerent (qui eos vigilare & semper magnas expensas subire cogit) non populorum frequentia, nec opibus thesaurisque, nec civitatum magnificentia, nec viribus, maximis Orbis Christiani regnis cederent. Facile id percipere poterit is, qui considerarit distantiam à Tergesto ad ultimos Lusatiae terminos, à Tibisco ad Nabum, & à Canisia, Constantiam ad lacum Podamicum usque; iis finibus continentur, Lusatia, Silesia, Bohemia, Moravia, Austria, & magna Hungariae pars, (hae Provinciae amplissimae, populo frequentes, comitatu opibusque abundantes sunt) praeterea Stiria, Carinthia, Carniola, Comitatus Goritiae, Tyrolis, Cilia, & Principatus Sueviae, Alsatiae, Brisgoviae, Constantiae. Inter has Provincias Bohemia se in longitudinem, ad 140. milliaria extendit, diciturque ea continere 380. tum arces, tum oppida muris cincta, & 32 pagorum millia, Moravia, Silesia, Lusatia, & earum unaquaeque de amplitudine cum Bohemia contendit, sed ab ea potentia populiue frequentia vincuntur. Tres hae Provinciae in longitudinem ad 400 in latitudinem ad 120 milliaria protenduntur. Optimo peditatu, equitatuque abundant. Lusatiae milites (quorum 20 millia, qui apti bello sint, facillime conscribi possent) inter optimos pedites censentur. Stiria, quae minaris argenti ferrique dives est in longitudinem ad 60 in latitudinem ad 110. milliaria excurrit. Carinthia (haec maxima sui parte montosa sylvisque plena est) in longitudine 75 in latitudine autem 55 milliaria continet. Carniola dum ditionibus vicinis Tergestum usque, extendit se per 150. milliaria, latitudo autem earum est 45. milliarium. Frugibus, vino, carne, ligno abundante Comitatus Tyrolensis minaris argen-



ti salinisque dives est, longus latusque 18. milliaribus Germanicis. Præterea ditiones in Svevia, Alsatia, Rhetia (familia Anstriaca in hac 18 communitates sub sua jurisdictione habet). Hæ Provinciæ omnes, plus minus, duas Myriades & semissem ordinarii redditus, tantumque extraordinarie pendunt: incolis frequentes adeo sunt, ut necessitate urgente, centum peditum, & plus quam 30 equitum millia conscribere possent. Non scio, an ex aliquo Europæ regno major militum numerus educi queat. Itaq; non tam impotens Princeps est Imperator, quam aliqui ipsum ex ignorantia imperiorum existimant, putantes ipsius dominium arctis finibus circumscriptū, & commeatus inopem esse, populoque infrequens videri, ipsumque pecuniæ inopia laborare; est enim ejus dominium amplissimum, fertilissimum, ditissimum, populoque frequentissimum, sed Turca conterminus (cui ipse à montibus Carpathiis ad mare Adriaticum usque adjacet) posset vel potentioris Principis nervos elidere. Nul- lum Principem putarim, cujus fines Turcarum finibus terra jungun- tur, qui non solum belli tempore sumptibus exhauriatur, sed & pa- cis tempore. Faciendæ sunt enim immensæ expensæ in extruendis munitionibus earumque præsidiis: Turca enim magnis viribus, iis- que fortibus, alacribus, omni tempore promptis præstat, estque pacis tempore armis instructior, quam quisquam aliorum Princi- pum, dum bellum maxime viget. Necesse itaque est, ut is, qui Tur- ca conterminus est, ob suspicionem metumque adeo præpotentis hostis, semper sibi caveat, & sumptus faciat, sicut Imperator stipen- dia largitur, plus minus 20. militum millibus, in confiniis Hunga- riæ excubantibus. Hæ sunt magnæ expensæ, nec minus munitioni- bus locorum impendendum est, ultra alias expensas, in arcanis ne- gociis, quæ hujus instituti non est commemorare. Cum itaque videmus Turcam, insatiabilis draconis instar, tot nobilissimas Provincias, tot florentissima regna devorasse, suæque subjecisse tyrannidi tot civitates, quæ extra omne periculum esse putaban- tur, totque loca, quæ capi non posse putabantur expugnasse, ne dor- miamus in utramque aurem, & cum ad scapulas lateraque nostra sit, ne existimemus cum lon- ge abesse.



## CAPVT VIII.

DE

## IMPERIO ROMANO.

**I**mperium Romanum, quod imperante Trajano erat amplissimum in Scotia, extendebatur enim ab Oceano Hibernico, ultra Tigrim; Oceano Atlantico, ad Sinum Persicum: ab Atlante ad sylvam Calidoniam, pertingebatque ad flumen Albim, transibatque Danubium, primum labi cœpit bellis civilibus Galbæ, Othonis, Vitellii; iis enim temporibus exercitus, qui in magna Britannia pro præsidio erat, trajecit in Continentem: Hollandia & vicinæ regiones rebellarunt, paucique temporis progressu, Imperii finibus præsidio destitutis transmiserunt Sarmatæ Danubium: Alani superarunt fauces Caspias: Persæ acquisiverunt nomen & potentiam: Gothi pervagati sunt Moesiam & Macedoniam; Franci ingressi sunt Gallias. Constantinus Imp. restituit imperium antiquo splendori, sopivit bella domestica, frenavit Tyrannos, Barbaros, & gentes hostiles: sed duo fuerunt quæ Imperium multum debilitarunt. Primum fuit translatio sedis Imperialis Roma Constantinopolim, quod factum dispoliavit Romam, & debilitavit Imperium; luce enim clarius est, quod sicut plantæ, ex nativo solo in regiones climate & qualitate diversas transplantatæ, parum retinent virtutis naturalis: ita & res humanæ, præcipuè autem dominia & status magnis illis mutationibus perdunt suum vigorem & stabilitatem. Eam ob causam Senatus Romanus nunquam plebi consentire voluit, ut Roma Vejam commigraret, quæ civitas multo gratior, & magis comoda erat, quam Roma, maxime postquam à Gallis ruinæ tradita fuerat. Locus in quo Constantinopolis sita est, adeo amœnus, commodus & fertilis est, ut sit difficillimum, ut virtus ibi altas radices agat: non enim toto Orbe terrarum civitas est, quam terra & mare majore favore prosequantur: illa enim nunc se in fertilissimos campos extendendo, nunc in deliciosas valles se dimittendo, rursusque leniter in fructiferos colles assurgendo, nunc se flexibus in mare insinuando, rursusque se retrorsum vertendo, abunde incolis omne deliciarum genus, non solum frumenta & vina confert. Diceres ibi Bacchum cum Cerere, Pomam cum Flora, pulchritudinem cum focu-



fecunditate certare. Postquam mare minimo spacio, plurimos gratos sinus & tranquillos portus fecit, quorum in solo Bosphoro (nec istamen plus quam 25 milliaria longus est) triginta numerantur, benigno aspectu quasi blanditur civitati & regioni, ducitque eo magnis classibus hinc annonam Syriae & Aegypti; inde divitias Trapezuntinas Caphæque. Nunquam ibi fructus, nec messes, nunc Thraciae, tunc Asiae desunt: eo quoque tendit tanta optimorum piscium copia, qui gyros agendo & ludendo, fere domus civitatis subeunt, ut qui id non viderit, incredibile judicet, pisces enim nunc fugiendo frigus hyemis, transeunt ex Ponto Euxino, in aspectu civitatis Constantinopolitanae, Propontidem versus, nunc vitantes aestatis fervorem, redeunt eadem via, qua digressi erant. Duabus itaque anni tempestatibus, eorum infinita copia summa delectatione, cui commodum par est, capitur. Sunt ibi praeterea Cidari & Barbisa summe amoeni & jucundi fluvii, qui ambo celebrem hunc sinum influunt, qui inter Constantinopolim & Peram est dilataturque; dicitur is a scriptoribus cornu aureum. Ut finem faciam; non est locus rerum affluentia, enervanda virtuti aptior, nec ad virtutem voluptatibus corrumpendam commodior: id aperte demonstrant segnities & molities majoris partis Imp. Graecorum, ipsorumque exercituum. Si amoenitas orae Tarentinae, & deliciae regionis Sibaritarum potuerunt ignavos facere, & corrumpere mores istorum populorum; si deliciae Capuanae potuerunt emollire & extinguere ferociam virtutemque Hannibalis suorumque militum; si Plato disciplinae incapaces Cyreneos aestimavit, propter suam prosperitatem: quid statuendum erit de loco Constantinopolitano, dulci & oportuno supra omnes, qui in Orbe terrarum sunt. In summa, cum nullae res magis perniciosae sint Reipublicae, quam magnae novitates, quae res majori damno, ne dicam exitio potuit contingere Imperio Romano, quam adeo ingens ac subita, praeter omnium expectationem immutatio? Non plus minusve fecit bonus ille Imperator, quam si quis ad dandum animali meliorem formam, cerebrum ad genua, aut cor e suo loco ad cubitum transferret. Secundum erratum Constantini fuit divisio Imperii suis filiis facta in tres partes, quod contigit Anno Domini 341 qua ex magno Imperio tria fecit, cum notabili diminutione auctoritatis & virium; cum enim ejus filii inter se armis decertarent, taliter se invicem consumpserunt, ut Imperium quasi exangue



exangue corpus remanserit. Quamvis autem Imperium aliquot vicibus sub uno Principe coaluerit, divisioni tamen adeo aptum remansit, ut raro acciderit, quin in Orientale & Occidentale non fuerit partitum, usque dum Odoacer Herulorum & Turingorum Rex magno cum exercitu Italiam ingressus in tam magnas angustias conjecit Augustulum, ut præ desperatione se imperio Occidentali abdicarit, quod accidit Anno 476. Hunni jam antea Danubium transmiserant; Alaricus Vandalorum Rex Romam ceperat; Vandalis primum Andalusiam & postea Africam; Alani Lusitaniam; Gothi majorem Hispaniæ partem; Angli Britanniam; Burgundiones Provinciam occupabant. Iustinianus Imperator res aliquantulum in melius restituit, nam per suos Capitaneos exegit Vandalos Africa, & Gothos Italia Anno 556. Sed parvotantum tempore id duravit; nam Anno 713 cœperunt Orientale Imperium vexare arma & hæresis Mahumedana, brevique tempore fuere à Saracenis oppressæ præter Syriam, Ægyptum & Archipelagum, Africa, Sicilia & Hispania. Anno 733 occuparunt quoque Saraceni Narbonem, Avenionem, Tolosam, Burdegalam & regiones vicinas. Imperium itaque Occidentale paulatim prorsus in direptionem abiit: Orientale autem adeo invalidum remansit, ut vix aliquot vicibus civitatem Constantinopolitanam contra Saracenorum arma defendere, multo minus Occidenti auxilium ferre potuerit. Anno autem Christi 800 titulos Occidentalis imperii adeptus est Carolus Magnus Francorum Rex, quam rem recenset Ado Viennæ Archiepiscopus verbis sequentibus: In die sancto Nativitatis Domini ante confessionem Beati Apostoli, cum gloriosus Rex Carolus ab oratione surrexisset, Leo Pontifex capiti ejus coronam imposuit, sicque ab universo populo acclamatum est: Carolo Augusto, à Deo coronato, Magno, Pacifico, Imperatori Romanorum, vita & victoria. Divisum itaque fuit Occidentale Imperium ab Orientali hoc modo, ut Neapolis & Sipontum Orientem versus, cum Sicilia Græcorum esset, Beneventum Longobardis remaneret, Veneti neutri parti adscripti, Status Ecclesiæ liber esset, reliquum Carolo Magno cederet. Blondus vult Irenem Imperatricem primum in eam divisionem consensisse, deinde à Nicephoro confirmatam esse. Habuit itaque divisio Imperii initium à translatione sedis Imperialis Roma Constantinopolim; crevit distractione in plures Principes; pervenit ad perfectionem assumptione



ptione Caroli Magni. Ante eum enim modus regiminis, leges, magistratus & consilia erant communia, tendebantque ad bonum commodumque utriusque Imperii, tanquam membrorum ejusdem corporis, & si unus Imperatorum moriebatur absque filiis, totum Imperium manebat alteri; sed Carolo Romano in Imperatorem Occidentis electo, nulla amplius fuit habita ratio Imperii Orientis, nec Imperator Orientis unquam successit in Imperium Occidentis, nec ejus Imperator in Orientis Imperium. Permanxit autem Imperium Occidentis in familia Caroli Magni paulo minus, quam centum annis; defecit autem ea familia in Arnolpho. Anno Christi 1002. abscripto omni jure hereditatis, creatio Imperatoris in libera electione Septem Principum, qui Electores nuncupantur, posita fuit. Ratio faciendi imperium electivum, quod eo usque familiae Caroli Magni hereditarium extiterat, fuit, quod Imp. Otho III filios non habuit: utque dignitate personæ quæ eligeretur, Imperium firmitus redderetur, Imperium Occidentis tunc valde coarctatum & concisum erat, nihil enim ei quam Germania & Italia pars supererat; Pontifex siquidem Romanus bonam Italiae partem possidebat. Veneri in medio utriusque Imperii positi vivebant in plena libertate, cum Dominio annexo suo statui: Regna Neapolis & Siciliae, quæ Normanni Græcis eripuerant, Ecclesiæ Romanæ Feudataria facta erant, primum sub Clemente Antipapa, deinde sub Nicolao II & ejus successoribus, qui Antipapæ factum propter emolumentum approbarunt: Lombardia & Tuscia, partim propter dissidia Imperatorum, Henrici IV & V, Friderici I & II, cum Pontificibus Romanis; partim propter populorum ferociam, Imperatoribus plus laboris & impensæ, quam commodi attulerant. Rudolpho Imp. itaque non solum in Italiam proficisci, curæ non fuit, (quod eum infortunia, adversæque res suorum antecessorum terrerent) sed & populis Italiae libertatem parvo precio vendidit. Lucensibus non constitit libertas plus quam decem aureorum millibus: Florentini eam sex aureorum millibus redemerunt. Deficientibus itaque cum reputatione viribus Imperii, ei in Italia, præter nomen, nihil fere remansit. Vicecomites Mediolanenses, & successive alii Domini, aliis locis rapuerunt sibi dominia, quæ potuerunt absque ullo Imperatoris respectu, tantumque petebant investituram suorum statuum. Sed Franciscus, cum sibi armis statum Mediolanensem parasset, parvi fecit



## DE IMPERIO ROMANO.

fecit Investituram, existimans se posse se ipsum conservare in ejus possessione, iisdem artibus, quibus eum sibi comparaverat. Ultra montes subtraxerunt se Imperio, multi Principes, ita ut Imperium presenti tempore fere in Germania conclusum sit. Sed quod dominia in Germania uniformia non sunt, describam illa ut sequitur. Aliqua dominia sunt quasi membra Imperii, sed separata; quamvis enim Imperii sint, non id agnoscunt, nec agnoscere volunt, sicut Reges Daniæ & Sueciæ, Dux Prussiæ, Helvetii, Rheti. Alia agnoscunt quidem Imperatorem pro supremo Principe, sed dietas Imperii non invisunt, nec contribuunt feruntque onera Imperii, sicut Duces Sabaudia, Lotharingia, & Principes Italia. Alia invisunt dietas feruntque onera, sicut Principes & civitates Germaniæ; sed Rex Bohemiæ à Carolo IV. Imp. à contributionibus exemptus est. Alia dominia non solum pendunt communes contributiones Imperii, sed quod plus est, solvunt Imperatori tributum particulare; ex sunt illæ civitates, quæ Imperiales nuncupantur. Aliqui Principes Germaniæ non solum inter sunt Comitiis Imperii, sed & electioni Imperatoris: hi sunt sex Electores, tres Ecclesiastici & tres Laici, quibus jungitur si vota imparia sunt, Rex Bohemiæ, qui non venit ad convocationem, (quæ Dieta dicitur) nihilominus calculum in electione habet. Sed loquendo stricte: Civitates & Principes Imperii proprie dicuntur, qui Dietis interfunt, & tanquam membra unius corporis, participant bona & mala, emolumenta & onera. Hi viventes fere modo Reipublicæ simul unitæ, ad defensionem communem, habent Imperatorem pro capite, qui non regit absolute, sed per comitia, nec tamen indicit illa absque præcedenti consensu maximæ partis Electorum. Deliberationum decreta, quæ edicuntur, irrita fieri non possunt, nisi per aliam Dietam; sed Imperator habet plenam auctoritatem mandandi executioni decreta. Imperator itaque quod ad dignitatem & præminentiam spectat, est primus Christianorum Princeps, tanquam is, in quem cessere jura Reipublicæ & Imperii Romani. Ejus est protegere Ecclesiam Dei, defendere fidem, procurareque pacem, & bonum Reipublicæ Christianæ. Cum vires Imperii fixæ sint in Germania, necesse est, ut duo verba dicamus de hac amplissima nobilissimaque Provincia. Iacet fere inter Oderam & Mosam, inter Vistulam & fluvium Aa, qui apud Gravelingam fluit: & inter Oceanum Germanicum & Balthicum Alpesque.



Ejus figura quadrata est, longitudine fere & latitudine æqualis, 650 miliarium quaque versum. Maxime abundat frugibus, pecudibus, piscibus: id experientia compertum sæpe fuit: Carolus V. enim, ut Turcis resisteret, habuit sub signis ad Viennam 90 peditum, & 35 equitum millia ad Iavarinum contra eosdem Turcas, nec tamen caritas ibi experta fuit. Bello inter Carolum V. & Protestantes per aliquot menses abunde se sustinuerunt in campis, fere 150 militum millia: dives quoque est minæris auri, argenti omnisque generis metalli, superatque alias Europæ Provincias; natura quoque largita est ei, in regionibus longissime à mari disitis fontes & puteos aquæ salæ, ex quibus excoquitur sal perfectum. Nec minus mercatrix est, quam fertilis: indigenæ enim plus quam ulla alia natio, vacant opificiis, faciuntque artificia miratu digna, estque Germania tam probe à natura dotata, ornataque magnis fluminibus, quæ ubique navigantur, ut comæatus, & merces faciliter ex uno loco in alium devehantur. Fluviorum omnium maximus est Danubius. Ab illo Rhænus, qui Germaniam à Meridie ad Septentrionem transgreditur, sicut Danubius ab Occasu ad Ortum. Albis oritur in Bohemia, lambit Misniam Saxoniam, Marchiam Antiquam. Odera oritur in Moravia, lavat Silesiam, duas Marchias, Pomeraniam. VVesara, Neccarus, Mosa, Mosella, Isara, Oenus, Varta, Mœnus. Hic Germaniam in superiorem & inferiorem dividit: Superior est, quæ à Mœno ad Alpes usque se extendit. Inferior quæ à Mœno Oceanum versus excurrit, Germania in plures Provincias divisa est, sed præcipuæ sunt (loquor de iis, quæ viva membra imperii sunt) Alsatia, Suevia, Bavaria, Austria, Bohemia (quamvis hæc multis privilegiis gaudeat, quæcam ab oneribus eximunt) Moravia, Silesia, Lusatia, duæ Marchiæ, Saxonia, Misnia, Thuringia, Franconia, Hassia, VVestphalia, Clivia, Megapolis, Pomerania. In dictis Germaniæ Provinciis cum iis non computando Belgium & Helvetiam, æstimatur esse circiter decem hominum myriades. Dividitur populus in quatuor hominum muneræ aut status; rusticos nempe, qui nullo in numero sunt, civitatum incolas, Barones, Prælatos. Ultima tria genera conveniunt, faciuntque status Imperii. Inter Prælatos obtinent primum locum Archiepiscopi Electores: inter hos Moguntinus est Cancellarius Germaniæ, sequitur Coloniensis; deinde Trevirensis, Cancellarii; ille Italiæ; hic Galliæ. Sequitur Archiepiscopatus Saltzburgensis, maximus & digni-



dignitate & divitiis. Episcopus Magdeburgensis se Primatem Germaniæ inscribit. Bremensis & Hamburgensis quoque multas Iurisdictiones habuerunt. Sequuntur deinde plus quam 40. Episcopi, & Magnus Magister Ordinis Teutonici & Magister Equitum Hierosolymitanorum. Sunt quoque septem Abbates, ii que Imperii Principes. Inter Principes sæculares obtinet primum locum Rex Bohemiæ, qui est supremus Dapifer; Dux Saxonæ Marecallus: Marchio Brandenburgensis Camerarius; Comes Palatinus Architriclinus Imperii. Præter hos Principes sunt 34. alii Duces, inter quos habent primum locum Archiduces Austriæ. Inter Duces Imperii quoque numeratur Rex Daniæ propter Ducatum Holsatiæ. Sunt deinde Marchiones, Lantgravii, Comites, Barones innumeri. Civitates liberæ quarum 96. esse solebant, nunc sunt circiter 60. quæ omnes se ipsas propriis legibus regunt, ulterius obligatæ non sunt, quam quod duas quintas partes, ejus quod in Conventu consentitur, contribuant. Earum aliquæ Imperiales dicuntur (sicut diximus) quod censum Imperatori solvant, qui census in totum ad 15. florenorum millia accedit; habent civitates satis amplos redditus, qui ut plurimum onera excedunt. Æstimatur Imperium in totum habere plus quam septem Myriades in redditibus, quod pro re parvi momenti habendum non est. Cum enim populi gravati non sint, ut in Italia, dant præter ordinarium suis Principibus maxima subsidia, quando id requirit necessitas. Imperium obligatum est, saltem ex consuetudine, præstare Imperatori, quando Romam vadit ut coronetur, 20 peditum, & 4 equitum millia, spatio octo mensium, diciturque ideo subsidium Romanum. Reditus civitatum & Principum laicorum, valde crevere, tum usurpatione bonorum Ecclesiasticorum, tum variis impositionibus populo impositis, quæ cum in Italia ortum habuerint, facile se diffuderunt (exemplum enim malum crescit semper) per Franciam & Germaniam. Necessitate exigente, contribuit Imperium maximas pecuniarum summas, colligunturque extraordinariæ. Ut eas contributiones facilius colligi possint, est Germania in decem circulos divisa, in quibus sunt conventus particulares, pro executione Edictorum, quæ in Dietis Imperii facta sunt, & aliis similibus incidentibus. Vires Germaniæ sunt absque dubio maximæ: copia enim com meatuum inexhausta est. Reditus ordinarii & extraordinarii permagni, & modus colligendi com meatus facillimus



et propter fluviorum opportunitatem. Quod ad populum attinet, æstimatur totum Imperium in exercitum educere posse, tum equitum, cum peditum ducenta millia, cuius experimentum factum fuit bellis, quæ supra commemoravimus, docet id quoque experientia. Ab anno enim 1566 permultum belligeratum est in Francia, & in Belgio militibus Germanis, quorum factæ sunt, fiuntque adhuc quotidie conscriptiones non minus frequentes, quam magnæ, cum peditum, tum equitum: uno eodemque tempore V Volfgangus Dux Bipontinus duxit in Franciam 12 peditum & 8 equitum Germanorum millia, pro Huguenotis, serantque in ea (Francia) adhuc alia quinque equitum millia, quibus præerat Comes Mansfeldius pro Catholicis: Guilielmus Nassavius habebat in Belgio & finibus Franciæ octo equitum, & 10 peditum millia dictæ nationis, & dux Albanus tria millia. Taceo de numero Germanorum, qui Flandriam ingressi sunt Duce Casimiro, & Franciam eodem Duce Anno 1578. Eorumque quorum pars anno præsentis eam ingressa est in auxilium Regis Franciæ; pars, ut auxilio esset foederi Catholicorum Franciæ. Ut extremam manum imponam: cum continuo belligeretur in diversæ Europæ partibus, natio Germanica adeo numerosa est, ut absque ea nullæ fere fiant expeditiones. Non loquor hic de Flandris, qui aliquot vicibus, exercitum 80 millium virorum collegerunt, iisque restiterunt potentiæ Francorum: aut de Helvetiis, quos 120 peditum millia, ad sui defensionem posse cogere æstimatur: eorum aliquando plus quam 30 millia extra ditionem miserunt in defensionem Status Mediolanensis adversus Franciscum I Franciæ Regem. Sed ut ad institutum revertamur: Inter Germaniæ pedites meliores censentur Tyrolenses, Suevi & VVestphali. Inter equites Brunsvicenses, maxime autem Clivenses & Franconienses. Inter arma melius tractant Germani enses satissimæque quam sclopeta. Valent Germani satis præliis campestribus, tam ad configendum cum hostibus quam ad iis resistendum: multum enim facit ordo, qui ipsis quasi naturalis est, incessus gravis & firmus, armaque quibus utuntur defensioni apta: parum valent ad defensionem munitionum, & propter corporum gravitatem, & quod ut plurimum ventricosi sunt, oppugnationibus inepti habentur. Sunt itaque Germani potius constantes, quam audaces, feroces, quam strenui: non enim tentant res, in quibus magnanimitas eluceat. In victoria occidunt sine exceptione



ptione ætatis & sexus, in quoscunque incurrunt. Si bellum in longum ducitur, aut obsidentur, dedunt se præ segnitie. Si in castris degunt, moram patienter non ferunt nec sciunt vincere cunctando. Si prima molimina non succedunt ex sententia, stant attoniti caduntque animis. In fugam semel coniecti nunquam amplius recolliguntur. In eo præstant Hispani omnibus nationibus. In Germanorum militia magni sumptus faciendi sunt, multæ quoque molestiæ est, quod uxores secum in bella ducant, tantumque absument com-  
meatus, ut eum convehere difficile, conservare quasi impossibile sit: absque commeatu autem nihil boni sperandum est. Equi Germanici potius fortes quam animosi sunt, & cum ex decem, qui in bellum ducuntur, octo ab aratro sumuntur, parum prosunt: videntesque sanguinem vilescunt: contrarium accidit Asturconibus, iis enim crescit audacia. Concludendo rem, peditatus Germanicus in suo genere equitatu potior est. Vires maritimæ Germaniæ terrestribus minores non sunt, quamvis ex non adeo in usu sint, sicut terrestres. Civitates enim Hamburgum, Lubeca, Rostochium & aliæ, habent hæc centum, hæc 150 naves, quibus æquant vires Regum Daniæ & Sueciæ. His viribus adeo fortis potensque est Germania, ut unita nullum hostem timeat. Viribus quas diximus Germaniæ, junguntur (cum opus est) auxilia Principum Italiæ, Sabaudia, Lotharingiæ. Hi enim Principes in necessitate nunquam defuere Imperio. Bello enim Zigaretano misit Emmanuel Dux Sabaudia sexcentos equites Sclopeterios; Cosmus Florentiæ Dux tria peditum millia, quibus ipse stipendia dabat: Alfonsus II Ferrariæ Dux ipse profectus est, cum mille & quingentis equitibus adeo probe instructis, ut in castris melior equitatus non esset. Eo se quoque contulit Guilielmus Mantuæ Dux, cum instructissima cohorte virorum. Henricus Lotharingus, Guisiæ Dux, ei expeditioni interfuit, cum trecentis nobilitate claris viris. Cum his militibus & aliis quos adjunxit Papa Pius V. habuit Maximilianus II sub signis centum peditum & 35. equitum millia: Ordines Imperii ei in Comitibus Anno 1566. Augustæ Vindelicorum habitis, concesserant 40. peditum & 8. equitum millia in 8. mensibus & 10 peditum & 4 equitum millia in tres annos subsequentes.



## CAPVT IX.

DE

## PONTIFICE ROMANO.

**P**ontificis Romani amplitudo est duorum generum : una consistit in dominio, quod habet, altera in autoritate spirituali. Dominium temporale est duorum generum : unum est utile, nisi velimus dicere immediatum, alterum est directum & mediatum. Quod ad dominium utile spectat, Papa bonam Italiae partem possidet, nempe omne id quod inter fluvium, quæ vulgo Fiore dicitur, & Cajetam, inter Primaro & fauces Truentii est excepto Ducatu Urbini. Eo spacio comprehenduntur Provinciae, Bononiensis, Romandiola, Marchia, Umbria, Ducatus Spoletanus, Patrimonium Sancti Petri, Latium. Hic Status est ex præcipuis Italiae, tum propter situm (est enim quasi in ejus centro, extenditurque à mari Adriatico ad Tyrrhenum) tum etiam propter summam annonæ copiam, frugum præcipue, olei & vini. Romandiola enim non tantum sibi, sed etiam vicinis oleum vinumque producit, mittitque eorum magnam copiam Venetis, & in Illyricum, conficit quoque Cerviæ sibi & aliis sal. Marchia aliquot vicibus suppeditavit Venetis, usque ad centum Stare (mensuræ genus est) frumenti millia, magnamque olei quantitatem. Quamvis Umbria tantum frugum non habet, ut eas foris emittere possit, alieni tamen ipsa non indiget; vinum fere undique in ea crescit, habetque pecudes, multis quoque locis satis croci. Patrimonium & Latium plus quam semel frugibus adjuverunt Genuam, aliquibus quoque vicibus Neapolim. Hic Status gente audace bellicosaque plenus est, æstimaturque ipsum in eo excedere omnes alios Italiae Status: possent colligi ex Bononiensi, Romandiola, & Marchia, plus quam 20 peditum millia, ex reliquo tantumdem. Tempore Papæ Clementis sola Marchia suppeditavit 15 militum millia in ejusdem auxilium. Civitates præcipuæ sunt Roma Orbis caput, in qua centum hominum millia numerari possunt: Bononia, quæ plus quam 80 millia utriusque sexus suppeditare posset, Perugia, Ancona, Ravenna, Ariminum, Cesenna, Forum Iulii, Faventia, Imola, Macerata, Firmum, Asculum, Camerinum, Spoletum, Norcia, Rictum, Tarnia, Narnia, Orvietum, Viterbum, Assisium, Folii.



Folignum Todi & forte 30 alia. Nec desunt arces munitæ: inter eas est castellum & burgus Romæ, ( si perficiatur ) civitas Orvietum, quam natura muro cinxit, Terracina, Civitas Castelli, Fanum. Possent muniri multæ civitates, quæ loci & situs commoditate excellent, nempe Aqua pendens, Mons Phaliscorum Viterbum, Ancona, Spoletum, Narnia, Portus & Civitas vetus. Multum splendoris & amplitudinis etiam huic ditioni statuique ecclesiastico, addit multitudo familiarum tam pacis, quam belli artibus illustrium, quæ in hac ditione sunt, quod in causa est, cur Reges & Principes Christiani suis exercitibus & factionibus, Duces inde petant. Si Princeps huius Status non esset Ecclesiasticus, sed civilis, sive ut vulgo loquimur secularis, Provincia Romanorum nullo Principi Italiæ frequentia populi aut potentia cederet. Habet Pontifex præter hæc, Statum Avenionensem in Francia, in quo quatuor civitates, & 80. oppida muris cincta sunt. Habet in regno Neapolitano, Beneventum. Quantum ad dominium directum spectat, Papa est Patronus Regni Neapolitani, & Siciliæ, quæ feuda alia omnia nobilitate superant, præterea Ducatum Urbini, Ferrariæ, Parmæ, Messerani & aliorum. Insula Hibernia & Regnum Angliæ juris Ecclesiæ Romanæ, eique tributaria fuere. Habet jus supremum in omnes ordines Religionis & in clerum. Confert quoque beneficia omnia. Habet itaque mille remunerandi modos, & sicut dicebat Xystus IV Papæ non deerunt pecuniæ, quam diu ipsi manus erunt calamus. Pius IV habuit à Religionibus quadringenta aureorum millia, & si renunciationes beneficiorum cum regressibus, & compositiones admittere voluisset, sicut ei consulebatur, aureorum myriadem recipere poterat. Paulus III cum Imperatore, & Venetis fœdus adversus Turcas fecit, tulitq; sextam impensarum partem, misit Carolo V in auxilium belli, contra Lutheranos 12. peditum millia & quingentos equites, suis stipendiis militantes, evexitque suam familiam in eam amplitudinem, in qua est. Pius V misit quatuor peditum millia, & mille equites in auxilium Caroli IX Regis Franciæ. Sixtus V quinque annis & semis sui

Pontificatus collegit quinque aureorum milliones, impenditque magnam pecuniæ vim in aqueductibus, fontibus, pyramidibus, palatiis, templis.



## CAPVT X.

DE

## DUCE SABAUDIÆ.

**D**ominium Ducis Sabaudia patet in longitudine ad 300 millia-  
ria Italica, initium faciendo à finibus Comitatus Burgundia  
Bressaque, progrediendoque ad fluvium Sesium supra Vercellam,  
ejus latitudo est 160 miliarium, incipiendo à monte Sancti Bernardi  
& valle Augusta, ad mare Ligusticum usque, ubi est Nicca Provincia,  
vulgo Nizza en Provenza, talisq; est ejus forma, ut in ambitu nongenta  
miliaria comprehendat. Totum hoc Dominium ad Orientem videt  
Statum Mediolanensem & Marchionatum Montisferrati: ad Occi-  
dentem ei est fluvius Araris, vulgo la Saone, & Liber Comitatus Bur-  
gundia: à Meridie jungitur Provincia & Delphinatui, & Liguria,  
Comitatusque Nicca alluitur mari Ligustico: ad Septentrionem ha-  
bet Helvetiam. Dividi potest Dominium Ducis Sabaudia in partes  
duas, sicut & Alpes id dividunt. In Saubaudiam nempe & Pedemon-  
tium. In Sabaudia sunt Episcopatus Tarentasiensis, Maurianensis &  
Beleiensis, habetque Dux nominationem Episcoporum. Sunt quoque  
in Sabaudia tres arces sive castella, vulgo dicuntur Bourg en Bresse,  
Mommelian, Nuntiata. Sabaudiam inhabitant quingenta animarum  
millia. Solebat Dux stipendia largiri aliquot turmis equitum levio-  
ris armaturæ Sabaudis, qui se strenue gerebant in prædiis Bressæ  
& Chamberiaci, sed Dux ut sumtus, quos in eam militiam faciebat,  
belli tempore melius collocaret omnes illos milites dimisit. Nobili-  
um virorum Duci Feudatoriorum magnus est numerus, qui se in ar-  
mis exercent, quod sæpe cum Francis bella gesserint Sabaudi. Pedem-  
ontium nihil simile cum Sabaudia habet; hæc enim montosa, est. Pe-  
demontii autem pars maxima plana æqualisque est, aspectu jucunda,  
nec solum delectat ejus amoenitas visum, sed ejus campi fertilitate  
eximii multum lucri adferunt colonis. Frumenta enim suppeditat  
Sabaudia & Helvetiis, aliquandoque Genuensibus, quod nisi faceret,  
vili in Pedemontio vivi posset, sed dicti vicini adeo magnam annonæ  
copiam inde petunt, ut ipsum Pedemontium penuria aliquando la-  
boret, acciditq; ut frumenti saccus, qui scuto aut nummo aureo & se-  
mi venundari solebat, aut ad summum duobus, scutis aureisve num-  
mis.



mis tribus, aliquandoque quatuor vaneat. Pedemontio includitur Ducatus Augusta, vulgo Duche d Aosta, dictus, continet is magnum arcium numerum & feudorum, quæ nobiles possident: singuli horum non magnis pollent divitiis, sed omnes simul magnas possident opes. In Pedemontio sunt quoque territoria Vercellense, Canavense, Comitatus Nicæ. Suntque in eo septem civitates, Augusta nempe, quam ædificavit Augustus, ab eo nomen est adeptæ: munita haud est Augusta, sed pulchris valde muris cincta, secunda civitas Vercellæ dicitur, tertia Inurea, quarta appellatur Asta, quinta Mondevium, Nicæ sexto loco numeratur, septima Taurinū, vulgo Tarino nomen est, hæc Archiepiscopi sedes est, sæpeque hic versatur Dux. In Pedemontio septingenta millia incolarum sunt, quorum numerus quotidie major fit. Hic populus haud vilis est, sed multi eorum strenui sunt milites, sed pauci artibus mechanicis incumbunt, nec eas magni faciunt, sufficere sibi putant victum & amictum, in eo imitantur nobiles, qui mercaturam haud exercent, quamvis commoditate, quam Padus fluvius eis offert mercaturam cum Mediolanensis Status incolis, multarum civitatum ad ripas Padi sitis exercere possent, imo & cum Venetis, sed hoc ipsi non curant, extraneos autem mercatura telæ, canabis, lanæ, & pauci serici magnas simul parare divitias concedunt; dici itaque posset, quod quidquid mercatores lucrantur, id eis à Pedemontanis dono dari, quod ipsi id sibi parare possent, si vellent, Pedemontani in id solum incumbunt, ut penuarium probe sit instructum, utque laute vivant, ipsique artifices mechanicique, ferina carne, aliisque preciosis cibis vesci volunt; dici itaque potest, Pedemontanos quidquid habent insumere in luxum, Ducem id quidem male habet doletque ipsū, quod magis industrii non sint, offertque ipsis modum exercendi mercaturam consequendique lucrum. Aquæ ductus fieri curat, omniaque tentat, ut somnum eis excutiat. In Pedemontanis industria requiritur, sed id obedientia erga suum Principem pensant, vitæ quoque innocentia: sunt enim adeo simplices mansuetique, partim naturali instinctu, partim timore fisci, ut amanter quieteque inter se vivant, rarique sint inter ipsos homicidia vulneraque. Habet Dux plus minus viginti virorum millia selectorum, qui armis instructi sunt, nempe partim pectoralibus, partim sarissis sclopetisque; sunt divisi sub Capitaneis, qui alios superiores agnoscunt, ii vulgo Colonnelli dicuntur. Hi milites semper se exercent, fiuntque eorum lustrationes certis tem-



poribus. In Pedemontio numerantur plus quam octingentæ arces, quæ nobilibus in Feudum sunt concessæ, feudatariorumque communi voce, plus minus septies mille esse dicitur, sique ii præstarent quod debent tenenturq; facere esset Dux Sabaudia potens admodum, is habet ordinarietres triremes instructas. Reditus Ducis Sabaudia ordinarii extraordinarii que accedunt ad quingenta aureorum millia, nempe vectigal salis 50000 telonium Susæ 24000 vectigal mercium exterarum 18000. Alia vectigalia cum eo, quod Villafrancæ solvitur, dicunt accedere ad 25000. Ordinarium antiquum cum eo quod Baliaggi accedit ad 70000. Taxa ordinaria Pedemontii, cum mutatione salis, ab alio montium latere, in vectigal ordinarium perpetuumque 263000. Confiscationes bonorum, condemnationes, augmentum subsidiorum, compositiones delictorum. Censuales qui vulgo Tagliabeli dicuntur, hi homines, de suis bonis disponere haut possunt, nisi pendant aliquam pecuniæ summam Duci pro ejus arbitrio, & tributum, quod pendunt Iudæi, & ex similibus rebus percipitur 50000 summa totalis est aureorum num. 500000 De expensis nihil certi dici posset, tamen hoc scitur in militiam impendi aureorum 10000. In aulam Ducis 60000. In Ducissam 20000. In triremes 22000. Duci Nemorsio cognato Ducis, penduntur aureorum millia 14. In Stipendia Officiariorum ab utroque Alpium latere, Senatui, Camerae Iudiciarias aliaque, impenduntur 90000. In Legatos & res extraordinarias insumuntur aureorum 16000. In Donativa 12000. In Viridarios & eos qui Duci sunt à pedibus 10000. Dux impendit in res ei gratas 10000. Summa harum impensarum accedit ad 380000 aureorum millia.

## CAPVT XL.

## DE

## MAGNO DVCE ETRURIAE.

**P**ossidet Magnus Dux, cum jam conjunxerit Status trium rerum publicarum Florentinae nempe, Pisaniae & Senensis, provinciam Etruriae, aut ejus partem majorem, nobiliorem pulchrioremque. Habet enim hic Princeps in suo Statu unito 15 civitates, in statu nempe Florentino & Pisano, Pistolam, Volaterram, Arezium, Burgum S. Sepulchri, & Montem Politiani. In Statu Senensi sunt 7. Civitates, Sena



Sena nempe, Mons Alcinoi, Grossetum, Suvana, Pientia & Massa, quæ civitates omnes, excepta Sena & Pisa, populo satis frequentes sunt, sed posteriores duæ libertate diugavisæ servitutis jugum ægre invite-que ferentes vacuæ fere derelictæ sunt, exemploque aliis sunt, quam durum sit iis inservire, cum quibus diu contenderis, sed huic malo Princeps singulari industria studioq, remediū adferre studet, ipsasq; civibus frequentes reddere. Pisis nempe erecto studio, quod nunc ibi mediocriter floret, nomenque adeptum est per Italiam; fabricari quoque ibidem curat Princeps triremes, aliaque ad rem maritimam spectantia: jussit quoque ibidem habitare Equites Ordinis Sancti Stephani. Degitq; præterea Dux ibidem quotannis duobus aut tribus mensibus hibernis, procurat quoq; culturæ idoneas reddere multas paludes, ut aërem male fanum, purum fanumq; reddat. Cives deniq; Pisanos (quod summum est) multis oneribus liberat, eoque medio illos cives, qui patrios lares deseruerunt, allicit invitaturque, ut redeant in patriam, quamvis sub jugum missam, sed quæ nunc à multis extremisq; malis liberata sit, videturq; hæc res succedere, potestq; Status Pisanus populo frequens dici, cum in eo Florentinoq; sint plusquam octingenta animarum millia, & in Statu Senensi plus minus 600000. Populus hic omni arti exercitioque aptus est, docetque id abunde singularis splendor artium mechanicarum liberaliumque hujus provinciae; industria in mercimoniis exercendis, strenuitas in armis, & ingenium multorum hujus regionis in bonis literis excellens. Fertilitate quoque gaudet hæc Provincia, seque abundare potest dicere omnibus rebus, quamvis territorium Florentinum frumento non abundet, habet ejus loco vini, cannabis aliarumque rerum necessaria in magnam copiam, præter eam quam habet Senensis ditio, cujus agri vulgo Maremme dicti, fertiles adeo sunt, ut Apuliæ agris haud cedant: nec ii (agri Senenses) solummodo suppleant præstantque quod Florentia opus habet, sed etiam elargitur Genuensibus, Lucensibus aliisque vicinis regionibus. Etruria itaque sua fertilitate, inquilinorumque industria abundans, multumq; suarum rerum exteris impertita, ipsa paucarum rerum externarum indiga, magnas coacervat opes; eæ enim aut industria parantur, aut ex redditibus percipiuntur, qui multi magnique esse solent in regionibus fertilibus, sed in regionibus sterilibus florent artes mechanicæ mercaturaque. Cum a. Senensis ditio eximie fertilis sit, percipiunt ejus inquilini opimos



reditus negliguntq; mercaturam Senenses, in ditione autem Florentina parant sibi multi magnas opes mercatura industriaque; sunt n. in ea civitate multi artifices, fiuntque in ea nobilia eximiaq; opera, in textrinis texuntur magna industria diligentiaque variae res ex lana, serico & auro, nec ea in re cedit Florentia, Flandria; parantur hic quoque panni ex auro pulcherrimi, in primis abundat Florentia iis, qui se exercent serico & lana, quod & faciunt nobiles ditioresque ejus civitatis cum honore & lucro ipsorum, totiusque populi; quod autem à Florentinis confectum est, non solum in ejus ditione venditur, sed distribuitur per totam Italiam, imo per universam Europam, & in Indiam usque, ubi mercatores merces valoris centum aureorum vendunt 150 aureis. Observatum fuit, uno anno Florentiae confectos fuisse pannos, quos vulgo Rastie vocant, valoris duorum millionum aureorum, ingens profecto summa. Civium Florentinorum opes multo majores fuerunt, cum libertate fruerentur, gesserunt enim tunc grandia bella, impenderuntque multum in onera publica, in magnum palatiorum sumptuosorum numerum, expensis permagnis, à privatis civibus, in civitate ædificatis, sed adhuc majoribus extra civitatem, sicut videtur in planicie & collibus circa urbem. Clerus quoque, Episcopatus nempe, Abbatiae Præpositurae, Xenodochia ditissima sunt, sicut & multa Monasteria, percipiuntque hi (ut fama fert) quotannis ex redditibus quingenta aureorum millia. Opes privatorum valde ditant Principis ærarium; facultates enim privatorum nihil sunt quam Principis thesaurus in multorum ioculis divisus, præcipue cum privatorum facultatibus uti potest Princeps, quod Magno Duci facile est, medio onerum, quæ in usu sunt Florentiae. Ex dotibus percipit octo, pro unoquoque centenario tantundem ex venditione & emptione bonorum immobilium & domuum. Locatores domuum pendunt decimam pretij partem. Litem instituentes certam summam pecuniae (quæ vulgo La Spartola dicitur) Duci solvunt. Datium aut vestigal quoque penditur Duci, pro animalibus, quæ Florentiam ducuntur. Carnis pondere vendita libra pendit nummum vulgo dictum quattrino. Cambia pendunt certum quid pro centenario, ut absolvam, omne quod Florentiam infertur, aut ibidem laboratur, habet ut dici solet, suam campanulam. Vtebatur Princeps, cum opus esset facultatibus suorum subditorum, modo qui sequitur admodum facili; cum enim opus ei erant centum aut ducenta aureorum millia,



lia, conficiebatur catalogus eorum, quibus parata erant pecunia, eosque probe norat Princeps. Iisdem pecuniosis civibus imponebatur pecunia petita, sed exigebatur ab unoquoque, pecunia major aut minor secundum ejus facultates, sed ab uno nunquam ultra quinque nummum millia exigebantur. Facta divisione significabatur unicuique, quantum intra dies aliquos numerare deberet in depositorio, terminumque praefixum nunquam elabi sinebant cum timore poenae, tum ne Principis gratia favoreque exciderent. Qui pecuniam impositam numerarat, creditor inscribebatur pecuniae numeratae, quae ei reddebatur post 28 menses, intra quod tempus in toto Principis statu pecunia ab eo petita colligebatur. Hac ratione utebatur Princeps cum opus esset facultatibus subditorum absque eorum magno damno. Sed Magnus Dux, qui nunc ad clavum sedet cum pecuniis non egeat, adeo benignus magnanimusque est, ut mutuo det suam pecuniam aliis, tantum abest, ut suo populo gravis esse velit. Reditus publici ascendunt ad aureorum nummum millionem & semis; percipitur n. ex dat iis, vestigalibus aliisque oneribus summa aureorum sexcentorum millium: Sena numerat 150000. Telonium Liburni reddit 130000. Datium sive vestigalia rerum maritimarum per universum Statum, excepta Sena, ascendit ad 180000. Ex datio sive vestigali carnis, excepta Sena, percipiuntur 160000. Ex sale, minarisque ferri argentiq; tantundem, nempe 160000 Duci accrescit. Lucrum quoque percipit Magnus Dux ex depositis iis pecuniis, cujus magnam vim deponit apud mensarios. Rem item facit ex locatione duarum magnarum triremium, quae merces alio deferunt. Fama fert ipsum magnam paratam pecuniam vim habere, putantque aliqui, ipsum in thesauro Magni Ducis mortui reperisse plus minus decem millionum, & in crenodiis valorem duorum millionum, potestque hoc colligi ex computando redditus & impensas, quas Magnus Dux mortuus fecit multis jam annis. Est itaque Magnus Dux Etruriae tam sua qualitate, quam amplitudine Status numeroque populorum, pecuniaque quam habet, pacis tempore colendus, belli autem magnificiendus. Ejus Status potest dici Ferreus, praeter enim naturalem fortitudinem montium qui ipsum a tribus lateribus cingunt tanquam muri, habet ad quartum latus multas validasque arces, nempe in ditione Senensi, in qua numerantur quinque civitates munitae, Sena nempe, quae & natura artequo munita est, sicut & mons Alcino, Grossetum & Sorana. Ultra



## DE MAGNO DVCE

has civitates sunt & alia arces alicujus momenti, Radicofanum nempe, Montefalco, Lucignanum, Monteriggonum aliaque, sed præterquam quod in earum forma aliquid desideratur, nimis parvæ sunt, nec multos defensores capere possunt, nec iisdem seipsis tuendis subducendisque locus est. In Statu Florentino, civitates omnes quæ numero 7. sunt, mediocriter munitæ dici possunt, (excepto Montepolitano) præcipua autem Florentia, quamvis undiquaq; muris sicut nunc sunt munita non sit, sunt in ea duæ arces, una Fanum Miniati, in colle sita, ea universæ civitati imperat; altera arx planiciei dicitur, tempore libertatis ædificata. Ambæ arces, quamvis ædificatæ sint, ut iis tanquam frenis populus coerceatur, necessitate tamen urgente iis se defendere possunt Florentini contra externos hostes, sed præterquam quod earum forma laudari non possit, nec ex iis hostes offendi queant, laborant etiam parvitate. In Fano Miniati habet Magnus Dux 40; in alia autem 100 Præsidarios milites. In Statu Florentino, & Pisano, spectantur adhuc alia arces Empoli nempe, Pratum, Liburnum, Castrocarum in Romandiola & Saxum vulgo Sasso, omnibus iis multæ res necessariae desunt, suntque omnes parvæ incapacesque. Quod ad vires Magni Ducis attinet, primumque terrestres habet Dux validam grandemque militiam peditum, in suo Statu conscriptorum ad 30 millia usque, vel ad 36 millia, ut ipsemet Dux fassus est. Hæc militia egregie se habet, natura enim disciplinæ militari assuevit, estque id proprium ei Provinciæ. Temporibus enim antiquis modernisq; egregios validosq; dedit milites, nunquam nõ eos in arte militari exerceri curat diligenter Magnus Dux, utiturque in hoc negotio multis Capitaneis præclaris. Unusquisque militum quoque studet sclopetæ probe discludere, tam seipsum oblectando, quam præmiis à Principe allectus. Suppeditat hanc militiam Magni Ducis, ditio & civitates, excepta Florentia, quod forsan Magno Duci securum non videatur arma populo Florentino in manus dare. Ex conscriptione militum nemo excluditur præter Presbyteros & Scholasticos, iisq; qui nomina militiæ non dedere haud permittitur arma ferre, nec in civitatibus nec extra ipsas, nullisque qui conscripti non sunt, stipendia mereri nec domi, nec extra apud alios, sub pœnis gravissimis permissum. Gaudent hi conscripti milites multis privilegiis immunitatibusq; propter debita incarcerari non possunt, sicut alii, cumque hæc privilegia inviolabiliter observentur, multi



multi veterani milites, bellisque in Etruria, Francia, regionibusque Orientalibus gestis exercitati, huic militiae Magni Ducis libenter dant nomina, habeturque ea militia, cum propter numerum, tum propter militum virtutem ex praecipuis Italiae: unusquisque eorum teneatur arma ipsi à Magno Duce usui data conservare, nitidaque servare, ut iis necessitate urgente possit uti absque Magni Ducis dispendio. Militiam hanc potest Magnus Dux intra 6 aut 8 dies congregare adunareque in civitate Florentia, cum quod ea sit in medietate Etruriae, & tanquam centrum ditionum Magni Ducis, aequaliter vicina omnibus ejus partibus, tum propter commodum modum, regulam summamque facilitatem, qua hoc fieri potest. Est praeterea alia descriptio, qua continetur fossorum magnus numerus, his utitur Magnus Dux, etiam pacis tempore, in aedificandis arcibus, ducendis fluminibus, meliorandisque agris, cui negotio magna diligentia incumbat Magni Ducis pater. Equites centum instructos ordinarie habet apud se Magnus Dux, datque eorum cuique pacis tempore septem aureos menstruatim, belli autem tempore ordinarium stipendium; praeter hos sunt quadringenti equites, levioris armaturae quibus menstruatim numerat; aureos pacis tempore, cum autem viget bellum recipiunt ordinarium quoque stipendium. Hi equitatus conscribuntur in Magni Ducis ditionibus, utraque stipendium gaudent multis immunitatibus realibus & personalibus, evaduntque strenui milites. Quando egreditur ex Algerio magna Pyratum manus ad depredandum, non plene fidit Magnus Dux praesidiariis militibus, in turres ad id structas distributis, quaeque sibi invicem signa faciunt, sed turres securas reddit equitibus, eosque ipsis turribus. Praeter hunc equitatum habet adhuc unam turmam equitum Magnus Dux. Haec sunt ordinariae vires Magni Ducis, sed is extraordinarie multo plus virium sibi parare potest; ejus enim ditio populosa numeroque superdicto referta est. Exterorum autem militum talem numerum conscribere potest, qui sufficiat, eisque stipendium sicut alii Principes erogare. Dux Cosmus, multam curam rei maritimae impendit sciens quod in ea caput rerum situm sit, quodque ille Princeps Magnus haud dici possit, qui mari potens non sit, motus itaque his rationibus instigatusque à suis propriis deliberationibus, quae ad majora semper aspirabant procuravit, obtinuitque per Carolum V. à Domino Plumbini, ut is sibi cederet insulam Ieram sive Elbam ei subditam.



eam, quod is ( Dominus Plumbini ) eam adversus Pyratas tueri non posset ( erat enim ab iis vastata ) poteratque ea insula, si segniter defenderetur, occupari à Turcis, quod si accidisset, magnam calamitatem damnumque toti Italiae adferre potuisset, propter insulae Elbae situm, cujus reditus tamen gubernatioque villarum locorumque muris carentium Domino Plumbini manserunt. Est in hac insula Portus Ferratus, vulgo Porto Ferraro dictus, magnae cujuscumque classis capax, huc tanquam loco securo appellunt fere omnes naves ex Occidente venientes, quae deinde rendunt Liburnum, ibique merces magno Principis commodo deponunt. Si insula Elba in alicujus potestate esset, qui numerum sufficientem triremium haberet, aliisque vellet damnum inferre, is facile maritimas regiones superiores Barbariam, inferioresque, Provinciam, Liguriam Etruriamque infestando, sibi dominium ejus maris parare posset, ita ut nemini liceret, eo in mari navigare, quam cui id permetteret. Possidet Magnus Dux in hac insula parvam Turrim, quam ejus pater, à suo nomine dixit, Cosmopolim, suntque ad custodiam Portus in ipsius ore, in apice duorum montium duae arces, quae cum nunc sint perfectae, habentur pro munitis & fere inexpugnabilibus, cum situ tum artificio. In iis sunt multa tormenta bellica, omneque munitionis bellicae genus, ibi quoque est Navale Magni Ducis, in eoque magna abundantia lignorum, Fregolo, Cannabis aliarumque materiae aedificiis idoneae, possentque ibi armari multae triremes. In territorio Pisano est magna abundantia dictarum rerum, parantque ea cives Pisani sibi nomen augentque rem familiarem: in hoc Navali parum laboratur plusque naves reficiunt, quam novas parant. Est adhuc aliud Navale Magni Ducis in insula Elba, ubi sunt ejus triremes, opificumque, qui in eo operas faciunt, pars maxima est naturalium in ditione Magni Ducis aut sunt exules, aut allekti lucro. Habet Dux 12 triremes nempe, 8 instructas, duas autem nondum paratas. Praetereaque tres naves vulgo Galeasses dictas, quae mare sulcarunt, praeter adhuc duas, quae nondum sunt navigationi idoneae. Ut militiae maritimae vires, majoremque reputationem pararet Magnus Dux Cosmus, instituit Ordinem Equitum Sancti Stephani, obtinuitque à Pontifice Pio V multa Privilegia, licentiamque percipiendi pensionem supra bona ecclesiastica ad ducentos aureos usque, possuntque ii equites uxorem ducere, sed in classe militare debent, nec possunt frui commendis bene-



beneficiisque Ordinis, nisi in triremibus per annos tres militaverint. Ut huic Ordini nomen dignitatemque pararet, Magnus Dux, ejus Magister esse voluit, inque id officium successit ejus filius, distribuitque majora officia, inter suos ministros præcipuos. Militiæ terrestri maritimæque ut vigeat, præfecit Dux multos præclaros Capitaneos militaresque viros Italiæ, largiturque eis opima stipendia, instrumentis bellicis probe instructus est Magnus Dux, suntque eorum in arce Florentina plus minus 150 nempe tormenta campestria, suntque ejus arces probe instructæ, præcipuè eæ quæ sunt in Elba. In arce Florentina est magna vis pulveris pirii, globorum, rerumque victui necessariarum, nempe frumenti, milii, carnis salatæ, aceti, casei & similium.

## CAPVT XII.

## DE

## DUCIBUS FLORENTINIS.

**A**lexander, Furtivo Laurentii Medicei, Urbini Ducis, cum materna ancilla congressu editus, ab avia Alfonsina tenui cultu educatus, viro Leone X Pont. Rom. patruo magno, in subsidium pereuntis stirpis receptus est. Clemente autem Pontifice Cæsareanis armis capto, à Florentinis deficientibus Medicea domo exturbatus, aliquamdiu in subalpino agro ad Taurinum exulavit inops, donec à Florentinis perdomitis, veteraque exutis libertate, collato Principis titulo, est præfectus. Qui dominatus brevem ipsi atque turpissimum exitum tulit, quippe qui ab agnato & æquali Laurentio Medice, in ædes ipsius & cubiculum perductus, ab eo laudem liberatæ à Tyranno patriæ affectante, nocte alte stertens, nefarie gladio per costas adactus est transfixus Año 1573. Vxor Margareta, filia Imp. Caroli V ex adamata puella. Nupta exinde fuit Margareta, Octavio Farnesio Parmæ & Placentiæ Duci.

Cosmus, Ioannis Medices, Bellatoris eximii filius, secundus Dux Florentiæ interfecto Alexandro à 48 viris creatus. Arcem maximæ molis, in urbe Florentia construxit, præsidii que firmavit, justitiæque laude Rempubl. administravit. Senarum urbem Imperialem, ob ejectum præsidium Hispanorum, obsessam, cum amplissimo territorio, Galliarum Regis copiis à Marchione Marignano profligatis, in su-



am potestatem redegit, Anno 1555 à Pio V Pontif. Rom. in Magnum Ducem Hetruriæ creatus est An. 1569. quod ipsi magnam auri summam, ad rebelles domandos subministrasset, inter vivos esse desiit, Anno 1574. ætatis suæ 55.

Franciscus Magnus Dux Hetruriæ Secundus, patri in gubernatione successit. Obiit A. 1587 morte subitanea, nec sine veneni suspitione. Vxor prima Ioanna, Soror Imp. Maximiliani II. Secunda Blanca Castellana Veneta, mortua quinque horis post maritum.

Ferdinandus Magnus Dux Hetruriæ Tertius, Dux Florentiæ Quartus, ex Cardinale; hunc enim Pius V Pont. R. in cæsi fratris Ioannis Cardinalis creati locum, & patris merentis solatium Ao. 1561 ætatis suæ 13. galero Cardinalitio donavit. Fratri Francisco III subitanea morte extincto in gubernatione successit. Symbola ei ascribuntur. 1. Crux, cuius latera sunt, acuminatis cordibus similia, in superiori parte coronata, circa quam quinque globuli Mediceorum insigne; supra his vero galerus Cardinalitius, è quo ad utrumque latus Cardinalitia pendent ligamenta, cum inscript. à Domino factum est illud. 2. Navis mari commissa, & à vento impulsæ, cum inscript. Prospero motu uxor Christina, filia Caroli III Ducis Lotharingæ.

## CAPVT XIII.

## DE

## DUCIBUS URBINI.

**I**oannes Franciscus Gonzaga patri Io. Francisco, Domino Mantuæ successit. A Sigismundo Cæsare Mantuæ in magnificentissimo Tribunali in foro S. Petri primus Marchio creatus, Anno à Christo nato 1433 concessis ipsi insignibus Aquilæ nigræ, albo in campo, cum cruce rubente. Obiit rerum gestarum gloria clarus, principatu inter filios diviso Anno 1444.

Ludovico Gonzagæ, pater Ioannes moriturus Mantuam Macheriam, Goitum, omniaq; ad Veronam sita tribuit. Patre vivo Piccinio & Mediolanensibus militavit contra Venetos, à quibus captus lytram persolvit. Cum fratre Carolo diu dimicavit, ad extremum tamen victor. Fridericum III Imp. & Christianum I Daniæ Regem hospitio splendidissime excepit Ao. 1469 in urbe multa edificavit magnifice:  
Ædis



Ædis D. Sebastiani fundamenta jecit: templi S. Andreæ horologium absolvit absolutissimum. Fato concessit Anno 1478.

Federicus Mantuæ Marchio Tertius, bello & pace multa sapienter egregieque gessit. In cives suos tanta fuit benevolentia, ut re sua familiari pecuniaque mutua præter ullam compendii fructusve spem eos juvaret: plurimas in urbe artes opificiaque exerceri voluit; desidiam & otia ante omnia detestatus: ingenia suorum temporum humanitate, liberalitate, gratiaque summe fovit. Hospites præcipuis honoribus habuit. Obiit Anno 1484.

Franciscus secundum fata patris Frederici principatus insignia cepit Anno 1484 primus omnium Italiæ Principum barbam perpetuo aluit. Disciplinæ militari studiosissime vacavit; quapropter non apud Italiæ solum magnates summum existimationis gradum tenuit, sed etiam apud Maximilianum I Imp. & Ludovicum XII Regem Francorum; à Venetis item ob illustrem animi magnitudinem, & immensum pugnacis ingenii ardorem, delectus Imperator gemino bello victor extitit cum insigni gloria. Cæterum vir prædicatur bonus, & dexter, erga suos milites liberalis, erga hospites magnificus, erga civitates amans. Post insignem rerum egregie bello gestarum gloriam supremum diem finiit Anno Christi 1519.

Federicus Marchio Mantuanus Quintus 3. Non. Aprilis A. Christi 1519 solenni ritu sceptrum Imperii sumit in porta templi Cathedralis, nulla re patri inferior, commendatione militaris virtutis fuit; quamobrem cum à Leone X. Pont. R. contra Florentinis, copiarum præfectus, ætate adhuc prima est constitutus. Carolum V. Imp. postquam Augustalem coronam à Clemente VII Pontif. Rom. Bononiæ sumserat, splendidissime hospitio excepit; à quo in Ducem Mantuæ electus, insequenti anno, qui fuit 1531 uxorem duxit Margaretam Guilielmi Paleologi Montisferrati Marchionis filiam, cum dote illius Marchionatus: Obiit Anno 1540.

Franciscus Dux Mantuæ & Marchio Montisferrati Secundus puer septennis solennia principatus cepit, sub tutela patrui sui Herculis Cardinalis. Non multo post nuptias cum Catharina Ferdinandi Imp. filia celebratas, quum fortuito in Mintium fluvium incidisset, ab cordis syncope febrem continuo contraxit, quæ cum brevi consumpsit, Anno Christi 1550.

Guilielmus sacris initiatus Francisci fratri successit in utroque:



Mantua & Montisferrati principatu à Maximiliano II. Imp. in Duce Montisferrati est investitus, & magnis privilegiis donatus Anno Christi 1573. Obiit Anno 1587.

Vincentius post patris Gulielmi fata rerum gubernacula suscepit.

1. Ottone vel Odone Antoni Urbini & Montefeltrii Principe, ob libidines, in quasvis matronas, praesertim virginem nobilem, populari furore trucidato, successit in gubernatione Fridericus vir prudens, facundus, literatus, in Mathematicis disciplinis excellens, & ingeniorum amator, bello felix, pace clarus, apud Italiae Principes honoratus, à suis dilectus, Urbinum splendidis aedificiis exornavit, praecipue sumptuosa illa domo, cum Bibliotheca magnifice instructa, quam ingenti multitudine voluminum optimorum, auro, argento, serico mirifice opertorum ornatorumque, replevit, à Sixto IV. PP. Dux Urbini primus renunciatus est, educatus à socero in omnibus artibus liberalibus usque ad 11 aetatis annum, quo Mantuam missus, per biennium literis incubuit honestis sub Victorino Feltrio, à Sigismundo Imp. Eques Auratus creatus est. Variis in bellis feliciter rem gessit, generalis Florentinorum contra Alfonso Regem Neapolitanum Anno 1447 constituitur. In ludicro certamine equestri oculum amisit dextrum Anno 1450. Senis obiit Anno 1452. pacem cum Malatesta fecit Anno 1459. Pio II PP. pacem componente & Forum Sempronii prelio 11000 aureorum nummum ab eodem Galeatio Malatesta emit. In bello quod Veneti adversus Herculem Estensem Ferrariæ Ducem gesserunt, Padana aura insalubri febrim concepit, qua extinctus est Ferrariæ Anno 1482 aetatis 60. Corpus Urbinum portatum, & in S. Bernardini monasterio, quod extra urbem aedificaverat, sepultum est. Symbolum ejus fuit, tria ferramenta, ex quibus ignis excutitur trigonice posita, & in medio Silex cum inscrip. Non quodvis tero.

2. Guido Vbaldus vel Guido Baldus Ducis Friderici filius, Dux Urbini secundus fuit. Educatus in disciplina Ludovici Odifii Paduani, sub quo in literis Graecis & Latinis plurimum profecit. Patre defuncto militiam sequutus est, inserviitque Innocentio VIII PP. contra Ferdinandum Neapolitanum Regem. Civitates rebelles in obedientiam reduxit. Florentinis contra Pisanos militavit & horum Rempubl. prorsus evertit, Dux copiarum Alexandri VI. PP. adversus Urbinos in hostium potestatem, amisso exercitu venit Anno 1497

Postea



Postea à Cæsare Borgia circumventus, vim ejus & carcerem vix evasit. Anno 1501 mox Paulo Vrsino Gravinæ Duce, Vitelloccio & Oliveroto Firmiano ad Senegalliam captis, profugere coactus, sed Alexandro VI. PP. mortuo, rediens, summa omnium voluntate & lætitia receptus est. Julio II. PP. gratus. Reliqua vita tranquille acta moritur *Atais* Fossionbronæ Anno 1508 sepultus juxta patrem, cum adoptasset Franciscum Mariam, nepotem ex sorore Ioanna, Princeps & moribus, & virtutibus & litteris præstans. Elephante cingulo ligato, multisq; muscis infestato pro Symbolo usus est, cū inscr. Virtus unita.

3. Franciscus Maria Roboreus natus A. C. 1491 adoptatus in familiam Monfeltriam, Feltrii cognomen accepit, & Dux Urbini III à Guidone Baldo affine & antecessore designatus est. Patri in Soræ, Senegalliæque principatu successit. Julii II. PP. patruī copias duxit, sed à Ioan. Iacobo Trivultio fusus est. Alidosium Cardinalem, apud Ravennam trucidavit, quod Bentivolis Bononiam reddidisset. Reconciliatus patruo Pontifici Julio II cum Galliæ Regis Ludovici XII partes sequi in animo haberet, Pisauri Principatu donatur Ao. 1512. 12. Febr. cujus possessionem accepit Ao. 1513. A Leone X. PP. tota Umbria ac Pisauo pulsus, Urbini Ducatum amisit, quem PP. dedit Laurentio Medici. Exercitu itaque collecto, qui confecto bello Veneto, à Gallicis Ducibus dimittebatur, magnum terrorem Pontifici & Florentinis incussit, verum desertus à suis nihil effecit, sed ad Lorechium se convertit. Leone X. PP. defuncto Umbriam, & Ducatum Urbini, ut legitimus hæres recepit, auxilio Hispani Ao. 1517 & Imperator Veneti exercitus factus, cunctando hostes, ut prudens princeps vicit, Paviam eis recepit Ao. 1528 multas civitates ad dandum tributum coegit. A Paulo III. PP. afflictus est, ob Camerini negocia, quam civitatem ratione nurus suæ possedit. Sapientissimus & gravissimus Capitaneus, comparandus etiam cum quovis ex antiquioribus, à Carolo V dilectus, veneno ab inimicis necatur Pisauri, A. 1538 sepultus Urbini in templo S. Claræ Symbolo usus, Olea, cum inscr. Se sibi.

4. Guidobaldus II. Roboreus vel Monfeltrius, patri Francisco Duci successit, Dux Urbini IV. Pisauri Dynasta, Soræ & Senogalliæ Dominus, Literatus & Musicus celebris, iudicio & in Architectura insignis, bella plurima sedavit. Capitaneus generalis vel Imperator totius exercitus à Julio III. PP. creatus, cum bellum in Hetruria arderet, Ao. 1553 quo in officio & dignitate servavit etiam Venetis ac Philippo Regi



Regi Hispaniarum. A Carolo V. Eques Ordinis Aurei Velleris creatus. Corruptus à ministris malignis, subditos in primis Vrbinates & Eugubianos exactionibus oneravit, ideoq; in odium populi incidens tumultum ejus expertus est, & melancholia gravatus in febrim quartanam incidit, qua mense integro laborans, moritur in Pisauo Anno 1578 sepultus in monasterio Corporis Christi, Symbolum ejus fuit, Pyramides tres ordine caveæ quadratæ impositæ.

5. Franciscus Maria II Roboreus vel Monteltrius Dux Urbini V. natus A. 1549 Hispaniam in juventute adiit, & vixit in aula Regis Philippi, unde rediens in patriam A. 1571 Capitaneus classis contra Turcas factus, interfuit prælio ad Echinades gesto. Gubernationem Urbini Ducatus accepit A. 1574 Princeps humanus, literarum stuoliosus, in Mathematicis, Theologicis, ac Philosophicis rebus excellens. Bibliothecam sibi collegit copiosissimam & instructissimam. Symbolo utitur: Leone erecto, qui dextero pede anteriore tenet gladium, cum inscr. Non deest generoso in pectore virtus 2. Palma, cujus altera pars lapide premitur, cum inscr. Inclinata resurgo. Vxor Lucretia Escensis, filia Herculis II Ducis Ferrariæ, quæ pro Symbolo utitur Palma ad littus maris posita, in quam flat ventus, cum inscr. Vti crescit. Possidet Dux Urbini 7 civitates & plus quam 300 Castella, civitatum nomina sunt, Urbinum, Eugubium, Caglium, Fossembrona, hæ sunt Ducatus Urbini, Fanum Leonis caput est Comitatus Monteltri, Sinigalia & Pisaurum. Dominium Ducis Urbini est admodum fertile, floridum, omnibusq; ad vitam commode transigendam abundans, bona ejus Domini pars, sita est ad mare Adriaticum, quod ad prime opportunum, commodumq; est invectioni rerum omnium, quæ undequaque facile fieri potest, possuntque multa inde commode evchi deferriq; ad alia loca. Extenditur hoc Dominium in longitudinem 60 miliaria, in latitudinem 35 i conterminum imo insertum est ditioni Ecclesiæ Romanæ, cujus Urbini Dux Feudatarius est, attingit quoque Dominium Ducis Urbini, fines Florentinorum, solvitq; Dux Urbini quotannis Romano Pontifici pro censu recognitioneque aureorum 2200. Reditus Ducis Urbini quos percipit ex bonis hæreditariis Gabellis aliisq; proventibus æstimantur accedere ad centum aureorum millia quotannis, & si vellet Dux suis subditis imperare multo majorem pecuniarum summam ab ipsis posset consequi, sed ipse insistens vestigiis suorum antecessorum, volensque à subditis amari, eos non gravat insuetis oneribus, mavultq; minus pecuniarum possidere.



## CAPVT XIV.

De

## VENETORVM CIVITATE.

**V**enetorum Civitas in intimo Sinu maris Adriatici est, adeoque longe distat à continenti, ut inde ei nihil timendum sit, sicut nec ab improvise impetu, quantumvis magnæ classis, quod in medio amplorum æstuariorum sita sit, quæ plus minus ducentorum miliarium spacio eam circumdant. Ad commoditates quod attinet, eas permagnas videmus, si sanis oculis eas considerabimus. Dominium enim obtinet dicti maris, quo civitati Venetorum secure magnaque abundantia advehuntur omnia, ad vitam humanam necessaria, sicut & ex continenti, civitatibusque circumstitis haud paucis, nec debilibus, quæ omnes sitæ sunt in ditione Venetorum; quamvis autem dici possit in civitate Venetorum nihil nasci, adeo magna tamen rerum omnium copia ibi videtur, venditurque precio mediocri, ut creditu difficile sit. Dictu haud facile est, quanta commoditate Canaliculorum infinitorum, qui hic sunt, multitudine permagna cymbarum (Gondole vulgo dicuntur) agiliū pulcherrimarumque, undique per civitatem perveniri possit. Sed ei, qui æri parcere vult, per pontes (quorum numerus hic infinitus est) ex lapidibus structos tendere quo vult, facile est, hæc res profecto commoda valde est tam divitibus quam tenuioris fortunæ hominibus. Si pulchritudo Venetiarum spectetur, non solum inter alias Italiæ civitates pulchra sed admiranda iudicabitur, cum ob frequentiam Palatiorum regium potius fastum, quam civilem mediocritatem referentium, tum propter multitudinem templorum. Adornant quoque Venetias pontes nobiles, fora ampla, plurimæque mercatorum tabernæ preciosissimis mercibus refertæ, quæ in pulcherrima hac civitate cum ingenti admiratione spectantur. Hæc de internis Venetiarum mirandis dicta sint. Externa autem earum sunt, regna, civitates, oppida, arcesque quibus dominantur Veneti, vires terrestres maritimæque validissimæ, redditus permagni, admiranda ratio regendi Rempublicam, fœderaque cum aliis orbis Principibus pacta. Incipiendo itaq; ab uno capite, dicimus, Venetos possidere in Lombardia & Marchia Tarvisina 7 magnas, divites, populoque frequentes civitates, præter multa magna oppida,

K

mul-



multasque arces. Civitates sunt Bergomum, Crema, Brixia, Verona, Vicentia, Patavium, Tarvisiū, quæ omnes sunt munitissimæ, excepta Vicentia, quæ quod in medio aliarum sita sit, extra periculum est. Verona autem Bresciaq; haud expugnari posse existimantur. Oppida Venetorum sunt Bassanum, Castellum Francum in Marchia, aliaque brevitatis gratia prætermissa. Arces munitæ sunt Orci Novi, Asola in territorio Brixia, Peschiera & Lignago; possident præterea Veneti in Lombardia, Polesinum de Rovigo, in quo multa oppida perlata sunt. Extra Lombardiam, sed in Italia septentrionem versus possident Veneti fere universum Forum Iulii (vulgo Friaul & Friul dictum) quod ultima est Provincia Italiae ab eo latere. In Foro Iulii nullus munitus locus est præter arcem Maranum nomine inter Stagna & Estnaria sitam circa mare, sed ea ad prime valida est, quod fere à continenti sit separata, excepta ab una parte, quæ mediocri militum manu facile posset defendi. Est ibi quoque arx Osopo dicta, prævalida, sub monte sita. Posset hæc arx, vel maximo exercitui, qui hoc tritisimo itinere in Italia penetrare vellet, transitum præcludere; aliis autem itineribus duci non possunt tormenta bellica; in eadem quoque Provincia est Vtinum vulgo Vdene civitas, sed debilis, in causa est ejus territorium fortificationi haud idoneū. In Istria dominantur Veneti multis civitatibus, sed populo infrequentes debilesque sunt, excepta ea, quæ Caput Istriae dicitur. Dominium quoque obtinent Veneti fluviorum omnium Insularumque Dalmatiae & Sclavoniae, in quibus sunt aliquæ civitates, aliquotque arces, Zara nempe & Catarum: sed civitates Dalmatiae fortificare non est opus; exercitibus enim, terrestri itinere, ad eas penetrari haud potest, excursions quidem fieri possunt, sed parvi momenti, iisque potest facile obviam iri, montes enim ibi sunt asperrimi, itineraq; admodum angusta. Ad rempubl. Venetam spectat in mari Adriatico insula Corcyra in mari Adriatico cū munitissima arce, estq; hæc insula clavis aut Ostium Sinus, potest mediocri classi ingressum præcludere, eoque arcere magnam, validamque classem. Possidet præterea Venetorum respubl. insulam Cephalonie, Zacynthum, Cyrharam & Lucerigo, & in Archipelago Insulam Zartam. Ejus est quoque nobilis insula Creta vulgo Candia, quæ in circuitu habet milliaria septingenta, suntque in ea 4 civitates, Candia nempe, (unde universa insula nomen mutatur) Canea, Rerhimum, & Scithia, quarum duæ primæ sunt munitissimæ,



simæ, tam situ, quam arte; aliæ situ tantum fortes dici possunt; dignitate Ducali eminet hæc insula, estque civitas Candia Metropolis, incoliturque quamplurimis nobilibus Venetis, multique ipsorum in ea nati sunt; est quoque in hac insula satis egregium Navale. Ut concludatur, insula hæc adeo magna est fertilisque, vini præcipue, ut pro parvo regno haberi possit. Hi sunt status, dictæ illustrissimæ reipub. subditi, ex quibus percipit (ut ad ejus reddituum censuumque enarrationem veniamus) duos aureorum nummum milliones quotannis, pacis tempore nempe, colligunturq; ii redditus eo qui sequitur modo; ex civitatibus in Italia, supra nominatis percipit octingenta millia, cujus summæ Brixia & Bergomum ter centum millia solvunt. In Venetiarum civitate colliguntur ex datijs & vectigalibus septingenta millia nummum aureorum, solum enim vectigal vini locatur 130 aureorum millia quotannis, percipiuntur quoque pecuniæ ex decimis taxisque, nobilibus, mercatoribus populoque civitatis Venetiarum impositis; reliqua quingenta millia, dictorum duorum millium, percipiuntur ex sale, qui fit multis locis ad mare sitis, ex datijs quoq; vectigalibus & subsidio, quod civitates maritimæ reipubl. elargiuntur. Volunt aliqui hanc reipub. percepisse ex regno Cypri, quingenta aureorum nummum millia, habeturq; pro re certa reipubl. eandem pecuniarum summam, aliis mediis à subditis consequi. Tanti talesque sunt redditus ordinarii reipubl. Venetæ, cui accedit quod & aliis Principibus Christianis, paucis exceptis, evenire solet, nempe, quod ii redditus, in expensas ordinarias erogantur, in militiam scilicet, classes, in fortificationem civitatum arciumque, quæ ea opus habent, in salaria Magistratum, & Officiarios civitatum, nec aliquid superesse creditur; si autem aliquid superesset eo solverentur, antiqua debita, ultimis bellis contracta. Quamvis autem ordinarii redditus, in ordinarias expensas, quæ pacis tempore fiunt, erogentur, inde tamen inferri non potest, hanc reipubl. non esse adprime potentem, ii enim Principes respUBLICÆque aliis sunt potentiores, quæ plures modos extraordinarie pecunias colligendi habent, talium modorum mediorumque hæc reipub. prædives dici potest, plusque minore cum timore periculoque, à suis subditis potest consequi extraordinarie, quam alii Principes à suis populis; quando enim accidit, ut resp. bellum sibi illatum iri putat, aut classem præter ordinariam instruere vult, quamvis pax vigeat, facit id quando Turcus magnam classem



classē emisit, tunc respub. modis extraordinariis pecunias colligendi utitur, sunt ii modi multi diversorumque generum, qui tamen possunt ad tres modos reduci. Primus est multiplicatio decimarum, nobilibus impositarum, civibus quoque qui ex bonis stabilibus redditus percipiunt; multiplicantur autem decimæ hoc modo, quod loco unius, quæ quotannis pendere solebat, penduntur duæ aut tres, pro voluntate Senatus quod & fit, cum duplicatur taxa à Senatu mercatoribus indicta, secundum valorem mercium, soletque ea taxa accedere ad decimam lucri ipsorum partem, quam etiam pendunt nobiles, civesque ditiores. Primo huic modo includitur alius census, qui populo indicitur, quando præter ordinarium instruitur classis; omnia enim opificia certum hominum numerum reip. commodo solvere debent, facile respub. itaque primum hoc colligendi pecunias modo, uti potest, solvuntque omnes libenter, patriæque ferunt auxilium. Si hic modus non sufficit, tunc respub. secundo utitur, is est, ut nobilibus officiariis per aliquot tempus nihil detur, edicitque præterea, ut officia honoratissima, quæ nobilibus meritorum ergo dari solebant, venundentur, non autem in perpetuum, nec plus offerenti, potius enim quam ea officia indigno conferrent, ei qui minus obtulisset traderent, si is virtute præstaret. Hoc modo collegit Senatus dimidiam millionem tempore belli, quod reipub. Venetæ exiguant fane ob causam ab omnibus Christiani orbis Principibus illatum fuit ex fœdere Cameraci inito. Est præterea alius colligendi pecunias modus, qui depositum concilii dicitur, estque huiusmodi: junioribus, quibus concilii ingressus est interdictus, id mediante pecunia conceditur, admittunturque ii ad functiones officiorum. Tertio modo, ad colligendam pecuniam utitur Senatus Venetus, quando resp. maxima necessitate urgente cogitur pecunias à privatis personis muruas sumere, quas cum via benevola nancisci non potest rapit eas vi vendendo mobilia, aut immobilia civium si necesse est; quamvis autem id fiat, haud inde oritur tumultus generalis aut alicujus momenti, qui posset fieri apud alios subditos; pro exemplo sit: si Senatus statuisset, ut tertia pars honorum omnium privatorum civium hæstæ subjiceretur, fieret universæ venditionis summa, ejus resp. se debtricem inscribit privatorum civium, quibus promittit Senatus solvere res ablatas, post aliquem annorum lapsum, finito bello, solvit pro usura aliquid certi quotannis, nempe duo pro centenario, satisficque



Atque creditoribus intra annos 30. solvit itaq; hoc modo respub. debita antiquiora. Dicuntur hi vulgo Prodi monte, vecchio. Solvit quoque respubl. aliis 5 pro centenario quotannis, diciturq; hoc vulgo Monte nuovo etiam Monte di sussidio, usuras has solvit resp. respectu debitorum primis, recentiorum, aut solvit amplius, promittitque civibus brevi reddere creditum, vocatur hic Monte novissimo. Solvuntur itaque facile debita 25 aut 30 annorum spacio, si nullum sit bellum, quod, quantum potest fugit respub. quæ etiam solet pecunias deposititias, (ipsi dicunt in Zecca) recipere solvitque iis qui eam deponere voluerunt octo pro centenario, sed solum pro annis 18 præter hoc multa bona immobilia publici juris Sorti, vulgo Lotto dictæ exposuit, quæ schedis ex olla, publice, præsentibus Senatoribus extrahuntur. Tales tantique sunt modi mediaq; colligendi pecunias, quibus respub. usa est bellis ante gestis, poteritque sequenti tempore iis uti: potest quoque respub. augere datia vectigaliaque mercium, pro Senatus beneplacito. Ut concludatur; habet respubl. infinitos consequendi pecuniam absque tumultu modos à nobilibus, civibus populoque, imò necessitate urgente multi nobiles mercatoresque sua sponte, sequentes exemplum Principis reipub. dederunt magnam pecuniarum vim, eorumque aliqui dederunt uxorum cymelia, considerantes afflictam remp. iis plus egere quam uxores ut se iis ornarent, nec solum privata personæ civitatis Venetiarum reipub. pecuniis subuenerunt, verum etiam civitates Venetis subditæ idem fecerunt, pro ipsorum facultatibus, ultra vectigalia summamque pecuniarum, haud exiguam ipsis impositam: præcipueque regni Cypri cum adhuc Venetis pareret, miserunt reipub. ut tanto citius fortificatio civitatis Nicosiæ absolveretur centum aureorum millia, unde facile judicari potest ingruente necessitate, plus daturos fuisse, omnes enim generaliterque amant mansuetum leneq; Imperium hujus reipub. laudantq; administrationem justitiæ, quæ pauperibus æque ac ditioribus incorrupte administratur. Est itaq; in hac magnifica civitate tritum proverbium, non multum referre, si publicæ pecuniæ exiguæ sint, modo privati divitiis abundant, potest enim resp. facile ab iis consequi pecunias. Ad militiam reipub. Venetæ quod attinet, cum Senatus Veneti scopus sit cavere ne offendi possint, nec causa sit, quare alicui ipsorum ditionis parti timere debeant, ædificarunt tamen, ædificant, ædificabuntq; multa fortalitia, ut



suæ ditiones securiores sint; earumque numerus generaliter loquen-  
 do adeo magnus est, ut nullus alius Princeps, aut potens Dynasta sit,  
 qui tot, tam perfectæ tantique momenti possideat. Sunt enim reipub.  
 fortalitia permagnis aggeribus intrinsecus instructa, sicut & muris  
 præter modum pulchris, propugnaculis validis, vallis quæ vulgo  
 Cavalleri dicuntur probe structis fossisque (ut decet) profundis  
 amplisque; multæ quoque civitates validissimæ habentur propter a-  
 quam, quæ ipsis adimi alioque derivari haud potest, aut saltem nisi  
 valde difficulter, sicut sunt Tarvisium, Lignago & Crema; aliqua-  
 rum circuitus adeo amplus est, planiciesque tam larga, ut non queant  
 nisi ab innumerabili exercitu obsideri: tales sunt Patavium & Vero-  
 na; in aliis sunt arces aut fortalitia, quæ civitatibus adeo imperant,  
 ut si caperentur, iis facile possent recipi, quod videtur Brixia, Ber-  
 gomi & Verona. Dominantur præterea Veneti infinitis locis secun-  
 dum maris littus sitis, quibus facile posset ferri auxilium, quod resp.  
 mari multum valeat, nec possunt dictæ civitates à latere, ubi conti-  
 nenti junguntur, bellicis tormentis quassari, cum propter eorum si-  
 tum tum propter territorium adeo montosum scopulosumque, ut  
 tormenta bellica eo duci non possint. Hujus sunt conditionis omnes  
 civitates, Dalmatiæ, Istriæ, Insularumque, defendendis dictis civita-  
 tibus fortalitiisque utuntur Veneti viris illarum regionum, qui fide-  
 lissimi sunt, curantque in Lombardia virorum 15 millia armis exerce-  
 ri, appellantur Selecti nomine ipsis usitato Cernide, quod in uno-  
 quoquo districtu comitatuque seligantur, qui armis sunt aptiores,  
 eorumque quotannis variæ fiunt lustrationes particulares, generales-  
 que; cum autem horum pars major rustica sit plebs, præliis campe-  
 stribus inepti, nec ordines servare norint, largitur respub. stipendi-  
 um militibus, qui degunt in civitatibus ipsi subditis, sicut & exteris,  
 qui ipsorum militibus haud cedunt. Peditatus Italicus, animis, agi-  
 litate valet, fortisque est, aptusque aggressibus velitationibusque, sicut  
 & oppugnationibus civitatum, sed ei deest ordo ille firmus constans-  
 que, quo valent Germani; habetur tamen peditatus Italicus valde  
 strenuus; habuerunt talium, nempe subditorum exterorumque Ve-  
 neti, in suis exercitibus plus minus 15 aut 20 millia largiunturque sti-  
 pendium aliquibus Cantonibus Helvetiorum Rheodumque possent  
 itaque Veneti exercitum conscribere 35 millium militum strenuorum  
 mediocriumque plus minusve, prout requireret necessitas, distribu-  
 untur



untur alii in præsidia civitatum, & per triremes. Pediti numerantur pro stipendio 45 dierum, tres nummi aurei, quando meret, ingruente autem magna necessitate solvuntur ipsis quolibet mense 5 nummi aurei plus minusve. Equitatum quod attinet, largitur respub. stipendium equitibus cataphractis sexcentis selectissimis, quos pro præsidio magnificentiaque conscripsit; eorum unusquisque tres secum equos trahere solebat, sed nunc plures duobus non trahit, requiritur autem, ut ii strenui pulchrique sint, eques 120 nummos aureos meret quotannis, ii fere omnes nobiles sunt civitatum in Lombardia Venetis subditarum, quantumvis autem in Venetorum ditione progenies equorum generosorum non sit, posset tamen equitum numerus augeri ad mille, aut mille quingentos usque. Solebat hæc respub. in Lombardia stipendia largiri mille equitibus levioribus armaturæ, sed parcit nunc hac inutili expensa, quod ipsis facile sit magnum equitum numerum conscribere, potestque uti militibus Dalmatis, qui vulgo Stradiotti & Capelletti dicuntur, valent multum ad impediendum subvectionem commeatum hostibus, iisque insequendum. Præstant quoque experientia agilitateque, sique rumpantur eorum ordines militares, facile eos restituunt, sequique commilitonibus jungunt. Taliū equitum posset hæc respub. conscribere in Dalmatia aliisque Insulis ter mille, paucosque minorem numerum equitum levioris armaturæ, in civitatibus Italia. Exercitibus terrestribus præficiunt Veneti Capitaneos externos. Præcipue a. deferunt Capitanei Generalis aut Gubernatoris decus externo Principi sæpeque per magno salario conduxerunt præfeceruntque suis exercitibus dominos liberos, quales sunt Marchiones Ducesque. His Capitaneis belli tempore addit resp. duos Senatores virtute præstantes, qui Proveditores Generales dicuntur, absque quorum consensu, Gubernator aut Capitaneus Generalis prælio decertare non potest, nec aliquam magni momenti rem tentare. Dicamus nunc de militia maritima, quæ caput rerum est, maximique momenti. Primum est admirandum Navale Venetum, quod non solum valde magnum est, sed adeo pulchrum, omnibusque rebus necessariis instructum, ut hodie universo in orbe ei simile non reperiatur, situm est ad unum civitatis caput, mari vicinum, civitatiq; adeo conjunctum ut ab ea divisum haud videatur, sed pars ejus putetur, judicaturque eam ob rem à spectatoribus major, quam est; cingitur fortibus muris, sed nulli ei sunt aggeres intrinseci, quod iis non egeat, cum



cum quassari tormentis bellicis haud possit, dicique potest in Insula situm esse, quod Canalis ipsum circumdet. Si alio nomine quam Navalis, ipsum appellare velimus, fortalitium aut Sertaglium Venetum possemus dicere. Dicto in Navali numerantur ducentæ biremes vulgo Galere, suntq; præter has in mari aliæ multæ, earum numerus ad 40 accedere solet. Sunt quoq; aliæ naves, quæ Galere magnæ dicuntur, ut distinguantur à minoribus: equites cataphracti hæ dici possunt, quod graves sint, nec remibus adeo facile agi possunt, sed multo maiorem impetum faciunt, si quæ tales naves in prælio navali, ventum haberent propitium, vel centum minores quas Subtiles vulgo Sottili dicunt, invadere possent, si autem iis jungerentur minores, classis talium navium esset invincibilis, posset enim talis classis cum velis, tum remis uti. Sunt in dicto Navali tot adeoq; diversa armorum genera, ut iis innumerabilis gens armari posset, inspicientique stuporem incutit multitudo, videntur quoque ibi tot tormenta bellica, ut dictis navibus possint sufficere, armisq; cum offensivis, tum defensivis armari nautæq; milites, ultraq; ea adhuc tot alia ibi spectantur arma, ut naves particularium, fortalitia, exercitusque terrestres, cum opus esset, eis possent instrui. Ligni fabricandis navibus idonei maximam habent copiam Veneti, cum propter qualitatem frequentiamque sylvarum circa mare sitarum, tum propter curam, quam habent, quercuum in ipsorum ditione nascentium, quæ cum excisæ sunt, facile conducuntur Venetias per mare, per flumina quoque, quæ apud Venetias se condunt mari. Ut uno verbo dicatur, quidquid de Navali dici posset, certum est, quod tale Navale, quale est Venetum nunquam fuit, nec est, nec erit in orbe universo, quod adeo probe sit instructum viris strenuis; sunt enim trecenti plus minus, qui operi semper sunt attentissimi faciuntq; sua opera tanta velocitate, ut mirari haud satis queat spectator, minori enim quam decem dierum spacio, integre armarunt 30 Galeras, ut nihil iis deesset, prælioque essent idoneæ. Magnam pecuniarum vim impendunt Veneti in hoc Navale, in quo tantum fabricantur triremes, vulgo Galeræ parvæ & magnæ. quos ipsi Sottili & grosse dicunt, & Catastopia quæ vulgo Fustæ dicuntur, quod navium magnarum probeque instructarum affatim habeant; sunt eæ quidem privatorum, sed resp. cum opus est, iis potest uti. Venetis quoque non desunt Exhibatæ, civitates enim maritimæ, sicut & continentis ipsæ que Venetiæ talium satis suppeditant, in



triremibus militant viri ab ipsis conscripti, quos delle Cernide dicunt. Pars maxima Capitaneorum præfectorumque triremium (ipsi Sopraconiti dicunt) ex nobilitate Veneta seligitur, quorum numerus prægrandis est, suntque in unaquaque, præter Præfectum, duo nobiles Veneti, ut se in disciplina maritima exerceant. Venetis itaque instruendæ classi nihil deest, nisi aliquis eis pane bis cocto aut nautico opus esse diceret, præcipue caritate ingruente; sed hujusmodi pane eoque optimo abundant Veneti, habent enim multa amplissimaque granaria, in quibus adservatur infinita frumenti aliarumque frugum vis, panis quoque nautici. Ut Sinus Venetus securus tutusque sit, sicut & maris Ionii insulæ, semper in promptu sunt 35 aut 40 triremes, quibus præest Proveditor & Capitaneus Sinus, facitque Senatus impensam in unamquamque quinque millium ducatorum, computando panem nauticum. Hæ triremes non solum reddunt mare securum à piratis; sed & exercitantur in rebus maritimis multi nobiles, quamvis non vigeat bellum. Hæc est magni momenti res, conciliatque rei publ. multum existimationis. Dictus numerus triremium augetur, quotiescumque Turca classem instruit, curantque Veneti, ut sua classis par æqualisque Turcicæ classi sit, eoque casu constituitur generalis classis quod nomen tanti est momenti apud Turcas, ut Sinui appropinquare, multoque minus Venetiarum civitati haud audeant. Quamvis autem Venetorum classis, cui tutela Sinus (aliter Golfo) demandata, magna valdeque potens sit, haud tamen potest naves omnes Sinum Venetiarum fulcantes securas reddere; minores enim naves, quæ haud longe à littore Dalmatiæ discedunt, spoliantur à piratis, qui Vscochi dicuntur, ii se Zegniam, & flumen vulgo Frume, oppida familiæ Austriacæ subiecta recipiunt, suisque naviculis armis instructis, adeo molesti sunt navigantibus, ut rei publicæ necesse sit, semper ibi in promptu habere Capitaneum & quinque Catafropia armata. Huic Capitaneo injunctum est, ut dictos piratas extirpet eradiceque; quamvis autem hæc res Venetis magnæ sit impensæ, multum tamen facit, magnoque est usui, ut illi piratæ coerceantur. Qualem autem triremium naviumque numerum Resp. emittere possit, facile perpendi potest: cum enim non desint ligna, arma, viri, pecuniæ, tantum navium numerum educere potest respubl. quantum putabit opus esse; quamvis autem à multo jam tempore non emisit respubl. plus quam centum triremes, paucasque naves, is tamen, qui



probe perpendet omnia, percipiet rempubl. ante ducentos aut trecentos annos, cum ei haud tantæ vires suppeterent in expeditionem Terræ Sanctæ instruxisse classem ducentarum navium, tantundemq; in expeditione Constantinopolitana, quando cum Francisco vela fecerunt; nemini itaque dubium esse debet, quod si urgeret necessitas, cum respubl. sit dives pluresque subditos habeat, Navaleque melius quam unquam instructum sit, eam majorem classem instruere posse. Si id non faciunt, in causa est, quod tot naves periculo exponere uno tractu consultum ipsis non videtur. Quamvis autem classis Veneta, Turcicæ classi numero par non esset, viribus tamen superat, nec dubitari debet, quod si Veneta classis, à Turcica aggredieretur, (quod nunquam ausa fuit) facere prelium non recusaturam Venetam. Quamvis autem ad reipublicæ Venetæ clavum sedeant nobiles, non autem populus, non tamen dici potest, ibi paucos rebus præesse, nec etiam multos, minus adhuc dici posset, ipsam ab uno moderari, quod ei Princeps aut Dux præsit, sed in ea spectantur tria regiminum genera, unde unum solum, idque omnibus numeris absolutum emergit. Sedet itaque ad reipublicæ clavum Dux, in quo Imperii Majestas elucet, in vestitu exstimationeque, dicitur vulgo Doge, quod Ducem significat, aut Capitaneum, à quo alii duci videntur propter ejus Majestatem habitumque absoluto Principi consuetum; creatur hic Princeps electione ab ipsis nobilibus, sed ejus autoritas major haut est, quam cujuscumque alterius præcipuæ notæ nobilis; in deliberationibus enim publicis, unum tantum votum habet sicut alii, ipsius quidem est respondere reipubl. nomine Principum Legatis, eorumq; literis rescribere, sed nihil respondere aut rescribere potest, quam quod Senatus præscripserit, ei in omnia reipubl. concilia patet aditus, suamque sententiam dicere potest sicut & alii, quibus licet ipsius sententiæ refragari. Est & aliud concilium paucorum, haud ditiorum aut potentiorum, sed sapientia rerumque usu præstantiorum; in hoc concilium, decem tantum admittuntur, diciturque ideo concilium decem sapientum, his junguntur et Senatores: quidquid hi, Princeps, sexque consilarii statuerint id ratum est. Sunt præterea infinita concilia, quæ paucorum dici possent, sique de unoquoque esset dicendum, plus ocii temporisque requireretur. De conciliis hoc tantum dico, ex omnibus paucorum componitur unum, quod multorum dici non potest, quod ducenti viginti & quinque Senato-



natores ei non intersint, hoc concilium certe Senatus dici posset, dicitur vulgo Consilio di Pregati, quod initio reipubl. precarentur sive rogarentur sapientiores prudentioresque civium, ut dicerent sententiam deliberarentque, quid esset ex usu reipubl. Hi Senatores seliguntur ex alio sed maiore concilio, sed eliguntur sapientiores, quod ad ipsos referantur maximi momenti negocia, belli, pacisque, fortificationes locorum, conductiones Capitaneorum, creatio legatorum ad Principes mittendorum: leguntur in concilium litteræ, quæ reipublicæ scribuntur: ut concludam, concilium sententiam dicit in rebus gravioribus maiorisque momenti. Postremo est concilium quod reipublicæ faciem habet quamvis, ut verum dicatur, non est, hancque ob causam ad hoc concilium tantum admittuntur nobiles, qui libro inscribuntur. Nec in hoc concilio nobili, qui annum ætatis vigesimum quintum non exceßerit, locus datur, nisi votum det, quamvisque aliquibus ex gratia speciali in hoc concilium ætatis anno vigesimo, aut paulo amplius, attamen decretum annorum 25 firmum manet. Nobilium, quibus in hoc concilio aditus patet, numerus ad bis mille & quingentos accedit, quia autem multi absunt, foris magistratibus præfecturisque fungentes, non ultra mille sexcentos conveniunt quoquo oïdno, nempe die dominico mane, sicut & hora matutina dierum fastorum, creantur tunc magistratus, distribuunturque functiones admirando pulchroque ordine. Eliguntur pluralitate votorum, qui locum habere debent in concilio, quod Pregadi vocant, aut in concilio decem virali, vulgo di diece, in aliis quoque conciliis eliguntur sapientiores prudentioresque totius nobilitatis. Quamvis autem videatur fortunam multum posse, ut functionem consequatur aliquis, non tamen datur ea nisi digno & virtute præstanti, nisi enim concilii pars plus quam dimidia, candidatum functione dignum iudicat, eam non consequitur. Possent hic multa dici de mirabili ordine creandorum magistratuum, quamque quiete pacificeque omnia peragantur, sed longum esset, lectorique tedium forte moveret, dicentur ergo solummodo necessaria nec omittentur hic verba Cassiodori Ravennatis, qui scribit cuidam Theodoro de antiquorum Venetorum moribus, qui, quamvis eorum Status multum auctus sit, eos tamen mores servant adhuc. Paupertas ibi divitiæque sunt æquales, unus cibus reficit omnes. Habitatio similis concludit universa, nesciunt de pecuniis invidere, & sub hac de-



gentes mensura vitia fugiunt, quibus mundus obnoxius est. Vestitus Venetorum moribus similis est longus nempe, gravis, pacificus haud pomposus, unus idemque est cibus, parcus nempe, lege enim sumptuaria prohibeantur nimis lauta convivia, nulla est distinctio inter divitem & pauperem, sed virtus tantum honores meretur; juvenes reverentur antiquiores tanquam patres, ipsi amant juvenes tanquam filios, conceduntque ipsorum aliquibus, ut in deliberationibus publicis sententiam dicant, id (meo iudicio) multum facit invitandæ juventuti, ut rebus gravibus studeat, in iisque se exerceat, quæ in usum sint reipubl. ipsorumque fervore calefit veterum frigiditas. Ut concludam hic nihil aliud videre est, præter æqualitatem laude dignam, nec aliud quam Dei cultus spectatur, utq; reipubl. quieta pace fruatur, justitiaque æqualiter administretur unicuique, nullo aut divitiarum aut paupertatis habito respectu sicut nec nobilis & plebes, qui & suas partes habent in hac illustrissima reipubl. gaudentque functionibus honorariis utilibusque nempe præfecturis aliquarum arcium, officio Secretarii magnorum Conciliorum, aliisque functionibus, id in causa est, ut populus nobiles amet revereaturque, nobiles plebeios protegant favoreque eos prosequantur, inventque eos ut functiones, quas obire possunt, consequantur. Reipubl. Veneta magnam habet curam pauperum subvenitque necessitati ipsorum multis modis, iisque ipsos adeo sibi devincit, ut non solum tanquam subditi patritios revereantur, sed tanquam mancipia; impendit itaque reipubl. magnam pecuniarum vim, ut panis aliaque ad victum necessaria vili vaneant pretio, ideoq; mirum haud est, quod populus absque strepitu, cum ingruit necessitas, onera reip. patienter ferat. Populi quoque aliarum civitatum Venetis subditarum ipsis sunt admodum fideles, isque, qui alicui præficitur, aliud nihil pro scopo habet, quam ut omnibus justitiam administret, prositque civitati ipsius curæ commissæ, certusque est, ita faciendo sibi in patria majores honores paratos esse, sin autem secus faciat, se poenas non evasurum, nec functionem aliam consequuturum. Causa altera, ob quam populo placet regimen Venetorum est, quod vestigalibus gravibus haud onerantur, quibus aliqui tyranni miseras civitates exhauriunt. Videtur nunc brevibus aliquid dictum de hac Reipubl. quæ si conferatur cum aliis, ante ipsam orbi notis (de quarum tamen amplitudine nec viribus dicitur, sed de earum regimine legibusque) cognoscetur



scetur, ipsam omnes alias longo intervallo post se relinquere, potestque dici illas ab hominibus rapina deditis sanguinariisq; erectas fuisse, hæc autem à Deo & philosophis; quamvis autem respubl. Romana totum pene orbem sibi subjecerit, tamen suam libertatem tutari retinereque ultra septingentos annos haud potuit, hæc autem tot potentibus hostibus circumdata, quique ipsam extirpare conati sunt, nec Principem exterum aut amicum qui fidem datam servarit, experta, tamen spacio mille annorum non solum libertatem tuta est illibatam, sed sola restitit Turcarum permagnis viribus. sicut & potentia Principum Christianorum magno admirandoque successu, cum enim judicabatur pessundata extinctaque, visa fuit tanquam phœnix reviviscere, nec videtur ipsam ab aliqua magnapotentia vinci posse, nisi à pessimo illo potenteque verme, discordia, quæ unica machina ipsam evertere posset soloque æquare. Sed maior pars optimi prudentisque Senatus continuo invigilat, ut huic malo eat obviam. Quamvis autem multis videatur propter scelera, quæ in Venetorum civitate quotidie perpetrantur accumulaturq;, iram divinam ipsi imminere, nec pœnas peccatis debitas diutius dilatas iri, sed ipsam extirpandam funditus, hoc tamen scitur, quod præter diligentem inquisitionem maleficorum, severasque pœnas, quibus Senatus noxios subjicit, in civitate sint multi probi piique, quorum causa Deus misericors, illorum misertus est, miserebitur, servabitque ipsam in secula seculorum. Nunc superest ut consideretur quomodo huic reipubl. conveniat cum aliis orbis Principibus: quamvis hæc de re nihil certi dici possit, hoc tamen scitur hanc rempubl. magni semper fecisse Rom. Pont. ob eorum arma spiritualia, videturq; reipubl. res haud prospere successuras, si Pont. Rom. minus benevolum haberent. Cum aliis Principibus studet hæc respubl. pacem colere, quod potentes adprime sint, difficileq; si vires jungerent posset ipsis resistere: studet quoque ipsorum amicitiam conservare, quod timeat, ne in medio sita ab ipsis præter spem aggrediatur; novit enim respubl. maximam Principum partem oculos adjecisse ipsorum civitatibus in Italia, quæ multæ magnæque sunt, nec ipsam rempubl. fugit Principes liberos urere maleq; habere rerump. fortunam prosperam. Regem Hispaniarum omnibus officiis colit hæc respubl. quodq; eum cum Italiæ principibus pacem colere videat, reip. summo opere gratum est, quamvisque se arctiore fœdere ipsi conjungere



non voluerint, nulla alia de causa id recusarunt, quam ne alii Principes suspicarentur sinistri aliquid, præcipue autem Turca, utque toti orbi palam foret rempubl. nemini addictam esse, nec ipsius libertatem ab aliquo dependere. Dicendum nunc aliquid de suspitionibus, quæ reipubl. oboriri possent de aliis principibus, quod ipsius ditiones sint divisæ longeque extendantur, noritque omnes Principes reipubl. minus æquos. Timet hæc respubl. Turcam plus quam ullum alium, quod terra vinci non posse videatur, marique adeo potens sit, ut amissa una classe, facile eam reparare restituereque possit, parvi itaque facere iacturam unius classis, quod si ipsis accideret magno in periculo versarentur amittendi Status maritimi aut ad minimum libertatem maritimam magno in discrimine futuram esse. Timent præterea Veneti, quando cum Turca belligerantur, ne ingruat caritas frumenti, quod belli tempore exportari vetatur ex Turcæ ditionibus, ex quibus pacis tempore, quantitas frumenti permagna ipsis adfertur; difficultas annonæ aliquando in causa fuit, quod amiserunt, in Albania nempe & in Peloponneso, civitates quæ longo tempore strenue Turcis restiterant: magnopere itaque student Veneti paci cum Turca hoste potentissimo, itaque se erga eum gerunt, ut eum amicum servant, faciunt id magnis donariis patiundoque excursions Turcarum, interim tamen ita muniunt sua fortalitia, ut hostis haud facile damnum inferre possit. Est Venetis quoque adprime utilis Turcæ amicitia propter mercimonia, quæ in ejus ditione exercent; si autem Turca Venetos hostes vellet, plus forte difficultatis experiretur quam sibi persvaderet. Timent quoque Veneti, Regis Hispaniarum vires, norunt enim quantum is viribus valeat in Italia, sed videntes ipsum paci studere scientesque reipubl. civitates, quas in Italia possident adprime munitas, ipsum pacem infracturum haud sperant, quod si ipse reipubl. quietem turbaret, defensionem solummodo, nec rempubl. alex unius pugnae exponendo, sperant eo modo se ipsi posse resistere, quamvis norint se ipso viribus terrestribus inferiores. Imperator potius hostis occultus quam amicus est, sed ipsi eum haud timent, sciunt enim eum longo bello ipsis haud parem, nec pecuniis instructum, ipsique Turcæ resistendum esse; attamen Veneti ipsius amicitia omnibus modis student. A Rege Francorum potius auxilium expectare possunt Veneti quam offensam, quod in Italia ei nullæ sint vires, sed  
si ipse



si ipse Rex in Italia res turbare vellet, quod fortasse nunquam facere poterit, Venetos federe sibi jungere potius studebit, quam ipsos hostes experiri sed Veneti experti sunt ipsorum rebus magis conducere ut videant alios se invicem impetere, quam ut se jungendo uni, alterum offendant sibi que bellum attrahant. Ab Italia Principibus non sibi timendum putant Veneti, quod inter se divisi discordesque, solique potentes haud sint, sciunt quoque Pontifices Romanos potius reipubl. partes amplexuros, quæ sicut Catholicos decet Pont. Romanum colit, non consultum itaque esset Romano Pont. si rempubl. negligeret. Principemq; externum exaltaret. Principes itaque Italia, remp. potius defendent adversus vires Turcarum, quam se ipsi jungerent ad exitium reip. in qua sola, adhuc radius antiquæ gloriæ nominisque Italici splendere, dici potest. Cum hucusque sit narratum quibus ex rebus resp. excellat, quæ res tales sunt, ut auscultanti admirationem incutiant, operæ precium erit (cum nihil in orbe sit perfectum) enarrare quid ei desit, & quid in ipsa desiderari posset, quantumvis id haud sit magni momenti. Primum forsitanque maximum, quod in hac republ. desiderari posset diciq; ei deesse, est annonæ copia, illiq; obijci adeo magnam illam habere ditio nem eamque populo adeo refertam, ut eo nutriendo alterius annona indigeat, quodque nisi mari, Venetias infinita annonæ quantitas adveheretur, laboraret ejus ditio continue panis penuria, quæ res populis gravissima est: hæc est una causarum, quare respubl. tantopere conatur cum Turca pacem conservare, hanc quoque ob causam magnopere colit Regem Hispaniarum, qui Venetis sæpe concedit, ut ex Sicilia & Apulia frumentum evehant. Secundo loco vertitur ei vitio, quod nullo peditatu, quam Italico utitur in bellis, estque nimis verum, id in causa est, quod multum de sua antiqua reputatione decesserit; accidit ex eo, quod pugnandi modi multum sint mutati nec peditatus Italicus statariis pugnis valere existimatur, nec comparari posse peditatui Germanico, Helvetio Hispanicoque; deberet itaque Respubl. Veneta in suis exercitibus conscribere, bonum peditum Helvetiorum & Germanorum numerum, quod si faceret pluri fieret æstimareturq; respubl. Tertio loco taxatur in Venetis; quod suis exercitibus aliquem suorum subditorum non præficiunt, sed extraneum, quod aliud nō est, quam sua externi arbitrio exponere, submittereque, necesse quoq; est, ut resp. multum in extruendis fortalitiis impendat, cum

enim.



enim novi excogitentur modi arcium expugnandarum, necesse est, ut aliquo elapso tempore mutentur fortalitia, qua in re, infinitam pecuniarum vim in vanum inutiliterque absumsit. Hæc res multum de felicitate hujus reip. detraxisse videtur. Sed his malis medicina adhibetur, prudentes enim illi patres, in aliud nihil quotidie collimant, quam ut omnibus reip. malis medeantur, nec alio tendunt, quam ut in ipsorum Statu pax quiesq; vigeat libertasq; salva sit, ipsi autem quietem non explodebant; non enim rixas particulares, quæque inter ipsos exoriuntur lites, radices agere crescereque haud sinunt, sed eas statim, aut amica transactione, aut severitate illustri Concilii X. virorum sopiunt. Cives quoque nobilesque hujus reipubl. nunquam tantam reputationem gradumq; nanciscuntur, nec tantas sibi parant opes, ut tyrannidem invadere tentent, sed vivunt in summa pace concordiaque inter se, ut bonos Christianos decet, agunt itaque vitam quietam, liberam, foelicemque, sperariq; potest illos, ea diu multoque tempore gavissuros, si pergent, annitentur optimas suas leges incorruptas servare Christianeque vivere, sicut ipsorum pars maxima facit, quod si fecerint, habebit ipsorum curam specialem DEus, sicut illos hucusque ei curæ fuisse palam notumque est omnibus.

## CAPVT XV.

DE

MAGNI CHAMI TARTARI  
IMPERIO.

Sicut veteribus ignotæ fuerunt regiones ad Ortum Maris Caspii sitæ (quod Oceani partem esse putarunt) ita & adhuc parum nobis constat de populis omnibus, qui ultra id mare & montes, qui vulgo Dalanguer & Vssonte dicuntur, habitant. Marcus Paulus Venetus primus omnium earum regionum satis amplam descriptionem edidit, & ab eo accepimus, quicquid nobis de Tartaris innotuit. Longinquitas enim regionum in causa est, quo minus cognitæ fuere regiones, tum etiam difficultas itinerum, situsq; locorum; Magnus enim Moscorum Dux (per cujus ditiones ad illas regiones ire possemus) non concedit exteris aditum profectionemque per suas ditiones. Mare Caspium quoque, quod itineri opportunum esse posset,



posset, non frequentatur. Offerunt se deserta denique loca, montesque infiniti, qui Tartariam à Persia dividunt. His etiam accedit, quod nec Magnus Cham, sicut nec Rex China, nec Magnus Dux Moscorum, suis populis peregrinari, nec exteris sua regna ingredi concedant, nisi ii Legatorum munere fungantur, quibus tamen libere versari non permittitur. Tartari sub diversis Principibus degunt: præcipui sunt, qui viridia insignia in capite gestant, ii Samarchandum civitatem inhabitant; perpetuas cum Sopho alunt inimicitias Bacaranus (qui Mahumetanus est) Mōgori (de quorum Imperio alio loco actum est) Cathainus, de quo nunc agere ordimur. Nulla in orbe gens est, quæ majus imperium habuit, aut majores expeditiones suscepit; utinam suorum gestorum scriptores habuissent. Scribit dictus Marcus Paulus, hos populos quondam Ciurzam & Bargam Provincias ad Oceanum Scythicum incoluisse absque domibus, non dico civitatibus castellisque, sed sicut Arabes, nunc in hoc, nunc in alio loco, secundum pascuorum opportunitatem vagos vixisse: recognoscebant tamen in supremum Dominum Vncham (quem aliqui Presbyterum Ioannem interpretantur) cui decimas pecudum suorum dabant. Progressu temporis adeo multiplicati (sicut Iudæi in Ægypto) sunt, ut Vncham eos suspectos habens eorum numerum viresque minuere cœperit, eos nunc huc, nunc illuc, secundum opportunitates in expeditiones periculosas longinquasque amandando. Ipsi autem id animadvertentes conjunxerunt se, concluderuntque solum patrium relinquere, quod & fecerunt, suntque tam procul à ditione Vnchami profecti, ut sibi ab eo non amplius timerent. Post aliquot annos sibi elegerunt in Regem Chingin, cui propter victoriarum & expeditionum amplitudinem, cognomen Magni datum est; regione enim sua Anno 1172 egressus cum terribili exercitu, subjugavit tum viribus tum æstimatione novem Provincias. Cum denique ab Vncham unam ex filiabus sibi in uxorem dari poposcisset, nec id obtinere potuisset, ei bellum indixit, prælioque superatum ejecit ex regno suo. Post Chingis mortem, ejus successores Europam afflixaerunt; Anno enim 1212. expulerunt Polosofchos ex confiniis Ponti Euxini, 1228. invaserunt depredatique sunt Russiam: & 1241 exciderunt Kioviam Ruthenorum Metropolim: Bettusque ipforum Capitaneus diripuit Poloniam, Silesiam, Moraviam, Hungariam. Hac de causa perterrita Europa, Innocentius III Papa Anno 1242 ad aulam Magni Chami aliquos pa-



res ordinis Divorum Dominici & Francisci misit, ut pacem Christianis impetrarent. Sextus à Chingi (qui se Cublai nuncupavit) regnum est auspicatus anno 1256 & 60 annorum spacio, quo prae fuit, Imperium per universum fere Orbem deduxit. Subjugavit enim anno 1269. Chinam, quam Marcus Paulus Mangi vocat; Anno 1272 occupavit regna Mein & Bengalæ, quæ ditissima erant, præcipue Bengalæ, quod se juxta maritima fere ad 120 leucas extendit, tantundemque in Mediterraneis dilatatur. Fluvius nobilissimus Ganges secat ipsum medium: Metropolis ejus est Gouru, 4 leucas longa sed non valde lata, ad fluvium sita. Sed cum dixerim Paulum, Chinam nuncupasse Mangi, necessarium mihi videtur id probare, quod factum difficile non est. Civitates enim Panghin & Nanghin, quas Marcus Paulus, in Mangi ponit, adhuc hodie ab omnibus, qui de iis aliquid retulerunt, in China ponuntur, & quod ipse scribit, in Mangi 1200 civitates numeratas fuisse, satis convenit cum recentioribus relationibus de China. Facit quoque multum ad rem, quod incolæ insulæ Cipanghi (quam aliqui Japoniam esse putant) Mangi, tunc adhuc dabant nomen Cin. Vnde tantum difficultas superest, quod Paulus & aliqui patres, qui ibi circa Innocentij IV tempora fuere, pro primaria regni Mangi putant esse famam celebrem civitatem Qvinzai, ubi decies sexies, centies mille familiarum numerabantur, de qua civitate tamen nullam mentionem faciunt Lusitani, nec patres Iesuitæ, nec alii, qui aliquam cognitionem regni Chinæ nobis dederunt. Id & mihi admirandum videtur, vel ob id, quod Paulus, qui in Mangi ponit portum Zaiton (quem omnes recentiores locant in China, inter civitates Cantan & Caput Liam-po) asserat, quod fluvius qui se in eum portum exonerat, ramus sit illius, qui Qvinzai perlabitur. His difficultatibus responderi potest, quod civitas Qvinzai, hodierna die sita est extra Chinam, ad Septentrionem illius admirandi muri, de quo diximus. Verisimile quoque est, Qvinzai in Tartarorum potestate mansisse, postquam Chinam sibi subjugarunt, tanquam magnæ æstimationis civitatem, & quæ propter sui situs fortitudinem, satis facile defendi posset, talemque eam vidimus in aliquibus tabulis, quæ in illis regionibus exaratae sunt. Alii ipsam excisam dicunt; cum enim tanti momenti tantique nominis civitas sit, incredibile ipsis videtur, nostris temporibus (quibus plusquam unquam Orbis detectus est) de ea nullam mentionem fieri: adeo magnæ autem civitatis excidium res incredibilis videri



## DE MAGNO CHAMO

deri non debet, magnæ enim civitates ut plurimum sentiunt damna, adversaque quæ bella adferunt. China etiam terræ motibus adeo impetuosius, vehementibusque obnoxia est, ut iis civitates integræ evanescantur excindanturque. Legitur quoque in aliquibus litteris Lusitanorum, magnas civitates, igne de cælo lapso absumptas esse. Sed necesse non est, ut quod civitatem Qvinzai intra terminos Chinæ non reperimus, eam dicamus excisam: verisimilius est, terminos illius Provinciæ mutatos confusosque esse (sicut bello & irruptione Barbarorum alibi factum est) quam ut talis civitas nunc in nihilum redacta sit. Amplitudo imperii Magni Cham Cathaiensis, temporibus supra notatis, extendit se ab extrema Asiæ parte in Armeniam, & à Bengala ad Volgam usque, ut nihil dicam de Tartarorum excursionibus, ad Nilum & Danubium usque. Inde percipitur Alexandri Magni & Romanorum Imperium cum illorum dominio conferri non posse. Sed cum per regiones supra dictas Tartari vagati essent, armaque modo huc, modo illuc circumtulissent, seque omnibus formidandos tremendosque ostendissent, videntur ultra montem Caucasum sedes fixisse. Quamvis autem eorum dominium in multos Principatus divisum sit, nominis tamen amplitudo, & Imperii majestas mansit penes Magnum Chamum, qui à Magno Chingi originem ducere existimatur. Ejus Imperium extendit se à deserto Lop, ab uno latere, & à lacu Kitaja ab altero, ad murum usque qui ductus est, inter 43 & 45 gradum civitatis Ochioi (quæ inter duos montes sita est) ad alium montem usque, qui ad Oceanum finem habet, dividitque Tartaros à Chinenfibus, & ab Oceano Scythico ad confinia Tipuræ regionesque vicinas usque. Conscripto spacio comprehenduntur multa magnaque regna, multæ amplæque Provinciæ: Tangut nempe in qua sunt civitates Succuit & Campion ex lapidibus more Italico factæ, Ergimul, Carazan Teber, Caidu civitates regnorum Metropolitanæ. In medio Imperii est Tenduch civitas, quæ Pauli tempore erat Presbyteri Ioannis, sed magno Cham subdita; potissima quoque populi pars credebatur in Christum, sed Zizaniæ, & Idololatriæ multum admixtum erat, multi quoque erant Mahumetani. Illic est civitas Cambalu Imperii caput, continet in ambitu 28 milliaria: & vicina Taiduc, ad lacum sita habet in circuitu 24 milliaria: Xaidu ubi Palatium Magni Chami est figura quadratum. Ejus unaquæque facies octo milliaria longa est, continetque quatuor portas: in eo circuitu-



## DE MAGNO CHAMO

cuitu aliud est Palatium, quod in uno quadrato sex miliarium est, in  
 cuius medio sunt tres portæ ad Meridiem, totidemque ad Septentri-  
 onem spectantes: in unoquoque angulorum, & in medio uniuscuius-  
 que faciei, spectatur magnum Palatium. In hoc est præterea alter  
 circuitus unius miliaris, in quadro sex portas instar earum, de qui-  
 bus supra dictum est, habens totidemque Palatia. Inter utrumque  
 murum visuntur prata sylvæque; In hoc circuitu est Palatium magni  
 Chami, de cuius commoditatibus, ornatu, magnificentia meum non  
 est dicere, sicut nec de venationibus, aucupio, piscationibus. Tota  
 hæc regio ut plurimum, plena est civitatibus populisque divitibus,  
 civilibusque, tum quod Tartari, (qui sibi eam in habitationem pa-  
 triamque elegerunt) totius Asiæ, Chinæ, & partis Europæ (quam per-  
 vagati deprædatique erant) spolia eo detulerint, quæ nunquam in-  
 de exportata fuere: tum quod regio, consuetudini & commercio u-  
 nius civitatis cum altera maxime commoda sit. Procedit id, partim  
 ex natura planicie locorum, & amplitudine lacuum, inter quos est  
 ille, qui Cazaia dicitur (cujus aquæ salæ sunt) & qui Guiam, Dangu,  
 Xandu, Catacora dicuntur: partim ex latitudine fluviorum, qui cur-  
 su longissimo has regiones præterlabuntur nempe Curato, Polisan-  
 go, Zaiton, Mecon, (quem Paulus Quion nuncupat). Multum quoque  
 facit varietas fructuum, qui nascuntur; abundat enim ut plurimum  
 frugibus, oryza, lana, seryco, cannabe, rebarbaro, musco, camelo-  
 tis excellentibus, ex pilis Camelorum confectis. Idem Paulus scri-  
 bit, Caidu producere Zinziber, cinnamomum, caryophylla, quod  
 tamen mihi creditu difficile videtur, flumina trahunt secum multum  
 auri. Moneta quæ ibi pensilis, unius nummi aut valoris non est. In  
 Cathaio expenditur nummus, ex quadam charta nigra, quæ ex illa  
 arborum pellicula conficitur, quæ inter arboris truncum & ejus cor-  
 ticem reperitur: ea pellicula cum trita, contusa, temperataque glu-  
 tine fuerit, signatur deinde impressione Magni Chami. In regnis Ca-  
 iacan & Carazan, expendunt Conchylia marina, quæ aliqui Porce-  
 lette vocant. Id nummi genus, in usus est in multis Indiæ & Æthio-  
 piæ locis. Hac ratione trahunt Principes ad se omne aurum argen-  
 tumque Provinciarum, curantque id fundi, conservantque in locis  
 securis, nec inde unquam aliquid sumunt. Opinantur itaque multi  
 Magnum Chamum thesauros immensos habere. Simili arte Presby-  
 ter Ioannes, dum grana salis piperisque expendi jubet tanquam

num-



nummos; magnos quoque thesauros accumulat. Potum nobilem conficiunt Tartari ex oryza, & aromatibus, inebriatque plus quam vinum: lacte acido (sicut & Arabes) delectantur, lacte quoque sublimate, quod multum ad inebriandum valet. Magni Chami potentia consistit primum in situ, quem munitissimum esse demonstravimus, in amplitudine regionum, in magnitudine civitatum, in abundantia comæatus, in copia reddituum. Percipit inter alias res decimas ex lana, serico, canabe, frugibus, pecudibus; estque absolute Dominus rerum omnium: sed potentia ejus nervi consistunt in militia, quam semper armatam habet. Milites degunt semper in campis, quatuor aut amplius milliaribus procul ab urbibus. Ultra stipendium, quod à Principe recipiunt, faciunt etiam compendium ex suis pecudibus, lacte, & lana. Cum magnus Cham militibus opus habet, vocat ad se partem illius militiae, quæ ad formam legionum Romanorum per Provincias disposita est. Tartari ut plurimum non peditibus utuntur præterquam Varcheni, qui Magno Cham non subjiuntur. Præcipua eorum arma sunt arcus & sagittæ, quibus non minus fugiendo, quam aggrediendo nocent. In bello valde expediti sunt: eorum tentoria sunt ex lana coacta, quibus se tempore pluvio cooperiunt. Vivunt ut plurimum lacte, quod ad solem exsiccant, postquam butirum ex eo segregarunt & sanguine equorum, cum urget necessitas. In præliis non congregiuntur cominus cum hoste, sed nunc à fronte, nunc latere; verum perpetua sagittarum grandine ad modum Parthorum obruunt hostes. Qui se strenue gesserunt, remunerantur largiter honoranturque altioribus gradibus privilegiisque, donariis quoque. Excubant Magno Cham duodecim equitum millia, æstimaturque ipsum colligere posse multo majorem equitum numerum, quam ullus alius Princeps. Ejus vires duas singulares considerationes habent. Una est multitudo copiarum, quæ ex amplitudine ditionis ipsius colligi potest: altera est promptitudo earum; perpetuo enim eos in ære habet, quæ res magni compendii est. Sicut enim in milite spectanda est agilitas potius quam robur, ita in exercitibus pluri faciendi sunt prompti expeditique, quam praegrandes & numerosi, illi autem Principes fortes, potentissimi que habendi sunt, qui vires magnas expeditasque habent. Sunt enim hi tanquam aquilæ, tigrides, leones, aut pardi, quæ quidem animalia inter alia Principatum obtinent, non ob aliud quam propter agilitatem,



robori corporis adjunctam, suntque ijs duabus partibus equis, tauris, bubalis, etiamque elephantis quamvis multo maioribus superiores. Ultra ea, quæ scribit Marcus Paulus, aliqui Angli, qui per mare Moscoviticum, regionesque vicinas in Cathajam penetrarunt, referunt res memorabiles de potentia maiestateque illius principis, quem Mosci Cæsarem Cathajæ, Turcæ Vlu Cham, id est magnum Principem vocant; Palatiorum siquidem magnificentia, amplitudine ditionis, opulentia thesaurorum, numeroque militum superat omnes Asiæ Principes regnatque tanta cum maiestate, ut subditi eum Spiritum, umbram, etiam filium Dei immortalis, inepte dicant. Ejus verbum eis pro lege, in quo stat illorum vita & mors. Tuetur iustitiam rigore notabili; criminis enim rei, excepta prima vice, qua virgis acriter caduntur, ob omne genus delicti dissecantur per medium. Videtur quod in eo sequantur opinionem Stoicorum de æqualitate criminum. Fur quoque privatur vita, nisi nonuplum persolvat, tam pro obolo quam pro aureo. In Imperium succedit primogenitus, hac cum ceremonia. Præcipui ipsorum septem generationum aut tribuum, induti albo (quo colore in luctis utuntur qui & Giaponensibus mos est) Principem sedere faciunt super pannum nigrum, ex lana coacta, in terra stratum, dicuntque ei, ut Solem intueatur revereaturque Deum immortalem, quod si faciat, id ei in cælo copiosius quam in terra remuneratum iri, alias ei vix pannum nigrum, ex lana coacta relictum iri, super quem in campis recubet, eumque mille calamitatibus afflictum iri. Imponunt ei deinde coronam Magnatesque deosculantur ei pedem, jurant ei fidem, honorantque eum muneribus ditissimis. Scribitur deinde ejus nomen literis aureis, reponiturque in templis majoribus urbis Metropolitanæ. Duos Senatus habet, unum bellicum duodecim prudentum, alterum Statuum totidem Consiliariorum. Hi tractant omnia, quæ ad gubernationem spectant, curam gerunt eorum omnium, quæ ad pœnas & præmia pertinent. Non utuntur minori diligentia curaque, in remuneranda fortitudine officiisque præstitis Imperatori, tam in pace quam in bello, quam in castigandis puniendisque ijs, qui se male, aut negligenter gesserunt. Iis duabus in rebus, nempe in remunerando & puniendo, consistit tanta vis regiminis, ut dici possit, maximam Principum barbarorum partem, iis solis suam amplitudinem retinere. Quam enim aliam regendi formam habent Turca, Seriffus, Mogor, Persa aliique?

Non



Non utuntur eo quam in rebus bellicis (paucos enim alios remunerantur quam milites & Capitaneos) imo nec ponunt fundamentum suorum dominiorum in alia re, nec collimant in pacem & quietem, sed in victoriam & potentiam aut amplitudinem in puniendo ignavos abjectosque, & omnem excedunt modum in remunerando fortes audacesque. Nunquam fuit Respublica, aut Principatus, ubi robori militari majora emolumenta, præmiaque proposita fuerint, quam inter hos Barbaros. Sed magis inter Turcas, quam alibi: Tartari quidem Arabes, Persæque habent nobilitatem in aliqua æstimatione præcioque: Turcæ excindunt extirpantque nobiles familias, nec aliud magni faciunt quam audaciam & fortitudinem ponuntque in manus mancipiorum, & gentis vilissimæ, si sanguis spectetur (tantum curent ut idonei inveniantur & pacesque præclaræ fortunæ) omne suum Imperium. Sed redeundo ad Tartaros, & ipsorum ritum regendi gubernandique populos: Astrologi illis regionibus magno in pretio esse videntur, scribitque Iulius, eorum in civitate Cambalu reperi ri quinquies mille, & cum Cublai Cham ex illis cognovisset, illam civitatem rebellem futuram, curavit ædificari aliam, cui nomen est Taïndu illi vicinam, quæ in ambitu 24 milliaria continet, præter suburbia, quodque in Palatio, quod in Xaïndu habet, multi Astrologi & Nicromantici sunt. Astrologia judiciaria in China quoque magno in pretio habetur. Persiæ Rex Ismael paucas res magnas aggrediebatur, nisi consilio Astrologorum, nec mirum est (cum ea ars, in illis regionibus inter Assyrios & Chaldaeos inventa sit) ipsam ibi adhuc florere. Turcæ eam parvi faciunt. Imperatores Romanicam sunt execrati & plus quam semel, ei cum suis professoribus indixerunt exilium. Utinam ex Dei ecclesia exularet, nihil enim aliud est quam Stolo gentilitatis. Sed ut aliquid de qualitate populorum magno Cham subditorum dicamus: Tartari sunt universaliter statura mediocri, humeris & pectoribus longi, facie lati, nasu sinistro, colore squalidi, compositione robusti, adversorum incommodorumque patientes, equis exercitati, usu arcuum dexterrimi. Sicut autem Arabum pars civitates incolit, dicunturque Mauri, pars autem in campis degit vocanturque Baduini: ita & Tartarorum pars habitat civitates, tales sunt Cathagienses, Bocarenses, Samarchandentes: pars in campis vagando oberrat, dicunturque campetres; dividuntur in Hordas, quarum sunt quinque: Zavolhenses, Cossanenses, Præcopiti, Nagai, Cossachi, quamvis una horum pars oppida incolat.

MA-



## CAPVT XVI.

DE

## MAGNO MOGOR.

**R**egio quæ inter Gangem & Indum est, semper magnis Monarchis subdita fuisse videtur; ut enim vetera taceamus, circiter annum Domini 1300. fuit in Regno Delij Princeps Arabs, secta Mahometanus, cui nomen erat Sanosaradin ut scribit Ioannes Baros. Tantum ei erat potentia & roboris, ut sibi dominium Asiæ parare tentarit. Relictis itaque illis regionibus, in quibus Indus & Ganges oriuntur, cum prægrandi exercitu, paulatim illos Principes populosque devicit, qui se sibi opponebant, donec attigit regnum Canaræ, quod super Caul ad fluvium Bate incipit, extenditque inter Gate & Sinum Bengalicum, ad Caput Comorinum usque. Cum itaque tam præclarum dominium sibi parasset, cogitavit conclusitque in regnum Delii reverti, relinquens in Canara, qui suas vices tueretur, Abdessam: hic victoriis sui Regis fretus, suaque industria confusus, eripuit Gentilibus maximam Canaræ partem, collegitque numerosissimum exercitum, in quo erant Mahumerani, Gentiles, Christiani; mortuusque est, cum ei omnia prospere cederent, duravitque ea prosperitas ad annos 20 reliquitque post se filium Mamudzam, quem Rex obire munus paternum passus est, ea lege, ut ei quotannis tributum penderet: hic nec de pendendo tributo sollicitus fuit, nec Regi aliis in rebus obedire curavit. Accidit ut & Sanosaradinus in bello, quod in Persia gerebat, moriretur, filium adeo imbecillem relinquens, ut Mamudza se Regem Canaræ inscribere ausus fuerit, vocavitque eum Decan, & populus, Decainos; quod nothos significat. Instituit deinde 18 Capitaneos, divisitque inter eos suum dominium dans unicuique ejus partem, cum conditione, ut certum equitum, peditumque numerum, semper præsto tenerent. Ut his autem occasio rebellandi auferretur non eligit in Capitaneos, qui natalium splendore clari erant, sed ex mancipiorum suorum numero: quod plus est, voluit ut eorum unusquisque, in sua civitate Regia Bider, pro sua habitatione Palatium ædificaret, in quo sui liberi manerent, & ipsi parentes, ut singulis annis, sæpius ad suam aulam commearent. Cum autem omnis authoritas, quæ propriis viribus, & suorum im-

medi-



mediate subjectorum observantia non innititur parum diuturna est : ita huic etiam accidit, mancipiaque authoritatem sui domini sibi vendicantia ipsum neglexerunt, ut non secus ac statuam ipsum observantes, omni respectu & authoritate caderet ipse, nullamque jurisdictionem reliquam retineret, quam civitatem Bider cum suo districtu. Vnusquisque enim sibi armis arripuit jurisdictionem ejus regionis, cui vicario nomine præerat. Facti sunt itaque ex Capitaneis Principes, & qui potentia plus valebant oppressores eorum, qui minus poterant. Rediit itaque res ad paucos, quorum duo fama celebres sunt. Vnum eorum pertingit ad Cambajæ fines : alter Narsingæ conterminus est : ille Lusitanis Nissamalucco, hic Idalcane vocatur. Vterque eorum adeo potens est, ut anno 1571 Idalcane Goam cum 35 equorum, 60 elephantorum millibus, & 250 tormentis bellicis obsidione cinxerit ; Nissamalucco autem obsedit Caul, cum minoribus viribus, sed feliciore exitu. Quamvis enim hunc locum non expugnarit, cum tamen ad extremam necessitatem redegit, amisitque in ea obsidione 12 Maurorum millia. In iisdem regionibus, in quibus Sanosaradinus Imperii sui fines protulit, ab hinc quinquaginta annis dilatavit suum Imperium Princeps potentissimus, quem Orientales populi vocant Magnum Mogorum, eo modo, quo nos Magnum Turcam vocamus. Sicut autem Rex Barmæ (de quo alias diximus) temporibus nostris, valde mutavit res regni Pegu & Siam, regionemque vicinam : ita & Mogor confudit, pessum deditque Status ab hoc Gangis latere. Communis opinio est, Mogoros Tartaria oriundos esse, prodiisseque ex ea regione, quam antiqui Massagetæ inhabitant, qui invicti roboris in armis fuere ; nam cum nunquam sub alieno imperio fuerint, ipsi amplissimorum regnorum dominium sibi paraverunt : contermini sunt Persis ad flumen Oxum, contenduntque, ut plurimum, cum ipsis bello, tum de religione, tum de Imperio : eorum civitas Metropolis est, Samarcanda, unde magnus Tamerlanus prodiit, ex cujus sanguine, se Princeps Mogororum gloriatur oriundum. Mogororum Principis, qui nunc ad clavum sedet, prædecessor nomen suum in Oriente illustravit Anno 1536 quum sollicitatus à Rege Mandao (cui Badurius Cambajæ Rex ditionem eripuerat) ex Septentrionalibus partibus, ei auxilio venit : duxisse secum bellatorum infinitum numerum fertur,



fertur, percipique id potest ex eo, quod Maffeus scribit de exercitu Regis Badurii, nempe hunc Regem, sub signis habuisse 150 equitum millia, quorum 35 millia phalerati erant: peditum numerus erat quingentorum millium. Inter hos erant 15 externorum militum millia, & inter eos 80 Christiani, partim Franci, partim Lusitani, qui via & modo mihi incognitis illuc pervenerant: navis illorum, quæ dicebatur, Dobriga, passa fuerat naufragium in plaga Cambajæ. Apparatus belli commeatusque tantierant, ut si juxta Europæ vires censeantur, credi non possit. Sed supra demonstravimus causas, quare principes in Oriente & in Meridie exercitus nostris multo majores educere possint, eadem quoque valent, ut quæ de bellici apparatus incredibili copia dicuntur, credibilia fiant; sicut enim illi myriades hominum armis instruere possunt, quod ad eos pascendos, armandosque non multo opus habent, ita etiam inæstimabilem commeatum, machinarumque bellicarum copiam, accumulare possunt: nihil enim ducunt secum, quam quod bello necessarium est. Copia vini, diversa edulia, aliaque similia, quæ nisi magnis impensis, labore, & molestia, vehi possunt, ab ipsis omittuntur: omnes ipsorum res ad belli usus ordinatæ sunt: æs, ferrum, chalybs, stannum ad fundendas machinas tormentaque bellica: ferrum & plumbum fundendis spherulis, ferrum & chalybs fabricandis ensibus; boves elephantesque trahendis tormentis, commeatus nutriendis exercitibus, metalla iis armandis, venæ minærarum redditusque iis conservandis. Omnes illi Principes Tyranni sunt, & ut sua dominia conservent, augustioraque faciant, premunt populum, traduntque omnia in manus militum. Utque hi sibi fidi sint, faciunt eos rerum omnium dominos. Principes Mahumedani suis solis mancipiis favent, eorumque fidei committunt arces, expeditionesque magni momenti. Ii fiunt autem sæpe suis patronis rebelles, eripiuntque ipsis suas ditiones: ut earum possessionem retineant, exponunt prædæ populos. Necessarium enim est ut principum potentia, aut benevolentia subditorum aut aliorum innitatur: qui enim ab omnibus timetur, diu in suo Statu persistere non potest. Tyranni autem, cum nihil boni sibi de suis subditis (quos non tanquam subditos sed ut mancipia tractant) polliceri possint, necesse est, ut militibus innitantur, demereantur eorum animos, promittendo liber-

ratem



itatem, dandoque eis in predam facultates subditorum. Turca fulcit se lanizaris, qui non alium non dico patronum, sed nec patrem norunt, ab iis diligi studet, concedendo eis omnia. Multi principes Malavares habent populos loco pecudum: stabiliuntque sua regna super Naires. Reges Ormuzii, Cambajæ, Decan & Achen rerum summam mancipiis committunt. Ut finem faciam: sicut legitimus Princeps iustusque curat, ut à suo populo diligatur, quo ab eo suffultus adversus externos hostes, munitus sit: è contrario, Tyranni scientes se à populo odio haberi, curant, ut à suis mancipiis & à militibus diligantur, quorum armis utuntur, tam ad deprimendos vassallos, quam ad procul arcendum hostes. Cum itaque stabilimentum suæ amplitudinis, super milites Naires, lanizaros, liberos aut servos, indigenas aut extraneos, quales illi sint, constituent, necesse est, ut sola militia ipsis finis scopusque omnium rerum sit, & ut se ipsos militibus, & apparatu bellico instructos conservent, nulli rei parant. Ut ad regem Badurium revertamur: ducebat cum numero militum, (quem diximus) mille tormenta bellica, & inter illa quatuor Basiliscos, quos trahebant tantundem boum centenaria, quingentos currus, pulvere pyrio, & spherulis onustos: ducentos elephantos armatos: ultra hæc, quingenta dolia auro & argento plena, solvendo stipendia exercitui. Sequebantur exercitum multi Principes dominique, cum eorum aulicis & sequela, mercatores, annonarii, artifices, famuli innumeri; duobus tamen præliis à Mahamudio victus; fuit unum prælium in vicinia civitatis Doce factum est: alterum apud Mandao, ex quo mutata veste, ut salutis suæ consuleret, in Diu aufugit: cum se à metu recollegisset, misit legatos ad Solimanum Turcarum Regem cum dono, quod sexcentis aureorum millibus æstimatum fuit, ab eo petens auxilium. Postea secum animo reputans, res suas magis prompto auxilio opus habere, iniit fœdus cum Lusitanis, qui ipsi magis vicini erant; utque eos amicos, sociosque belli haberet, permisit, ut in insula Diu arcem ædificarent. Sed ut ad Mahamudium revertamur: ejus fortuna multum Tamerlanis sui antecessoris similis. Sicut enim hic Persiæ Asiæque tremorem incussit, nihilo minores turbas excitavit ille in India, & in Oriente: sic ille prælio superavit Baiazetem Regem Turcarum, vicit hic Badurium Cambajæ Regem, qui exercitum multo ipsius majorem, adversus eum eduxit, ambo sibi Magni cognomen pararunt.



Cum Mogori abundantiam India cognovissent, percepissentque eius fertilitatem, occupaverunt eam paucis annis & perpetuo victoria-  
rum cursu fere id omne, quod inter montem Caucasum & mare intra  
Gangem & Indum jacet. Continentur eo spacio 47 regna: Adabar  
enim Mahamudii successor, cepit Madabar, cum potiori Cambaja  
parte. Quanti momenti sit hæc Provincia, in qua sunt fama celebres  
civitates Madabar, Campanel (hæc civitas sita est in monte, qui in  
media planicie attollitur) & Cambaja, quæ suum nomen Provin-  
ciæ communicat (hæc civitas ut scribunt, instruit 130 focorum  
millia) potest comprehendere ex iis, quæ de exercitu Regis Badurii,  
& de ejus apparatibus bellicis diximus, quibus, & de ejus fertili-  
tate fieri potest judicium. Non est enim in orbe terrarum Provincia  
abundantior, ditiorque omnium rerum: nempe oryza, frugibus,  
leguminibus, sacharo, bobus, pecudibus domesticis omnis generis,  
seryco, diciturque in ea esse sexaginta millia municipiorum, qui  
numerus profecto permagnus est. Scribit Guicciardinus in Germa-  
nia inferiori (quæ in 17 Provincias divisa est) 280 oppida muris cin-  
cta, & 150 municipia esse, quæ civium iure & privilegio gaudeant &  
præterea 6300 pagos campanilia habentes. In regno Neapolitano  
sunt 1800 partim oppida, partim castra. In Bohemia sunt 780 partim  
arces, partim oppida & 32 pagorum millia. In Francia, ut scribit  
Iohannes Bodinus, numerantur 27 municipiorum millia, quæ habent  
campanilia, ultra ea, quæ in Burgundia sunt, quæ eo tempore, cum  
aliis Provinciis descripta non fuit. Quamvis ex municipiorum ali-  
cujus regni numero, de ejusdem potentia judicium absolute facien-  
dum non sit, sed id ex eorum amplitudine fieri debeat, eorum tamen  
numerus multum etiam ad rem facit; Cambaja autem propter u-  
trumque pro regno amplissimo habendum est. Acabar acquisivit  
sibi quoque regnum Bengalæ, quod ditissimum est: unde in illa  
Orientis parte dici solet ibi tres reges esse: unum in Cambaja, alte-  
rum in Narsinga, tertium in Bengala; & ut quod verum est dicatur,  
Cambaja & Bengala, præstant omnibus aliis Provinciis, territorii  
fertilitate, & concursu mercatorum: ambæ sacharo, gossipio, pe-  
cudibus, elephantis, equis, eximie abundant. In Bengala quoque  
crescit piper longum & zinziber: illam intersecat Indus fluvius  
nobilissimus; hanc Ganges totius orbis celebriorum fluminum unus,  
habetque duo emporia fama celebria, Satiganum nempe & Cariga-  
num.



num. Possidet quoque Magnus Mogor regna Citor, Mandao, & Delly, ubi ipse habitat. Magnum habet elephantorum, equorum dromedariorum numerum, magnamque tormentorum, & bellici apparatus copiam, quibus se toti Orienti formidabilem tremendumque facit. Scribitur (ut summam dicam) ipsum in campos educere trecenta equorum millia, & quod in suis ditionibus habeat quinquagesies mille elephantos. Rogabit aliquis unde accidat, cum hic Princeps adeo potēs sit, vicini autem fere inermes, quod sibi non paret dominum reliquæ Indiæ & totius Orientis? Obstant multa: unum est, quod sicut ingenium, & ars hominis in continuo labore, & motu esse non possunt, (nam perpetuo se movere posse, solius Dei, & naturæ est) ita & conatibus humanis cursus continuus dari non potest, & quamvis magna Imperia à viribus externis non infestentur, ipsa tamen sua mole ruunt. Rebus magnis concessum non est, in suo culmine stare diu minus perpetuo: crescunt, sed ea conditione, ut tandem decrescant, attolluntur in altum, sed ea lege, ut certus casus succedat: in se magna ruunt. Quanto autem magis crescit dominum tanto plus proclivitati & agilitati decedit: quamvis vires evadant majores, sunt tamen tractationi, ne dicam vibrationi minus aptæ: non movent se nisi lente; velocitas autem bello summe necessaria est. Conquistorum magnitudo fert secum invidiam, curamque ea conservandi, securaque reddendi, & ut res conquistæ bene stabiliantur, tempore opus est: interim armant se vicini providentque suis rebus, cum occasione autem fugit avolatque vincendi commoditas. Qui hostes vicit, timet, ut plurimum socios & participes victoriæ, & ut victor se de iis securum reddat opus est, ut expeditionem interrumpat, & ut in medio cursu receptui canat. Ultra hæc victoriæ reddunt Capitaneos insolentiores, milites contumaces, & cum illi ultra progredi jubent, recusant. Accidit id Alexandro Magno & Lucullo. Nec debet prætermitti, quod magna molimina ad optatum finem perducta ditionem quidem quosdam particulares, sed evacuant, ut plurimum Principis thesauros, qui retinent exercitus sub signis, redduntque animos paratos factionibus bellicis. Progrediamur; tam numerosus exercitus, quem Mahamudius duxit adversus Regem Cambalæ, non solum vastavit regiones quas pertransivit, & in quibus moram traxit; sed præcidit sibi ipsi media se sustinendi conservandique. Magni itaque exercitus, quamvis ab



hoste non profligantur, consumuntur fame, quam comitatur pestilentia. Videmus itaque inundationes Attilæ, Tamerlanis, similiumq; populorum, exiguo tempore durasse: e contrario autem Græcos, Macedones, Carthaginenses, Romanos, & Hispanos, exercitibus potius exiguis, quam magnis, magnos progressus fecisse. Res enim moderatæ durant, fluviorum instar, qui quod uno anno non conficiunt, duobus aut amplius annis perficiunt. Immodicæ res, similes sunt torrentibus, qui plus strepitus fragorisque, quam effectus faciunt, præcipitantur quidem, sed suo impetu dissipantur. Itaq; adversus numerosos exercitus, non aliud salubrius consilium est, quam tempus extrahere, sui que defensionis tantum incumbere. Certum enim est illos non diu subsistere posse, necesseq; esse, ut brevi comitatu & pecuniæ defectu, aut propter infectionem aeris, aut morbos dissolvantur. Quod plus est: res prosperæ extollunt homines, adversæ autem reddunt eos cautiore. Fiunt itaq; res victoris deteriores, victorum autem meliores. Id quoq; est perpendendum, quod successu temporis parantur victoriæ, quo tempore senium contrahit Princeps, corpus autem afflictum, delassatumq; extinguit animi vigorem, qui ad expeditiones bellicas summe necessarius est. Hujus rei fidem faciunt, Julius Cæsar, & Imperator Carolus V. Obstat quoque progressibus Mogori locorum natura. Caucasus enim diffundit se in illis confinibus, mille ramis, quorum aliqui terminant regna, aliis non sufficit terminare, sed & cingunt ea, muri instar, alii concludunt ea prorsus, alii autem reddunt transitus difficiles. Magis nocent eæ difficultates Mogoris, quam aliis, quod nervi roburque ipsorum militum inequitatu consistit, qui sicut in campis valet dominaturq;, ita est exigui momenti in montibus. Hujus qualitatibus sunt confinia Persiæ, inter alia regnum Sablestan, quod undequaque cinctum est, illa Caucasii parte, quam Græci Paropanum dixerunt. Nec minus ambitur montibus Sigestan, ita ut fluvius Ilmento per eam vix viam inveniat. In ipsa Cambaia, ubi Mogori adeo potentes sunt, non ipsos timent Refbuti, qui se in montibus munierunt; sunt hi reliquiæ nobilium Gentilium, qui se in montes inter Cambaiam & Diu contulerunt, cum Cambaja primum à Mahumetanis occupata fuit, conservantq; armata manu suam libertatem, inferuntq; sæpe planiciei damnum. Sunt ibi adhuc aliæ regiones steriles, omniumq; rerum, non aquæ solum, indigæ. Ejus generis est Dolcinda, ad fines Cambaiæ, per quam exercitus



exercitus duci nō possunt. His adjungitur temporis jactura, quā Principes (quibus magnum dominium est, voluntq; suscipere expeditiones) necessario faciunt itineribus. Æstas enim elabatur antequam eo, quo tendunt, cum equis semienecatis, exercituque hominum numero multum diminuto, viribusque valde debilitato pervenerint, ingruitq; hyems, quæ ipsis adversa, hostibus commoda est, ille enim in campis inter lutum & glaciem castra metatur: hic autem degit sub tecto, commodeque se haber. Inde accidit, ut omnes Principes, qui magnas expeditiones faciendas susceperunt, propter incommoda, quæ occurrunt ducendo magnos exercitus, ex una regione in aliam coacti sint classes instruere, & fluminib; aut mari uti. Huj; rei dedit præclarissimū exemplū Cæsar Germanicus in bello Germanico; vidēs enim tempore, (quod consumebatur movendo exercitū) incommodis, laboribusq; & itinerum longinquitate quoque viros equosque absumi, resq; nimis in longum protrahi, conclusit instruere classem, Mogoro autem nullæ prorsus navales vires sunt, ab una parte, nullos portus habet, ab alia ei sunt vicini Lusitani, qui duabus maximi momenti arcibus, quarum una est Diu, altera Daman, obstruunt totum Cambajæ Sinum. Ultima causa, quæ illorum Tartarorum progressibus obstitit, est finitimorum potentia, quæ impedit, ne se Orientem versus extendant. Regem Barmae habet ibi vicinum, qui nec potentia nec viribus ipsi cedit, in tot enim regna, regionesque dominium obtinet, imperatq; populo adeo feroci pugnacique, tantumq; eorum numerum in campos potest educere, ut vicinorum meminere timeat. Si autem Mogor extendit sui Imperij terminos, intra Gangem & Indum non minus dilatat hic suos terminos inter Gangem & Siam. Denique crescentibus ingeniis, quibus hostes offenduntur, crescunt consequenter modi, quibus se defendunt fitque imperium humanum modulo majus. Ducitur enim pronius à natura ad defendendum, quam ad offendendum. Naturæ enim magis curæ est conservare, quam destruere. Imo nec permittit quidem aliquid corrumpi, nisi ut conserveat. Dici non possit quantum homo subtilitate, industriaque valet, ut se resque suas defendat. Vritur enim ad defensionem, non solum eo, quod sibi proprium est, sed & omni eo, quod ad offendendum pertinet: nec posset reperiri aliquod instrumentum offensioni aptum, quo non etiam ad defensionem uti possit. Illæ itaque arces, quæ nimis coopertæ rectæque sunt, inter meliores non cēsentur.



sentur. Tollunt enim defensori commoditatem offendendi vexan-  
 dique hostem, faciendi excursiones, utendi tormentis bellicis, igne  
 artificioso alijsque ejus generis inventionibus. Sed quæ res est ma-  
 gis admiratione digna, quam ingenium fortificandi? quid magis  
 subtile, quam sermo qui de fortificatione habetur, nempe de cotrinis  
 propugnaculis, lateribus, vallis, fossis, contramuris, cuniculis, ag-  
 geribus intrinsecis, casemattis, contraminis, diverticulis similibus-  
 que inventionibus? Est ne res aliqua quæ exactissime excussa non sit?  
 Hæc ars efficit, ut pauci multis resistere possint & ut exiguus locus,  
 sed munitus, vires, & thesauros potentissimi Regis consumat parva  
 bellica arx potentiam magni Imperij fatiget, debilemque reddat.  
 Hac arte octingenti Lusitani ante aliquot annos eluserunt conatus,  
 impetumque Magni Mogori, ad Daman in ora Cambaja, qui locus il-  
 lorum est. Paucis abhinc annis, per celeres equos ab Emmanuele  
 Sosa Cotigna, Prorege Indiæ, Regi Catholico nunciatum fuit, quod  
 Magnus Mogor 60. Idolorum templa excidi jussit, dicens ea (idola)  
 nullius esse efficaciam, accersivisseque concionatores, qui ipsum  
 instruerent, baptizarentque, & quod modo duo ejus filij  
 baptizati essent.

## CAPVT XVII

De

## REGNO CHINÆ.

**R**egni Chinæ Imperium olim multo latius fuit, quam nunc est.  
 Deprehenditur enim ex historiis ipsorum (quibus memoriam  
 rerum ibi factarum per bis mille & amplius tercentum annos con-  
 servarunt) & aliis eorum scriptis proprio idiomate editis, (quo-  
 rum adhuc fragmenta supersunt) Reges eorum dominos fuisse fere  
 totius oræ maritimæ Asiæ à Freto Aniano ad regnum Pegu usque,  
 & regnorum Melitaj, Bacam, Chalam, Baragu, (quæ ad Septentrio-  
 nale latus Pegu sunt) vicinorumque illorum, ubi adhuc eorum opera,  
 cum epitaphiis & aliis eorum monumentis reperiuntur. In dictis o-  
 mnibus regionibus, adhuc reliquæ ceremoniarum veteris religio-  
 nis observantur, quibus tradebatur scientia rerum Mathematicarum  
 ut est anni in menses divisio, Zodiaci in 12. signa & aliarum hujus-  
 modi rerum, quæ monumenta sui Imperii sunt. Nec adhuc longum  
 tempus



tempus præterit, cum omnia illa regna Regem Chinæ pro Monarcha habebant, ei quoque triennio mittentes Legatos cum donis: Legati ad minimum quatuor esse debebant; nam antequam ad aulam, quo mittebantur pervenissent, ob locorum distantium difficultatē audientiæ, & moram in expeditione moriebantur duo, & quamvis morbus ipsos non confecisset, Chineses mortem eis veneno, (quod in aliquo publico epulo ipsis dabatur) accelerabant ponebantque eis sumptuosa sepulchra, quibus nomen Legati, & à quo missi erant, inscribebatur. Id omne fiebat ab ipsis, ut memoriam sui Imperii potentiaq; æternam redderent. Nec minus protulerunt suam potentiam in vasto illo Oceano, quam in Continenti: Chineses enim primi in Insulas Orientis dominium obtinuerunt: post eos Giaviillarum dominium sibi pararunt; deinde Malacenses & Mauri. Tandem Lusitani & Castellani adepti sunt illarum Insularum partem. Sed nulla illarum nationum potentiam Chinesibus parem habuit; ipsi enim præter Insulas Chinæ vicinas, quæ cum propter multitudinem, tum propter magnitudinem, fertilitatemque in maximam partem Insularum illius immensi Archipelagi ad Zeilan usque magni sunt momenti, dominium obtinuerunt, ubi idioma Chingallum reliquerunt, sicut & in terra Continenti ei opposita. Legitur quoque in aliquibus Relationibus Patrum Iesuitarum, in una parte Insularum Divi Laurentij inveniri populum album, quem à populis Chinæ originem trahere dicunt. Chineses primi Insulas Molucas detexerunt, dedereque nomen Garyophillis: deduxeruntque colonias in multas Insulas, quæ adhuc nomen servant, nempe Battachina à Muar, Barta China Mauri. Bate enim oppidum, Batta China oppidum Chinesium significat. Æstimatur quoque habitatores Iavæ ab iis originem traxisse. Ut quod verum est dicatur: videtur magna similitudo in ipsorum vivendi, vestiendi, ædificandi ritu, industria mercaturæ, & artificiorum ingenio. Cum autem Chineses in Freto Zeilano classis 80. navium jacturam fecissent, ultra alia infortunia, perpendentes similes expeditiones, suis rebus damnosas esse concluderunt eas prorsus missas facere, regrediq; in suos sinus: ut hæc conclusio rata esset, poenam capitis statuerunt in eos, qui in illas partes navigarent. Reges Chinæ bello alios offendere prorsus abstinent. Ut verum dicatur: cum ipsi foelicissima regione potiantur, ubi terræ fertilitas cum hominum inæstimabili industria certat, cui nihil deest, multaque e-

O

orum



orum usibus abundant. cur consumerent suas opes, in faciendis acquisitionibus suo Statui parum profuturis? Cur absumerent proprias vires, & substantiam, ut acquirerent aliena? Quid piscarentur reti aureo? Carthaginenses, sicut scribit Polybius, simili fere modo exonerarunt se una parte rerum prius partarum. Romani cum secundo bello Punico jacturam fecissent maximarum classium, præ desperatione valedixerunt mari. Postea autem videntes, quod qui mari dominarentur, quoque terra prævalerent, rursus novas classes instruxerunt, quibus tandem hostibus superiores fuerunt. Quamvis hæc Chinenſium resolutio hodie prudentiæ non ascriberetur, tamen pro maxima sapientia habenda est. Cum enim major fatuitas non sit, quam tua perdere, ut rapias aliena: destruere fines proprii Regni ut invades aliena: profundere sanguinem vitæ necessarium, ut haurias alienum, Regium magis, & Principis opere dignius est, conservare, (sicut alibi diximus) quam dilatare; conservatio enim Statuum dat eis essentiam, ampliatio autem eo spectat, ut eis bene sit. Ad quem finem autem se macerabit aliquis, ut sua ampliora reddat, si ampliatio Statuum non solum non efficit, ut bene commodeque eis sit, sed destruit id quod ante bene erat. Ad quid expendet proprium pro alieno? Rem quæ jam subsistit pro incerta & quæ accidere possit? Necessarium pro utili? quare debilitabit suam personam, ut major fiat? Princeps sapiens debet alienus esse ab iis expeditionibus, quæ ipsum securum non faciunt, aut insigne commodum secum ferunt; securitas enim Status est una basis, in qua subsistit: quod studet acquirere est ut securior sit: Securitatem autem adferunt acquisitiones angustiarum, claustrorum, viarum, rerumque oportunarum, ut hostem longe à te submoveas. Utilitatem commodumque adferunt ex regiones, quæ pecuniis ditant, aut com meatibus apparatuque bellico, rebusque talibus instruunt. Sed ad Chinenſes revertamur. Quando illud sapientiæ plenum decretum fecerunt, liberos dimisere populos, qui eis subjecti erant. Aliqui tamen eorum mansere feudatarii, & sub illorum umbra, inter quos fuere Reges Coreæ Lequij, Caucinchinæ, Siam. Quamvis autem (ut diximus) se inter suos terminos finesque Chinenſes reduxerint contulerintque, possident tamen regionem paulo minorem, quam Europa est; extendit se enim à Septentrione Meridiem versus à 17. gradu ad 52. usque, quo spacio continentur 35. gradus. Ab Ortua ad Occasum sunt gradus 22. Pacquin in qua degit Rex,



est in 48. gradu nostri Poli. Dividitur China in 15. Provincias, harum sex sunt maritimæ nempe, Centan, Foquien, Chiquean, Pantor, Naquij, Quincij: Mediterraneæ, Quichiu, Iuana, Quancij, Snivam, Fuquam, Canhij, Xianxij, Nonam, Sancij. Provinciæ Quinci, Cantanor, Foquem, à mediterraneis divisæ sunt monte, nostris Alpibus simili, nec plusquam duo itinera ibi reperiuntur, quibus ad se mutuo meant. Thomas Perezus Legatus Regis Lusitanie Emanuelis, à Cantan ad Nanquij consumpsit quatuor menses, Septentrionem versus semper tendens: attamen Nanquin ad Septentriones magis est. Ad amplitudinem confinium supra dictam accedit fundi fertilitas incomparabilis: producit enim quidquid ad delicias & delectamenta non ad necessitatem solum & ad usum humanum facit. Multæ plantæ bis aut ter in anno fructus reddunt. Ad id facit fluviorum frequentia, aquarum copia, quæ totam regionem, non solum navigabilem facit, sed & ita irrigat eam, ut amœnissimus hortus videatur. Ea fertilitas geminatur duplici via: una quod Rex nullis sumptibus parcat, ut tota Regio undique irrigari possit, secundo asperrimos montes, ut fluminibus transitus pateat, æ quando profundas valles, corrivando aquas lacuum & fluminum multis modis. Cum itaque nullo loco deficiat calidum, quod tota fere regio intra Zonam temperatam contineatur, nec humidum (quo natura benigna & hominum industria eam irrigat) luxuriant omnia, plus quam credi posset. Nullus alibi locus est ubi propagatio plantarum & pecudum majores progressus faciat. Altera fertilitatis causa est, segnes severissime castigantur, nec hic prorsus otiosi tolerantur, unusquisque aliquid facere cogitur, nec relinquitur palmus terræ, qui non colatur, nec dragma materiæ, quæ non formetur. In Cantan inter alias res notatu dignas numerantur quatuor cæcorum millia, qui terendis frugibus & oryza occupantur. In China habet unusquisque quod agat, secundum ejus vires, hic manu, ille pede, oculo, lingua aliquid agit: iis solum in Protodechijs publicis locus est, qui prorsus membrorum omnium impotentes sunt, nec affines habent, qui eis succurrere possent. Stercus humanum (taceo alia) hic venditur. Ut se nemo excusate possit, quod nihil agere norit, unusquisq; artem paternam exercere cogitur. Cum itaque filij in artibus paternis quodammodo nascantur, obligatique sint eas exercere, addiscunt fere eas antequam id perceperint, idque perfectissime. Qui sibi in terra victum non potest parare,



rare, facit id mari, id enim non minus frequenter habitatur, quam illa: vivuntque infinitæ familiæ in fluminibus, in cymbis nec post longum tempus in terram descendunt. Horum aliqui vehendo, aut trahendo personas mercesque, merent: alij officinas sibi parant: alij hospitio excipiunt iter facientes: in medio fluviorum reperitur, quidquid ad amictum aliasque commoditates vitæ civilis facit, non ad cibum alimenta que solum. Multi nutriunt in navibus magnum pullorum numerum, præcipue anatarum. Ad fovenda ova: excludendoque pipiones matribus non utuntur, sed temperato igne, fere sicut in Ægypto, singulariter autem Alcairi fit: tenent has aves noctu in cymbis, mane in campos oryza seminatos emittunt: cumque semagno rusticorum commodo herbis noxijs paverint, ubi nox ingruit, ad sonitum cymbani aut tympani ad suas caucas redeunt. Multi vivunt vehendo pisces fluviatiles & marinos in Provincias mediterraneas; vere enim dum turgent flumina, ob aquam pluviam & nivem liquescentem, confluit piscium marinorum incomparabilis copia ad ostia fluviorum, ubi piscatores eorum incredibilem copiam capiunt: eos navicularij fluminum, parvo emunt à piscatoribus, convehuntque (in quibusdam vasis ad id idoneis pascendo illos, ac sæpe recenti aqua reficiendo) in regiones longissime ab Oceano distitas. Ibi venundantur, mittunturque in latas civitatum fossas & in vivaria, in quibus toto anno perdurant, serviuntque Chinesium mensarum delicijs, pascunt pisces stercore bubulo aut columbino. Ut finem faciam: cum civibus vetitum sit finibus excedere, nisi cum venia (quæ pro cento tantum tempore permittitur) necesse est, ut crescente quotidie progenie, innumeri incolarum cœtus excrescant. Ab ipsis observatum est, vice quinque morientium, adnasci septem. Adde, in his regionibus tantam esse cœli benignitatem, aërisque salubritatem, ut non meminerint, ibi aliquando pestem universalem fuisse. Ne autem aliquis existimet, bonum aliquod alicubi inveniri, cui non tantum calamitatis, rerumque adversarum rependatur. Accidunt in China terræ motus, qui plus damni quam pestis faciunt; absorbent enim integras civitates, desertas reddunt regiones, condunt antiqua flumina, & recondunt nova, montes solo æquant, faciuntque miserandam stragem illius populi. Anno 1555, erupit ex terræ visceribus tanta aquarum copia, ut 180 milliaria inundaverit, diglutivitque civitates cum earum villis: qui aquas evaserant



tant, illos ignis cœlestis consumsit. Numerantur in China 150. civitates, 235. magna oppida, 1154. castella. 420. urbes absq; muris, in quibus milites degunt. Villarum pagorumque quorum aliqui habent mille focos, numerus iniri non posset; tantum enim undique populi est, ut universa China una civitas videatur. In ea sunt duæ Metropolitanae civitates Nanquin & Panquin in hac (quæ Regia Septentrionalis interpretatur) nunc habitat Rex, istique subsunt 7. Provinciae, huic octo Ambæ adeo amplæ sunt, ut uno integro die equites, priusquam ab uno capite ad aliud pervenias. De numero habitatorum Chinæ nihil affirmari potest, secundū autem quod ex relationibus manu scriptis extat, & ore refertur, colligitur 70. Millionses animarum excedere. Hæc profecto res magna est, nec creditu facilis illi, qui cum regnis Christianitatis illum numerum conferre, & ex illis æstimationem facere velit. Italia non accedit ad novem Millionses. Nec Germania (excludendo Helvetios & Belgas) ad plus quam decem, nec additis duabus dictis Provinciis excedit quindecim Millionses, quem numerum forte conficiet Francia. Hispania populo infrequentior est Italia. Sicilia habet unum Millionem & tercenta hominum millia. Anglia tres Millionses. Tantundem numerantur in Belgio: quamvis belli diuturnitate numerus Belgarum multum imminutus sit. Non tamen incredibilis ille numerus (quem habitatores Chinæ conficere diximus) videbitur, si considerentur ipsius amplitudo, fertilitas & loci habitatio. Ea enim Provincia adeo ampla, & tot habitatoribus frequens est, ut minor incolarum numerus ei tribuendus non sit. Tot habet urbes & tam amplas, aliasq; civitates, ut tantum numerum capere & excipere possit. Est quoque adeo copiosa, rerumque omnium copia, partim naturæ beneficio, partim hominum industria abundans, ut tantum numerum pascere possit. Nos Itali nobis ipsis egregie imponere solemus, cum opinamur Italiam omnibus universi Orbis regionibus præstare, nobisque persuademus nullam Provinciam, nec opulentiores esse nec frequentius habitari. Nec perpendimus Italiam longam angustamque esse Provinciam, non spaciosam nec capacem: nec quod duæ tertiæ partes flumen navigabile non habent, qui defectus admodum prægnans est: nec quod quartam partem occupat Apenninus, qui mons ut plurimum asper & parum frugifer est. Quod ad fertilitatem Italiæ attinet, cui ejus parti cedit Francia copia frugum & pecudum? Aut Anglia.



glia frugibus, pecudibus, lana, piscibus & metallis; Aut Belgium multitudinem & amplitudinem civitatum, varietate artificiorum, opibus & mercatura; Aut Græcia pulchritudine & opportunitate situs, & maris portibus aut regionibus perpulchris? Aut Hungaria pecore, equis, vino, frumento, piscibus, minæis, omni denique bono? Sed nolo in his enarrandis me detinere diutius quam necesse est. Longobardia tertiam tantum Italiæ partem occupat. Sed cum explicetur pulcherrimis planiciebus, irrigeturque amœnis fluminibus, nec montes asperos, nec campos arenosos habeat tantum populi, quantum dimidium Italiæ habet. Quid autem dicemus de Francia, Austria, Germania inferiori, Pannonijs, alijsque, quæ omnifariam planæ, optimæ, extremeque delitiosæ sunt? Concludamus ergo: cum China non minus amplum spaciosumque regnum sit, quam munitum, sibi junctum, plenum populo, annona & opibus, pro uno maximorum imperiorum, quæ unquam fuere habendum est. Chinæ regimen Despoticum plurimum refert. In tota China, nullus est alius dominus præter Regem. Ignorant quid Comes, quid Marchio, quid Dux sit, Nulli alteri tributum aut vestigal penditur quam Regi. Confertis omnes Magistratus, etiam nobilitatem? Dat eis, quo se sustentant nec aliud ponderosum faciunt, cujus ipse certior non fiat. Non sicut Regi tantum ei obeditur, sed & veneratur sicut numen. In unaquaque Provincia est Regis effigies aurea, quæ velo operitur, præterquam novilunijs: tunc detegitur, visitaturque à Magistratibus, inflectuntque genua coram ea, tanquam Rege ipso. Nec solus Rex reveretur, sed & Præsides, ipsique iudices ita honorantur, ut cum eis nemo loquatur, nisi genibus insidens. Hac re vilescunt admodum animi populorum, facitque eos mancipia potius quam subditos Principis. Exteri (quod eorum conversatio consuetudoque aliquam mutationem, aut aliquid novi in regimine introducere posset) non admittuntur in regnum: concedunt eis autem aliquid commercij in oris maritimis, ut distrahant divendantque annonam, & opificia quæ ipsi fecere. Mercatores qui hic versantur, mercaturamque terra exercent, multi se coadunant, unumque inter ipsos Principem constituunt, cui titulum Legati dant. Hac cautela intrant regnum, sed Officarij & ministri Regis nunquam discedunt ab eis. Indigenæ non possunt regione excedere, nisi permissu nec conceditur permissio, nisi ad certum tempus. Ut de reditu securi sint, non dant facultatem  
excurr.



exiendi. nisi exercendæ mercaturæ gratia, navigando in navibus  
150. vasorum capacibus, suspicantur enim eos multo longius na-  
vigarutos, si majores naves concederentur. Ut finem faciam. Hujus  
regni lex est, ut ad nihil aliud, quam ad pacem & conservationem  
Reipublicæ colliment. Ideo floret hic Iustitia quietis mater, deinde  
Politia magistra legum, denique industria pacis filia. Non aliud re-  
gnum, nec dominium antiquum nec novum illo magis politicum  
est. Plus quam bis mille annis (sicut ipsi suis historijs docent) regi-  
tur China iisdem legibus. Nos miramur Rempublicam Venetam  
constitisse jam 1100 annis, regnum Franciæ autem jam se per 1200.  
annos conservasse. Circiter ducenti jam anni sunt, cum China à  
Tartaris oppressa pertulit eorum dominium circiter 90. annis. Chi-  
nenses seiplos magni faciunt in rebus civilibus & politicis, quibus  
prorsus invigilant. Solent dicere se habere duos oculos, Europæ po-  
pulos unum, ceteros nullum. Ita honorifice de nobis loquuntur,  
quod ipsis noti sint Lusitani, cum quibus mercimonia exercent in  
Macao & alijs locis, & propter famam Castellanorum, qui ab ipsis  
non longe absunt, in Philippinis insulis nempe. Ex frequentia po-  
puli (quam docuimus) fieri potest judicium virium Chinæ, in ea enim  
consistunt omnes aliæ vires. Sed aliquid in particulari de iis dica-  
mus: Potentia Regis Chinæ (quod suo contentus omnem invasio-  
nem abhorret) defensionis magis, quam offensionis prona est & aptior,  
ut sua conservet, quam ut ea augmentet. Civitates ut plurimum ad  
flumina navigabilia sita sunt, habentque fossas profundas largasq;  
muri earum tum è lapide fossilium coacti sunt, adeo firmi solidiq;  
ut credi vix possit. Turres non desunt, nec propugnacula quam opti-  
me instructa. Ad fines Tartariæ, ut securi essent adversus potentiam  
talium hostium, qui quondam Chinam ingressi eam subjugarunt,  
murum qui initium habens, ad civitatem Ochioj, (inter duos altissi-  
mos montes positam) extruxerunt, extendit se ad sexcenta millia-  
ria Ortum versus, donec ei alius mons occurrit, qui ad Oceanum us-  
que protenditur. Ad regni fines videntur frequentes, sed parvæ ar-  
ces, eæ erectæ sunt, ut hostem sistant, donec concurrant vicina præ-  
sidia & deinde Regius exercitus. In quadringentis magnis pagis  
magnum populi numerum quotidie stipendia merentium habet  
Rex. Hi ad minimum indicium in eam partem, qua necessarium est,  
tendunt. Unaquæque civitas suos Præsidarios, & suam custodiam  
adpor-



ad portas habet, eaque non clauduntur solum, sed & suo tempore obsignantur, nec aperiuntur antequam sigillum diligenter recognitum sit. Eorum militia cum equestris, tum pedestris, tam terrestris, quam maritima, numerosa potius, probeque instructa apparatu bellico rebusque necessariis, & quod maximum est, probe ordinata est, quam fortis & vegeta. Indigenae enim cum propter nimiam molli-  
tiem regionis, tum propter formam regiminis, quae ipsos viles, timidos, abjectosque reddit, audaciae animique parum habent: externo subsidio non utuntur, praeterquam illorum quos bello ceperunt, quos in citiores regiones mittunt, ubi signum gestantes (quod ipsos ab alijs distinguit) serviunt, sed animo mancipiorum potius quam militum, stipendia certa eis persolvuntur, nec praemia virtuti, nec poena ignaviae desunt, quod magnae efficaciae est. Qui militiae adscripti non sunt, arma habere non possunt. Maritimae vires terrestribus non sunt inferiores; nam praeter classes ordinarias custodiae & securitati orae maritimae destinatas (cum China fluminibus navigabilibus tota abundet, oraque maritima portibus insulisque instructa sit) facile est, cum urget necessitas, colligere a quingentis ad mille magna navigia, quae ipsi Giunchi vocant. Non desunt stipendio persolvendo pecuniae, nec ad delectus faciendos, retinendumque maiorem, quam credi posset numerum navium militumque; asserunt enim multi, reditus regales ad 120. aureorum milles accedere, qui numerus quamvis incredibilis videri ei posset, qui ex Statibus Europae, Chinae aestimationem facere velit, fidem tamen facile inveniet apud illos, qui considerabunt sequentia, nempe amplitudinem & naturam Provinciae (quae Europa paulo minor est) frequentiam habitatorum, quam consequitur inaestimabilis opulentia, diversitatem & divitias minararum auri, argenti, ferri aliorumque metallorum, inexplicabilem copiam mercimoniorum, quibus mire favent tot flumina navibus pervia, tot sinus & brachia maris, emporia, portus maritimi, telonia, vestigalia mercium, tributa personalia & similia. Percipit inter alia decimam omnium, quae terra producit, ut sunt omnis generis frumenta, hordeum, oryza, oliva, uva (sed non premunt uvas, ut vinum extorqueant) gossypium, linum, lana, serycum infinitum, metallorum omne genus, germina infinita, pecudes, sacharum, mel, rhebarbarum, camphora, cinnabaris, glastum, odoramentorum multa genera & inter ea muschum. Vestigal solum fa-  
lis



salis civitatis Canton, (quæ nec ex maximis, nec multi commercij est) reddit aureorum 120 millia. Decima oryzae unius mediocris oppidi, jurisdictionis supra dictæ civitatis, reddit plus quam centum aureorum millia: inde aliarum rerum æstimatio fieri potest. Percipit tributum ex lucro meretricum: subditis nihil præter victum & amictum relinquit. Nullos sub se Comites, aut dominos alterius generis habet, nec privatas personas, quæ opulentæ sint. Cum itaque regnum immensum sit, reditusque fere omnes in Regis manu sint, mirum non est, si ipse inde aureorum numerum incredibilem percipiat. Duæ præterea res hanc summam reddituum credibiliorem reddunt: Una est, quod non omnia solvantur in pecunia sed pars in rebus nempe fœno, oryza, frugibus, palea, serico, gossipio; altera causa est, quod Reges 120 millionum, quas percipiunt, tres partes expendant, dum itaque ex manibus Regis exit, quod à populo percepit, nemini mirum videri debet, quod populus ipse id quotannis reddere possit. Sicut enim aqua tantum descendit, quantum se in altum extulit, ita & tributa, facile tantum inferre possunt, quantum Regi in sustentaculum suorum expendendum est, ipseque populus tantum Regi pcedere potest, quantum ipse in regno expendit. In regno dico, si enim extra regnum expenderet angariæ dupliciter consumerent populū, nam ex ejus manibus elaborantur pecuniæ facultatesque, neque spes superesset alicujus emolumenti, aut fructus alicujus. Sed hac de re satis diximus in rationibus Status. Nullius Principis potentia Regi Chinæ terratimenda est, præterquam Magni Chami Tartari; omnes enim alij, ipsum pro supremo domino agnoscunt: adversus hunc hostem curarunt Reges præteriti strui stupendum illum murum. A maris latere Rex Chinæ conterminus est Iaponibus & Castellanis. Iaponia varie distat à China; à Foto Iaponiæ insula, ad civitatem Liampo, numerantur 60. Leucæ: à Cantone 297 Iaponenses divexant oras maritimas Chinensium incursionibus, in terram descendentes, ut deprædentur regionem, ita ut magis latrocinia exerceant quam quod quid bello agant. Cum enim Iaponia in plures insulas, & in varios Principatus inter se fere dissentientes divisa sit, non nisi invalide contra regnum Chinæ movere se potest. Iaponenses animis armisque Chinensibus præstantiores sunt. Dicitur Nabunangam, qui se hodie pro domino magnæ partis Iaponiæ gerit, in animum habere in Chinam expeditionem suscipere. Ab alia parte jungunt

P

Chinen.



Chinensium fines cum insulis Philippinis quas possident Hispani, qui Chinensibus admodum suspecti sunt, nec id absre. Sunt enim Philippinae situ valde commodo ad vexandum Chinam: Hispanis quoque probe notum est, quam dives sit illud regnum. Rex Hispaniarum Philippus omnes vias tentat, ut tranquille recipiatur Evangelium, videturque Dominum Deum nostrum modo aliquam portam aperuisse. Quamvis enim Chineses, in suam ditionem externos non admittant, sicut alibi diximus, attramen aliqui Patres Iesuitae, moti intenso desiderio gloriae Dei, & ampliationis suae sanctae legis, in campo adeo spaciofo, qualis ille est magna arte, nec minori patientia regnum Chinae sunt ingressi, comparataque sibi aliquorum Magistratum benevolentia, obtinuerunt privilegium naturalitatis, praecipue Pater Michael Rogerius: venit hic in Europam anno 1590. ut referret, quid illic ageretur. Dum ego haec scriberem, allatae sunt Significationes a duobus Patribus, qui in regno Chinae remanserant, quibus significabant, se diversas persecutiones passos, tandemque coactos fuisse, civitate, in qua habitaverant aliquosque converterant excedere, & maritima versus se conferre. Lusitani ipsis quoque aliquantulum suspecti sunt; in mercimonia in illo mari exercendo, primum fidem sibi conciliarunt, auspiciis Ferdinandi Andradae, propter significationem iustitiae, & moderationis, quam de se, in insula Tamo dederat. Hic primus omnium Lusitanorum, in civitatem Cautam venit, exposuitque in terram Thomam Petreium Legatum Emanuelis Regis Lusitaniae; sed eo postea delati alij Capitanei pravis suis actionibus moribusque occasionem dedere, ut Legatus pro exploratore captus fuerit, & in carcere detentus, ubi miserabiliter suos dies finivit, cum aliis autem, tanquam cum hostibus actum fuit. Tandem post multos annos concessum fuit Lusitanis, ut sedes figerent (mercimoniorum gratia) in parva insula Macao, in qua fere coloniam fundarunt, sed parum firmam, quod penitus subiecti sint arbitrio Chinensium, qui ipsos ob ingenia, & strenuitatem suspectos habent. Eos quoque non fugit amicitia, collusio & consensus, qui ipsos cum Castellanis intercedit, ideoque restringunt quotidie libertatem commerciorum, conanturque ita se gerere, ut Lusitani sua sponte Macao relinquunt repetantque;

Indiam.

CA-



CAPVT XVIII.

DE

REGNO SIAM.

**A**D limites Chinæ, relinquentes regnum Caucinchinæ (de quo quod huic operi inseratur, dignum nihil habemus) sequitur regnum Siam, quod inter magna Asiæ regna habetur. Nomen à Siam civitate, ad ostia fluvij Menam traxit, dicitur quoque regnum Gornao. Extenditur ab Ortum Occasum versus à civitate Campaa, ad civitatem Tauai usque, quo spacio quingentæ leucæ secus oram maritimam comprehenduntur. Interim verum est, Arabes ejus regionis ultra ducentas leucas usurpasse, cum oppidis Patane, Paam, Ior, Malacca (quam postea Lusitani his eripuerunt) Parca. A Meridie Septentriones versus, extendit se à Sincapura, quæ in medio gradu est, ad populos, qui vernacule Gueoni dicuntur, qui ad 29. gradus sunt. Lacus Chiamai qui sexcentis miliaribus à mari distat Regis Siam est; in locis mediterraneis dilatatur à finibus Caucinchinæ ultra Avam fluvium, ubi regnum Cencran possidet. Sunt itaque ipsius simul cum lacu Chiamai, Menon (quod Capitaneum aquarum sonat) Menam, Caipumo, Ava flumina, quæ omnes illas regiones plus quàm credi queat, omni annonæ genere fertiles reddunt. Potissima regionis pars undique montibus Avæ, Bremæ, Iangomæ cincta, situ plana est satisque Ægypto similis. Abundat elephantis, equis, pipere, stanno, auro. In regni parte occidentali habet silvas immensas tigridibus, leonibus, lyncibus & hyenis plenas. Continet regna Camboiæ, Siami, Muantai, Bremæ, Caipumo & Chencran. Regi Siami obediunt populi Lai, qui ad Septentrionem regnorum Muantai & Caumua sunt, in tria regna (ut alibi diximus) divisi. Primum est Iangomæ, secundum Cucrai, tertium Lancaan, Caucinchinæ vicinū. Inhabitant regionem planam & opulentam, in quam ex montibus descendentes Gueoni (Marcus Paulus Venetus appellat eorum regionem Gangigu) appetitu carnis humanæ, faciunt eorum horribilem lanienam. Ab his sibi timentes Lai, agnoscunt Regem Siami in superiorem dominum, sed ei parum obediunt, sæpeq; ei rebelles fiunt. Hujus regni opes ex ejus fertilitate percipi possunt; cum enim in planicie sit, quæ à nobilissimis maximisq; fluminibus, opportuna inundatione Nili instar irrigatur, dici nō potest quantum rerum o-



mnium copia affluat. Producit oryzam, frugesq; innumeras, equos  
 elephantes, pecoraq; infinita: aurum quoq;, stannum, metalla. Argen-  
 tum à populis Lai eo deferitur. Hæc terræ fertilitas in causa est, ut  
 populus se valde deliciis & voluptatibus obruat. Agriculturam ex-  
 ercent, sed artibus non admodum delectantur, eamq; ob rem regnū  
 exigui commercii est. Inter alias civitates tres admodum celebres  
 sunt, nimirum Cambaia, ad flumen Meicon aut Menon sita, quod in  
 China oritur & in decursu adeo fluminibus & aquis augetur, ut ei su-  
 us alveus non sufficiat: & propter aquarum vim se mutuo protru-  
 dentium rumpit discinditq; terram, plus quam in mille partes, ef-  
 formatq; lacum quasi alterum Meotidem, plus quam sexaginta mil-  
 liaria longum: Meicon Capitaneū: Menon matrem aquarum signi-  
 ficat. Altera civitas est Siam, cujus amplitudo toti regno nomen dat:  
 maxima civitas est, commercioq; admirabilis, id inde colligi potest,  
 quod quidam Pater Iesuita scribit, ultra indigenas incolas, plus  
 quam tringinta millia Arabicarum familiarum in ea esse. Tertia civi-  
 tas Vdia nomine, Siana adhuc major est, diciturq; in ea esse quadra-  
 ginta incolarum millia, & quod in flumine Caipumo (ad quod sita  
 est) discurrant ducenta cymbarum millia. Rex Siamis magnifice vi-  
 vit, sex excubitorum millia habet, & ducentos elephantos, ostentan-  
 dæ suæ amplitudini. Elephantorum 30 millia habet, quorum tria  
 millia bello idonei sunt. Eares pro maxima habenda, si eorum pre-  
 cium, & impensæ in ea animalia faciendæ, considerentur. Regis Sia-  
 mi administratio plus despotas refert, quam Regiam gubernatio-  
 nem; omnium enim sui regni terrarum dominus est, easque locat  
 colonis, aut dat eas suis Baronibus, ad ipsorum sustentaculum, ad cer-  
 tum tempus, aut quamdiu vivunt, sed nunquam jure hæreditario:  
 dat quoq; iisdem Baronibus civitates oppidaque, cum jurisdictione  
 ad tempus præfinitum, vel etiam ad vitam, sed ea conditione, ut ei in  
 bellis, certo cum peditum numero, equis & elephantis inserviant.  
 Hoc modo 20 equitum & 250 peditum millia (quibus nulla stipen-  
 dia largitur) habet, nec regno hoc oneri est. Si majores vires coadu-  
 nare vellet, multo majorem numerum conficeret; regnum enim am-  
 plum est, civitates oppidaq; populo frequentia sunt, sola civitas V-  
 dia (quæ regni Siamis caput sedesq; regia est) emisit 50 hominum  
 millia. Quamvis Rex Siamis novem regnorum dominus sit, non aliis  
 tamen, quam Siamitis, in bellis utitur, qui duo regna, Siam nempe  
 (quod



(quod ipsi Chaumua vocant) & Muantai, (in quo civitas Vdia est) inhabitant. Sequuntur tria Laiorū regna, duoq; alia ad mare sita nempe Como & Camboia. Ad Occasum est Caidoco regnum, & Septentriones versus Brema, quod alii Barma, alii Brama dicunt, sicut in barbaris nominibus evenire solet. Cum spes parandi opes, & acquirendæ amplitudinis, in hoc regno ab armis dependeat, vigente etiam pace, fiunt exercitia bellica; & in aliquibus ludis, quos Rex quotannis Vdiæ exhibet, referuntur omnia ad exercitia militaria. Vni fiunt in flumine Menam, ubi plus quam tria Paraorum (genus navigii est) millia, in duas classes divisa, conflagunt; congregiuntur quoq; equis & elephantis; pedites quoq; ense parmaq; instructi; exercentur quoq; in venationibus ferarum. Vitæ quod super est impenditur deliciis & vitiis. Siamensium fines ad Ortum Caucinchinam attingunt, inter quam & ipsos sunt sylvæ immensæ, leonibus, tigridibus, lyncibus, hyenis, elephantis plenæ, impediuntque, ne se invicem bello infestent. Cum autem ambo hæc regna Regi Chinæ subdita sint, (cui quotannis Legatos mittunt) pacem inter se colunt. Chiamailacum versus contermini sunt Siamenses Chinenſibus. Ad mare junguntur Arabibus, & locis quæ Lusitani occuparunt: illi Parane, Paam, Ior, Peram: hi Malaccam totumque ejus regnum rapuerunt, ita ut regi Siam ad ducenta terræ milliaria ademerint; sed cum ora maritima contenti, latius in interiorem regionem jurisdictionē non exerant, recipiantq; ex invectis & evectis mercibus magnos redditus, nec viribus, ad mediterranea invadendum satis firmis instructi sint, pacem cum Rege Siam colunt. Regnum Pegu ad occasum est regno Siam, mediæ Lunæ instar: jacet inter montes, quos Brami & langomei incolunt, extendit se secundum mare, à civitate Rei (quæ ad mare in 14 gradu, & ejus parte tertia est) ad Sedochusque, quæ in decimo octavo gradu ad oram maris est, per spatium 90 leucarum, paulo minus in mediterraneis latum est. Fluvius Pegu regionem mediam intersecat, & certis temporibus intumescens, diffundit dilatatque se per illos amœnos campos, idque tam egregie, ut magnum Sinum tibi ob oculos ponat. Istriginta leucas latus est: ubi autem fluvius decrevit & in suum alveum reflexit, crescunt ibi omnia, quæ illud clima fert, tam abunde, ut Pegu Ægypto non invideat. Regni Pegu Portus præcipui sunt Pegu ad ejusdem nominis fluvium: Tavori, Matabane, Colmin. Siamensibus ad Septentriones vicini sunt Queoni, asperri-



morum montium incolæ, inter quos & Siam sunt Lai, qui eam à Septentrionali & Orientali & latere prorsus circumcingunt secundum flumen Mecon: fines denique jungunt China, Campa & Cambodia. Lai parent Regi Siam, quod metuant Gueoni à quibus illos Rex Siam tuetur, nisi id faceret, jam dudum ab illis excisi essent. Ante 40 annos, eos aggressus est Rex Siam, cum 20 equorum millibus (qui quamvis parvi sint, ferunt tamen egregie labores) habebat præter eos 250 peditum & decem elephantorum millia: pars prælio bona erat, pars gestabat impedimenta. Non aliud regnum est quod majorem elephantorum copiam habeat, iisq; plus utatur. Trahebat quoque post se bouum bubalorumque clitellariorum ingentem numerum, quos deficiente com meatu mactabant. Hucusq; diximus de Regnis Siam & Pegu, sicut erant, quando Lusitani Indiam sunt ingressi, sed ab eo tempore, res valde mutatae fuere, modo qui sequitur. Regi Pegu obediebant quondam aliqua Bramorum regna, secundum flumen, Chiamai lacum versus, ubi suos Legatos habebat. Sexaginta ab hinc annis quidam Legatus, quem regno Tangu præfecerat, confusus affectis, quorum multos habebat, & autoritate, quam sibi virtute paraverat, rebellis Regi factus est, rapuitq; sibi regnum, occisis viris primariis: quod plus est, cepit civitates, & regna Prom, Melinta, Calam, Mirandu & Ana, quæ omnia Bramis inhabitata erant. Ea Septriones versus, plus quam ad 150 leucas extenduntur; tentavit quoque occupare Siam, venitque in conspectum Vdiæ Metropolis civitatis regni Muantai usque, sed nihil efficere potuit. Susceperat illam expeditionem, cum trecentis peditum millibus, consumsitq; plus quam tres menses in aperiendis visis, per montes asperrimos, sylvas vastas, & loca inaccessibilia, in quibus amisit 120 hominum millia, cepitq; Siamensium ducenta millia. Domum reversus, aggressus est ipsum regnum Pegu, quod & expugnavit: postea, anno nimirum 1507 reversus est ad expeditionem Siam vicitq; Regem, qui sibi veneno mortem conscivit, ejus filios autem cepit occupavitque ejus regni magnam partem. Hic & ejus successores, quod eorum potentia inceperit, occupatione regnorum Bramorum, vocantur à neotericis Historicis Reges Bramæ, aut ut alii dicunt, Reges Barmæ; Lusitani autem à nobiliori, & magis cognita occupatorum parte vocant eos Reges Pegu. Tentavit postea aliquoties cum uno virorum milione & amplius civitatem Vdiam



Vdiam. Sed ut quod de magno numero diximus fabulosum non videatur (quod res alibi dicenda similes sunt) non erit ab instituto nostro alienum, si hic demonstremus, unde accidit; ut hic, aliisque in regionibus, tam numerosi exercitus colligi educique possint. Primo itaque dicimus, quod cum bella, tuis in finibus, aut procul ab iis geruntur, magnos exercitus, longo tempore alere non potest is, cui maximi redditus, copiaque parata pecunia non suppetit. Sicut enim nostri corporis membra sine nervis moveri, & absque iis motus continuari non potest: ita nec exercitus colligi, nec quo opus est duci, nec uniti in expeditione retineri possunt, nisi prompta pecunia, quæ ipsos oportuno tempore reficiat, trahatque post ipsos, arma, commeatum annonam aliasque res vitæ necessarias, ususque armorum commodas. Cum autem Principum redditus, sicut privatorum hominum facultates, (unde Principes suos thesauros instruunt) certis finibus consent, efferendoque uno aut duobus annis, ex tuis provinciis pecunias, iis eas denudabis, omneque aurum & argentum ita exhauries, ut iis postea inanes remaneant, consequitur quod bella longinqua, nec suscipi, multo minus continuari possint, nisi à Principibus, qui à longo tempore thesauros accumularint, aut habeant fodinas inexhaustas, & nunquam deficientes. Thesauri autem, quantumvis maximi, consumentur parvo temporis spacio; id enim quod in pace, parce colligitur, in bello, prodige expendendum est. Vnus siquidem annus quo bellum geritur, fructus multorum annorum pace conquistos absumit. Quare quidam Capitaneus Lusitanus, magna cum causa dixit Lusitaniæ Regi Sebastiano, cum de expeditione in Barbariam suscipienda ageretur, ad id bellum tres torrentes requiri: unum virorum, alterum commeatum, tertium pecuniarum. Ille quoque egregie dixit, qui ad belligerandum pecunia infinita opus esse dixit. Cum autem in omni bello multum expendendum sit, id tamen quod procul à domo geritur, infinitas, & quæ omnium opiniones superent, pecunias requirit. Magnus Turca id expertus in bello Persico, quo adeo potens Princeps suas facultates & thesauros tali modo consumpsit, ut ei valorem auri argentique diminueret, illorum precium ad duplum augere, patique monetarum falsificationem milleque tales res, necesse fuerit. Qua de causa Ianizari plus quam semel seditionem & turbas concitarunt, civitatem Constantinopolim furiosè pervas-



pervagati flammam iniecerunt, suntque ejus magnam partem depredati, Rex Catholicus tot bellorum onera in tam longinquis Provinciis, tantoque tempore ferendo, facultatibus tantum Hispaniæ suffultus non sufficeret, nisi Dominus Deus ei dedisset alium Orbem minarum inexhaustis argenti plenum, venisque & fluminibus auriferis scatentem, qui ipsum quotannis novis thesauris (qui ad ipsum classibus deferuntur) reficit. Pecunia ea est, quæ militibus commectum & apparatus dat, illos in unum locum coire facit, & eos modo huc, modo illuc ducit, sicut occasiones necessitatesque expeditionum exigunt. Tanti momenti est pecunia, ut Ioannes Iacobus Trivultius, magni nominis Capitaneus, rogatus, quæ res in bello necessariae essent, tres requiri responderit: Pecunias, Pecunias, Pecunias. Hæc intelligenda sunt, cum impensæ ex tua ditione capiendæ sunt; accidit enim aliquando ut expeditio bellica se ipsam aliat, subministretque ipsa vires: Hunni, Vandali, Gothi, Arabes, & nostrorum avorum tempore, Magnus Tameiranes, maximos exercitus foris eduxerunt, Provinciasque nullis viribus instructas, sine magna resistantia & obstaculo intrantes, dabant in prædam & direptionem civitates, ruraque alebant conservabantque se spoliis & ruina regionum. Idem nostris temporibus Lusitanis in India Orientali, & Castellanis in India Occidentali, sed plus his quam illis accidit. Nulla enim unquam natio in Orbe fuit, quæ nullo fere proprio sumptu tantum acquisiverit, quantum Hispani in Nova Peruvia. Sed id hoc tempore factum adeo facile non est, sicut olim fuit, minusque in Europa, quam in Asia, aut Africa, propter tormentorum bellicorum usum & arces, quæ pluribus mensibus, immo annis, sustinere, imo defatigare hostem præpotentem possunt. Turcæ hoc ad Zigethum experti sunt, parvum id in Hungaria castrum est, quod anno 1566 Solimanus Turcarum Rex, cum tercentum bellatorum millibus aggressus tandem expugnavit, sed cum tanta suorum strage, ut tanti exercitus parstertia domos non reviserit. Fuit itaque acquisitio, tanto conatui longe inferior. Lusitani initio suæ expeditionis Indicæ cum paucis militibus modicoque tempore magni momenti acquisitiones fecere: sed cum illi populi tormenta bellica sibi parassent, architectos nacti arces extruxissent, classesque instruxissent, non ultra progressi sunt Lusitani. Hispanis idem in novo Orbe accidit; repperunt. n. post primas illas victorias, in nova Hispania Chichimechios



mechios, & in Peruvia Pilcoffonios, Ciriguanios, & Cuchios: ut 27 annorum spacio non latum pedem terræ potuerint suo imperio addere, sicut nec in valle Arauco, Tecapel, in regno Chile, ubi cum illæ gentes vidissent Hispanos ictibus sagittarum armisque interfici, non habuerunt eos amplius in ea existimatione, qua ipsos habuerant, cum pro cæli filiis & gente immortalis ipsos æstimabant: experientia autem praxique edocti, non amplius timent equos nec sclopetos. Sed si Bellum non procul domo geritur, non est difficile paucis tempore magnos exercitus colligere: sicut legimus de Crotoniatis & Sibaritis. Et ne exempla adeo antiqua adducamus, legitur Gandavenfes Flandriæ populum, se aliquando potentia Regum Franciæ cum 80 bellatorum millibus opposuisse. Cum n. eorum regio abundans populo esset, bellumque in finibus gereretur, currebat in id unusquisque commeatu (qui in aliquot dies sibi sufficeret) instructus; sed diu in expeditione subsistere non poterant, quod pecunia & annona deficerent, constringebanturque omnes hic ad aratrum, ille ad officinam, tertius ad tabernam, unde se sustinebant, reverti. Scoti, qui præ defectu pecuniæ nunquam præclaram expeditionem extra Insulam susceperunt, necessitate patriæ id exigente, aliquando modico temporis spacio, magnum hominum numerum collegerunt, eoque aut hostes aggressi sunt, aut defenderunt fines, sicut & faciebant Romani, qui per aliquot sæcula, dum cum vicinis Romæ populis belligerarent, privatis stipendiis arma tulerunt. Egrediebantur enim domo cibus in unum aut duos dies, aliisque rebus necessariis instructi, unoque prælii paucis horis bellum finiebant. Sed cum expeditio in Veios suscepta diutius protraheretur, coactus fuit Senatus populo stipendia parare. Exercitus ad expeditiones vicinas colligere in regionibus Orientalibus, & in Africa, longe facilius est, quam in Europa: ejus rei multæ sunt causæ. Prima est, quod regiones ut plurimum abundantiores copiosioresque rebus vitæ humanæ necessariis ibi sunt: deinde quod populi Meridionales & Orientales, ut plurimum minori quam nos contenti vivant, sunt ciborum parci simplicesque: Europæ autem populi non solum ut se nutriant, edunt bibuntque, sed ut frigus à se arceant: illi autem à cibo nihil præter nutrimentum recipiunt. Vinum, quod apud nos pane carius est, apud ipsos non reperitur: ipsorum aquæ sunt nostris meliores. Ats culinaria

Q

non



non apud ipsos tam exquisita est, quam apud nos, nec eorum stomachus assuevit adeo opiparis deliciis. Turcæ finiunt convivia oryza & carne verve cina. nec Orientales insumunt tantum in vestes quantum nos. Eunt seminudi bella, nec præter pudenda aliquid cooperiunt, inde accidit, quod apud ipsos, non tanta artium artificumque frequentia sit, quanta apud nos est, ubi major elaboratarum rerum pars ad vestes, & ad personarum ornatum pertinet, nempe tot generis panni, lanei, serycei, varietas vestium, colorum venustas, pompa vestimentorum, aliæque tales. Apud illos populos fiunt fere omnes expensæ in paniculo ex gossypio, qui eos ab umbilico ad genua usque tegit. Has ob causas facilius illic quadraginta quam apud nos decem militum millia sustentari possent. His adijunge expensas, quæ in tormenta bellica & in eorum apparatus, in commeatum, equos, homines, aliasque res, quæ ad gerenda bella requiruntur, faciendæ sunt: hæc ignorat maxima populorum Orientalium pars, ii maxime, quibus cum Arabibus & Lusitanis nihil negotii est, & qui provincias mediterraneas inhabitant. Sed parvi momenti non est, quod supra dicti populi in bella eant, nullis armis, defensionis aptis instructi, absque thoracibus, galeis, squamis æreis & laminis, quibus multum impenditur, nec ea, ex uno loco in alium absque impensis vehi possunt. Multum hac in re differimus à Romanis, qui in bella euntes tam defensionis quam offensionis apta arma & sæpe commeatum in decem & plures dies ferebant: quare Virgilius hoc onus, injustum fascem canit, quod præter modum esse videretur. Cum itaque illi populi commoditatibus fruuntur nempe fecunditate regionum, facilitate parandi victus, amictus, armorum, facile est, ut urgente necessitate exercitum multo majorem, quam nos colligant, qui rebus infinitis indigemus, quas ipsi ne quidem norunt. Legimus res maximas de exercitibus Assyriorum, Æthiopum, Beli, Nini, Semiramidis, Cambisis, Cyri, Darii, Sesostris, Sefaci, & temporibus minus antiquis Arabum, Tartarorum, Mogororum aliorumque. Et ne exempla tantum longinqua adducamus, & ut ex iis, quæ recens acciderunt, rebus antiquis fides concilietur, eaque fiant credibilia, literis patrum Iesuitarum & Capitaneorum Lusitanorum celebratur res illa, quæ accidit anno 1584 in Angolo (ea nobilis divesque Provincia est Æthiopiæ Occidentalis, regno Congo vicina.) In ea Paulus Diazus Capitaneus Lusitanus, secunda Februarii die obviam habuit



habuit exercitum unius millionis, & ducentorum Æthiopum millium, quem adversus ipsum eduxerat Angolæ Rex, qui ab illo, incredibili felicitate, non armorum vi, sed Dei benignitate dissipatus & in fugam actus fuit. Hujus rei certiores me fecit literis Eduardus Lopezius Lusitanus, qui eo tempore erat cum Rege Congo. Certum itaque est, quod adeo numerosi exercitus parum durent, & torrentibus quam fluminibus, nimbis quam pluviiis similiores sint; quamvis enim colligi possint, non tamen diutius conservantur, quam commeatus, quos secum domo attulerunt, durant. Accidit inde ut intra paucos dies dissolvantur valedicantque expeditioni, non cum ea in medio cursu est, sed cum incipit moveri; non habent enim secum rem quæ mercatores, & epulatores cum rebus conservationi vitæ humanæ utilibus, & ad bellum necessariis, post eos trahit. Quod plus est, ut millioni militum, de rebus necessariis prospiciatur, opus esset alio hominum milione, curribus, jumentis clitellariis, famulis, mercatoribus & epulatoribus, qui illos sequantur; tantæ multitudini autem, nec flumina aquam, nec campi fruges, nec terra hospitia suppeditare posset: necesse itaque esse ut sua mole rueret & in nihilum redigeretur. Reges illi Orientales, qui exercitus solito majores collegerunt, eosque in bella, & longinquas regiones duxerunt, ea quæ diximus bene perpendentes, primum maximam pecuniarum, commeatum, aliorumque necessariorum adparatum copiam compararunt. Inter alios, Xerxes, qui majorem exercitum, tam mari quam terra de quo memoria sit, collegit, consumpsit septem annos, in apparandis iis, quæ ad expeditionem necessaria erant. Sed revertendo ad Regem Barmæ, cepit is paucis elapsis annis portus Mattabane & Ternasseri, armaque deinde, nunc ad Septentriones, nunc ad Occasum versus circumagendo, divexavit Principes Caor & Hipuræ, cepit regnum Aracan, Macim, duxitque in eam expeditionem tercentum millia, & quadragesies mille elephantos. Aracan, regnum, montibus oblitum & undiquaque fere sylvis spaciosis cinctum est, suntque ex regno pro muro valloque. Civitas magistra, quæ regno dat nomen, sita est ad fluvium, distatque quindecim leucis à mari, 35 à Catigan: Macin regnum est dives aloë: id lignum (quod Arabes dicunt Calambuco, alii lignum aquilæ) propter odorem suavissimum, æstimatur ab omnibus illis populis Orientalibus argenti pondere.



Utuntur eo in India & Cambaja, in exequiis magnorum Principum, in balneis, & in similibus delitiis: nascitur ut plurimum, in asperioribus montibus Campæ, Cambojæ, Macin: quod in nostras regiones defertur, nullo in precio apud illos est. Intellego in regnis Congo, Angolæ, regionibusque vicinis laudatum probumque reperiri, & quod indigenæ eo utuntur pro remedio & medicina variorum morborum, quibus laborant. Sed si id verum est, miror, quod Lusitani ex eo lucrum non captent.

## CAPVT XIX.

De

## REGNO NARSINGÆ.

**P**otentiorum Principum qui inter Indum Gangemque sunt, unus est Rex Narsingæ; ejus enim dominio quicquid est inter montem Gate & Sinum Bengalicum, inter Promontoria Guadavernum & Comorinū, quod spacium 200 leucas continet, abundantia & copia rerum cum aliis Indiæ regionibus certare potest. Aquæ à montibus cadentes nunc à fluminibus, alibi rivulis, alibi lacubus stagnisque receptæ, mirifice terram refrigerant, adaquant humectantq;: Ea aquarum copia, solis calore adjuta, miras res propagandis frugibus pecudibusq; facit. Oryza varii generis, avibus, feris, domesticis animalibus præcipuè bubalis, elephantis, minæris gemmarum & metallorum, mirifice luxuriat regio. Equos bello aptos non producit, sed à mercatoribus ex Arabia & Persia, magno numero adducuntur, id quoq; quadam æmulatione Principes Decan faciunt. Inter supradiatos regni Narsingæ fines, habitant quinque nationes, lingua inter se differentes, plura quoq; loca ad Oceanum Indicum habet munita Narsingæ Rex; ejus enim dicto audiens est provincia Canara aut Cocam, ubi sunt oppida & portus Mangalor Mayandel, Batticala, Onor, sed Lusitani vestigal Batticalæ recipiunt, & ante aliquot annos occuparunt Onor. In Narsingæ regno sunt duæ civitates regiæ, una earum Narsinga, altera Bisnagar nuncupatur, unde hic Princeps aliquando Rex Bisnagaris, aliquando Rex Narsingæ vocatur. Pro re certa habetur, Regem Narsingæ 12 Ducatorum Millions quotannis recipere, quodq; eorum tres, aut duo & semis ipsi manent, omne residuum impendere in magnum corpus militiæ, nempe



nempe 40. Nairorum & 20 equitum millia: quibus pacis bellicue tempore stipendia largitur. Necessitate urgente, multo majorem exercitum educere potest; ejus enim stipendia merentur 200. Capitanei, quibus territoria suæ ditionis confert, sub obligatione, ut certum equitum, peditum, elephantorumque numerum semper ad manum paratumque habeant. Amplitudinis reddituum regni, argumento esse potest, quod Capitaneorum aliqui à Rege millionem Ducatorum consequuntur. Sed pro re incredibili habendum minime est, quod hic, sicut in majori Orientis parte, omnes terræ, sylvæ, minæræ etiam aqua ipsa aliquorum fluminum, ad Principes spectant. Nemo enim aqua fluminis Gangis, quod regnum Bengalæ perlabitur nec Gangæ, quod per Orissæ regnum fluit, se lavare potest, nisi Regibus vectigal teloniumque persolvat. Ipse quoque Narsingæ Rex aquam jam dictorum fluviorum emere cogitur; eam enim è longinquo ad se deferri jubet, ut in ea balneetur, aut quadam superstitione se ea purget lustratque. Rex omnium fundorum suæ ditionis dominus est, populo autem præter brachia & laborem nihil relinquitur, quidquid è redditibus regni percipitur, id inter ipsum & Capitaneos dividitur; ipsi enim Regi pars tertia reddituum, Capitaneis duæ residuæ partes cedunt. Cum itaque maxima Principum Orientalium pars sibi non pacem aut justitiam pro scopo, in quem colliment, proponant; sed victoriam, amplitudinemque, collocant omnes facultates in militiam, nec aliud eis curæ est: indeque consequitur, ut equitum peditumque numerum, nobis vix credibilem tenere alereque possint. Sed ut ipsorum potentia credibilis fiat, opera precium fecisse videbimur, si ob oculos ponamus, quid Princeps Christianæ professionis (qui Dominus esset omnium fundorum territoriumque suæ ditionis) efficere posset. Æstimatur id omne, quod è territoriis Franciæ percipitur, ad 15 milliones ascendere; in Franciâ autem nec auri minæræ nec argenti sunt. Sex milliones percipit Clerus Regni; una Myrias & semis Regis Domainium ut vocant, reliquum aliorum est, qui redditus habent: nihilo tamen minus rustici eo in regno laute vivunt, (si in Oriente, in India præcipue, in Polonia & Lithuania pro mancipiis habentur) Principes itaque Orientales, multo majores redditus è Franciâ perciperent. Ultra ea, quæ dicta sunt, habet Rex Christianissimus, plus minus octo milliones ordinarii redditus, ex vectigalibus



datiisque, quanto autem esset potentior, si ultra hæc (in quibus sua potentia consistit) Dominus fundorum territoriorumque totius regni esset, illaque (sicut Rex Narsingæ facit) in milites impenderet? certe sicut quando Francia in flore erat, vix expensis in 4 cataphractorum & 6 sagittariorum millia, faciendis, sufficiebat, si quæ jam dicta sunt, aliis ejus redditibus accederent, 150 equitum millia posset tenere. Sed ut ad Narsingam redeamus, hic Rex ut suos Capitaneos sedulos diligentesque reddat, instituit quotannis lustrationem, in qua omnes se sistere tenentur: ea lustratione peracta, gradu movet eos, qui minus militum quam debebant, aut armis non probe instructos adduxerunt: eos autem qui plenum numerum riteque instructum secum traxerunt, complectitur benigne, melioremque reddit eorum conditionem. Sed quæ vires ex tantæ amplitudinis regno, modoque quo dictum est instructo, educi possint, inde colligi potest, quod Ioannes Barros scribit, de exercitu quem Rex Chrismarao, adversus Idalcanem, in expeditionem Raciolensem eduxit: quod ut melius intelligatur, præter meum institutum recitabo punctuatim quidquid is dicit. In plura membra sub suis Capitaneis divisus erat exercitus, in prima acie erat Camaraique cum mille equis, 17 elephantis, & 30. peditum millibus; Tiarabicare cum duobus equorum millibus, 20 elephantis & 50. peditum millibus, post eum erat Timapanaique, cum tribus equorum millibus & quingentis & 60. peditum millibus: Hadapanaique, qui eum sequebatur, ducebat 5. equorum millia, 50 elephantas, & centum peditum millia. Condomara 6. millia equorum, 60. elephantas, 120. peditum millia; Comara 250. equos, 40 elephantas, & 80. peditum millia. Gendrajo mille equos, decem elephantas, & 30. peditum millia. Post hunc ibant duo Eunuchi Regi familiares, cum mille equis, 15 elephantis, & 40. peditum millibus. Pedissequus Betel ducebat, 200. equos, 20 elephantas, & 15. peditum millia. Comaberra 400. equos, 20 elephantas, 8. militum millia, sequebatur Rex, cum iis, quibus sui corporis custodiam credebat, nempe 6. equitum millibus, 300 elephantis, & 40. peditum millibus. Ad eorum latus ibat Gubernator civitatis Bengapor, cum diversis Capitaneis sub quorum signis erant 4200. equi 25 elephantas, & 60 hominum millia, pedibus merentium. Ultra hanc gentem adhuc erant duo equorum, & centum hominum millia,



millia, in exiguas turmas divisa, qui cursorum instar, undique, ante, retro, & alateribus regionem, tali cum ordine perscrutabantur, ut uno tractu, quidquid accidisset, cognosci posset: hos comitabantur 12. aquatorum, & 20. meretricum millia, famuli, mercatores, artifices, lixæ (quos ipsi Maniati dicunt) bonum bubalorumque clitellariorum numerus iniri non poterat. Dum flumen transmitteret exercitus, ejus frequentia, ex eo cognosci potuit, quod aqua quæ ad dimidium cruris eorum, qui primi transierant pervenisset, vix ultimis ad bibendum sufficeret. Antequam Rex ad hanc expeditionem egrederetur, novem dierum spacio 20736. capita animalium, tum aëreorum, tum terrestrium sacrificavit, eorum carnes in honorem idoli, cui sacrificabantur, in egenos distributæ sunt. Milites vestibus ex gossypio, tam firmis solidisque induti erant, ut lanceis non minus quam laminæ ferreæ resisterent. Gossypio quoque cooperti erant elephantes, quorum quilibet gestabat castellum, in quo quatuor armis instructi viri erant, elephantium dentibus, prælongi latique enses alligati erant, quibus omnia dissecabant. Peditatus in arcus, frameas, enses scutaque gerentes, divisus erat: quod autem horum ultimi scutis pergrandibus uterentur, ut iis commode corpus tegere possent, arma offensiva nulla gestabant. Silentio prætereundum non est, quod cum Idalcane, tormentis bellicis, Regis Narsingæ exercitum valde afflixisset, hic suum suorumque animos excitans in hæc verba Principe digna prorupisse fertur; malle se ut Idalcane de se occiso, quam devicto gloriaretur, sequi inter primos ostendens, addidit suis animos, fecitque ex agnis leones, dissipavit hostem, egitque eum in fugam. Inter alia spolia, quatuor equorum Arabicorum millia, centum elephantes, 400 tormenta bellica majora, præter alia minora, inventa fuere; boum, bubalorum, tentoriorum captivorumque numerus iniri non poterat. Cum Idalcane his in bellis fuere 40 Lusitani, cum Rege Narsingæ 20 & ab iis quæ supra dicta sunt, habemus. Huic Regi, nostro avo rebelles facti sunt duo Capitanei, quorum unus Virapaneique nomine, residet in Negapatam; alter cui Veneapatir nomen est, dominium locorum vicinorum.

Malipuro sibi rapuit.

CAPVT



## REGNO CALICUTIO.

**I**N Indiæ parte nobilissima, quæ inter Gate montem, Oceanum-  
que Indicum sita est, extenditurque à promontorio Comorino,  
ad fluvium Cangierecorusque, spacio 300 milliariorum, nullus Rex  
est, qui viribus potentiaque, cum iis, quos hucusque nominavi-  
mus conferri possit; regio enim tot in partibus, nunc Sinus  
maris, nunc fluminibus, aliquando lacubus stagnisque ita discin-  
ditur, ut eam natura in plures divisisse videatur, nempe Travancor,  
Colam, Cochin, Cranganor, Calicut, Tavo, Cananor. Ante se-  
ptingentos annos, præfuit his regionibus Pereimal, Rex totius Ma-  
labaris, qui cum factus esset Mahumetanus, Mecan profecturus, ut  
dum viveret ibi moram traheret, suum Regnum (ut alias diximus)  
in plures partes divisit, voluit tamen, ut majestas superioritasque  
esset apud Regem Calicutii cum titulo Samorini, quod Imperato-  
rem significat. Quamvis potentia huius Regis multum decesserit,  
tum quod Lusitani commercia à suis portibus averterint, tum  
quod auctoritatem Samorini diminuerint, ejus æmulos subditos-  
que (quales erant Reges Tavor & Cochin) sustinendo: nihilomi-  
nus suam majestatem tam egregie adhuc tuetur, uti inter alios, à  
nobis celebrari mereatur, vel propter id solum, ne nobilis illa In-  
diæ pars à nobis transeat, nulla facta mentione ejus Principum.  
Calicutii regnum ad 25 leucas in longitudinem protenditur. Ma-  
labar ubi latissima est, decem leucas non excedit. Civitas Calicut  
(quæ regno nomen dedit) ad maris oram sita est, secundum  
quam se fere ad tria millia extendit, sed pauca in ea domus, nec  
eæ magni precii sunt, nempe 10. 15. 20. aureorum ordinarii redditus,  
quod & comune precium est, maximæ partis ædificiorum novo-  
rum Orientis, quibus Arabes aut Lusitani manus non admoverunt.  
Sustentant se incolæ oryza, palmetis, pecore, piscibus. Divitiæ  
consistunt in zinzibere & pipere, quorum mercatura magnos the-  
sauros in illius regni portus trahit. Primo enim Arabes (qui mul-  
tis seculis huius commercii domini fuere) deinde Lusitani, indi-  
cibilia pericula tam immensæ navigationis spernentes, ab hinc 90.  
annis



annis venerunt illuc, invehuntq; adhuc suas opes, quas commutant  
pipere aliisque, rebus. Sicut autem Lusitani Cochinchinæ oppidum dives  
& opulentum reddiderunt, ita etiam Arabes Calicutium. & ejus  
Regem locupletarunt: commercium enim illud tanti est momenti,  
ut non solum Principes veſtigalibus datisq; ditet; sed & mercato-  
ribus tantæ inde opes accrescant, ut eorum aliqui cum aliquibus  
Europæ ducib; & Africa Regibus conferri possint. In Malabar com-  
muniter in præliis equis non utuntur, non ob id solum quod equos  
regio non generet (magno enim numero ex Persia & Arabia eo du-  
cuntur) sed quod regio id non ferat: sicut enim in Suecia pedites  
hastis, equites lanceis non utuntur ob sylvarum frequentiam, quæ  
earum usum impediunt, easque inutiles reddunt: ita & in Malabar  
raro equis utuntur, propter regionis angustiam, & quod mille in lo-  
cis hic fluminibus, illic maris sinibus, aliquando lacubus rumpatur:  
vires itaq; in peditatu & armis navalibus consistunt. Peditatus his  
in regionibus ad militiam adeo probe instructus est, ut id creditu  
difficile sit. Milites nobiles omnes sunt, dicunturque Nairi: cum  
hi septimum ætatis annum attigerunt, ducuntur in scholas militiæ,  
ubi eorum nervi juncturæq;, per homines excellentes distenduntur,  
frequenti unctione olei Sesami, consequunturq; ea unctione agi-  
litate fere incredibilem, vertunt, inclinantq; membra facillime in  
omnem partem, quasi in iis nulla essent ossa, saltantque antrorsum  
retrorsumq; ad miraculum usque. Semper exercent se armis, existi-  
mantesq; neminem pluribus in rebus excellere posse: assuescunt u-  
nitantum armorum generi, cui se maxime aptos norunt. Arma eo-  
rum quondam fuere hastæ, arcus, enses, sed postquam Lusitani in  
eas regiones penetrarunt, adeo exacte ipsi artem metalla temperan-  
di, & fundendi tormenta bellica, iisque uti didicerunt, ut ipsorum  
sclopeti pulvisque pyrius, nostra longe superent. In bella (præter,  
quam infra umbilicum) nudi eunt, nec thoracibus ferreis utuntur.  
unde accidit ut in præliis, omnique alia militari actione, mira agili-  
tate levitateq; polleant, & falconum instar, adversarium aggredian-  
tur & effugiant: quando eos longe abesse putas, uno momento eos  
tibi imminere vides, ita ut difficillimum sit eos effugere, & persequi;  
pedibus enim instar pardorum valent: nec minus timenda est eorum  
fuga quam aggressio. Si cominus pugnandum (quod nisi neces-  
sitate coacti aut occasione ipsis commoda non faciunt) cuspide feriunt

R

fere



fere semper. Laminas æreas aut argenteas, manubriis ensium adligatas gestant, earum sonitus, ipsis tubarum, aut tympanorum loco est, quod eos ad prælia accendant. Sentis se tam probe regunt, ut nullum feriendi locum hosti relinquant. Inter Nairos unus ordo militum est, (Amochi dicuntur) hi gravissimis execrationibus seipsos, familiam, & posteros execrantur, nisi injurias sociis facias ulciscantur. Si Rex occiditur, tanto cum furore, ad ejus necem vindicandam currunt, ut nec ignis, nec præsentissimum periculum eos remoretur: quo igitur major minorve Amochiorum numerus Regibus Indiæ est, eo potentiores debilioresve censentur. Nairis animos audaciamq; in periculis addit augetq;, quod uxorati non sunt. Ante aliquot secula, harum regionum Princeps (huic forte nota erat Reipubl. Platonis praxis) mulierum inter eos communitatem introduxit: his accedit maxima libertas, vel potius elatio & superbia, non enim plebeio licet Nairo appropinquare, nisi male tractari velit, ipsiq; servos suos in diverticula viarum præmittunt, qui ipsos venire indicent, ut iis via cedant vel alio se conferant. Si verum est sanizaros ad bella audaces animosq; reddi libertate, quæ ipsis pacis tempore conceditur quidquid lubet agendi, multo audaciores elatioresq; redduntur Nairi, qui se ab infimæ fortis hominibus conspici non sinunt: ordinarie civitates non in habitant, sed domus ipsorum terra, densis sepibus sylvulisque cinguntur, viæ ad eas adeo inter se intricatæ sunt, ut labyrinthi videantur. Quantas copias educere possit Calicutii Rex, cognosci potest expeditione, quæ in Lusitanos suscepit. Anno 1503 coadunavit 60 bellatorum millia contra Eduardum Pacicum Regis Lusitaniæ Emanuelis Capitaneum, (is tunc Cochineusq; Regem tuebatur) & 200 navigia bellica, substititq;, in ea expeditione totos quinque menses. Anno 1529 arcem, quam Lusitani in Calicutio excitant, & Ioannes Lima defendebat, cinxit obsidione cum exercitu centum hominum millium, perstititq; in obsidione per totam hyemem, & quamvis Lusitani in propugnanda arce se strenue gessissent, potentiam Regis perpendentes, eam suis manibus demoliri sunt. Idem Rex Anno 1561. cum exercitu 90. militum millium obsedit arcem Ciale, venitque in ejus manus, dedente eam Capitaneo Lusitano qui in ea erat. Quid viribus maritimis possit, plus quam semel ostendit: cum enim multorum portuum, in quos multæ naves appellant dominus sit, quodocunque placet magnum navigiorum numerum armis instruit. Facendum



tendum est omnes Indiæ vires maritimas, hodie Lusitanicis inferiores esse, ob navium qualitatem, militumq; præstantiam: eos terrarumq; superiores facit usus armorum defensorum; & (ut dicatur quod verum est) raro fit ut nudus ferrum non timeat, & armatus audacior nudo non sit. Accidere inde videmus, populos armis defensivis tantum instructos, in bellis agilitate magis, quam viribus se tueri, fugiendoq; plus, quam pedem pedi conferendo pugnare, quod plus spei in numero, quam in robore ponant, destituunturq; sæpè ea re, quæ exercitus reddit formidabiles, nempe bono ordine.

## CAPUT XXI.

DE

## REGNO PERSIÆ.

PERSIÆ Persarumque nomen, aliquanto tempore suppressum fuit primum ab Arabibus (qui Persis subjugatis, ut eos ignavos redderent, lege sanxerunt, ne amplius Persæ sed Saraceni dicerentur) deinde à Tartaris, primo ducto Chingis, postea Tamerlanis. Sed paulò ante nostra secula, pristina gloriæ restituta est Persia, virtute Ismaelis Sophi, de cujus origine aliqua tradere, abs re non erit, quod ad consequendam notitiam Status regnique Persiæ facere videntur. Cum Mahumetes (à quo secta Mahumentana nomen habet) apud Arabes divitiis suæ dominæ (à qua hæres institutus erat) & novo dogmate (quod in vulgus spargere incipiebat) nomen sibi parasset, duxit in secundam uxorem Aissam, cujusdam Bubaci viri prædivitis, & magnæ existimationis filiam: illiusq; & Omari & Ottomari, ejus parentum favore, collegit magnum Arabum numerum, cepitque titulo & prætextu religionis multa oppida, quæ ei vicina erant, deditq; eo tempore Hali suo cognato, in uxorem Fatimam filiam, ex priore uxore, vitaq; decedens, anno suæ ætatis 63. reliquit ei suam ditionem, constituitq; eum caput suæ sectæ cum titulo Caliphæ. Bubacus ægre ferens, quod Mahumetes sibi (cujus favore magnus factus erat) ætate maturo, juvenem prætulisset, ejecit cum ditione, auxilio Omari & Ottomari, qui ipsum Calipham malebant, tum quod eorum consanguineus esset, tum quod ejus ætas jam grandior provectiorq; spem ipsi cito succedendi faceret, quod accidit.

R 2

nam



nam Bubaco succedere ordine, dicti Omar & Ottomar. Omar à man-  
cipio occisus fuit: Ottomaro in quadam rixâ neci tradito, rediit  
Caliphæ dignitas ad Halim, sed eam quiete possidere non potuit;  
nam cepit contra eum arma Mavia, sub prætextu, quod mortis sui  
patroni Ottomari, conscius fuisset: curavitq; eum occidi Cufæ, hæc  
civitas est in decursu Euphratis infra Bagdet diciturq; ob id adhuc  
Massadal, quod est domus Hali, qui ibi sepultus fuit. Hali mortuo  
dixerunt incolæ Cufæ, Calipham Ocen filium Fatimæ, sed & hic lo-  
co deturbatus, & veneno necatus est à Mavia, qui se Calipham ab-  
solute dixit, successitque ei Iacit filius. Ocen reliquit post se duode-  
cim filios, quorum unus Mahumetes Mahadin fuit, eum Mauri non  
mortuum esse ajunt, sed eum expectantes, dicunt quod ad conver-  
tendum Orbem, reversurus sit: hanc ob rem in Massadalla, in qua  
secundum eorum stultitiam, conversionis initiû futurum est, equus  
semper paratus est, qui magna cum pompa in templum, quod illi  
Molcheam dicunt, ducitur offerturque. Ex controversiis, quæ Hali  
cum Bubaco, Omaro, Ottomaro & Mavia intercessere, remansere  
gravissimæ contentiones cum armorum, tum opinionum; volunt  
enim Persæ, Halim ex testamento Mahumetis verum Calipham fuis-  
se, sed Arabes favore tres primos prosequuntur. Cum circiter annû  
1363 Mauri nullum Calipham haberent, quod ij finem habuissent, an-  
no 1258. in Mustacen Mumbila (quem Allacu Tartarotum Rex occi-  
dit) surrexit in Persia quidam Baro, cui nomen erat Sophi, dominus  
oppidi Ardevel, qui se sanguine Hali per Musam Genesin ejus nepotē  
(unum ex duodecim filiis Ocen) genitum gloriabatur, in cujus me-  
moriâ mutavit formam Turbantis (gestamen capitis id est) adjun-  
xitque duodecim acies, conciliavitque sua sectæ nomen & æstimatio-  
nem: huic successit Guine filius Adar, cui Assambec in Siria & Per-  
sia, potentia celeberrimus princeps, in uxorem dedit suam filiam:  
sed ejus filius Iacobbeg, authoritatem existimationemque Adar ve-  
ritus curavit eum occidi, deditque duos ejus filios, Ismaelem & Soli-  
mannum, Capitaneo suo Amanzaro, ei injungens, ut eos poneret in  
Zaliga (is montibus munitus locus est) sed Amanzar, sui domini cru-  
delitatem detestatus, detulit pueros in suam domum, curavitq; eos  
cum suis filiis liberaliter educari, cumq; in lethalem morbum inci-  
disset, veritus ne adolescentes in discrimen venirent, dedit eis du-  
centos aureos, & equos, consuluitque, ut se ad domum matris con-  
ferrent.



ferrent. Ismael qui natus maximus erat, domum reversus, statim se patris necem vindicare velle professus est, & post aliquos felices successus, assumpsit titulum protectoris rerum Hali, à quo ipse originem ducebat, fecit Turbantem altiore, misitque legatos ad omnes Principes Mahometanos Orientis, hortatusque est eos, ut & una sectam, & insignia reciperent: hac via, armorumque felicitate, fecit se toti Orienti formidabilem, occiditque Ocen, qui se tunc Persia Regem inscribebat, & decem ejus fratres, solus Marabecus elapsus, imploravit in auxilium Selimum I Regem Turcarum. Vicit Ismael magno praelio ad lacum Vay Regem Tartarorum Zagataiorum, volentique persequi victoriam, transmittereque cum exercitu fluvium Abbiano, dissuasum id fuit ab Astrologo, cui multum fidebat, qui ei dixit, se quidem felices successus in progrediendo videre, sed nullum iter ad regrediendum apparere. Reliquit Ismael filiis amplissimum dominium, quod Mari Caspio, Sinu Persico, lacu Siocco, fluminibus Tigri & Oxo (ni malimus dicere Abiano) & regno Cambajæ comprehenditur, quod spacium est plusquam 20, graduum ab Ortum ad Occasum & 18. à Septentrione ad Meridiem, continentur hoc spacio multa amplaque regna, quæ quamvis non omnia sub ejus dominio immediate essent, agnoscebant tamen eum pro supremo Principe, nempe Reges Macram, Patani, Guadel, Ormuzii, (cui Ormuzo nunc Lusitani dominantur) Georgiani sequebantur ejus insignia. Ismaelis erant multæ amplaque civitates & nationes. Media quæ nunc Servan, Diarbecca quondam Mesopotamia, Cusistan, quam inhabitant Susiani, Farsistan Persarum patria, Strava quæ quondam dicta fuit Hircania, Parthia quæ hodie Arac, Carmania nunc Cherman, Sigestan, Carassan, Sablestan, Istigias, quarum antiqua nomina sunt Drangiana, Bactriana, Parapomisus, Margiana. Harum regionum aliarumque quarum nomina non edo, ea pars quæ Sinui Persico vicina est, affluit omnium rerum utilium copia, propter flumina, quæ ipsas intersecant: inter ea flumina, nobilissimus est Bindimirus, cujus aquis multum utuntur illi populi, ducunt enim illas fossis aliisque quibusdam instrumentis in suas possessiones suo magno usui & commodo. Provinciæ Mari Caspio vicinæ tum ob fluviorum oportunitatem, tum propter aeris temperiem, sunt ejusdem fertilitatis participes, qualis est illa pars, quam fluvius Pulimalon perlabitur (is se in lacum Burgianum con-



dit) reliqua regionis pars sicca est, quare nec oppida, nec pagi ibi frequentes sunt, nisi iis locis, quæ fluvii aut lacus alicujus beneficium experiuntur. Ampliores ditioresq; civitates imperii Persici sunt Istigias, caput Bactrianæ, quæ inter amœniores Orientis censetur, Indion caput Margianæ, in territorio tam uberi latoq;, ut Antiochus Soter eam muro cingi fecerit, Candahar, caput Parapomisi, multi-que commercii propter concursum mercatorum Indiæ & Cathaiæ, qui harum regionum opes eo ferunt, Eri, caput Provinciæ Ariæ, quæ rosis tam copiosa est, ut ab iis nomen ceperit, Barbarns dicit eam 13 miliaribus ambiri, Ispaam caput Parthiæ, eam aliqui illam esse volunt, quam antiqui historici Ecatompylas dixere, tanti momenti est, ut Persæ de ea hyperbolice dicant, eam medium Orbem esse, Chirmain est Metropolis Caramaniæ, celebris propter excellentiam pannorum aureorum argenteorumque, qui illic conficiuntur. Eor, quoque nobilis civitas est, nec ei inferior Custra Susianæ caput. Sed omnes cedunt genuaq; quodammodo deosculantur (quo ad pulchritudinem) civitati Siras, ad fluvium Bindimium: fuit ea quondam Metropolis Persarum (ut aliqui volunt) dicebaturq; Persepolis. Alexander Magnus instinctu sui scorti, tradidit eam flammis: cum autem seipsum postea sui fere puderet, fecit eam restaurari. Quamvis hodie non sit tantæ amplitudinis, quantæ olim fuit, æstimatur tamen, eam maximarum civitatum Orientis unam esse, circuit cum suburbiis plus minus 20 miliaria, instruitque 60. focorum millia. Persis in proverbio est: quando Siras erat Siras, tum Cairus erat ejus pagus; non habent tamen eam pro valde antiqua, nec accedunt eorum sententiæ, qui eam Metropolim Persarum faciunt. Taurisium & Casbin sunt quoq; civitates nobiles, & præter amplitudinem ostendant se propter Aulam regiam. Forma Reipublicæ horum populorum non est æqualis alicui alteri populo Mahumetano, nec ullo loco inter hos ea politica regendi forma viget, quæ apud Persas. Aliæ omnes excindunt fere omnem nobilitatem, utunturq; opera mancipiorum, occidunt fratres aut excæcant eos, sed apud Persas habetur nobilitas in precio: Reges tractant humaniter fratres, habent in sua ditione multos potentes, opibusq; claros Principes, quæ omnia Ottomanî in suo imperio non ferunt. Equitatus apud Persas in precio est, & ingenuitas, musica & bonis literis delectantur, student poesi, evaduntq; sua lingua excel-



excellentes, Astrologia quoque laudatur apud ipsos; hæc omnia contemnunt Turcæ. Mercatura manuariæque artes florent in Persia: ut concludam, Turcas superant civilitate & humanitate. Huius regni vires consistunt potius in virtute quam numero. Sunt ibi tria militum genera: unum eorum est, quos Rex semper habet stipendiarios & apud se: alterum est Timariottorum; habet enim Rex magnum equitum numerum quibus stipendiorum loco, certa loca attribuit (quod Turca facit): tertium est auxiliariorum, qui ære suo merent. Conscribuntur ex Georgianis & Tartaris, sed loquendo de duobus primis generibus, quæ regno Regique propria sunt, duo hæc militum genera sunt equites: ubi enim arma sunt in manibus nobilium, ibi peditatus vix alia est ratio: ex eadem causa sequitur, quod Persæ viribus maritimis instructi non sunt. Et quamvis mare Caspium ab uno latere, Sinus verò Persicus ab alio sit, nunquam tamen classibus nec in uno, nec in alio mari usi sunt. Mare Caspium quoque (quamvis octingenta milliaria longum sit, latumque sexcenta) non trausmittitur aut navigatur, nisi juxta littora. Lusitani imperant mari Persico suis classibus, quas semper in insula Ormuz habent. Etsi Persia abundat metallis, temperatura excellentibus, præcipue provincia Carazam: bellicorum tamen tormentorum nullum fere usum habent, sicut nec muniendi, oppugnandi, obsidendi, servandi, defendendi; loca, quod hæc militiæ partes peditatui magis propriæ sunt, sicut equitatui proprium est, in patentibus campis iustus præliis configere, in quibus Persas multum valere negari non potest. Ultra militiæ necessarias res, laborat militia Persica adhuc alio gravi malo, nempe discordia, quæ duabus ex rebus oriri solet: una est Principum potentia, cui plurimum superbia & contumacia conjuncta esse solet: alia est itinerum, & ducendi exercitus difficultas, quæ ex aquæ fluviorumque navigabilium penuria nascitur. Flumina enim Persiæ non navigantur, aut tam parum navigantur, ut quod præstant, nullius fere momenti sit: omnes in Sinum Persicum influunt, aut in Mare Caspium, ut regiones quæ in medio jacent, relinquantur aridæ & aquæ inopes: quam ob rem vires regni jungi non possunt: regnum enim dimidium siccum est, nec flumen aliquod hic est, quod toti regno serviat, sicut Egeris Franciæ: Padus Longobardiæ: Vistula Poloniæ: Scaldis Flandriæ, aliaque alijs regnis faciunt. Terræ desertæ quoque hic sunt.

quæ



quæ Provincias à se invicem disjungunt: montes etiam, qui eas à se invicem separant. Has ob res, mihi hoc regnum, Hispaniæ simile videtur, ubi nec fluvii commercio utiles sunt, præterquam in finibus provinciarum: & montes ac regiones, propter ariditatem, incultæ sunt. Sed natura, ut commercia adjuvaret, commoditæque vitæ humanæ, in locis aqua navigabili indigis, prospiceret, dota- vit Persiam, regionesque vicinas Camelis, qui commodissimi sunt; ferunt enim onera graviora, quam equi aut muli ferre possent, per- durantq; diu in labore, ferunt onus mille pondo, continuabunt iter 40. & pluribus diebus, & in locis siccis sabulosisque: sicut sunt Ly- bia, Arabia, Persia, in quibus aqua & pascua desunt, bibunt tantum quinto die semel, & si opus sit, ferunt sitim, per decem & plures dies: quod ad pabulum attinet, onere levatis, datur pro pabulo modicum herbæ, spinæ, aut rami arborum. Non itaque ullum animale est, quod laborem diutius ferat, minorisque sit impensæ: propter has condi- tiones, accommodatissimum est regionibus aridis & siccis, Asiæ & Africæ, in quibus homines summa inopia aquæ & ciborum labo- rant; cum enim Camelo parum sufficiat, potest tamen in aliorum usum, magnam commeatum quantitatem ferre. Tria sunt eorum genera, minoribus insident homines: mediocres, duos gibbos ha- bent, ferendisq; mercibus valent: majores crassioresq; onera mil- le pondo ferunt. Hæc de Camelis dixisse sufficiat. Quem equi- tum numerum Rex persiæ educere possit, visum fuit bellis inter Ismaelem & Selimum I. Regem Turcarum, inter Ismaelam & Soli- manum, & inter Codabendam & Amuratem III. gestis: nemo ho- rum Regum habuit ullo in loco contra Turcas ultra 30. equitum mil- lia sed armis adeo, instructos equites, ut multo majoris exercitus impetum non timuerint. Equites Persiæ, quibus suppetit res, qui- que ditiores inter ipsos sunt, armant se fere in modum nostrorum cataphractorum, alii (qui duas ac tertias equitatus partes confici- unt) contenti sunt galea, lorica, scutoq; utunturq; lancea arcuque alternative. Sed dicamus pauca de redditibus, quibus auxilios conducere possit. Profecto me præcise non scire, ad quam sum- mam ejus redditus accedant, duo enim, qui dedita opera, eo profecti sunt, ut explorarent, quæ Regis Persiæ opes essent, inter se dissentiunt, diversa; loqui audivi, unus tres, alius quinque aureorum millio- nes annui redditus ei attribuit; hoc autem dico, ex duobus argumen- tis



tis colligi posse, ipsum opulentum esse: unum est, quod Tamasus, ejus qui nunc regnat pater, toto suo regno sustulit vectigalia omnium exportatarum & importatarum mercium. Id vectigal reddebat 60 Tomanorum millia, quæ conficiunt millionem, & octingenta aureorum millia; unus enim Tomanus valet 20 aureos: ut autem id faceret, induci non potuisset, nisi alii redditus, ei animos dedissent. Aliud argumentum est, quod Status Persiæ in septem Provincias divisi sunt, quarum ea, quæ Ipsam dicitur, reddit septingenta aureorum millia: tantundem dat Siras, nec tamen inter ditiores censentur hæ duæ; eas enim longe superant Corassan, Diargument, quarum illa fodinis Cyrneorum, metallorumq; hæc ferri prædives est. Sed unde percipit suos redditus, si se vectigalibus, vectarum & evectarum mercium spoliavit? Ex territoriis sui domini, ex decimis fructuum, ex fructibus minærarum, ex officinis; unusquisque enim officinam, aut tabernam quarumcunque rerum ponere volens, certi quiddam Regi quotannis pendere debet: ex donis quoq; particularium, & donationibus communitatum, confiscationibus, aliisque rebus talibus. Adferunt quoq; aliquid tributa Principum coronæ subditorum, quales sunt Principes Far & Candaar, aliq; quos supra nominavimus. Ab Ortu Mogororum, à Septentrione Zagataiorum fines attingit Sophi: ab Occasu longissimo tractu, Persiæ conterminus est Turca, ad Meridiem habet regnum Ormuzii, cui corona Lusitanica dominatur. Cum Mogoris nihil fere negotii Persiæ Regi est, propter causas alias deductas: sicut enim Hispania & Francia, se mutuo offendere non possunt, propter itinerum angustias & asperitatem situm ad limites, quæ comitatum (qui exercituum sustentatio est) transvehî non sinunt, ita & inter confinia Indiæ & Cambaiæ à Mogoris occupata & ditiones Persarum, se inter ponunt montes, & deserta, quæ non permittunt, ut iustis viribus se invicem hi Principes impetant. Pro maximo quoq; obstaculo habendum est, quod equitatus, in quo amborum vires sitæ sunt, in talibus locorum angustis explicari non potest: petunt tamen se invicem bello, ad fines regnorum Cabul & Sablestam, quorum aliqui Principes Mogotorum sibi dominium pararunt. Sophi immediate Magni Cham fines non attingit, quod aliqui Principes, & deinde magna deserta inter ipsos sint. Videtur ipsum pro termino sui Imperii, sibi statuisse flumen Oxum, quod



alii Abianum dicunt, id in Sablestam subtus montem Dalanguer, post longum cursum, in quo multum protenditur, propter frequentiam & amplitudinem fluminum, quæ recipit, condit se in mare Caspium, dividitq; à parte Septentrionali Sophum à Zagatai. Sophus nunquam ausus fuit hoc flumen transmittere, & cum Saba Rex Zagataiorum id transgressus esset, magno prælio ab Ismaele victus fuit. Cyrus Rex Persarum construxit pontem in hoc flumine, transduxitq; exercitum, adversus Tomirim, Scytharum reginam, quæ ipsum cum omnibus suis concidit. Turcæ conterminus est Sophi per totam imperii sui longitudinem occidentalem, nempe, à mari Caspio, ad Sinum Sauracensem usque spacio fere 15 graduum. Ut verum fatear, non habet Persa hostem, à quo plus ei periculi timendum sit, cujusq; vires ei plus metuendæ sint quam Turcam, quoties enim arma cum eo contulerunt Persæ, fere semper aliquid perdiderunt. Mahumates vicit Vfluncassanum, eripuitque imperium Trapezuntinum Davidi, qui se sub ejus umbram protectionemque contulerat. Selimus I. superavit in locis campestribus Ismaelem, eripuitq; ei Caramit (civitatem amplissimam fortissimamque) Orsam, Merdim, totamq; regionem, quam ipsi Alech, nuncupant: Solimannus egit in fugam Tamasum, spoliavitque eum Bagdero, & tota Mesopotamia. Ætate nostra, occupavit Amurathes, id omne quod inter Derbentum & Tarvisum jacet, quod in spacio est Georgia (cujus populorum pars maxima, sequebatur partes Sophi) Servant: & munitis arcibus (quas in Tiflis, Sumachia, & Eres magnis civitatibus, & in transribus Cars, Tomanis & Lori ædificari fecit) reddidit paulatim sibi iter securum, ab Ezechia ad Orontem fluvium usque, qui trium dierum itinere, ultra Taurisum fluit, in qua civitate (Taurisio) curavit ædificare magnam arcem, nec cogitat eam relinquere, sicut primum Selimus & deinde Solimannus fecere, sed vult ea arce Taurisum tanquam freno constrictam, in perpetuum retinere. Eo bello, quod ab anno 1567 in 91 annum usque duravit, mutarunt Turcæ suum beligerandi modum; cum enim huc usque suæ multitudini virtutiq; sue equitatus, peditatusq;, copiarum tormentorum bellicorum, apparatusq; bellico consili, non curarint arces, munitionesq; extruere, sed ut plurimum quicquid ceperant exciderint, nec magnificerint quod retinuerant (quod ut verum dicatur, in campis fortis esse non possit, qui vires in loca munita dissipatur) hoc



Hoc bello Persico necessitas coegit Turcas, (ut evitarent errores, in quos impegerunt Selimus & Solimannus) se paulatim munire, fecerunt itaque castella, in locis oportunis, ædificarunt civitulas, in præcipuis civitatibus, instruxeruntque eas magno tormentorum bellicorum & militum numero, constetitque eis id bellum magno. Quamvis autem Persa, improvisis assultibus, multa hominum millia, in frustra dissecuerit, multaque eorum millia fame commodisque perierint, tantum tamen terræ amisit, tum suæ propriæ, tum amicorum, quantum jam dictum est, & inter alia suam civitatem regiam Taurisium. Æstimaturque Turcam, in ditione, quam sibi bello paravit, instituisse 40 Timarrorum millia, & quod ei adhuc auri millio, ex redditibus ejus supersit. Persa non potest resistere Turcæ in præliis campestribus, ei enim peditatu, tormentis, & apparatu bellico & (quod summum est) obedientia populi conferri non potest Selimus I. Solimannus & Amurathes III. nunquam contra Persas arma moverunt, nisi aut à rebellibus, aut ipsorum discordiis invitati: Selimus à Marobecho, filio Ocen, Principe in Persia potentissimo, in auxilium vocatus fuit: Solimannus auxilio venit Elcaso Tamasi fratri, cui ex ambitione, aut suspitione erat infensissimus. Turca itaque suo commodo usus est benevolentia, qua Elcasus apud populum valebat, ejusque authoritate: Amurathes non ante arma cepit adversus Persas, quam ex literis Vassaff Bassæ Vani civitatis, & aliorum intellexisset, omnia contentionibus flagrare apud Sultanos Persiæ, qui inter se de rege dissidebant: quidam enim Ismaelem, alii Ayner (qui ambo Tamasi filii erant) volebant, & Periacocona, occidit suum fratrem Ismaelem, exclusoque Ayner, consequutus est coronam Mahumetes Codabanda. Exortæ sunt postea discordiæ, inter Codabandam & filium, & inter Turcamonos (familiam inter Persas potentissimam) & Regem, quæ Persis non minus nocuerunt quam arma Turcica. Nullum negotium est Regi Persarum cum Lusitanis Ormuzii, quod ipsi nec vires maritimæ (sine quibus id regnum recuperari non posset) sint, nec Lusitanis satis virium est, ut in mediterraneis regionibus, sibi aliquid acquirere possint. Tamasus ipse, cum aliquando instigaretur, ut expeditionem, in Ormuzium susciperet, rogavit, quid ea in Insula cresceret, num frumentum, fruges, fructus, aut quid aliud boni? cumque intellexisset fundum Insulæ sterilem, omniumque rerum



esse inopem, sed commercio valde conducere Insulam, ideoque magni momenti esse, neglexit, irrisitque eos, dicens se suis populis remisisse nonaginta Tomanorum milliata-  
lis redditus.

## CAPVT XXII.

De

## REGNO JAPONIAE.

Japonia dicitur multarum variarumque insularum diversa magnitudinis corpus, quæ sicut à cætero Orbe terrarum situ distincta sunt: ita à populo multum ab aliis, moribus ritibusque dissimili incoluntur. Hæ insulæ parum à se invicem distant, instar Maldivarum in mari Indico: Hebridarum, & Orcadum in Oceano Septentrionali. In iis sunt 66 regna, quæ in principales partes tres dividuntur, quarum pars una novem; altera quatuor, tertia 53 regna complectitur: inter quæ quinque regna Coquinai; nobiliora & illustriora sunt, in quibus est fama celebris civitas Meaco, acciditque plerumque, ut qui eorum quinque regnorum dominium sibi paraverit, aspiret ad Imperium totius Japoniæ, quæ à nova Hispania 150 à China 60 leucis distat. Pro sterili potius, quam fertili habenda est Japonia. Capaci ingenio præditi sunt incolæ, & in adversis incredibili patientia præstantes; puerulos recens natos in fluminibus lavant, & cum ablactati sunt, remonent eos à matrum aspectu, exercitantque venatione. Nudi capite, viri & mulieres incedunt, tum cælo pluvio quam sereno, gloriæ honorisq; cupidi sunt, paupertas nobilitati sanguinis nihil detrahit, minimam injuriam inultam non sinunt, honorant se mutuo multis cæremoniis, graves simul, animoque sedato sunt, sicut Hispani, cavent diligenter ne in factis dictisve se timidos aut objectos animis monstrent, infortuniorum calamitatumq; suarum neminem conscium faciunt. Animalia tam fera quam mensæta eadem, quæ nos, habent, sed vix alia, quam ferarum venatione captarum carne vescuntur. Verum quidem est, quod carne non multum delectentur, sed plurimum herbis, piscibus, hordeo, oryza vivunt, sæpe hæc præcipua eorum alimenta, vinum quoq; ex iis faciunt. Aquam, cui pulvis pretiosus valde admixtus est, in delitiis habent: hunc potum vocant Chia.

Ædi-



Edificia ipsorum ut plurimum ex ligno sunt constructa, tum quidem quod regiones mediterraneæ plerumque lapidum inopes esse soleant; tum verò etiam quod arboribus, ad aedificandum maxime aptis, (inter quas Cedrus in admirabilem incredibilemque altitudinem crassitudinemque excrescit) abundant, & quod Iaponia terræ motibus valde obnoxia sit. Principi, qui nuncupabatur Dairi, paruit quondam tota Iaponia; hunc summa obedientia, reverentiaque colebant incolæ, quod magna cum gravitate maiestateque regeret, duravitque plus minus 1600 annos. Sed quingentis ab hinc annis insurrexerunt in eum duo ejus præcipui ministri, turbaveruntque totum Imperium; nam eorum unusquisque, tot regnorum dominium, sibi armis arripuit, quot potuit, spoliavitque iis Dairi. Crevit deinde ambitio, cum modo hic, modo ille rebellis fieret raperentque sibi, hic unam, alius aliam Imperii partem: cum titulo tamen Iucatai (quod Regem sonat) relinquerent ipsi Dairi nomen, quod est Domini universalis Iaponiæ, sed sine jurisdictione, aut dominio ullo; imo vix in dapes & cultum aliquid ei pendebatur ab illis Principibus, qui Meaco vicinas ditiones habebant: ita ut umbratantum veteris amplitudinis & Monarchiæ Iaponiæ, penes eum manserit. Ab hinc quingentis annis se Dairi loco, Imperatorem, aut Regem Iaponiæ dicit ille, qui sibi dominium Coquinai arripuit (vocat se quoque Dominum Tenzæ) ubi illa quinque regna civitati Meaco vicina sunt. Talis fuit nostro ævo Nabunanga, nunc autem Fassha, qui domini amplitudine potentiaque, omnes suos prædecessores superat: Nabunanga, qui præ aliis excelluit, non plus quam 36 regna sibi comparaverat, sed Fassha ut minimum 50 eorum sub jugum egit. Iaponiæ regimen differt plurimum ab eo regendi modo, qui in Europa in usu est. Potentia Principis Iaponiæ, non consistit in redditibus ordinariis, aut in benevolentia populi; sed in authoritate imperioque: nam ubi primum unam, aut plures ditiones sibi comparavit, dividit regna, partiturque ditiones inter amicos, & sibi fidos, qui ei se tam pacis quam belli temporibus obligant, cum certo hominum numero suis sumptibus inservire. Hi rursus eas ditiones inter sibi fidos sub dividunt, ut ad eorum obsequia parati sint, aliquid sibi suæque domus usibus reservantes, ita ut omnes Iaponiæ opes, tam privata quam publica à paucis dominis, hi pauci autem ab uno, nempe Tenzæ Domino, dependant, qui



pro libidine, dat aufertque quod vult, premit, extollit, favet, reducitque ad inopiam Principes, cumque eorum uniditio eripitur, mutantur omnes nobiles militesque ejus ditionis, manentq; tantum artifices, & agricolæ. Ea regiminis forma conversiones perpetuas, mutationesque imperiorum secum trahit: nam Dairi (quamvis ei nec potentia, nec imperium sit, est tamen apud populum in dignitate, ac reverentia) facit ut Dominus Tenzæ aliq; Principes Tyranni, alienarum rerum usurpatores, eversores Monarchiæ, hostesque amplitudinis Iaponicæ videantur, quod sane & eorum æstimationem tollit, & animos populorum avertit: inde accidit ut facile se moveant, capiantque arma, sperantes se ampliores facere, deprimendo socios. Cum itaque Principes quotidie mutantur, non possunt à populo, tanquam Domini naturales amari, iique cum incerti sint de domino, uniditioni, quam alteri additiores non sunt; sed sperantes eadem facilitate, qua unam nacti sunt, se aliam meliorem nancisci posse, exponunt periculo hanc pro illa, sicut in lusu chartæ & alex fit: nunc per se, rursus cum aliis conjuncti, tentant diversa, detinentq; iis modis omnes illas insulas in perpetuis bellis. Fassiha ut sibi absolutum dominium, aut potius tyrannidem paret, solet Principes ex una regione, in aliam sæpe transferre: ut Domini suis dominiis deturbati, degentesq; inter externos vasallos, impotentiores sint, nec adversus ipsum adsurgere, aut rebellare possint: & ut minus valeant, dividit regna, ditionesq;, ita ut Domini non habeant ditiones unitas. Nunquam deest illis causa dissidii bellorumque quod fines ditionum angustæ sunt. Vult quoque Fassiha, ut in his Statuum vicissitudinibus, tam ij quorum conditio potior, quam ij quorum res deterior facta est, reverentiam homagiumq; (ut dicitur) faciant, seque ipsi quotannis, quam opulentissime sistant: quare potissimam divitiarum Iaponiæ partem ad se trahit. Populos occupatos tenet, in ædificandis palatiis admirabilibus, templis amplissimis, in fabricandis arcibus & civitatibus, quibus nullæ aliæ similes sunt: in iis substructionibus plus quàm centum operariorum millia, ipsorum expensis, diversis in locis labori incumbentium habet. Inter alia nunc templum ædificari curat, cui omne Iaponiæ ferrum infumere vult: præcipit enim omnibus mercatoribus, populoq; ut arma omnia in certum locum comportent, ut illi fabricæ impendantur: exuit hoc opere populum armis facitq; parvo tem-

poris



poris spacio opera magna. habet enim duabus tantum in partibus, laboratorum, suis expensis opera facientium, plusquam centum millia. Ultra obligationem, qua Reges & Principes, tam pacis quam belli tempore, se sistere eique servire tenentur, percipit duos milliones ex redditibus oryzae, quae ex possessionibus quas sibi retinuit, colliguntur. Proposuit ubi confecerit ea, quae in Iaponia facere constituit, Chinam aggredi, ut eam suo Imperio addat; ad hoc praecipit scindi ligna duobus navigiorum millibus sufficientia, ut iis exercitum transmittat. Tam amplis substructionibus, magno molimine, tanta ditionis amplitudine, adjectioneque regnorum suo Imperio, sperat se immortalem reddere, futurumque ut pro Deo colatur, sicut ij omnes fecere, qui apud Iaponenses deorum nomina adepti sunt. Amida enim, Xaca, Canis & Fotoque nihil aliud quam Domini Iaponiae fuere, qui belli gloria, aut pacis artibus sibi in Iaponia opinionem divinitatis pararunt; sicut olim Hercules & Bacchus in Graecia, Saturnus & Janus in Italia: nec minus fabularum nugarumque de his, quam de illis narratur. Fassi ha autem videns lege Christi, non probari alium Deum, praeter eum qui coelum & terram ex nihilo creavit, & ex consequenti detestari omnes deitates stulte fabricatas, praeposuerat in exilium agere omnes patres Iesuitas, qui eam concionabantur, evellereque novam vineam, quae in illis regionibus altas radices agere incipiebat. Superbiae profecto exemplum memorabile hoc est; Romani enim Imperatores, omnibus viribus se praedicationi S. Crucis & Evangelii opposuerunt, ut sua Idola tuerentur & conservarent, quae omnia lex Dei demonia vanitatemque esse docet. At hic movet bellum fidei Christianae, ut sibi deitatem arroget, quod extremae est ambitionis, & amentiae, dum se pro Deo haberi vult. Sed inter tam vastas & immensas cogitationis suscitavit ei Deus novum ho-

stem, qui ab Orientalibus Iaponiae partibus se

moveret adversus ipsum, quod ex lite-

ris anni nuper elapsi

intelligitur.



IMPERIO PRESBY-  
TERI IOHANNIS.

**I**mperium Presbyteri Iohannis, quamvis sit amplissimum in effe-  
ctu tamen non respondet famæ opinioniq; , quam vulgus, po-  
tiorque scriptorum pars de ipso habet. Horatius Malaguccius,  
in suo discursu de amplitudine dominiorum hujus temporis, vult  
ipsum habere dominium latius, quàm ullum alium Principem, ex-  
cepto tamen Rege Catholico. Fateor equidem antiquis tempori-  
bus, ipsius ditionem se longe extendisse, ut ex multitudine regno-  
rum, quibus suos titulos amplificat, quoq; æstimari potest. Inscri-  
bit se enim Regem Goïame (quod regnum ultra Nilum est) Vangue,  
& Damur quæ ultra Zairi fluvium sita sunt; cum tamen hodie pro-  
certo sciatur, ejus Imperium vix Nilum attingere. Scribit quoque  
Ioannes Barrozius, Abissinios ejus fluvii exiguam notitiam habe-  
re propter montes qui inter illos, & hunc sunt. Centrum ejus di-  
tionis est Barcena: ab Ortū enim extendit se, à Suaquem, ad ostia  
maris rubri usque, quod spacium 122 leucas comprehendit, verum  
quidem est, intra mare rubrum, & ipsum esse aciem montium, quos  
Mauri incolunt, qui & in locis maritimis dominantur. Ad Occa-  
sum est acies montium, secundum Nili cursum, quos Gentiles inha-  
bitant, penduntque ei tributum. Ad septem Triones, termini ejus  
constituendi sunt, imaginaria, quæ à Suaquem ducatur, ad caput  
Insulæ Meroe usque, extendaturque ad 125 leucas: inde arcus non  
admodum incurvus faciendus est Meridiem versus, ad regnum  
Adeæ usque, (in cujus montibus nascitur flumen, quod Ptolemæus  
Ratto vocat, ponitque sub Melinda) spacio 250 leucarum, ad fines  
Gentilium; hic verte lineam imaginariam, facque finem in regno  
Adel, cujus Metropolis est Arar, in altitudine novem graduum.  
Habet ita totum hoc regnum in circuitu, plus minus 672 leucas.  
Hæc regio distincta est in amplissimas planicies, lætas colles, altos  
montes, sed culturæ aptos, frequenterque inhabitatos, & cum fru-  
mento non abundet, hordeum & milium & semen quoddam bonum  
durabileque producit. Est ibi satis milii, Zaburri (quod nos frumen-  
tum Indiæ dicimus) omneque leguminum nostratium genus: sunt &  
ibi



ibi adhuc alia, sed nobis incognita, uva eis non deest, sed inde vinum non exprimunt, nisi in Principis & Patriarchæ ædibus. Vini loco conficiunt potionis genus ex fructibus Tamarindi, qui acer est, Medicæ, citreæ, cedri arbores nascuntur sua sponte. Exprimunt oleum ex certo fructu, quem ipsi Zeva dicunt; id aurei coloris est, sed inodorum. Apes mellificant etiam in domibus, unde cetræ & mellis incredibilis copia ibi est. Omnes ipsorum panni sunt ex gossypio contexti: ditiores vestiuntur pellibus vervecum, honoratiores autem exuviis leonum, tygridum, lincium. Divites sunt incolæ boum, caprarum, ovium, mulorum, asinorum, camelorum, equorum, quantumvis parvorum gregibus, sed ex Arabia & Ægypto eorum magna copia adducitur, quando equæ pepererunt, eis pullos non ultra tres dies relinquunt, deinde eis vaccis subjiciunt, quæ eos ablaçant. Habent etiam talia animalia, qualia nos habemus, etiam gallinas, anseres, similiaque, nempe vaccas, porcos sylvestres in magna copia, cervos, capreolos, lepores, sed nullos cuniculos. Præter hæc habent pantheras, leones, elephantes, lynces. Ut finem faciam, non est alia regio generationi multiplicationique, tum plantarum, tum animalium hac aptior: sed parum adjuvatur industria incolarum; eo quod natura ingenioque tardi sint lentique: habent enim in primis linum; sed non texunt telam: cannas mellis: sed saccharum inde deducere non norunt: ferrum; sed ejus usum ignorant, habentque fabros pro nigromanticis. Sunt ibi flumina & aquæ, nec tamen iis agros irrigant, nec reddunt eos fertiliores. Quid venatio & piscatio sit, vix intelligunt: itaque campi avibus animalibusque sylvestribus, flumina & lacus piscibus scatent. Altera causa est, quod plebs à primariis male tractetur: pauperes itaque videntes sibi auferri quod habent, non faciunt plus sementis, quam necessitas exigit. Loquendi regulas non habent, & ad epistolam conscribendam, copia hominum, multisque diebus opus esset. In comedendo non utuntur mappis, mantilibus nec mensis. Medicamentorum nullum usum habent. Nobiles, cives, plebei habitant distinctè, possuntque nobilitatem factio aliquo egregio acquirere. Primogeniti ex asse hæredes sunt. In tota Abissinia non est oppidum, quod plus quam 1600 focos habeat, suntque valde pauca ejus amplitudinis. Nulla ibi arx, nec locus munitus est, æstimantque Spartanorum more, quod regnum conservari, defendique brachiis debeat, non propugnaculis



culis ex terra aut lapide. Ut plurimum in pagis dispersi habitant. Mercimonia ipsorum fiunt permutatione rei unius cum alia, sup-  
plentq; iustum precium frumento & sale: piper, thus & mirham &  
sal, auro appendunt. Aurum pondere quoque expenditur: argentum  
ordinarie in usu non est. Major cœtus conventusque est aula Prin-  
cipis, quæ nunquam fixa manet, sed modo huc, modo illuc commi-  
grat, habitatque Princeps in campis, sub tentoriis: hæc aula occupat  
decem & plura milliaria. Forma regiminis Presbyteri Iohannis  
satis refert despoticum; deprimit enim valde vasallos, tum poten-  
tes, tum pauperes, tractatq; eos potius tanquam mancipia quam  
subditos: quo hoc tutius faciat, ita legerit, ut ab eis tanquam divi-  
nus sacerque colatur. Ad nomen Principis inclinant se, tanguntque  
manu terram: reverentur tentorium, in quo ipse habitat, etiam i-  
pso absente. Solitus erat Princeps se quoquo tertio anno, una vice,  
populo visendum præbere, postea largiores sunt facti, seq; tribus vi-  
cibus quotannis spectandos dederunt, nempe diebus Nativitatis,  
Paschatis & Sanctæ crucis, in Septembri. Panusius, qui nunc regnat  
paulo mansuetior factus est. Quando aliquid ejus nomine alicui  
quicumq; is fit, mandatur, audit is mandata, à cingulo sursum nu-  
dus, nec nisi Regis licentia vestem resumit. Iurejurando ad perhi-  
bendum veritati testimonium adacti, non solent veritatem dicere  
nisi juraverint per Regis vitam: datis aufertque magnam ditionem  
cui ipsi placet, nec ei qui privatur, facere demonstrationem, se id  
ægre ferre, licet. Confert ordines sacros, & administrationes Sa-  
cramentorum, disponitque prohibitum, tam de Religiosis, quam Lai-  
cis, & ipsorum bonis. In itineribus equitat circumdatus cortinis  
rubris, altis longisque, quæ ipsum retro, & à lateribus cingunt. De-  
fert secum magna cum reverentia duodecim lapides altaris sacra-  
tor, qui ipsorum sacra sunt. In capite coronam, cujus una medie-  
tas ex auro, altera ex argento est, crucemque argenteam manu ge-  
stare solet: faciem cooperit particula Taffette cærulea, quæ plus-  
minusve attollitur dimittiturque, secundum quod ipse suum favo-  
rem, erga eum cum quo agit, indicare vult. Aliquando summum  
pedem monstrat, quem extra aulea exerit: ad ea non nisi post lon-  
gum tempus, multas cæremonias, diversosque internuncios, qui fe-  
runt referuntque mandata, accessus datur. Nemo præter Regem  
vasallos habet, cui quotannis homagium præstent, deferantque o-  
bedien-



bedientiam, quam subditi Regi debent. Originem trahit hic Rex à Salomonis, & Reginae Sabae filio, cui Meilech nomen fuit. Receperunt Abissini fidem Christianam Candace regnante, cuius tempore coepit in Aethyopia regnare, florereque Gasparis, à quo post 13 generationem descendit Iohannes qui Sanctus dictus fuit. Hic circum tempora Constantini Imp. quod filios non haberet, Regnum filio natu majori Caji sui fratris relinquens investivit Balthasarum & Melchiorum, natu minores; illum regno Fatigar; hunc regno Gojame. Fuit itaque stirps regia divisa in tres familias, Gasparis, Balthasaris & Melchioris, ordinavitque, ut Imperium esset electivum uni ex dictis tribus familiis, modo is primogenitus non esset, quia ij haberent sua regna propria. Vt autem tumultus scandalaque vitarentur, praecipit ut fratres Imperatoris, cum propinquiorebus parentibus includerentur in arce montis Amarae: voluit praeterea, ut ibi ponerentur filii Imperatoris, qui nec in Imperium succedere, nec aliquo Statu gaudere possint. Ob hanc causam Imperator ut plurimum uxorem non ducit. Suos agros per sua mancipia, suosque boves colit, ea mancipia multiplicantur quotidie, contrahunt enim inter se conjugia, filiique permanent ejus conditionis cujus erant progenitores. Tributa expenduntur ab omnibus, qui dominia obtinent: horum aliqui equos, alii boves, aurum, gossypium aliasque res dant. Aestimatur ipsum magnos thesauros, tum pannorum & gemmarum, tum auri possidere, earumque rerum horrea amplissima conferta habere. Ipse scribens Regi Portugalliae, obtulit ei ad bellum adversus infideles gerendum, dare, millies centum drachmarum aurearum millia, militum quoque & com meatuum infinitum numerum. Ipsum ut plurimum, quotannis in arcem Amaram, tres aureorum milliones recondere dicitur. Verum quidem est, quod ante Regem Alexandrum, non reponebant tantum auri, quod id purificare nescirent; sed recondebant gemmas particulasque auri rudis. Reditus ejus sunt trium generum: unos capit ex suo dominio, alios à populo, qui certi aliquid pro foco pendunt, & decimam omnium mineralium, quae ex aliis quam suis fodinis eruntur, reliquos percipit à Principibus sibi subditis. Hi, unius civitatis, quam ipse elegerit (modo eam non eligit quam ipsi inhabitant) reditus ei dant. Quamvis autem reditus facultatesque satis amplae sunt, gens tamen ipsa ignava est: tum quod ipse eam in man-



cipiorum numero habeat, unde ipsis non est illa animorum generositas, quæ homines ad arma promptos, audacesque ad pericula facit: tum quod ipsis videntur sibi manus constrictæ, respectu quo ipsum habent, ac reverentiam quâ ipsum observant timoreque quo sibi ab illo timent; arma defensionis commoda non habent, præter situ obsitam galeam, semigaleam, & loricam, quam Lusitani eodetulere: his addi potest defectus arcium. Cum itaque ipsis nec loca munita sint, in quæ confugiant, nec arma quibus se defendant, sunt ipsi ipsorumque pagi hostibus tanquam prædæ expositi. Ipsorum arma offensionis apta, sunt sagittæ non pennaræ, & aliqua jacula. Observant jejunium 50 dierum, quod ipsos, propter magnam abstinenciam, qua sese per illos sacros dies jejunando macerant, ita extenuat affligitque, ut nec multis subsequentibus diebus, ad se movendum vires eis suppetant. Eam occasionem captantes Mauri aggrediuntur eos, magno suo commodo. Scribit Franciscus Alvarezius, quod Presbyter Iohannes, possit in campos educere centenariorum millia, sed visum fuit, quod ingruente necessitate, multo majores copias educere potuerit. Habet religionem militarem, quæ sub protectione Sancti Antonii est: ei unusquisque nobilitate clarus paterfamilias, ex tribus filiis unum, excepto primo genito, destinare debet: ex his seliguntur 12 equitum millia, qui Regi excubent. Finis hujus religionis est, Imperii fines defendere, resistereque hostibus fidei.

## CAPUT XXIV.

DE

PRINCIPIBUS FINITIMIS PRESBYTERO  
JOHANNIS REGE BORNO ET REGE  
ADEL.

CERTO nobis constat, Presbyterum conterminum esse tribus potentissimis Principibus. Primus est Rex Borno; alter Turca; tertius Rex Adel. Rex Borno dominatur ei regioni quæ se extendit à Guangala, Ortum versus, ad plus minus quingenta miliaria, inter deserta Seth & Barca: situ inæqualis est, continet enim partim montes, partim planiciem. Eam inhabitat populus satis civilis, degitque in casis satis frequentibus; propter frugum copiam, est



est ibi quoque aliquis mercatorum concursus. In montibus vivunt pastores armentorum & pecorum, qui mylio ut plurimum vivunt, deguntq; vitā bestialem, absq; religione, habentq; uxores liberosq; communes, nomina propria non alia habent, quā quæ accidunt personis, ut claudi, lufci, longi, balbi dicantur. Rex Borno populo valde potens est, cui nihil aliud oneris imponit, quā decimam fructuum. Pro exercitio locoque artis manuariæ, solent latrocinari, trucidare vicinos, aut eos captivos facere, quos commutant equis, quos à mercatoribus Barbariæ consequuntur. Sub se habet multa regna & populos, partim nigros, partim albos. Infestat mirabiliter Abissinos latrociniis, abigit enim pecora, deprædatur fodinas, abducit in captivitatem homines. Bornenses equites præliantur eo modo, quo Asturconibus insidentes: utuntur lanceis, utrinque ferrea cuspide armatis, tum etiam jaculis & sagittis. Invadunt regiones, nunc hac nunc illac improvise, sed hi potius assassini latronesque quā iusti hostes sunt dicendi. Turca qui Abissinum ab Ortum attingit, & Rex Adel, qui cum inter Ortum & Meridiem cingit, vexant valde Presbyterum Iohannem: coarctarunt enim fines ejus Imperii, reduxeruntq; regionem in magnam miseriam. Turcæ præter quam quod deprædati sunt unam partem regionis Barnagasso quam ingressi sunt anno 1558 (quamvis tunc repulsi fuerint) eripuerunt Presbytero, quidquid in ora maris habuit, præcipue portus & oppida Suaquen & Ercoco, in quibus duobus locis, montes inter Abissiniā & mare rubrum existentes aperiunt se, faciuntq; iter com meatibus & commercio, inter Abissinos & Arabes. Non multis annis elapsis Bernagasso coactus fuit, Turcis morem gerere & ab ipsis pacem emere, pendendo tributum, mille unciarum auri quotannis. Non minus Presbyterum infestat Rex Adel, conterminus est hic regno Fatigar, extenditurq; ejus dominium ad mare rubrum usq;, ubi habet Assum, Salir, Meth, Barbora, Pida, & Zeila, Barbora appellunt multæ naves ab Aden & Cambaia, cum mercibus, quas commutant carne, melle, cera, commeatu, quæ Adenam vehuntur: auro, ebore aliisque rebus, quæ in Cambaiam mittuntur. Major commeatum quantitas ex Zeila petitur, ibi enim est mel & cera in magna copia. Sunt ibi fruges, fructusque diversi, qui in Aden & Arabiam deferuntur; pecora quoque, speciatim verveces, quorum cauda 25, & amplius pondo est, capite colloque prorsus nigri, cetera



150 *DE PRINCIPIBVS FINITIM. PRESBYT. IOHAN.*  
albi. Sunt & alii prorsus albi cum cauda brachii longitudine vitis-  
que instar recurvæ habentq; paleraria sicut tauri. Sunt hic vaccæ,  
quarum cornua, ramis, tanquam sylvestrium cervorum distincta  
sunt: aliæ rubræ sunt, habentq; in fronte cornu palmæ & semis lon-  
gitudinis, quod retrorsum obversum est. Metropolis civitas hu-  
jus regni est Arar, 38 leucis Zeila distans Meridiem orientalem ver-  
sus. Hic Rex, qui etiam religioni Mahumetanæ est addictus, quod  
professus sit, se semper bellum gerere velle cum Christianis Abissi-  
niæ, id est subditis Presbyteri Iohannis, sibi Sancti cognomen inter  
illos barbaros paravit. Expectat ille donec Abissini, longo duroque  
illo 50 dierum jejunio debiles facti sint, viresq; eorum adeo consum-  
ptæ, ut vix ad res domesticas peragendas eis vires sufficiant, ingre-  
ditur tunc eorum regionem, diripit pagos, adducitq; in servitutem  
populum, infertq; Abissiniæ mille damna. Mancipia Abissiniæ mi-  
ros sæpe habent extra patriam progressus, habenturque à Principi-  
bus in precio, ipsorumq; multi, industria sua in serviendo, facti sunt  
ex mancipiis domini in Arabia, Cambaia, Bengala, & Samatra. Cum  
enim Principes Mahumetani Orientis, tyranni sint regnorum, quæ  
gentilibus eripuerunt, ut ea sibi secunda reddant, non fidunt subdi-  
tis, sed instruunt armis multa mancipia externa, quibus suas perso-  
nas fidunt, committuntq; ipsis regimen regni. Inter mancipia potio-  
res æstimantur Abissini, tum propter eorum magnam fidelitatem,  
tum propter bonam indolem. Rex Adel implet Ægyptum & Ara-  
biam multitudine captivorum, quos ex ditionibus Presbyteri Iohan-  
nis abducit, permutatque eos cum Turca & Principibus Arabiæ, ar-  
mis, apparatu bellico & militibus. Anno Christi supra millesimum  
quingentesimum Claudius Abissiniæ Rex, se viribus Gradamedi Re-  
gi Adele imparem agnoscens (ipsum enim per 14 annos perpetuis  
excursionibus vexarat) relictis regni pomeriis in interiora se reci-  
pit, petitq; auxilium à Regis Lusitanæ Iohannis III. in India le-  
gato Stephano Gama, qui tunc cum parata classe, in mari rubro erat.  
Is ei dedit quadringentos viros Lusitanos, cum bona armorum  
quantitate & sclopetis, ductore Christophoro suo fratre: horum  
auxilio, & sclopetorum beneficio, vicit hostes duobus præliis; sed  
cum Rex Adel à gubernatore civitatis Zebit, habuisset mille sclo-  
petarios, decem tormenta bellica, tertio prælio fusi & in fugam acti  
sunt Lusitani, eorumque Capitaneus captus occisusque est. Cum au-  
tem



rem Rex Turcas amandasset, Rex Claudius ipsum ex improviso, ad fluvium Zeila, & ad montem Sanan aggressus est cum octo peditum millibus, quingentis equitibus Abissinis, & cum illis Lusitanis, qui ex superiori clade supererant, quorum unus, inflixit lethale vulnus Gradamedi. Sed mense Martio anni 1559 cum Rex Claudius, iterum manus conferret cum Mauris Malacai, ipse in prælio occubuit: Rex autem hostium tantam victoriam à Deo concessam agnoscens, triumphum egit insidens asello. Regi Claudio successit Adamas ejus frater, cui quod semi Mahumetanus esset, rebellavit bona pars nobilitatis Abissiniæ, rufusq; fuit à Barnagasso anno 1502. Cum itaq; res Æthiopix aliquo tempore fluctuassent, aliquantulum restitutæ videntur regnante Alexandro, Lusitanorum auxilio, qui eo tam arma offensiva quam defensiva tulerunt, excitaruntque suo exemplo in præliis animos ingeniaque Abissinorum. Omnes, qui cladi Christophori Gamæ superfuere, alique qui postea eo venerunt, veniuntq; adhuc, remanent ibi, contrahunt matrimonia generantq; liberos. Rex Alexander imperavit eis ut judicem eligerent, qui inter ipsos jus diceret: tradiderant itaque ibi, perguntque tradere usum armorum qui est in Europa, artem bellandi, modum fortificandi transitus locaque maximi momenti. Postea in eas regiones se contulerunt aliqui Florentini, partim ex curiositate, partim mercaturæ gratia: Franciscus enim Medicus Magnus Dux Hetruriæ, habebat aliquam consuetudinem cum Abissinis. Presbyter solet favore prosequi, & vitæ subsidia largiri Francis (ita vocant Europæ populos) difficulterque concedite eis facultatem exeundi regno. Ultra hos, alios diversos hostes quoque habet Presbyter Iohannes: inter eos est Rex Dancali, cujus est oppidum & Portus Vela ad Mare rubrum; conterminus is est Balgadæ. Presbyterum quoque valde exagitant Mauri, qui provinciam Dobas inhabitant, ea in 14 Dynastias divisa est: quamvis hi inter confinia Imperii Presbyteri Iohannis sint, fiunt ipsi tamen persæpe rebelles; pro lege habent, quod nemo ipsorum matrimonium contrahere possit, si non probet, se duodecim Christianos occidisse.



## MONOMOTAPA.

**I**N reliquo Æthiopiæ regnum obtinent diversi magni Principes, quales sunt Reges Adel, Monomugi, Monomotapa, Angola, & Congo, quorum nos exiguam notitiam habemus, sed ut ex unius eorum Statu, de alterius qualitate iudicium fieri possit, pauca verba adjungemus de Statu & regimine Monomotapæ, qui aliis major potentiorque est. Hujus Principis imperium omnem illam insulam occupat, quæ fluminibus Cuama & Spiritus Sancti continetur, (id spatium 750 leucarum in ambitu est) cumque Spiritus Sancti flumen transmissum est, longissimo tractu, caput bonæ spei versus extenditur; regionum enim illarum Principes illum quoque in supremum Dominum ac Principem agnoscunt. Oppida, pagique ibirari sunt, ædificia ex ligno & stramine constant. Civitatum præcipuarum una Zimbaz, altera Benamataxa nuncupatur, illa 15 hæc 21 milliariibus Cefala, Occasum versus distat. Regio frumento, pecudibus magnis parvisque abundat, quæ immenso numero, in campis & sylvis pascentes vagantur. Ex dentium elephantorum numero, qui extra regionem vehuntur, eorum ad 4 aut 5 millia ibi quotannis mori æstimatur: elephantes ibi prægrandes sunt. Non alia regio auri feracior hac est; affirmant enim aliqui hic tria fodinarum (unde aurum eruitur) millia esse: aurum quoque in terra, in petris, & in fluminibus reperitur, ditiores fodinæ sunt Mannicæ, Borro, Quiticui, Toroe (quam alii dicunt Butua). Populus staturæ mediocris, niger, beneque compositus est. Principi inservientes, genibus insident, coram ipso sedere, idem quod apud nos stare est, nec nisi magnatibus conceditur. Fides probatioque ciborum potusque, non ante, sed postquam Princepsederit biberitque fit. Carceres hic nulli sunt, quod jus, eo momento, quo delictum commissum est, ex testimoniis dicatur. Delicta quæ majori severitate puniuntur sunt veneficia, furta & adulteria. Aliud tributum Principi non penditur, quàm aliquot dierum operæ, & donaria, sine quibus nemo coram ipso venire potest. Arma ejus ligo & duo spicula: pro fidissima custodia habet ducentos canes, Principum qui ipsum patronum agnoscunt, liberos & hæredes apud se retinet, ut de parentibus securus



rus sit. Tempore præterito hic Princeps, opera patris Consalvi syl-  
væ Iesuitæ ad fidem conversus fuit, suscepitque Baptismum, simul  
cum maximo suorum aulicorum numero, postea à quibusdam Mau-  
ris (qui autoritate apud ipsum valebant) persuasus, illum trucidari  
fecit. Id ob facinus Rex Lusitaniæ Sebastianus, bellum ei intulit,  
duxitque ejus exercitum (qui fere ex nobilibus constabat, numero-  
que erant 1600) Franciscus Barretius, cui Monomotapa Lusitano-  
rum arma pertimescens bonas condiciones obtulit, sed cum Barre-  
tius honesto æquoque satis fieri sibi non pateretur, non ab ho-  
ste, sed ab aëre Æthiopiarum & morbis, qui exercitum  
depassi sunt, victus fuit.

## CAPUT XXVI.

## DE

## SERIFFO.

**I**Nter omnes Africæ Principes, non credo aliquem, opum & vi-  
rium magnitudine, Seriffio præferri posse; ejus enim ditio conti-  
net omnem illam Mauritaniæ partem, quam Romani Tingitanam  
appellarunt, extenditurque à Promontorio Boiador Tanger us-  
que, & ab Oceano Atlantico, ad flumen Mulvia & ultra, quo spa-  
cio comprehenditur totius Africæ præstantissima portio, quæ & in-  
colis magis frequens, & amœnitate, & fertilitate, & morum civi-  
tate reliquas superat, & inter alias ditiones, fama celeberrima sunt  
regna Marochi & Fossæ, quarum illud in septem provincias dividi-  
tur, nempe Cuzulam, Saharam (duæ hæ provinciæ comprehendunt  
partem Numidiæ) Cus, Ascaram, Duccalam, Tedle, Marochum;  
hoc autem continet octo, nimirum Temesnam, Asgam, Eriffe, Ela-  
bal, Caret, Caus, Zanegam, Fessam. Hæc regna distinguuntur in  
planiciem & montes; comprehendunt enim bonam Atlantis majore-  
ris & minoris partem, inhabitantur à magno feroceque populo, di-  
viteque pascuorum & pecudum; inter Atlantem majorem, & O-  
ceanum planicies est; in qua civitas regia Marochum in campis At-  
lante 14 milliaribus distantibus jacet, qui pluribus fontibus, rivu-  
lis fluminibus illuc influentibus irrigantur. Olim cum hæc civitas  
centum focorum millia instrueret, erat caput Africæ, sed paulatim  
decrevit, estque desertior quàm habitatio. Sunt in regno Maro-  
chi,



chi præter alias, Tedsi, quinque millium familiarum: Tagaofi, octo millium: Tarodante (quamvis multis aliis minor sit, non cedit eis nobilitate & commercio) sita est, inter Atlantem & Oceanum, in valle 16 leucat parumque minus lata, sacchari & omnis annonæ generis fertili, multum ei splendoris & nobilitatis attulit diuturna mora quam in ea traxit, & æstimatio, in qua apud Mahumetem Seriffum fuit. Relicto Atlante intratur in planicies fertilissimas colliculis in quibus quam dives sit copia frugum, nempe sacchari, olivarum, pecudum, vinearum, omniumque bonorum, dici non possit. Regnum Fessæ quoque (sicut diximus) continet diversas provincias, optime inhabitatas. Inter eas Asga, habet 80 miliaria in longitudine, 60 in latitudine: Elabat, centum in longitudine, sexaginta in latitudine. Verum quidem est, quod Eriffe provincia prorsus montosa sit, numeranturque in ea 23 Atlantisrami, qui à populis ut plurimum indomitis incoluntur. Caret est aspera & sicca adeoque Libyæ, quam Barbaræ similior. Sed quod amplitudo hujus regni, & valor, magna ex parte consistat in civitate Fessana, extra institutum nō erit, de ea pauca verba facere. In partes duas divisa est hæc civitas, quæ à se invicem parum distant, earum una Fessa vetus, altera Fessa nova appellatur: vetus Fessa quoque fluviolo in duo corpora finditur: Orientale dicitur Beleida, habet autem quatuor familiarum millia. Occidentale dicitur proprie Fessavetus, facit 80 & amplius familiarum millia, non longe distat à Fessa nova, quæ 8 domuum millia habet. Fessa vetus est fere tota in collibus & in vallibus: continet 50 templa Mahumetana insignis magnitudinis, omnia fontes habent & columnas ex alabastrite & jaspide, ultra ea numerantur sexcenta minora. Inter quæ templa istud, cui vulgo nomen est Carucen, admirabile est, situm in medietate civitatis: ejus ambitus est dimidii miliaris, divisum est in 70 fornices in latitudine, 120 in longitudine, quos 2500 columnæ ex albo marmore sustinent. In præcipuo majoreque fornice (ubi tribunal est) visitur lampas immensa, quam circumcingunt centum minores. Alii fornices habent lampades valde magnas, in quarum qualibet 1500 lumina prælucent. Fessæ fama est, omnes illas lampades factas esse, ex campanis, quas Arabes in Hispania ceperunt, qui non solum in prædam abstulerunt campauas, sed & columnas, æs, & marmora, tum quidquid preciosi & mundi in eam detulerant Romadi primum,



num, & deinde Gothi Fessæ numerantur plus quam ducentæ Gram-  
matices scholæ, ducenta diversa publica, 400 molæ aquaticæ in flu-  
mine, quarum singulæ quatuor aut quinque rotis agitantur. Sunt  
in ea quoque diversa collegia, inter quæ id quod Madaracciæ no-  
men habet pro pulcherrima fabrica totius Barbariæ habetur. Sunt  
ibi sexcenti fontes, muris cincti, ex quibus aqua in omnes fere do-  
mus dispergitur. Longum esset describere Alcaceriam (quam ap-  
pellant.) Locus is est muris cinctus, cujus portæ sunt duodecim,  
diviturque in 15 vicos. ubi mercatores sua negocia, sub tentoriis per-  
agunt. Vix dici potest quantæ sint hortorum deliciae, & quanta  
viridarium amœnitas: viridaria à fontium & fluminum aquam  
refrigerantur. Rex habitat complurimum Fessæ, in qua arcem,  
palatia & hortos habet, & quibus venusti commodiq; optari queat:  
ex hac nova Fessa, per viam subterraneam, itur ad Fessam veterem.  
Ut breviter dicam, hæc civitas adeo & magna atque magnifica est,  
ut ei Reges defuncti, rarum privilegium concesserint, nimirum, ut  
cives non teneantur obsidionem ferre, nisi Rex tam potens sit, ut ju-  
sto exercitu se hosti valeat opponere, & si ad semi-milliare urbe ap-  
propinquasset, ut ei se dedere possint absque dedecore proditi-  
onis, aut perfidiæ nota: quod hanc ob causam fecit, ne urbs prætextu va-  
næ fidelitatis exitium subiret. Civitas quoque magni momenti esse  
perhibetur, sita in planicie, non minus frumento, oleo, lino, peco-  
re fertili, quam jucunda, propter amœnitatem locorum aquarumq;  
copiam: habet octo familiarum millia, muri validi sunt, & multis  
turribus muniti. Incolæ industrii, mercimoniis dediti, præcipue  
pannorum è lana, seryco, gossypio, qui ibi texuntur. Primogeni-  
tus Regis Fessæ, se Principem Mequineze inscribere solitus erat.  
Hæc regna ultra fertilitatem naturalem, sic satis dedita sunt mer-  
caturæ. Etsi autem Rex Fessæ ad mare Mediterraneum portus opor-  
unos non habet, attamen Franci & Angli, ad portus ad Oceanum  
commeant, præcipue Laracen, Caput Aguero, ceterosque, quorum  
pars est regnum Fessæ, pars Marochi. Ferunt eo, arma. & alias Eu-  
ropæ merces, pro quibus ipsi, inter alias saccharum recipiunt. Cum  
vero regna Marochi & Fessæ, aliæq; provinciæ principatusque, qui  
inter se divisi fuere, parvo ab hinc tempore, sub uno Principe coa-  
luerint, qui Seriffus dicitur, non erit abs referre, quomodo hoc  
acciderit; nihil enim aliud magis relatu dignum, vel potius admi-



randum nostrò seculo accidisse puto. Circa annum Christi 1508 in regione Numidiæ inclaruit Alfaique quidam, natus Tigumedeti (qui locus in provincia Dara est) vir ingenio callido; nec minus ambitiosus, quàm doctus in scientiis, quibus operam dant Mahumetani. Ei nomen fuit Mahumetes Benamettus, qui se etiam Seriffum nominari jubebat. Hic jactans se sanguine Mahumetis ortum, & confusus tumultibus Africæ, ac ejus Statuum, Rerum publicarumque distractionibus (in Africa enim multum poterant Lusitani) cœpit cogitare de invadendo Mauritaniæ Tingitamæ Imperio. Quod ut efficere posset, misit primum tres suos filios Abdelem, Ahmetem, Mahumetem peregrinatum Mecam & Medinam, ut inviserent atque colerent Mahumetis sui seductoris sepulchrum. Fecerunt adolescentes hanc peregrinationem, tanta & reverentia & existimatione sanctitatis & religionis (si convenit uti his nominibus in tali impietate & ineptia) ut in ipsorum reditu, ipsis obviam irent incolæ, ipsorum vestes deoscularentur, & reverentur tanquam sanctos. Ipsi vero fingentes se raptos in alta contemplatione, ibant per illas regiones suspirantes, clamabantque voce alta, quam suspiria & gemitus interrompebant: Ala, Ala; nec aliunde, quam ex eleemosyna vivebant. Cum pater eos magno cum gaudio voluptateq; domum recepisset, nec applausum & æstimationem, quam sibi illa peregrinatione conciliarant evanescere, nec irritam fieri vellet, misit duos ipsorum nempe Ahmetem & Mahumetem, Fessam, ubi cum eos Rex humaniter & benignè excepisset, unus eorum factus est Professor Amodoracciæ, fama celeberrimi collegii illius urbis, junior autem factus est pædagogus filiorum Regis. Cumq; se Regi gratos viderent, & populi in se benevolentiam perspicerent, ex patris consilio (occasionem capientes ex damnis, quæ Arabes & Mauri sub insignibus Lusitanorum militantes, faciebant, illis qui erant suæ heresis) petierunt à Rege facultatem explicandi vexillum adversus Christianos, spem ei facientes, se facile ad se pertracturos Mauros, qui Lusitanis adhærebant, eaque via, securas reddi posse propincias Sus, Heam, Ducalam Marochum aliasq; à Lusitanis vexatas. Huic petitioni contradixit Muleius Nazer, Regis frater; si enim hi. dicebat, sub sanctimonix & defensionis legis prætextu, facient aliquem progressum in armis, non erit postea in tua potestate eos deprimere, frenoque continere; arma enim homines audaces, victoriæ insolentes



lentes, favor populi ambitiosos rerumque novarum cupidos facit. Rex autem, apud quem in magna opinione sanctimonix erant, parvi faciens consilium sive rationes, quas frater allegaverat, illis vexillum & tympanum dedit & quod amplius est, 20. equites qui eos comitarentur, diploma quoque ad Arabes, Principes, & Barbarix civitates. His initiis multisque ad eorum famam concurrentibus, excurrunt in Ducalam, Comitatum Safini, ad Agueri Promontorium usque: quæ loca tunc Lusitanis parebant. His quas diximus rebus, se gratiosos, fortes ac munitos sentientes, petiverunt à populis, qui tunc ut plurimum in libertate degebant, iisque, quibus placebat, favebant, ut ipsis, qui pro lege Mahumetana adversus Christianos pugnabant, auxiliarentur, elargitarenturque decimas Deo debitas, quas (decimas) à populis provinciæ Daræ facile impetrarunt. Sibi itaque paulatim dominium Tarudante (ubi eorum pater Gubernator factus fuit) Sus, Hiæ, Ducalæ, locorumque vicinorum occuparunt. Sedem primum fixerant in Tedueste, postea in Tefarote. Superarunt deinde prælio Lopezium Barrigam, fama celebrem, rei militaris Lusitanorum Ducem, sed amiserunt fratrem natu majorem. Postmodum cum blandis verbis, ingressi essent civitatem Marochum, veneno ejus Regem sustulerunt, quo necato, ejus loco se Regem Marochi proclamari fecit Ahmetes Seriffus. Cum hæc fierent, prælio decertabant Arabes Ducalæ & Xarquix, cum arabibus Garbiæ, pollicebaturque sibi utraq; pars favorem Serifforum, qui contentionem crescere videntes & illorum multos cadere, arma sua in ambos verterunt, spoliaque ampla retulerunt. Miserant hæcenus Seriffi, quintam rerum potentiarum partem Regi Fessæ, sed post hanc victoriam ipsum contemnentes miserunt tantum sex equos & sex camelos valde macilentos, quod ille moleste ferens, misit ab illis petitum, quintam spoliolorum partem, & tributum, quod ei Rex Marochi pendere solitus erat, si non facerent, se eos bello persequuturum minitans. Cum interea Rex in fata concessisset, Ahmetes ejus filius, qui minoris Seriffi discipulus fuerat, non solum acquievit, sed & confirmavit Ahmetem in dominium Marochi, modo aliqua re, Reges Fessæ in dominos agnosceret. Sed Seriffi, (quorum potentia & existimatio quotidie crescebat) cum tempus pendendi tributum venisset, jusserunt nunciari Regi, se legitimos successores Mahumetis esse, ideoque se nemini tributum



debere: se plus juris, quàm illum in Africam habere, si ipse illos pro amicis vellet, bono ei hoc fore; si autem ipsos, à bello adversus Christianos averteret, non sibi animum, ad se tuendum defore. Hoc ægre ferens Rex indixit eis bellum, obseditque Marochum, sed coactus fuit ab obsidione discedere: deinde autem rediens cum 18 equitum millibus (inter quos erant duo sclopetariorum millia) ut obsidionem instauraret, in itinere, cum flumen transmitteret, victus fuit à Seriffis, quibus septem tantum equitum millia, & ducenti supra mille sclopetarii erant. Elati ea victoria exegerunt tributa illius regionis, superantesq; Atlantem, ceperunt Tafletem civitatem præclaram, & partim benevolentia, partim vi, sibi obedire coegerunt diversos Numidiæ & montium populos. Anno 1536 minor Seriffus, qui se Regem Sus dicebat, collecto potenti exercitu, & magno tormentorum bellicorum numero, quorum partem Regi Fessæ eripuerat, partem Franci Apostatæ fuderant, expeditionem Promontorii Aguero suscepit. Is locus erat magni momenti, possidebatur à Lusitanis, qui eum exstruxerant, munitusque fuit, primum expensis Lopezii sequieræ, deinde Regis Emanuelis, postquam ejus opportunitatem cognovisset. Pugnatum fuit utrinque ferociter, sed cum tandem ignis munitionem pulveris pyrii corripuisset, idque milites, qui illum locum defendebant perterre fecisset, ingressus est locum Seriffus, cepit eum, fecitque captivos maximam præsidiariorum partem. Qua victoria potiti Seriffi, subjecerunt sibi fere totum Atlantem, regnum Marochinum, Arabes, qui coronæ Lusitaniæ parebant. Rex Iohannes Lusitaniæ tertius, videns expensas acceptum excedere, relinquit sua sponte Safin, Azamorum, Arzilla, Alcazarum, loca quæ in ora Mauritania possidebat. Hi felices progressus, maximas dissensiones, & discordia inter fratres procrearunt, quarum exitus fuit, ut cum minor duobus præliis majorem vicisset (secundum prælium factum fuit anno 1544) cepissetque, eum in Tafletem relegarit. Vertit deinde arma in Regem Fessæ, cumque eum captivum factum libertati restituisset, iterum (quod promissis non steterisset) captum, cum filio, eos tota ditione & vita privavit, cepitque opera filiorum civitatem Tremisenam. Collegit interim validum exercitum Sal Aries, Prorex Algieræ, timent tantum successum Seriffi, recepitque primum Tremisenam, profligatoq; Seriffo cepit Fessam, deditque ejus dominium Buassoni Dynastæ Velez, sed  
cum



cum hic manus cum Seriffo conferuisset, vitam & regnum amisit. Tandem dum Mahumetes Tarudantem proficisceretur, in itinere trucidatus est in suo tentorio à Turcis quos Algieræ Prorex subornarat: eorum duxerat Assen, qui cum sociis Tarudantem profectus, diripuit Regis thesauros, sed domum reverti volens, à populis necidatus cum sociis, exceptis eorum quinque, accidit hoc anno 1557 Rex deinde proclamatus, salutatusque Muleius Abdala, Seriffi filius. Hæc dixisse sufficiat, de origine Seriffi, cujus progressus similes videntur illis, quos habuit Ismael Rex Persiæ. Ambo parvo tempore subegere regiones, ambo creverunt ruina Principum vicinorum, ambo magna incommoda passi sunt à Turcis, perdideruntque suarum ditionum partem; Selimus enim eripuit Ismaeli Caramit diversasq; alias Mesopotamiæ civitates, Vicerex Algieræ pepulit Seriffum Tremiffena & ejus vicinia, & sicut Selimus occupavit Taurisium caput Persiæ, idque dereliquit, ita & Sal. Aries cepit Fessan caput Mauritaniæ & dereliquit eam. Seriffus habet dominium in omnes facultates vasallorum, etiam in ipsos vasallos; quamvis enim eos oneret impositionibus tributisq; gravissimis, contra tamē mutique non audent. Percipit, à suis vasallis tributariis decimam, & primitias fructuum pecudumque. Verum quidem est, quod ad primitias spectat, non plus uno ex viginti percipit, quod autem 20 excedit, quantumvis ad centum & eo plus primitiæ ascenderent, nunquam ultra duo capit. Ex singulis terræ jugeribus accipit ducatum, & quintam ejus partem, tantumque ab uno quoq; foco: adhuc totidem ab unaquaque persona, quæ 15 annum excesserit, masculo aut femina; si opus est, majorem summam capit. Ut autem populi libentius quod exigitur solvant, semper dimidium plus quam persolvendum est, imperat, itaq; ipsis videtur, sibi remitti eam partem, quam non cogit dissolvi. Sunt tamen quidam qui montes inhabitant, populi indomiti & immanes, qui propter difficilem ad eos accessum, cogi non possunt, ut tributa pendant: decimā tantum messum persolvunt quo in planicie versari possint. Ultra hos redditus habet Rex colonia & vectigalia civitatū, in quarum introitu pendunt res vectigal, nempe civis Fessanus duo ex centenario, extraneus decem. Sunt quoque redditus molarum, quæ magnam pecuniarum summam concipiunt. Quod enim ad redditus molarum attinet, pro asini onereumenti (quod Fessæ molitur) percipit semi regalem. Sunt Fessæ



ut diximus, plus quàm 400 molæ. Templum, Carruven appellatum, habebat plus quàm 80 aureorum millia annui redditus. Multa quoque millia habebant Collegia & Xenodochia Fessæ, ea omnia nunc percipit Rex. Quin etiam hæres est Rex omnium iudicum quos Alcides appellant, & omnium suorum officiariorum, cumq; moriuntur, capit possessionem equorum, armorum, vestium, omniumque bonorum. Attamen si mortuus, post se filios bello aptos reliquit, eis paternam pensionem indulget; si verò alii sunt impuberes, eos alit, donec ad maturam ætatem pervenerint, filias autem alit, donec maritis copulentur. Ut manus injicere possit bonis divitum, dat eis aliquam gubernationem, aut munus cum pensione. Ne verò ejus fisco bona cadant, occultant ipsi suas opes, nitunturque ut longe ab aula Regisque aspectu absint, ob quam causam civitati Fessanæ multum de antiquo splendore decissit. Seriffus arces aut munitiones valde munitas non habet, solum in maris ora Caput Agüero, Labace & Tetuanum possidet; præcipuas enim vires (sicut Turca & Persæ faciunt) in militibus, præcipue in equitatu, statuit. Eam ob causam se tormentis bellicis nõ solícite instruit, habet tamen eorum magnum numerum Fessæ, Marochi, & Tarudante, in portubus supra dictis quoq; tormenta quæ sui antecessores, Lusitanis & aliis eripuerunt: alia quoq; cum opus est fundi curat, nec desunt ei ejus artificii magistri ex Europa. In Marochi ei est armamentarium, quo loco quolibet mense, ut minus 46 quintales, ut appellant pulveris pyrii fiunt, conficiuntur etiam tormenta manuarum & balistæ. Anno Christi 1569 invasit ignis tanto impetu domos, in quibus pulveris pyrii conficiebatur, ut civitatis magna pars diruta fuerit. Quod ad militiam Seriffi spectat, ejus plura sunt genera. Primum est 2700 equitum, & his mille pyroboliariorum, quorum partem Fessæ, sed majorem Marochi, ubi ipse habitat, pro præsidio habet. Secundum est unius aciei Regalis, sex millium equitum, qui omnes nobilitate clari, & magnæ æstimationis sunt: utuntur hi equis generosis, phaleris egregie ornatis, suntq; ipsorum arma, tum propter colorum varietatem venustissima, tum propter ornamentorum divitias præter modum spectabilia: splendent omnia auro argento, margaritis, gemmis, cæterisque rebus, quæ aut oculos delectare, aut curiositatem spectantium pascere valent. His militibus, præter pensionem frumenti, avenæ, butyri, carnis, pro se uxoribus, filiis & fa-



& famulis, numerantur in pecunia, à 70 ad centum unciaꝝ argenti. Tertium militum genus est Timariottorum (ut vulgo nominant); Seriffus enim suis filiis, fratribus, cæterisque personis, alicujus æstimationis & authoritatis, apud populos Africaꝝ, aut Principes Arabum, possessionem agrorum clientumq; , pro sustentaculo ipsorum concedit. Illi, qui vulgo Alcaidi nuncupantur, curant coli agros, colliguntq; redditus frumenti, oryzaꝝ, avenaꝝ, olei, butyri, vervecum, gallinarum, pecuniarum, distribuuntque ea menstruè inter milites, pro cujusq; gradu militiaꝝ : dant eis quoq; pannum, telam, ferycum ad vestitum, arma quoque, & equos quibus bello utantur. Si equi occidantur aut moriantur, dant eis alios: quæ res Romæ in usu fuit, cum iis, qui equis publicis militabant. Horum militum Præfecti sollicite curant, ut sui milites sint in optimo procinctu, armis vestibusq; recte probeque instructi: præter hæc recipiunt hi milites à 24 ad 30 uncias argenti annuè. Quartum genus militum conficiunt Arabes, qui continuo vivunt in suis Avaris (ita vocant sua castra, quorum quælibet à centum, ad 120 tentoria) compartiti sunt sub diversis Præfectis, quos Alcaidi nuncupant, ut cum opus est parati sint; hi equis merent, sed latronibus, quam militibus similiores sunt. Quintum militiaꝝ genus militaribus delectibus Principum Christianorum simile est, iis adscripti sunt habitatores, civitatum, pagorum regni, & montium. Verum quidem est, Reges illos magni non facere, nec libenter eos armare, propter seditionum motuumve metum, nisi bella adversus Christianos gerantur, quia tunc prohibere non possunt; cum enim lege Mahumetica cautum sit, Mauros à Christianis occisos, & eos qui Christianos occiderunt, recta cælum petere confluunt certatim viri fœminæque, spe quærendæ salutis excitati, curruntq; in bella, ut ibi moriantur, cælumque sibi parent, secundum stultam eorum opinionem. O inventum diabolicum! Non minor quoq; fervor est nostro dedecore in Turcis, maxime propter defensionem suæ hæresis: videntur illi sibi ad festa nuptiarum, non ad bella proficisci, vixque possunt expectare diem procinctus. Sanctos habent eos, qui arma manu tenentes in bello cadunt; infelices vero, nihilque homines existimant, qui domi inter planctus puerorum, & ululatus mulierum, diem obeunt. Quibus è rebus satis aperte colligitur, quantum Seriffus hominum numerum ad bella educere possit. Sed exemplo id clarius ostendi potest.



potest. Mulejus Abdala obsedit Mazaganum cum ducentis virorum millibus, explevit fossam monte e terra congesto murumque tormentis bellicis solo adæquavit. Sed Lusitanorum virtus eum ab conatu desistere coegit, accepto magno damno ex cuniculis. Verum tamen constat eum Principem bellum ultra trimestre continuare non posse; nam cum miles diem ex ejus commeatu vitam degat, ex ejus commeatu non solum cibum, sed & vestitum præbet; commeatus autem difficulter, quo exigit exercitus necessitas vehi possit, fit ut præpenuria commeatus brevi domum revertantur. Certum quoque est, eum diu belligerari non posse, cui desit belli nervus, pecunia. Moluccus Rex Fessa, qui fregit Sebastianum Lusitaniæ Regem, habuit sub signis 40 equitum & 8 deditum stipendiariorum millia, præter Arabes, aliosque gregarios milites, examinaturque ipsum 70 equitum millia, multum quoque plus peditum conscribere potuisse.

## CAPVT XXVII.

DE

REGNO

HISPANIAE.

**A**B Orbe condito, nulli Imperatorum, Regum vel Principum majus Imperium obtigit eo, quo Philippus Indiarum & Hispaniarum Rex potitur, maximæ cum Lusitaniæ regnum ipsi postremo sit objectum; amplissimas enim Europæ provincias, nobilissimasque Asiæ Africæque regiones complectitur: novum denique Orbem, qui Europa Africaque latius patet absque rivali pacifice possidet. In Europa Hispaniam certe tenet, quæ octingentis ab hinc annis, nulli tota quam ipsius imperio paruit, Belgium, quod mille miliaribus ambitur, regnum Neapolitanum, quod mille & quadringenta miliaria circumeunt, Insubriam (quæ Mediolanensis Ducatus titulo designatur) cujus ambitus est trecentorum miliarium, Majoricam, Minoricam & Evissam insulas, quarum prima 300 altera 150 tertia octo miliaribus in Orbem porrigitur, Siciliam, cujus circuitus est 700 miliarium, & Sardiniam quæ 562 miliaribus patere dicitur. In Africa potitur magno illo portu, quem incolæ Masala



Masalquiuit appellant, quo portu nullus insignior, capacior, securiorq; in mari Mediterraneo est. Habet etiam Oranum, Melillam & Rupem Pegnonem, Velez dictam: habet & extra fretum Herculeum Insulas Canarias duodecim numero, inter quas præcipuæ sunt septem, quarum nulla minus quam nonaginta milliaribus ambitur. Lusitaniæ regni jure præclara loca Septam & Tangerum, quæ claves freti, immo maris Mediterranei, & Oceani Atlantici sunt; extra fretum autem Magazanum civitatem habet. Idem Lusitaniæ regnum in immenso illo Oceano, Insulas habet, quæ vulgo Terzere dicuntur, quæ numero sunt septem, ex iis Angra nomine 40 milliaribus ambitur. S. Michaelis plusquam 90 milliaria continet: habet & Portum Sanctum, nec procul inde Maderam (vino præstantissimam) quæ regina insularum Oceani Atlantici est, & 160 milliaribus cingitur. Insularum quoque Capitis Viridis (Capo Verde nominant) imperio claret, septemque sunt. Habet sub Æquinoctiali linea insularum Sancti Thomæ, quæ Madera aliquanto major, saccari abunde dives est. Quin & Rex Philippus iste, totius oræ illius Africanæ, quæ à Capite Agüero ad illud, quod Guardafu dicitur, extenditur, denique commerciorum, negotiationis & navigationis illius Oceani, totq; Insularum quas natura ibidem disseminavit, vel in primis è regione Caprariæ inter Promotoria Bonæ Spei & Guardafuense dominus, herusque, ut & est, agnoscitur. Idem & in Asia, Lusitanici regni jure, potiores oræ Occidentalis partes, nempe Armuzium, Dium, Goam & Malacam possidet. Armuzium commoditate sui situs adeo dives est, ut Arabibus in proverbium abierit:

„Si terrarum Orbis quaquaparet, annulus esset,

„Illius Armusium gemma decusq; foret.

Magna Arabiæ felix pars ad Armuzii regnum spectat; sicut & Baharem insula, regina ejus sinus insularum, tum propter magnitudinem, cui terræ fertilitas & fructuum varietas conjunctæ sunt, tum propter ditissimam margaritarum piscationem. Dium, Cambaiæ suiq; maris est clavis, quæ inenarrabilibus divitiis abundat: in quo mari Lusitani quoq; possident Damainum, Bazainum, Tavaam, Goam, quæ (ut interim Ciaulem, Cananorem, Cochimum & Colanum præteream) tanti momenti est civitas, ut Regi Lusitaniæ tantum, quantum ulla Europæ regna, pendat. Denique Lusitani obti-



nent omnem fere oram maritimam, quæ à Damaino civitate ad Me-  
 lepuram usq; protenditur: quæ integra maris ora ipsius est, aut e-  
 jus sociorum, excepto Calecutio; Zeilana sane insula est Orbis uni-  
 versi præcipuæ delicia, in ea habent etiam portum & arcem vulgo  
 Columbo nuncupatam. Potiuntur & Malaca, quæ iis ipsis locis  
 Imperii sui terminus est, clavisq; negociationis & commercii Ocea-  
 ni Eoi, illarumque insularum, quæ tot ac tantæ sunt, ut toti Europæ  
 magnitudinæ pares putentur. Domos quin etiam potius quam arces  
 in Amacano, ad commercium cum Chinis exercendum, & in Tido-  
 re insula, negociationi cum Molucis & Banda exercendæ habent.  
 Res profecto stupenda est à 12 tantum Lusitanorum millibus (nec  
 enim plures in tanto terræ marisq; tractu sunt) tot potentissimos A-  
 siæ Reges & populos, tanquam freno coerceri, illosque tam paucos  
 Lusitanos maris Atlantici, Indici, & Eoi imperium asserere, sibi ser-  
 vare, ac tueri. Ab hinc annis 90 sese illi eis locis muniverunt, non  
 solum magna cum sua gloria, verum etiam totius Orbis Christiani  
 laude utilitate ac fructu. Neque vero abjici potest, illis hoc fa-  
 cile fuisse, quod fortasse res ipsis esset cum populis belli minus peri-  
 tis; eripuerunt enim armorum virtute regnum Armuzianum Regis  
 Persiæ clienti, vicerunt etiam, quassaruntque ad Dium Magni Sul-  
 tani Ægyptii classem, plenam Mamaluchis qui non minus arte mi-  
 litari, quàm Prætoriani Turcæ milites (qui Ianizari nuncupantur)  
 clarebant. Dium illud, adversus Turcæ & Guzaratarum vires for-  
 titer defenderunt: sæpe Turcarum classes mari rubro in fugam ver-  
 terunt, ad Armuzium classem Turcarum Anno Christi 1552 subege-  
 runt, cum Principibus Decan, Regibus Cambaiæ, Calecutii & A-  
 chen (qui armis & milibus Turcicis probe instructi erant) in Ta-  
 probana pugnarunt. Itaque Lusitanorum expeditiones in Cam-  
 baiæ, India, & in universo illo Oceano & ora Asiæ, non minus admi-  
 randæ sunt quam Macedonum, Alexandrique Magni victoriæ. Eo  
 quidem magis, quod Lusitania, terræ amplitudine, Macedonia mul-  
 to minor, numerusque Lusitanorum Macedonibus par non fuit. Pro-  
 straverunt enim 19 navibus classem Sultani Ægyptii, longe numero  
 majorem, duobus virorum millibus expugnarunt Goam, eam amis-  
 sam 1500 militibus recuperarunt. Octingentis Malacam sibi subjuga-  
 runt, pauloque pluribus Armuzium. Altera ditionum Philippi Regis  
 Catholici pars, in Novo Orbe continetur, in quo quantum ipse velit  
 con-



consequitur, eo præcipue quod sine socio vel rivali illic regnet. Dividitur autem novus Orbis in Continentem & Insulas. Maris septentrionalis tot sunt Insulae, ut earum numerus (solæ Lucaiæ excedunt quadringentas) nondum cognitus sit: earumq; nonnullæ tam amplæ opulentæq; sunt, ut vel eorum quæque grandi regno constituendo sufficiat. Boriquena longa est 300 miliaribus, lata 60, Iamaica paulo minor est. Cuba longa est trecentis, lata 20 leucis. Hispaniola in ambitu 1600 miliarium est. Quod ad Continentem spectat, Rex reapse toti maris oræ, quæ Floridam, Novam Hispaniam, Iucatan lambit, deinde toti illi immensæ Peninsulæ Meridionali ad caput Californiæ, immo ad Quiviram usq; imperat; eo enim atq; ulterius Castellani novas terra marique regiones detexerunt. Hispaniæ novæ oræ, quæ initium capit à Sanctæ Helenæ oppido, Panamam transiens ad Quiviram protenditur, circiter quinquies mille ducentisq; miliaribus longa est: quibus si jungantur mediterranea confinia, Septentriones versus, non minus quam novies mille miliaria efficient. Peruvia quæ ad Panamam incipit, habet oræ maritimæ duodecies mille sexcenta miliaria, quorum tria, quæ inter Maragnonem fluvium & Argenteum continentur, Brasiliam complectentia, Regem Lusitanorum agnoscunt. Novi Orbis continens multa regna ditionesque per quam amplas complectitur, in quibus duo præcipua regna quasi Imperia sunt, nempe Mexicanum & Peruvianum, quorum Reges potentissimi olim opulentissimique fuerunt. Rex Mexicanus non sanguinis aviti jure, sed à 6 viris eligebatur, nimirum qui juvenis, elegans strenuus, corpore bene composito, militiæq; aptus esset, ideoq; Regem quendam suum, quod ignavus, imbellis timidusq; esset, veneno necarunt. Senatus supremus apud Regem erat, qui ex quatuor nobilitatis & officialium gradibus constabat, absque cujus authoritate & consensu nihil quod esset alicujus momenti statui decernique poterat. Nihil æque atque rectam puerorum institutionem curabant, & præcipuo apud ipsos in pretio erat religio, studiumq; rei militaris. Inter ipsos fuit egregius heros Tlacaellé, tantus armorum virtute, ut magnam regni Mexicani partem sibi pararit, animi adeo excelsi, ut oblatum sibi regnum constanter recusarit, dicens ex usu reipubl. esse, ut alius Rex, ipse vero minister ejus esset, humeros regni impares esse, addens se pro reipubl. non minus sedulo laboraturum quam si Rex



esset. Rex cum maiestate vivebat, magnificeq; habitabat, maximoque clientum satellicio stipatus incedebat. Regni pomeria, religionem, linguamq; ab uno latere ad Teguant pecum, quod Mexico 200 leucis distat, extendit: ab alio latere ad Guatimalam, quæ 300 leucis abest; quin etiam regni fines ad mare septentrionale & meridionale protulit. Mecioacan, Tlascalam & Terpeacam debellare non potuit. Inimicitia quæ Mexicanis cum Tlascalano oppido erant, Hispanis januam in Mexicanum regnum aperuerunt, reddideruntq; adipiscendo imperio Maxicano faciliorem, quod anno Christi 1518 contigit. Mexicani in septem tribus divisi, ex regione Septentrionali, in hæc regna venere, in qua Septentrionali plaga superioribus annis, Hispani ditissimam provinciam populosissimamq; detexere, quam Novum Mexicum nuncuparunt. Præcipuus honos in armis, quibus homines nobilitabantur, situs erat. Motezuma ultimus Mexicanus Rex, aliquot ordines equitum instituit, quorum alii Principes, leones, quidam aquilæ, nonnulli pardi dicebantur. Iis aurum, argentumque gestare, & xylo vel gossipio (quod Barbari & Arabes cotum & bombacum appellant) vestiri calceatis incedere, inaurata pictaque vascula habere (quibus omnibus plebi ignobilibusque interdicebatur) licebat. Imperii Peruvix cuius Rex Inga dicebatur, condicio statusque aliquando multo major fuit: dum summe floreret, se à Pasto Chileusque porrigebat, amplitudine mille leucarum, latitudine vero centum leucarum, erat nempe ab Oceano meridionali ad partem Orientalem Andi usque. Immensa aquarum copia partim viva & decurrens, partim mortua & quiescens obstitit, quo minus ulterius progredirentur. Prætextus bellum alii inferendi fuit, quod in diluvio in ipsis Ignis servatus mundus esset, & quod ipsi soli haberent veram religionem eamque alios ipsi docere tenerentur. Præcipuus illorum Deus erat Viracoca, hoc est, universi creator; alter verò Deus illis Sol erat. Inga Pacacuti, qui maiorem superstitionum (quibus addicti erant) partem repetit: quum aliorum deorum templis prædia redditusque attribuisset, nullos Viracocæ assignavit, quod quum ille, inquiebat, creator omnium esset, eis non indigeret. Inter alias res memorabiles per ipsum institutas pro regionibus acquisitis una erat, quod terras in tres partes dividebat. Prima religioni & diis dedicabatur. Altera Ingæ decidebatur, qua se ipsum curiam,



curiam, parentes, barones & præsidia sustentabat, eratque ea pars cæteris major. Tertia pars populo cedebat. Nemo rem propriam habebat, sed Ingæ beneficio, nec eares ad heredes transibat. Agri, qui populi & communitalis erant, quotannis partiebantur, assignabaturq; unicuique tantum terræ, quantum ad sui & familiæ sustentationem opus esset, eratque ea portio aliquando major, interdum minor, deque ea tributum non pendeant: ejus autem loco colebant terras Deorum & Ingæ, recondebant fructus in amplissima horrea, ad id destinata, unde quum sterilitas ingrueret sumebantur pro populo: idem fiebat de animalibus quæ per capita dividebantur. Hac in re videntur mihi longe superasse divisiones terræ, quas Lycurgus fecit, ac leges Agrarias Romanorum. Ex Nova Hispania & Peruvia (præter merces) opes in exhaustæ auri & argenti trahuntur: earum opum ordinarie duas partes Peruvia, tertiam Nova Hispania suppeditat, quæ mercimoniis ditior est Mexico. Inter alia dat Cocinigliam maximi sane pretii mercem: dat & Anir, & coria vaccarum infinita. Ejus autem insulæ, uberrimam copiam coriorum, xyli, sacchari, cannæ fistulæ, sandarachæ, & margaritarum mittunt. Inter thesauros Peruviæ duo sane admirandi sunt: unus est fodinarum argenti quæ Porosii Anno 1545 detectæ fuerunt, unde effosa fuit, effoditurq; tanta argenti vis, ut quinta pars, quæ Regi cedit, 40 annorum spatio ad centum & undecim Pesorum milliones accesserit; unus autem Peso tredecim nummos regales (Reales vocant) ejusque quartam partem valore exæquat: nec tamen duæ tertiæ partes penderunt quintum Regi debitum. Ea argenti copia expurgatur in 52 machinis (quæ instrumenta vocant) in flumine vicino exstructis: in 22 quæ in valle Tarapaia sunt: præter ea organa ad huc alia sunt quæ ab equis versantur, inque gyrum aguntur. Aliæ opes consistunt in fodinis Guancavalcanis, quæ argento vivo abundant: detectæ fuere anno 67 unde Rex pure citraque expensas circiter quadringenta Pesorum millia percipis. Natura quæ Peruviæ tam liberaliter fodinas auri argenti que largita est, nihil ejusmodi Brasiliæ contulit, sed earum loco dedit aërem ventorum clementia saluberrimum: fontes fluminaq; multa, eaq; grandia, sylvarum satis. Distinxit terram in planiciem & colles delicato, vestivit eam jugi amœnitate, dotavitq; multis tutissimisque portibus, abundat supra modum saccharo quod eo intulerunt Lusitani,



tani, maximamque ejus vim foras mittit. Novi Orbis appendices fere sunt insulæ Philippina: quamvis enim, si earum situm bene consideres, habendæ sunt pro parte Asiæ, tamen per Novam Hispaniam primi earum cognitores ad eas penetrarunt. Earum Insularum 40 suæ clientelæ subjecerunt, pacatasq; reddiderunt Castellani. Quum itaque Regis Catholici imperium adeo capax, ne dicam infinitum sit, dividemus ejus tractationem, quantum ad vires & regimen spectat in quatuor partes. Prima erit de eo quod in Europa continetur: Altera complectetur Novum Orbem: Tertia ditiones quæ in ora Occidentali & Meridionali Africæ sunt: Ultima dominia ejus India & Asia recensabit.

## SECTIO I.

DE DITIONIBUS SEU PROVIN-  
CIIS IN EUROPA.

**D**Icamus itaque ditiones, quas Hispaniarum Rex in Europa possidet, esse ex ditissimis opulentissimisque quæ in ea sunt; Hispania enim auro argentoque ditissima Provinciarum cognitarum, tantique momenti est, ut non absque causa prima continentis provincia fuerit, de qua tam acriter Carthaginenses & Romani depugnarunt. Gothi Vandalique, postquam maximam Imperii Romani partem hostiliter persultassent, eam sibi prostatione elegerunt. Trebellius Pollio ipsam & Galliam, robur & nervos Imperii Romani vocat. Constantinus cum Imperium divideretur, prætulit Hispaniam (& nos Itali tantopere nostra, si Diis placet, admiramur) Italiæ. Quum enim ei in partem obtigissent Britannia, Gallia, Hispania, Italia, ipse contentus tribus primis Provinciis, parvi fecit Italiam, eamque socio sua sponte reliquit. Regnum Neapolitanum pulcherrima totius Italiæ gemma audit, & est; natura enim ibidem velut in compendium id omne collegisse videtur, quod propria manu per reliquam Europæ partem dissemmavit. Quid autem dicemus de ditione Mediolanensi? Est ne alius ducatus, annona frugibus, oryza pecudibus, laticiniis, vino linoque opulentior? Aut opificum & negociatorum multitudine, ædificiorumque populique frequentia abundantior, situque loci commodior. Inter omnes maris mediterranei insulas caput effert Sicilia,  
cum



cum amplitudine, tum fertilitate. Inter regiones ultra montana sive terræ fecunditatem, sive oppidorum magnificentiam, seu politiam, seu locorum munitionem, seu gentis indolem & industriam spectemus (neq; enim aliunde feliciora prodeunt ingenia, nec expeffiora priscae virtutis exempla) Belgium (quod inferioris Germaniæ nomine indigetant) citra contradictionem facile primas obtinet. Regio, sive regendi forma Hispaniæ, regia est, & Principis, quæ duobus fundamentis nititur, quorum unum Religio, alterum Justitia est: illa protectio favorq; numinis; hac amor benevolentiaque populi comparatur, illa animos frenat, regitq; hæc manus ligat coercetque; denique illa reipubl. bona spiritualia servat, hæc pacem temporariam concordiamque tuetur. Hoc in regimine plurimum maturitatis cernere est: deliberantur enim omnia in consiliis ad id destinatis, potiusq; locum habent consilia gravia & lenta, & cunctatio Fabii, quam temeritas præcepsque festinatio Marcelli. Vitantur, quoad fieri potest, rerum novandarum studia, consuetudinum & institutorum veterum mutationes. Quo respiciens sanctorum quatuor Cardinalis (qui post Pontifex Innocentius VIII. fuit) dicere solebat, ad regimen Hispanos ita attentos, ut hac in re nec hilum erroris ei committerent. Hisce modis Rex Catholicus sub suo imperio (nisi ubi Principum adversariorum vicinitas obstat) nationes moribus, institutis & ingeniis oppido dispares Castellanos, Arragonas, Cantabros, Lusitanos, Italos Germanos, Orbem nostrum Novumque, subditos naturales & acquisitos, Christianos & Gentiles quiete placideq; in officio continet. Ratione quoque consentaneum est, ut ditiones quæ Austriacæ Familiæ via quieta & pacifica (quales matrimonia & affinitates sunt) accessere, moderate quieteque administrantur, quumque initia adeo iusta honestaq; fuerunt, diutissime durent. Quod aliqui obijciunt hoc Imperium durare non posse, ideo, quod divisum diversumque sit, haud est momentosum. Præter enim argumenta à nobis adducta in disputatione de Statu, quibus contrarium evicimus, est adhuc hoc argumentum, quod dominia magna, à ruina adversus mala extrinseca, mediocria autem adversus intestina, melius conserventur. Cæterum in Imperio ita diviso, sunt amplitudo & mediocritas simul unitæ: amplitudo in toto corpore ex membris distinctis composito consistit; mediocritas autem in majori membrum parte. Cum enim aliqua ejus

Y

Impe-



Imperii membra, (nempe Hispania, Peruvia, Mexico) per se magna sint, omnia illa bona habent, quæ tum amplitudo, tum mediocritas suppeditare potest, nempe magnam potentiam adversus hostes externos, & securitatem adversus corruptelas domesticas. Adde his, quod viribus maritimis omnia Imperii (de quo loquimur) membra uniri possunt. Quemadmodum enim Cæsar Augustus, una classe, quam Ravennæ tenebat, & alia quæ Misseni erat, totum Imperium Romanum securum reddebat, ita & Rex Catholicus, duabus, quas teneret, classibus unam in nostro mari, alteram in oceano, omnia Imperii sui membra, tam quæ in Europa sunt, quam quæ in Novo Orbe habet, unire posset. Bonus itaque myoparonum & navigiorum bellicorum numerus, quem in mari Atlantico teneret, non solum oram maritimam Hispaniæ & Americæ, classesque quæ sursum deorsumque navigant securas redderet, sed & Angliam adeo Zelotypam (ut ita dicam) faceret, ut Regem Belgio pacate frui sineret. Quod classem maris mediterranei attinet, ea ditiones eas ita conjunget, ut earum vires semper in ea sint, sicut videmus Lusitanos viribus maritimis ditiones, quas in Persia, Cambaia, Decan & in reliquo Indiæ habent ab hinc 90 annis & amplius, gloriose sibi conservasse. Quidam egregii præstantesque viri, in deliberationibus super id habitis opposuerunt rivalitatem sive æmulationem Turcæ, dicuntque, quod si Rex ut parcat expensis immodicis, quas in arces facit, ea impensa classem 150 aut plurium triremium instruere velit (quod ei factu facile est) incitabit Turcam (cujus classis 130 triremium numerum non excedit) ut Rege superior sit, earum ducentas instruat, unde suæ majestatis, expensæ faciundæ erunt, nec tamen aliquid ad ejus potentiam accedet. Ea subtilitas, ne arguta dicam versutia, excedit modum. In rebus quoque practicis nihil infelicius, quam nimium ingenii acumen succedit. Non sufficit enim dicere, quod Turca viribus maritimis Rege superior esse velit, sed videndum est, num id in ejus potestate situm sit. Quamvis enim Turca plus oræ maritimæ quam Rex habeat, non tamen plus nervorum habet, nec gentis machinationibus navalibus aptæ. In tota enim Africæ ora non habet, exceptis Algiera & Tripoli, locum, ubi aut fabricare, aut tenere par triremium possit. Idem de Ponto Euxino dicimus, ubi nihil magni momenti est, præter Capham & Trapezuntem. Idem dici posset de tota quasi ora Asiæ. Non  
satis



satis enim est habere multum oræ maritimæ, sed pluribus opus est: populo inquam qui arte marina delectetur, qui labores & incommoda maris tolerare possit, cui cordi sit navigatio & negociatio in mari cui ligni & cannabis sit satis, qui minis ventorum & horrore tempestatum non exanimetur, qui vitam periculis exponere & in iis versari audeat, qui mortem inter Scyllam & Charybden provocare non extimescat. In dimidia parte Imperii Turcici, populus mari assuetus non est, nec qui comparari vel opponi Catalanis, Cantabris, Lusitanis, Genuatibus, (hos nomino propter multa officia quæ Regi Catholico in suis classibus præstant) possit. Duabus denique rebus Rex Catholicus Turcæ prævalet: Una, quod quamvis Turca sub suo imperio plus populorum quàm Rex habeat, eis tamen, quod maxima eorum pars Christiani sint, contra nos fidere non potest; altera, quod oræ maritimæ Regis magis unitæ sunt quàm quas Turca habet, eoq; nomine conjungi Regis vires facilius possunt. Compertum est etiam classes Orientales plerumque ab occidentalibus, Meridionales à Septentrionalibus, Carthaginenses à Romanis, Asiaticas à Græcis superatas fuisse. Cæsar Octavius classibus Italicis fregit Ægyptias: nostro tempore Christiani Turcicas. Ipsi Turcæ fatentur suas triremes nostris virtute cedere, timentque earum impetum. Quoties Carolus V. voluit classes armare, tantas vires conjunxit, ut Turca se loco movere non sustinuerit; duxit enim Carolus in expeditionem Algeranam quingentas naves, in Tunetanam plus quàm sexcentas. Andreas Auria tantâs copias duxit in Græciam, ut Turca se loco movere non audente ceperit Patras & Coronem *ἢ ταῦτα μὲν δὴ ταῦτα.*

Nihil dixi de viribus maritimis, quas Rex habes in Oceano Germanico propter motus Belgii. Verum enim vero, quæ Europæ regio habet majorem navium hominumq; excellentium, qui cum impetuosi maris tempestatibus certare valeant, quàm qui vulgo Rammekens vel potius Zepyrgum dicitur Antvverpia & Amstelredamum? Nihil dicam de concursu navium omnis generis Hispali, quo appellunt classes Novæ Hispaniæ & Peruviæ, quibus semper maximas navarcharum & navarum numerus exercetur. Meum non est loqui de virtute Cantabrorum in re maritima, qui tum in arte militari, tum nautica excellentes evadunt, parique ferocia hosti armato & undis tremendis Oceani obviam eunt. Demonstravimus fere præ-



ter institutum vires maritimas. Dicamus nunc paucis de terrestribus. Eæ consistunt in peditatu & equitatu: ad illum quod attinet optimus miles pedestris. Germiæ est is, qui vulgo Walon dicitur; de Hispano non est meum dicere, quod hæc natio ab omni ævo ex bellicosissimis totius orbis gentibus extiterit. Galli novem annorum spacio, à Romanis domiti subjugatique fuere: Hispani bella ad ducentos annos duxerunt. Domandis Cantabris Augusti Cæsaris potentia & persona necessariæ fuerunt. Hispani suam patriam Mauris eripuerunt, statimque ea expeditione defuncti, invaserunt Africam, ceperuntque præcipua ejus loca. Lusitani invaserunt Mauritaniam, imposuerunt frena oræ Guineæ, Æthiopie & Cafrariæ, conquiverunt Indiam, Malacam, & insulas Moluccas. Castellani navigando Oceanum Atlanticum Novi Orbis dominium sibi subjecerunt, in quo tot regna, Provinciæ, populi que linguis, vestitu, moribus differentes sunt: expuleruntq; Francos Neapoli & Mediolano. Hispanorum vixtus in sagacitate sita sit, nulla enim alia gens melius novit quid in bello conducat aut quid obsit: in diligentia, nihil enim per socordiam elabi sinentes, *παραὺς γὰρ εἰσι καὶ οὐροὶ ἀνδρῶν πρὸς γυμνασίᾳ*, uti foro norunt, unione concordiaque, nunquam enim extra patriam inter se manus conseruerunt, denique in tolerantia famis, sitis, æstus, frigoris, incommodorum laborisque qua omnes alias nationes defatigant. His virtutibus ab hostibus præclaras victorias reportarunt. Quamvis autem aliquando victi fuerunt, eos nihilominus à quibus victi fuerant vicerunt, sicut accidit ad Ravennam. Nec unquam insigni cladi effecti fuere, quamvis adversos fortunæ casus subierunt in expeditione Algeriana & Anglicana. Tria aut quatuor Hispanorum millia sursum deorsumq; versarunt nobiliorem Germaniæ partem, per ruperuntque undique per medios hostes. De peditatu Italico qui Regi Catholico paret, non est meum dicere; notum est enim robur militare Marforum, Pelignorum, Hernicorum, Samnitum Lucanorum. Quod ad equitatum attinet, Hispaniæ Rex generosissimam equorum Europæ stirpem habet, nempe Asturcones Hispanicos, qui vulgo Giannetti dicuntur: majores Neapolitanos quos vulgus Corsieri (quasi equos ad cursum, ut Varronis verbo utar, idoneos dicas) appellat: Sequanicos qui inter Francicos antecellunt, & Belgicos qui Germanicis prævalent. Hos populos natura suos armasse videtur ferro fo-



ro fodinarum Buscaia & Guipusca & Molina, temperatura quæ sit Bajona, Bibili, Tolosetta, Calatajut, officinis armorum Mediolani, Neapolis, & Auscuducis; instruxisse eos annona, com meatu & horreis in exhaustis Apulia, Sicilia, Sardinia, Artesia, Castilia, Andalusia: eis quoque largita est copiam vini, nempe Soma, Calabria, San Martini, Aimontis aliorumq; locorum infinitorum. Abundat deniq; Rex Catholicus auro & argento, quo quantum vult equitatus peditatusq; Italici Germanici (ne gens hispanica tot in partibus diversisque expeditionibus intricata consumatur) conducit. Dicamus nunc de ditionibus, ad Regem Catholicum propter coronam Lusitanicam pertinentibus. Hoc regnum, quod 320 miliaribus longum, 60 autem latum est, quamvis nec regione, nec terra valde magnum, nec per se proventibus valde dives sit, in situ tamen ad navigationes commodissimo, & faciendis acquisitionibus oportunissimo est. Inhabatur enim à populo tanti animi, ut expeditiones in Barbariam, Æthiopiam, indiam, Brasiliamq; fecerit. Iamq; per 90 annos, dominium locorum, & portuum majoris momenti dictarum Provinciarum, & Patronatum navigationis Oceani Atlantici, & Eoi sibi vindicat. Antequam autem pergamus opus est, pauca dicere, de Insulis Terzeris, quæ etiam coronæ Lusitanicæ sunt. Hæ Insulæ propter earum situm, adeo oportunæ & necessariæ sunt, ut absq; eis ipsis navigatio in Æthiopiam, Indiam, Brasiliam & Novum Orbem vix fieri possit. Classes enim quæ ex dictis regionibus veniunt Hispalim & Olyssipponem eas vix vitare possunt, quin in eas descendant: classes Occidentales ut ventos sequantur: Orientales autem ad comparandum sibi ventos secundos. Celebres non ita pridem factæ sunt, primum propter obstinationem incolarum, contra Regem Catholicum, jam tum quum Rex Catholicus regni Lusitanici successor factus est. Denique ob victorias, quas adversus classes Franciæ & Angliæ Hispani circum ipsas sibi peperunt. Principes, quorum regiones Regis Catholici ditionibus confines sunt, & respectu virium aliquo in pretio habentur, sunt Veneti, Franciæ & Angliæ Reges, & Turcæ. Apud Venetos amende ab eo tempore, ex quo ditio Mediolanensis penes Hispanos est, res in summa quiete, pacatissimæque sunt, quod Veneti tuitione potius nituntur, summopereq; oppidorum suorum & arcium munitioni incumbunt, minus rerum acquirendarum consiliis; quum

Y 3

enim



enim eorum Resp. tota ad pacem collinet, non expedit ut res in vicinia turbent. Regi Catholico quoque tot ditiones sunt, ut eis contentus sit, gensque Hispanica tot expeditiones adversus Turcas, Mauros aliosque hostes in Europe, Asia, Africa, Americaque, easque tam necessarias utilesque præ manibus habet, ut in eos iram suam plenis effundat habenis. Sed & vidimus Hispanos prompte alacriterque arma in gratiam Venetorum cepisse, jam tum quum eorum Respublica in maximis difficultatibus bellorum esset, quæ ei intulerunt Bajazethes, Solimannus, Selimus II. ad Cephalleniam, Prevesam, Lepantum: habent tamen, habentque Hispani ad suum latus Algerum, Tunesum & Aphrodisium, quæ Hispaniæ, Sicilia, Sardinia, Balearibus & regno Neapolitano viciniore sunt quam Cyprus, & insulæ maris Ionii. Quod ad Franciam attinet, Rex Catholicus eam protegendam suscepit, fecitque expensas inæstimabiles in Langedocia, Guienna, Provincia, Normannia, Delphinatu, Britannia, Lutetia Parisiorum alii que in locis. Quid autem dicemus, si Francia cum Hispania sub una corona uniretur? Primum id quidem optari magis ab Hispanis, quam effectum dari posse dico: præterea quod vires Francorum in impetu, Hispanorum autem in cunctatione consistunt, non enim aliter animi sensa exprimere valeo. Facilius autem est, ut cunctando impetus retundatur, quam ut contrarium accidat: impetus enim facile prævidetur, vitæque aut eludit eum vir constans. Magnus Capitaneus quum se contulit in Barlettam, & postea substitit ad ripas fluvii Liris, qui nunc vulgo il Garigliano dicitur, primo eripuit Gallis possessionem regni Neapolitani, deinde spem id recuperandi iisdem artibus fatigavit Antonius Leva Regem Franciscum ad Ticinum: Prosper Columna autem ejecit eius Regis Capitaneos e ditione Mediolanensi. Fateor equidem impetum multum in oppugnationibus urbium valere, fateor quoque Francos hac in re aliquid præstitisse ad Ivosum, Momedium, Caletum, sed in summis præliis ut plurimum victi fuisse, nempe Grevelingæ, S. Quintini, & Sienæ, in his enim plus valet ordo & ars quam furor: in illis autem, nempe oppugnationibus plus efficit impetus & furor, quam consilium. Etsi autem Hispani, cunctando, præclaras rerum gerendarum occasiones elabiverunt, eaque ex causa sæpè in commoda patiantur, illa tamen cunctatio ipsis fere semper, cum Gallis maxime, non solum in rebus belli



bellicis, sed & in tractationibus negotiorum feliciter cessit. Veniamus nunc ad Angliam. Anglorum arma ad sui defensionem quam aliis offendendis, aptiora sunt, idq; à natura habent Insulæ, quæ alicujus momenti & potentia sunt, aliæ nec ad offendendum alios, nec seipsis defendendis valent. Vidimus itaque Anglos, nihil unquam in continente præclari fecisse, nisi ab aliis suffultos: divexamus quidem Franciam, sed auxilio Ducis Burgundiæ, ipsi à nemine suffulti, non solum quod in Francia acquisiverant, sed & ditiores hereditarias amiserunt, exceptis Caloto & Comitatu Oyensi, quæ etiam nostro tempore intra paucos dies, per Franciscum Duem Guisium eis erepta sunt. Angli nunc Belgium exagitant, sed auxilio Belgarum in primis: sic ut natura Angliam finxisse potius, d se sito instatu conservandam, quam ut aliarum ditionum vicinarum accessione imperii sui pomeria proferat, videatur. Sunt itaque Angliæ vires divexandis Regis Catholici ditionibus, quam iis periculo involvendis magis idoneæ. Facilitatem eas divexandi præbet ipsarum amplitudo & opulentia, latronibus & pyratis multis in locis exposita. Sicut autem nemo miratur Turcam adeo potentem principem, mare à duabus aut tribus triremibus Sancti Iohannis, ut S. Stephani tutum reddere non posse: ita nemini mirum videri debet pyratis Anglis in immenso illo Oceano, qui Regis Catholici ditiones alluit, iter præcludi non posse.

## SECTION II.

## DE NOVO ORBE.

Transmittamus nunc Oceanum. Ditiones quas Rex Catholicus in Novo Orbe habet tam magnæ, tantæque potentia sunt, ut hostes non timeant. Hispani fundarunt in omnibus locis optimas colonias. Occupant iis fauces fluminum, portus maris, & præcipuos transitus, omnesque situs ad in officio continentium regiones, annona fertiles aut dices venis minerarum aptos, ut ad frenandum populos bellicosos, aut validas civitates. A mediæ nullum hæ regiones hostem habent, qui eis molestus sit: nullum enim ibidem Insula, nec Continens, ipsis ad aliquod milliarium illia adjacet. A latere Septentrionali vexantur aliquando à Franciis, & Anglis, qui ut classes portusque deprædentur, eo usque excurrunt. Maximum damnum passi sunt, Anno 1586. quo Franciscus Dracus,



Dracus, Anglus, diripuit Sancto Dominici oppidum, in Insula Hispaniola, & Cartagenam in Continente: sed ea Anglorum audacia in causa fuit, ut Hispani circumspectiores facti sint, meliusque earum regionum securitati prospexerint. Ex à Septentrionali latere, à natura mirabiliter munitæ videntur, primum tot Insulis, quæ pro se-to, aut vallo Novæ Hispaniæ sunt: deinde frequentia brevium, vadum fluctuumq; varietate, qui ibidem cadunt, vulgus eos curren-tes dicit: denique uno fluctu rapidissimo, qui per Sinum Paria (ubi os Draconis vocatur) intrans, deinde inter Iucatan & Cabam trans-iens, inter Cubam & Caput floridæ, tam rapide se retrorsum vertit, ut nec expansis celox velis eum ullo pacto superare valeat: hic flu-ctus, ventorum varietas, aliaq; maris pericula eos animi dubios red-det, qui portu, quo se recipiant carent. Porro Rex Catholicus eo naturæ beneficio utens, ædificavit præclaram arcem in quadam In-sula. Veræ crucis oppido vicina, in plaga, inquam, Mexicana sita. Extruxit & aliam munitionem Havana, in Cuba ex adverso Flori-dæ, tollit illa hostibus oportunitatem evitandi fluctum; hæc facul-tatem eo utendi: ædificavit denique arcem validam in Sancto Do-minici oppido, quod tam oportune situm est, ut obtinendo ejus ma-ris Imperio factum esse videatur. Et ut concludam: sicut situs Ita-liæ ad maris mediterranei dominium obtinendum factus, ita & Hi-spaniæ ad Imperium Oceani obtinendum videtur. Ipsa denique experientia docet, Hispanos suapte natura variis climatum, regio-numque plagis tolerandis, magis quam cæteros esse idoneos. Philippinæ quoque ad Novam Hispaniam pertinent, non quod inter ejus aut Novi Orbis fines comprehendantur, sed quod anno 1564 detectæ fuerunt per Michaellem Lopezium Legaspe, qui à Lu-dovico Velasqueo Novæ Hispaniæ Prorege ad detegendum inco-gnitas regiones missus fuit. Dictæ sunt Philippinæ in honorem gloriamq; Philippi Regis Hispaniarum, cujus auspiciis ea expedi-tio suscepta erat. In illo oceano, qui se inter Novam Hispaniam & Taprobanam extendit, esse undecies mille omnis generis & ma-gnitudinis insulas, creditur. Quamvis autem Hispani eas omnes nomine Philippinarum comprehendant, id tamen nomen proprie-iis convenit, quæ septentrionaliores sunt: earum hucusque plus quam 40 sibi acquisiverunt, cum una myriade hominum eas inha-bitantium. Præcipua dicitur Luzon, quæ ducentas leucas quidem longa



longa, sed admodum stricta est. Ibidem ad os magni fluvii, qui Manila vocatur, ædificarunt bonum oppidum idque utrinque mari flumineque cingitur: ubi fluvius in mare se exonerat, frabricarunt turrim robustam, ab alia autem fluvii parte civitatulam, quæ primum ligno & terra, deinde muro è lapide & calce cingitur. Majori insularum est nomen Vendenao, celebriori Tandaja, quæ, quod primum detecta fuerit, dicitur Philippina. Inter alias est illic Cebu, in qua obiit Magellanus, ambitur undecim leucis, est in decimo gradu latitudinis: hæ & aliæ insulæ vicinæ abundant universaliter venis auri & frugibus. Vendenao quoque cinanomo, cujus multum in Novam Hispaniam atque adeo in ipsam Hispaniam importatur. Rex Catholicus mandavit, ut ex Nova Hispania in eas insulas boves, vaccæ, equi, equæ ad propagationem deferrentur: numerus Hispanorum, qui illas regiones conquiverunt defenduntque accedit hodie ad mille sexcentos. Milites qui inter hos, non sunt plures non gentis. Ædificarunt arces in locis oportunis maxime in Luzon, in Pavai, & Cebu, tenentque ibidem aliquas triremes & celoces. In Manila civitate habet domicilium Episcopus cum 18 viris Ecclesiasticis, Patribus Ordinis Divi Augustini, & Societatis Iesu, quorum opera studioque ad sacram fidem circiter trecenta hominum millia conversa sunt. Maxima difficultas quæ in eorum conversione est consistit in polygamia, quæ cunctis gentibus communis est. Sunt hæ ditiones momentosiores quam quis existimet. Ultra copiam n. alimentorum, & auri quod ibidem reperitur, sunt in situ percommodo, tum ad subjugandum insulas vicinas & conservandum Moluccas: tum ad introducendam navigationem in illum archipelagum & Novam Hispaniam & commercium inter Chinam & Mexicum: hæ res magni ponderis sunt, sed id quod gravitate rei vincit hæc omnia, est, quod inde tanquam freno, cœpta sunt conhiberi secta & arma Mahumetana, quæ paulatim sibi dominium tam insularum, quam oræ Asiæ parabant. Quin & Castellanis, ex Nova Hispania Peruviaque expeditio, quam Arabibus ex sua ditione facilior est. Præterquam n. quod illi viribus superiores istis sint, compertum fuit, navembimestri spacio ex Peruvia ad Philippinas (quæ minus ab Apulcoa & Salisco, quam Peruvia distant) appulisse, quo navis semestri, ex Arabia non pertingat: non ob id modo, quod Arabia & Philippinis longius distita sit quam Peruvia, sed quod venti com-

2

munes,



munes, navigationi Castilianorum (hi enim recta, illi curva navigant linea) favent impensius. Conficiunt præterea Castellani institutum iter uno tractu, Mauri autem pluribus, mutatur enim eis ad caput Comorinum tempus æstivum in hiernum. Idem quoque fere eis accidit Malacæ ubi venti (quos vulgus Monzonos dicit) expectandi sunt. Quod amplius est Castiliani semper vento secundo & in mari tranquillo, quodque inde mare Pacificum dicitur: Arabes a. in Archipelago, in quo varios improvisosque ventos experiuntur inciduntque in latrones hominesque facinorosos, navigant. Adde supradictis, quod sicuti existimatio Castilianorum opitulatur Lusitanis ob vicinitatem, Lusitanorum virtus id Castilianis abunde beneficium fœnerat: ac si contingat ut hi duo populi jungantur unianturque, nihil non in illo mari efficient, quod cum Chineses probe norint, prospiciunt caventque sibi, Christianorumque vicinitatem & arma suspecta habent.

## SECTION III.

DE DITIONIBUS IN AFRICA  
ET ETHIOPIA.

**P**Ræter Septam & Tanger oppida, quæ Rex Catholicus ratione coronæ Lusitanicæ possidet ad fretum Gaditanum & Mazaganum extra fretum, 20 ab Artilla miliaribus magis meridiem versus, Rex Catholicus in ora Africa à Capite Aguero, ad illud quod Guardafu dicitur usq; duo ditionum (Status vocant) genera habet; aliqua enim ipsi immediate, alia fœderatis ipsius subsunt. Parent eisdem Insulæ Maderæ, Portus Sancti, Capitis viridis, Arguin, Sancti Thomæ, & vicinæ. Hæ dictæ insulæ non modo se sua annona sustentant, sed & inde in Europam mittunt, in primis saccharum fructusque arboreos, quibus maxime, sicut & vino, abundat Madera. Sacchari maximam etiam copiam conficit Sancti Thomæ Insula. Hæ ditiones non ab aliis quam à piratis Anglicis & Francicis, qui in Caput Viride non transeunt, infestantur. In insulis vulgo Arguin & S. Georgii Dellamina, habent Lusitani duas institorias (quas Fattorias vocant) easque ad exemplum arcium factas, domos, unde cum gentibus vicinis Guineæ & Libyæ negotiantur, aurumque ad se ex Mandinga locisque finitimis trahunt, Inter Principes confœderatos



deratus ditissimus honoratissimusque est Rex Congo; possidet enim regnum quod luculentum est, aerisque temperie opaca, rerumque copia ceteris Æthiopiæ plagis antistat. Lusitani ibidem duas colonias habent: unam in S. Salvatoris civitate, alteram in Insula, quam Loandam dicunt. Percipiunt ex hoc regno diversas opes, sed præcipue sunt plus minus quinque millium mancipiorum, quæ illinc quotannis in insulas & novum Orbem avehuntur, proque unoquoque quod evehitur mancipio, penditur amplum vectigal coronæ Lusitanicæ. Ex hoc regno facile ad Presbyterum Iohannem perveniri possit: non enim longissime illinc abesse existimatur. Congoni regnum adeo elephantis, annonæ copia, omnique alia necessaria re affluens est, ut ei expeditioni singularem commoditatem adferre posset. Est etiam Congo confinis regno Angolæ, cum cuius Principe nunc bellum gerit Paulus Diaz Lusitanorum Capitaneus: belli vero causa primaria sunt quædam fodinæ argenti, quæ Potosianis neutiquam cedunt; tanto autem illis meliores sunt, quanto argentum purum, mixto impureve præstat. Ut autem quod res est dicatur: si Lusitani tantires vicinas, quanti longinquas fecissent, easque vires, quibus Caput bonæ spei superarunt, penetraruntque in Indiam, Malacam & Moluccas, contulissent in expeditionem Africanam, facilius minorique expensa maiores sibi opes parassent. Nulla enim in orbe regio auro argentoque ditior est regnis Mandinga, Æthiopia, Congo, Angola, Butua, Teroa, Maticuca, Boro, Quitievi, Monomotapa, Cafati, Monœmugi.

„Humana sed enim cupiditas plerumque rem

„Pluris alienam, quam suam ipsius facit,

„Remotiusque res videtur disita

„Propiore major esse re.

Inter promontoria Bonæ Spei & Guardafuense habent Lusitani arces Cefalæ & Mozambique: illius opera negotiationis regionum circumstantium (quæ omnes auro eboreque abundant) dominium sibi servant, hujus autem beneficio navigationem, Indiam versus, faciliorem leviolemque sibi reddunt, propterea, quod ipsorum classes interdum ibi hibernant, interdum sese ibidem refocillant. Habent in hac plaga Regem Melindæ, sibi amicissimū, Reges Quio-  
læ aliarumque vicinarum insularum tributarios. Nihil, nisi Viri Lu-  
sitani desunt; præter enim alias insulas, quæ quasi se prostituunt



omnibus, est hic insula S. Laurentii inter majores, aut maxima totius orbis censenda, longa est 1200 lata autem 480 miliaribus. Quamvis autem parum colatur, est tamen ob suam bonitatem omnis cultura capax, distinxitq; eam natura in flumina; portus & sinus commodissimos. Hæ coronæ Lusitanicæ ditiones, non alias vires quam maritimas timent, quæ ex Turcis tantum constare possunt. Sed perpetuus cursu classium Lusitanicarum (quæ ultro citroque per illas oras navigant) eas prorsus securas reddit, ceperuntq; anno 1589 apud Mombazam 4 triremes, & unam navem longam Turcarum, qui eo usque penetrare sustinuerant.

## SECTIO IV.

## DE

## DITIONIBUS ASIÆ.

**H**Æ ditiones in Persia, Cambaia, India, citeriore & ulteriore sunt. In Persia habent Lusitani Armuzium: in Cambaia insulam Diu, Damain & Bazain. In India citeriore possident insulam Caul, insulam Goam, cum vicinis arcibus Cochim, Colam, & insulam Mavar, portum Columbo in insula Zeilan. Sed caput est Goa, ubi Prorex vires Indiæ secum trahens, habitat. Armuzium & Goa magni æstimantur propter dominium maris & commercium sinuum Persidis & Cambaiæ: Cochimum & Colamum propter copiam pipæris, quod inde navibus impositum avehitur. Mavar, propter piscationem margaritarum, quæ in illo mari fit: Colombo, propter excellentiam & copiam cinnamomi, vel cinnami, quod ex ea insula exportatur. Damain & Bazain, propter fertilitatem regionum circumjacentium: quam ob rem Iohannes III Lusitanicæ Rex, veteranis prædia in dictis regionibus assignavit. Goa maximi momenti est, propter situs oportunitatem, cui terræ ubertas conjuncta est. Omnes hæ Indiæ regiones, gossipio, palmis (unde maxima incolarum pars se sustentat) oryza, pipere, zinzibere aliisque fructibus abundant. Habet Rex Catholicus hic adhuc nonnullos principes amicos: alios tributarios. Amicorum primus ditissimusque est Rex Cochimensis, qui primum beneficiarius Regis Calicuti fuit, nec admodum potens erat, nunc amicitia & commercio Lusitanorum tantas opes viresque acquisivit, ut & regibus vicinis sit invidendus.

Rex



Rex Colami quoque eidem amicus est. In duobus hisce locis habet Rex civitatulas quantivis pretii. Sunt & ibidem nonnulli Principes tributarii. Lusitanorum in his ditionibus vires duabus in rebus fixae sunt: una est situs locorum & robur: altera numerus clasium, & earum praestantia; ad situm quod attinet, Lusitani scientes, se propter exilem suorum numerum, in mediterraneas regiones, magni momenti expeditionem suscipere non posse, nec se viribus pares esse Persis, Guzaratis, Principibus Decam, Regi Narfinga & aliis, in hoc incubuerunt, ut eos situs, qui sibi commodi idoneique videbantur, ad maris negociationisque dominium sibi parandum & in quibus pauci maximis copiis frontem obvertere possent, sibi compararent. Quumque portuum pelagique domini sint, tantas vires maritimas commodè conjungere valent, ut nemo ipsis ibidem resistere valeat: navigiaque eorum talia, eoque modo instructa sunt, ut nec eorum unum, tria, quatuorve alterius generis extimescat. Atque, ut aliquid dicatur, ex quo quid ipsi in India possint cognoscatur, Franciscus Almeida cum 21 paulove pluribus navibus fudit Mamaluchos in vicina Diu oppidi: Alfonsus Alburquerque, cum classe 30 magnarum navium oppugnavit Calecutium: navibus 21 cepit Goam: 34 recepit eandem: 23 cepit Malacam: 26 ingressus est mare rubrum: 22 recepit Armuzium. Deinde rebus eorum magis magisque invalescentibus, duxit Lupezius Zuarezius in expeditionem maris rubri 37 naves magnas: Lopezius Sequeira 24 navibus (sed majore qua unquam antea militum copia) tentavit Guiddam ad mare rubrum: 40 Diu oppidum: Henricus Menesius 50 navibus vallavit Patane oppidum. Lopezius Vazius Sampaius reliquit in armamentario 136 navigia bellica, omni ex parte rebus necessariis probe instructa. Nonius Acugna suscepit expeditionem in Diu 300 navibus, in quibus erant Lusitanorum tria, Indorum quinque millia, excepto famulorum armatorum satellitio, quos secum magno numero ducere solent. Dominus Constantinus Braganza, habuit in expeditione Onorensi 60 naves velivolas, nec minorem numerum in ea, quam in Ionesepatau suscepit. Praeter Principes confederatos & tributarios, sunt his ditionibus confines potentissimi hostes nimirum Persa, qui in Armuzium (quod sub clientela ejus fuit) jus sibi vindicat: Rex Cambaia, qui DIUM (quae insula illi quondam paravit) aliaque loca quae ipsius aliquando fuisse diximus, recepit: Niza-



zamaluccus & idalcamus (ita vocantur à Lusitanis duo potentissimi Principes regni Decan) Reges Calecutii & Narlingæ. Sed Reges Persiæ & Narlingæ nunquam Lusitanus bello impetivere, quod eis semper cū aliis longe potentioribus hostibus res fuerit. Alii quamvis ad recipiendum Dium, Chaulem, Goam aliaque loca, omnes nervos intenderint, nihilq; in eo molimine intentatum reliquerint, nullam tamen expeditionem momentosam ad felicem optatamq; catastrophem perducere valuerunt; situs enim locorum, maritimis auxiliis recipiendis commodissimi sunt. Ac quamvis hostes expeditiones hyeme (ut facultatem auxilii ferendi Lusitanis eriperent) suscepserint, nihil tamen profecere: quod navium Lusitanicarum conditio & apparatus, & feroces Lusitanorum animi quavis pericula contempserint; dum itaq; certatim operam dant, obsessi ut perderent, & patienter vincant. Alii ut sociis obsessis succurrant, omnibus ventorum marisque periculis se exponunt, omnes hostium conatus irritos reddiderunt. Nullus autem Lusitanis acrior formidabiliorq; hostis est ipso Turca, qui ea commoditate fretus utensque, quam urbs Adenæ ei præbet, ex mari rubro, identidem eos India expellere conatus est, ad eam expeditionem modo à Rege Cambaiæ, modo ab ambitione sollicitatus. Maxima clas sis quam Turca instruxerit 64 navium fuit, quas adversus Dium misit: sed ea in turpem fugam acta est. Misit deinde aliam classem 22 magnarum navium in expeditionem Armuzianam, quæ clas sis fere tota oppræssa quassataque fuit. In Zeilan nihil præter arcem Colombo Lusitani habent: Rex enim qui eorum tributarius erat, à Mauro, qui Singapan dar dicitur, regno exutus, nunc tanquam exul vivit, sustinetq; se auxilio, quod ei suppeditant Lusitani. In India ulteriore habet Lusitania corona regnum Malacense & Insulas Moluccas. Malaca Metropolis caputq; regni est, quod ad 270 milliaria patet: sed ob aeris parum salubris intemperiem à paucis inhabitatur, nec ibidem aliud oppidum magni momenti, quam ipsa urbs Malaca conspicitur. Hæc ita sita est, ut non tantum omnia commercia, sed & itinera, (quæ per immensum illum Oceanum à faucibus maris rubri ad Caput Liam po fiunt usq;) jungat uniatque: eo quoq; importantur opes continentis, totq; illarum insularum, ut omnes simul copulatæ, amplitudine Europæ non cedant. Malaca quondam multo major erat: extendebatur enim secundum maris plagam ad plus quam tria mil-

liana:



aria: sed Lusitani, (ut ejus defensio facillior & expeditior esset) in arcem eam redegerunt, quæ supra milliaria in circuitu non continet. Duos potentes hostes habet, nempe Reges Jor & Achem quorum ille terra potens est, hic mari potentissimus, à quibus ipsa obsessa fuit, nec semel in magnum discrimen adducta est, sed auxilio, quod ei ex India venit, semper cum strage & ruina hostium servata est. Tandem Paulus Lima Regem Ior fudit, arcemque ab ipsis in vicinia Malacæ extructam expugnavit, in qua præter alia spolia 900 tormenta bellica ærea reperta fuerunt. Hæc ditio magno periculo vel ob potentiam Regis Achem (quæ tota in ejus perniciem se convertit) exposita est. Ideoque Rex Catholicus, ut ditionem Malacensem, à periculo tutam servet, expeditionem Achemensem Matthiæ Alburquerio, (quem superioribus annis cum authoritate ingentiq; manu in Indiam misit) commisisse existimatur. Reliquum est regnum Maluco, ubi Lusitani, quo sibi commercium Caryophyllorum, quæ in Moluccis nascuntur, & Moschocariorum (quæ insula Bandæ peculiare sunt) securum efficerent, in Insula Ternate arcem habebant, quæ auxiliorum in opia his retroactis annis se Mahumetanis dedit. Nilominus Lusitani qui se in insulam Tidor receperunt, ibidem mercimoniorum artem in se transferentes remanent.

- „ In Orbe, terra quæ patet, nulla integro
- „ Regio aut ditio est, gens cujus è sit pluribus
- „ Conflata nationibus, quæ vel magis
- „ Animisque moribusque ritibusque, vel
- „ Sermonis inter varietate differat
- „ Se gente sed qua nulla constans sit minus,
- „ Contra, minus sincera, fida, & candida:
- „ Hinc fit ut ibidem nulla pax unquam, quies
- „ Nec ulla, nec sacri, vel hilum sit boni.

## CAPVT XXVIII.

De

## UNITIS BELGII PROVINCIIS.

Orma Politicæ Belgicæ fluxit ab intolerabili sævitia eorum, qui sub largo Regiæ authoritatis prætextu inclementius secesserunt, quàm generosa Belgarum ingenia mollioribus assueta.

Impe-



Imperiis, & qui non bello domiti in ditionem & potestatem Burgundicæ vel Austriacæ domus venerunt, ut leges arbitrio victoris accipere debuerint, concoquere potuerunt. Accessit ad exuendam obsequii reverentiam violatio privilegiorum, neglecta sacramenti fides, contempti mores & instituta majorum, fas omne ruptu morte Legatorum, quos patria nefandis malis oppressa pacem oratum miserat, flos nobilitatis subiectus gladio carnificum, provinciæ rapinis & injustis exactionibus afflictæ atq; exinanitæ, civitates in deditionem acceptæ, nefariis cædibus penè ad internecionem deletæ ac desolatæ. Sed nullum acrius audendi telum exstitit quàm sacer obtentus religionis. Cœleste enim Dei verbum conscientis, animis fortium & piorum hominum tyranni evulsum satagebant. Dominicus Baudius in præf. libr. de induciis belli Belgici. Daniel Heinsius in libertate lauciâ. Alii in assertion. & defens. Fœderatorum inferioris Germaniæ, Meter. lib. 4. histor. Belg. ubi catalogum facinorum crudelium Albani texit. Et autor libelli de jure belli Belgici refert, eum paucis illis annis, quibus præfuit illi bello 18000 hominum & 600 in utroque sexu, tum palam, tum clanculum furialibus carnificinis sustulisse. Quo itaque flagitio & scelere insigni isti histrioni Surio, quem Tholoz. in Politicis mirè sequitur, aliam causam, eamque minoris momenti affingere libuerit, non hîc disputo. Conscientia tua quovis tortore pejor te exagitet, atrate Suri. Causa optimâ lege subnixa, & in Ordinum solenni consensu in Unione Ultrajectensi decretum est, ut armis repeti ac retineri possint, quæcunque loca viribus armorum expugnata, vel fraudibus circumventa se à communi causa distraxerint. Hujusce consulti autoritate gravissimis & justissimis de causis renunciatum est dominationi Regis Hispaniarum, statutumque, ut cives harum provinciarum soluti legibus externorum Principum viverent, & pro libera Republica censerentur. Hoc decretum rectè vocatur pignus Imperii, Palladium publicæ securitatis, multorum civium & fortissimorum militum sanguine obsignatum. Eo enim pacto, ut Baudius lib. 3. de induc. Belg. rectè putat, provisum est, ne seorsim à communi consensu singulæ privatam gratiam captarent, aut adoptando sibi patronos, aut incundâ reconciliatione cum Rege Philippo. Et cogente ineluctabili telo ultimæ necessitatis, ventum est ad illud extremi perfugii remedium, decretumq; autoritate publicâ, quum satis superque



perque manifestum esset, fas omne divinum humanumque indignis modis ruptum esse ac violatum, jura majorum, immunitates, privilegia Belgis concessa, quorum in verba jurant Principes, quum Imperii gubernaculo admoventur, exposita contemptui ac ludibrio eorum, per quos maximè tutanda erant, nihil reliqui factum ad summam impotentiae, rapacitatis & violentiae, saevitum in corpora & conscientias miserorum civium, quumque omnia nequicquam tentata sint remedia, quibus regium pectus moveri posset, ut tantis acerbitatibus & ærumnis mederi dignaretur, ad moderatiora consilia mentem flecteret, officii religionem coleret, promissi fidem servaret, commune gentium ne adspernaretur, tandem unanimi consensu, publico consilio, solenni; decreto sancitum est, Regem ipso jure excidisse dominio & proprietate Belgicarum provinciarum, civesq; & incolas nullis obsequii legibus ultra teneri, solutosq; esse omni sacramento fidelitatis & reverentiae, quam subditi Principibus debent, Baud. lib. i. de induc. Sic ingenti documento compertum est viris fortibus & extrema passis nihil impervium esse, nihil inaccessible. Sacrum bellum, quod libertatem conscientiarum & religionis ruetur, pertinacissimum esse. Populo ad decus omne nato tam degenerem animum non esse, ut velit tam afflictas vires, ut cogatur diutius quàm necesse sit permanere in eâ vivendi conditione ac fortunâ, cujus eum poeniteat. Quamdih autem hæc unio inter eos, & pacta fœdera cum vicinis Regibus ac Proceribus Imperii sancta & inviolata conservantur, Regem non facile timebunt. Hac jacta alea politia constituta, & solenniter sancita cœpit. Erasmus in Chiliadibus affirmantem audio, non inveniri aliam regionem (de Belgio loquitur) quæ simili spacio tantum oppidorum contineat, mediocri quidem magnitudine, sed incredibili Politia Laudes unitarum Belgii provinciarum hîc agnosco. Forma a. administrationis est Aristocratica, disertè scribit Meter. fœderatarum Belgii Provinciarum regimen non esse Democraticum, ut quidem ab illis, qui Reipublicæ hostes sunt, ineptissimè spargitur. In Hollan dia, quæ provinciarum sociarum potentissima est, duo sunt Ordines, penes quos est omnis Reipubl. potestas: Nobilitas & civitates, seu ordo Equestris & civitatum. Ecclesiasticum ordinem non agnoscunt. Et illi duo Ordines totam provinciam repræsentant. Ipsa propter amplitudinem suam, & jura institutaque diversa ab aliquot jam seculis in regione



giones divisa est duas, Hollandiam ita propriè dictam, & VVest-Frisiam. Habet duo Collegia provincialia, quæ Deputatorum nominantur: Hollandicum & VVest-Frisicum. Hollandicum constat è Nobilitate & civitatibus primariis. VVest-Frisicum ex solis civitatibus ejus regionis. In universâ Provincia civitates numerantur 33 hodie mœnibus cinctæ, præter fora egregia civitatum instar, sed à mœnibus vacua. Ad Comitia convocantur 19 quarum in Hollandia 11 in VVest-Frisia 8 sunt. Cæteræ, si id petant, utique admittuntur ad Comitia, suffragia tamen non ferunt. Ex civitatibus, secundum Ordinem Equestrem, jus primo loco sententiæ dicendæ à longâ temporis memoriâ competit Dordracò, 2 loco sententiam dicit Harlemû, 3 Delphi, 4 Leyda, 5 Amstelodamum, 6 Gouda, 7 Roterodamum, 8 Gorichium, 9 Schidamum, 10 Schoonhovia, 11 Briela, 12 Alcmaria, 13 Horna, 14 Enchusa, 15 Edamum, 16 Monachodamum, 17 Medemelaca, 18 Purmerenda, & sic deinceps. Ad Comitia quomodo vocentur, quoties, quomodo capita Advocatus quæ de in Comitiiis agendum mittat, quomodo intersint illis, suffragia ferant, obtineant, de quibus rebus in medium consulant, & quæ omnia peragantur, executioque fiat, docent Meteranus & Althusius in suis politicorum libris. Eadem ratio penè in Selandia, aliisque Provinciis valet. Interea in unaquaque Provincia quælibet civitas *autonomia*, id est, prærogativâ quadam sua gaudet à majoribus accepta, cui Comitia derogare, è certâ contestatâque sententiâ, non possunt. Ubbo Emmius scripsit librum de agro Frisæ, inter Amicum & Lavicam, & civitate Groninganâ, in quo doctissimè de Collegiis, quæ domi in Frisia habentur, differit, omnemque hujus rei historiam explicat. Provinciæ autem omnes, quæ numero septem nunc sunt, Concilio Generalium Ordinum inter se devinciuntur. Concilium illud honore & potestate summum, totius fœderis & Reipublicæ caput est, à quo cætera pendent, & leges accipiunt, longè lateque inclutum, haud dissimile Concilio Achaico veteri, aut Ætolico in Græcia, aut Panionio in Asia, sed perpetuum. Sedes ei Hagæ Comitum, quod obeunt viri summi ex omnibus provinciis sociis, qui supremam potestatem in omnes confœderatas provincias & cætera collegia obtinent. Ejus munus augustissimum est, belli & pacis consilia tractare, legationes societatis nomine decernere, literas & legatos Regum, Principum, civitatum accipere & audire, iisque respondere, cum exteris fœdera sancire, controversias inter so-



eios cognoscere & componere, tributum modum in usum belli & rerum aliarum communium definire, rem monetarum statuto numerorum pretio ordinare, denique curare omnia, quæ ad conservandam & tuendam totam societatem, & singulas ejus partes accuratissime pertinent. Constat viris amplissimis & spectatissimis, quos singulæ provinciæ mittunt. Civitas Groninga, quem adessorem è suis, itemque quem agere suis mittat, & quo honore polleant adessores, expedivit Vbbo Emius. Suffragia verò feruntur non secundum adessorum capita, sed ita, ut singulæ provinciæ unum solummodo habeant suffragium. Præsidentis, id est, proponendi, sententias rogandi, suffragia colligendi, concludendi, & similia agendi, jus omnibus provinciis par est, eo modo, ut vicissim per singulas septimanas sibi invicem provinciæ in hoc munere succedant. In Ordinum consessu, qui Consilium Status appellatur jus dicendæ sententiæ habet etiam ordinarius Britannorum Legatus, Senatus autem Ordinum bellica potissimum, & ærarii negotia curant, dignitate & potestate proximus conventui generalium ordinum, qui quoties res ardua & magna incidit, quæ consilio decretoque habet opus, in partem curæ & consilii vocatur, & nunc seorsim deliberat de ea, sententiamque suam ad collegium superius refert, nunc cum eodem in deliberando conjungitur. Eodem quippe loco, eadem in arce sedem habet, quod expeditior sit conjunctio. Tertium concilium Admiralitatis & ipsum illustre est, maritimis rebus, quæ opulentissimæ maximæque in Belgio sunt præfectum, distinctum in collegia minora, velut inembra totius. Illorum sedes attingit Emmius & Pontanus. Hæc nunc illa est Politia Provinciæ foederati Belgii, quæ optima à lege causâ subnixâ inconcussa hucusque stetit, & jura, terræ, mari posuit, seque conspicuam orienti atque occidenti exhibuit, gratisimam magnis amicis reddidit, hostibus verè admirandam, & multis modis stupendam: atque hoc nomine Pacificatio Gandavenfis, quæ non optima fide ab illis ipsis servata fuit, utilis Hollandiæ, Selandiæque, aliisque ordinum provinciis existit, ut per hanc occasionem constituere potuerint certam Reip. formam Amstelodanum, opulentissimum non Bataviæ solum, sed haud falsò dixerim totius Europæ emporium, magnæ in Repub. authoritatis & dignationis est, etiam ob ignotum argenti & auri pondus, quod in commune contribuunt. Et illorum haud postrema cura, rectisque consiliis ærarium publicum, &



bello nervi supeditati sunt. Amstelodami thesaurarii publicat pecunias sibi concreditas habent, quæ ut plurimum ex urbis redditibus, vectigalibus, ædium locationibus, censu atque ambactu agri contermini more majorum per publicanos, aliosq; colliguntur. Eaq; pecuniæ cum ingentem auri vim conficiant, cõstituti sunt seorsim Ration. Illas autem pecunias ordines intra urbis pomœria accipiunt. Vnde & expensi acceptiq; rationem non urbi, sed provinciæ quæstores reddunt. Nec ex vectigalibus modò, sed oneribus etiam & locationibus ædium nummus circiter quinquagesimus ad publicam provinciæ rationem redit. Qui navium merciumque omnium portoriis colligendis designantur, Convoymeesters, quasi publici comœatus Præfecti appellantur, quòd hisce pecuniis, maritimarum expeditionum onera omnia, tum & pratorix illæ naves, quæ ad perducendas in tutum receptum negotiationes, navigiaque cætera, instrui atq; apparari soleant. Curix Amstelodamensi proximum ædificium Libra est. Vectigalia & redditus, qui in urbis totiusque provinciæ commodum hinc cedunt, maximi sunt. Urbis vectigal excisa (sive census potius est) communiter appellatur, quotannisque à publicanis certo pretio de novo redimitur. Provinciæ quod cedit, impostam sive impositionem nominant, singulisq; semestribus elocatur quâ maximo licitantibus. Vnum hoc oppidi vectigal annum, aliquando floren. 43800 summam excedit: eamq; summam Provinciæ, quæ debetur, colligiturq; Impositio semestri uno lógè superat. Nam sa penumerò, æstivis præsertim semestribus, quinquaginta florenorum millibus redimitur: hibernis verò 48300 & circiter ferè. Opes Vnitarum Provinciarum facilè quis metietur è sumptibus ordinariis mensuris, quos bello impenderunt. Eorum summam conficit. Meter. l. 25.

Geldria & Zutphania contulit	28286	5	7
Hollandia	337646	4	8
Selandia	83029	4	5
Ultrajectum	35131	18	7
Frisia	69721	16	13
TransIsalania	16770	1	8
Groninga	39271	16	2
Drentia	5365	4	8
Linga	2722	6	
Wadda	350		
Summâ unâ	618365	0	8

Extra



Extraordinariæ impensæ belli huic numero non aggregantur. De censu & publicâ opum vi specialius plura promere possem: sed cum generalis nostra harum rerum *seruicia* ad singularum urbium æraria & vectigalia se non proferat, manum tollo de tabulâ. Hic tamen urbis Amstelodamensis fora, quidve publici vectigalis provinciæ ipsi urbi conferant, imò quam summam naulum vectationis pro advecto frumento, aliisque rebus aliquando (ingens ea est) conficiat, egregiâ laudem memorat Pontanus, ubi & annuas expensas opesque Orphanotrophii, Gerontocomii edisserit. Alecum piscatio quantum operæ præterit, quantum Reipubl. in primis Hollandicæ & Selandicæ utilitatem præstet, docet Mercator in Atlante Belg. ubi addit: piscis Salmonis in Hollandiâ & Selandiâ tantam sale condiri copiam, ut collectum in caput fœnus annum 200000 coronatorum excedere cedatur. Certè memorant haleces circa Scioniam, è quorum captura Rex Daniæ maximos proventus habuit, inde migrare Hollandiam versus. Commercia opulentissima in fœderati Belgii opulentissimis provinciis, quo ore efferam aut stilo? Paucis ea indigetabo saltem, cum copiam omnis eloquentiæ frustrentur. Ignota antea negotiandi commercia Unitarum Provinciarum auspiciis primùm cœpta, novorumque itinerum ad Chinas & Molucas aperiendorum pericula atque expeditiones susceptæ sunt: & postremum rectâ & usitatâ per Atlanticum mare velificatione ad ipsos Orientis Indos enavigatum: eaque cum incolis ac Regibus earum regionum inchoata, ac novis successibus stabilita fœdera sunt, quæ nunc in maximum omnium Unitarum Provinciarum usum cedunt. Sed hæc è suo Pont. quæque loco per annorum succedentium seriem, veluti in areolas digesta, intelligentur. Baudius memorat Hollandos classibus omni apparatu virorum armorumque, & comæatu munitissimis negotiari cum auroræ populis, unde ignota vis aromatum aliarumque mercium devehatur. Navigare ad eam Indiam, quæ spectat occasum Solem, ad fretum Gaditanum, ad oras Barbariæ, circa mare Mediterraneum, ad Insulas, quæ fortunatæ appellantur, &c. Hinc tanta navium copia, quid in Reipubl. commodi provehere possit, non est incerto. Idem literis consecravit, tempore induciarum peragendarum, societatem mercatorum, qui commercia exercent cum Indis ad Orientem sitis, habuisse naves quadringenta bellico apparatu, omnique ad victum annonâ instructissimas, quarum unaquæque æstimabatur 25 millium aureorum, inerat-



que magnavis æneorum tormentorum, virique nautiacrum rerum  
 experientissimi, laborum tolerantes, & summi periculorum con-  
 temptores, ubi spes lucri adfulserit, ad 5. millia. Guinea tellus a-  
 bundans auri metallo, plerumque frequentatur appulsu 20. navium,  
 quibus nihil deest, quod ad belli & itineris usum requiratur. Tum  
 quæ ad Insulam sancti Dominici, tum quæ ad Cubam, aliasque na-  
 vigant. Ita Respublica ob tantum etiam apparatus Regi Hispania-  
 rum formidabilis meritò dicitur, quam rectè dixerim, exemplo  
 Venetorum, maris dominium sibi despondere. Iosephi Scaligeri  
 de istis miraculis terræ Hollandicæ elegans Epigramma est in hunc  
 sensum:

*Ignorata tua referam miracula terre*

*Donsa, peregrinis non habitura fidem:*

*Omnia lanitium hic lassat textrina Minervæ:*

*Lanigeras tamen hinc scimus abesse greges:*

*Non capiunt operas fabriles oppida vestra:*

*Nulla fabri tamen hæc ligna ministrat humi.*

*Horrea triticeæ rumpunt hic frugis acervi:*

*Pascuis hic tamen est, non Cerialis ager.*

*Hic numerosa meri stipantur dolia cellis:*

*Quæ vineta colat nulla putator habet.*

*Hic nulla aut certè seges est rarissima lini,*

*Lanifici tamen est copia major ubi*

*Hic mediis habitamus aquis: quis credere possit*

*Et tamen hic nulla, Donsa, bibuntur aquæ.*

Sic cum bella Fœderati Belgii provinciæ ducere possint per-  
 ennibus ærarii fontibus, fundata certè & stabilita est Reipubl. ma-  
 gnitudo, quam potentissimus Hispaniarum Monarcha convellere  
 non potuit hætenus, neq; unquam, Deo causam Reipubl. agente,  
 convelleret. Et gentis ingenium tale est, ut sit bellicosissima & pu-  
 gnacissima, postquam bello Hispanus eam exercuit, quod ne fieret,  
 Carolus V. Philippo suo consuluit. Verè dixit Lipsius ille, cum  
 nondum animus illius auri Indici veneficio corruptus esset: Europæ  
 libertas corruit, si semel hoc vallum. Verò utique verbo, nam pax  
 gentium & publica libertas incolumitate illustrium harum Pro-  
 vinciarum firmatur. De Belgis bello nobilibus vide etiam Meter.  
 in hi-



in historia Belgicâ. Parum feliciter etiam bella gerit Rex Hispaniarum adversus Vnitas Proviucias, licet amplitudine tractuque immenso terrarum omnium Regum facile Princeps sit, cum regnorum, quæ obtinet, nimis vastum & ingens corpus sit, diffusum in varias partes, locisque sejunctas, ut se toto uti non possit. In his cōfœderatis Belgii Provinciis, quomodo orphanorum, pupillorum, pauperum domi sedentium ratio habeatur, nosocomia, ptochochia, gerontocomia, ergasteria marium (Zuchthäuser) ergasteria fœminarum (Spinnhäuser) laudatissimo exemplo instituta sint, & tota Politia administretur, legatur attentius & diligentius rerum & urbis Amstelodamensium historia, in quâ Hollandiæ primùm, atque inde Amstelandiæ, oppidique natales, exordia, progressus, privilegia, statuta, eventaque mirabilia, cum novis urbis incrementis commerciisque ac navigationibus longinquis, aliaque ad Politiam spectantia, additis suo loco tabulis æri incisis, adhuc usque tempora, observatâ annorum serie accurate omnia deducuntur, auctore Ioh. Isacio Pontano. Libertotius Politix in fœderati Belgii Provinciis idea esse potest. Illud hîc addo, permitti hîc interdum Comœdias & ejusmodi spectacula publicè exhiberi, sed ita, ut cum Quæstor Comœdorum stans ab una parte pecuniam pro Comœdis recipit, alius aliquis nomine Reipubl. stet alterâ parte qui ab iisdem spectatoribus pecuniam accipiat pro pauperibus, ut simul hac ratione curiosis hominibus indulgeatur, & publicæ rei inserviat. Clarissimas Academias Provinciæ hæ ipsæ stupendâ laude erexerunt, Lugduno Batava inter tubas, galeas & enses, inter impetus hostiles, & conflictus cruentissimos, inter ipsa libertatis discrimina cœpit. Ejus historia & Icones publicè extant. Franekeranam & Gröningam quoque studiis devoverunt. Illustres alias scholas hîc prætereo, in quas maximi sumptus fiunt. Maçte illustres Provinciæ, pretia & præmia studiis ponite, conferte. Reipublicæ lectissima ingenia dabit, aliis in ineptis hominibus omnis rei summam præposterè ponentibus. Hæc Reipublicæ forma & magnitudo, cum omnibus numeris stabilita fundataque sit, Regem Hispaniarum longè lateque dominum commovit, ut prior tentaret vias pacis cendi fœderis cum populo, quem olim juri suo subjectum, & ad omnia legitima obsequia paratissimum habuisset, ut, inquam, cum suis olim subditis æquo jure pacisci non adper-

nare



naretur. Videbat enim immensas opes nequidquam absumtas, nec aliud effectum saviendo in cives ingenuos, quam ut populus antea quietis amantissimus diuturno armorum usu vires suas intelligeret, quod est imperitantibus maximè formidolosum. Et peritiorum, & qui veræ gloriæ gustum habent, in argumentum Batavicae magnitudinis interpretantur, quòd maximis rebus gestis, ipse Dux militiæ Ambrosius Spinola ex Imperatore factus esset Orator, & pacem petere non dedignaretur. Domin. Baud. l. 2. de induc. qui totam historiam Belgicarum induciarum, more majorum, & exemplo probatissimi cujusque scriptoris tribus libris complexus est.

## CAPVT XXIX.

DE

## TURCA.

**T**urca comprehendit suo Imperio præcipuas trium orbis terræ partium regiones; habet enim in Europa totam maris oram, quæ à finibus Epidauri, (quæ Ragusia hodie) ad fauces Tanais usque excurrit: tum quidquid inter Budam & Constantinopolim, & à Ponto Euxino ad Savum usque interiacet. Eo spacio comprehenditur melior Hungariæ pars, tota Bosnia, Servia, Bulgaria, Macedonia, Epirus, Græcia, Peloponnesus, Thracia, Archipelagus cum suis Insulis. Tenet in Asia & Africa id omne, quod ab oppido Belis dela Gomera, ad Alexandriam Ægyptij à Bugia ad Guargalam, ab Alexandria ad civitatem Sienem & ab Heroum civitate (quam nunc Suez appellant) ad Suachenusque continetur. Imperii hujus magnitudo intelligi potest ex amplitudine aliquarum ejus partium. Palus Mæotis (quæ tota est Imperii Turcici) mille milliaribus in orbem patet. Pontus Euxinus bismille septingentis milliaribus ambitur. Universum Maris Mediterranei (quod ei subditum) littus, continet in circuitu octo milliariorum millia. Ægyptus quæ tota sua est, quingentis milliaribus longior æstimatur. A Taurisio, iter in suo facit Budam usque, per ter mille & ducenta millia. Tantundem spaci est à Derbento ad mare Caspium, Adenam ad Sinum Arabicum usque, à Balsera, ad Sinum Persicum, Tremisenam in Barbaria paulo minus quam quatuor milliariorum millia numerantur. In mari



marinobilissimas insulas Cyprum, Eubæam, Rhodum, Samum, Chium, Lesbum & alias in Archipelago sparsas sub imperio habet. Hoc spacio continentur regiones maximæ, & annona abundantes. Quæ terra enim frugibus ditior Ægypto, Africa, Syria, Asia est? Quæ opulentior omnique bono affluentior Hungaria, Græcia, Thracia. In his ditionibus habet Turca quatuor civitates maximarum divitiarum, Constantinopolim, Alkayrum, Alepum, Taurisum. Constantinopolis omnes Europæ civitates, populi frequentia, superat; æstimatur enim in ea plus quàm septingenta hominum millia esse, quod si ita est, duas fere Parisiorum Lutetias æquaret. Alepum est maxima Syriæ civitas, & quasi centrum, quo mercimonia Asiæ confluunt. Taurisum maxima Imperii Persarum (quibus nostro ævo erepta est) civitas, habet plusquam ducenta hominum millia. Alkayrum, inter omnes Africæ urbes principatum obtinet, non enim ulla alia est, quam non longo intervallo post se relinquat: tamen alii Cano urbem, ei magnitudine parem faciunt. Alkayrum quasi horreum: non solum Ægypti, magnæq; partis Africæ; sed & Indiæ est, cujus thesauri in mare rubrum, deindeque dorsis camelorum, Alkayrum deveni, distribuuntur per regiones, quas mare mediterraneum aluit. Imperium Turcicum à parvis initiis, in magnitudinem Principibus Christianis extimescendam excrevit per arma, quibus nostræ discordiæ ipsis percommodæ, utilesq; fuerunt, ansamq; præbuerunt. Artes bellicæ Turcarum fuere, semper paratum instructumque esse ad offendendum, & præveniendum hostem, uti in expeditionibus celeritate admirabili, habere vires in promptu, & quasi ad manum, uno tempore plura non tentare, non diu cum aliquo belligerare, ne in armis exercitetur, non consumere tempus & pecunias in expeditionibus parvi momenti, non in omnia simul involare sed singula acquirere, quasi per saltum, è pedetentim. Multum quoque profuit, quod Principes maximæ expeditionum parti præfuere. Aliis quoque artibus usi sunt Turcæ, quibus trecentorum annorum spacio domus Ottomannica sibi maximorum regnorum dominium paravit, idque ab anno 1500 ad hoc tempus usque, fere duplicavit. Ottomanorum regimen est plane despoticum. Magnus enim Turca adeo ab solute dominus rerum omnium intra fines sui domini contentarum est, ut incolæ se sua mancipia, non subditos nuncupent. Nec sui quisquam juris est, multoque minus domus, quam inhabitat; aut

Bb terra,



terræ quam colit, dominus est, exceptis aliquibus familiis, in Constantinopoli, quibus præmi loco, & privilegio id concessum à Mahumete II. fuit. Nec aliquis adeo magnus est, ut de vita, non dico de fortunis, aut statu, in quò est, securus sit, nisi quam diu Magno Domino id gratum est. In hoc adeo pleno dominio, conservat se Turca duobus mediis: auferendo nempe subditis arma & ponendo omnia in manu apostatarum, quos in ipsorum pueritia, tanquam decimas accipit. Hac arte duo bona consequitur: primum est, quod provincias flore nervoque virorum spoliât ex anibus deliguntur juvenes robustiores, armisque aptiores. Alterum, quod his seipsum armat, securumque facit: Janizari enim è gremio parentum, in pueritia erepti, hujusq; aut illius curæ traditi, prius quàm id advertant, evadunt Mahumetani, nec amplius patrem aut matrem agnoscere dependent prorsus à Magno domino, qui eos pascit fovetq; expectant itaq; ab eo omnia, illaq; acceptum illi ferunt. Turcæ robur consistit in equitatu, peditatu, classibus, commeatu, pecuniis. Quod ad pecunias attinet, communi opinione receptum est, ipsum plus minus octo milliones aureorum ordinarii redditus habere. Etsi autem videri possit, ipsum ex adeo amplo Imperio multo ampliores redditus percipere posse, id tamen non fit, quod Turcæ nihil aliud animo habeant, nec alterius rei curam gerant quam armorum, quæ sua natura ad excindendum destruendumque, quàm ad conservandum ditandumque provincias aptiora sunt. Turcæ quoque, ut exercitus conservent, suasq; expeditiones contineant, ita spoliant populos, ut vix ipsorum sustentationi necessaria eis relinquant: subditi itaque desperantes se commoditatibus, multo minus opibus (quas labore industriaque sibi parare possent) fruituros, agriculturæ commercioque ulterius non incumbunt, quàm eis opus est, imo quàm ipsa necessitas flagitat. Quid enim prodesset sementem facere quàm alius meteret? Metere, quod alius absumpturus esset? Itaque in ditionibus domus Ottomanicæ visuntur sylvæ immensæ, omnia ubique vastæ, paucissimæ civitates populo frequentes, potissimaque agrorum pars deserta jacet. In nostris regionibus ex populi frequentia oritur annonæ caritas, in Turcia autem ex hominum penuria. Maxima rusticorum pars moritur ducendo commeatum aliasque res necessarias, in itineribus quoque, per quæ tendunt exercitus: in classibus etiam, nam ex decem remigum millibus, qui de domo sua re-

vellun-



velluntur, ut plurimum non revertitur quarta pars. Pereunt incommoditatibus, mutationibus aëris, laboribus, idque tanto plus accidit, quod quum Turcæ classes hyeme semper exarment, itaque remiges epibatæque nunquam mari ejusq; incommodis assuescunt. Mercatura deinde, omneq; fere commercium est in manibus Iudæorum aut Christianorum Europæ, Epidauriorum, Venetorum, Francorum, Anglorum. In tanta ditioe, quantam Turcæ in Europa habent, non est alia mercimoniis celebris civitas præter Constantinopolim, Capham, & Thessalonicam. In Asia, quam Alepum, Damascus, Tripolis, Adena. In Africa Alkayrum, Alexandria, Algerium. Reditus suppeditat agricultura, eadem artificii materiam præbet. Artificia mercaturam instruunt: deficiente autem agricultura deficiunt omnia. Etsi autem ordinarii Turcæ reditus eo, quod diximus, majores non sint, extraordinarii tamen magni faciendi sunt, præcipue confiscationes & donativa. Bassæ enim aliiq; ministri Turcæ exsugunt tanquam harpyæ sanguinem subditorum, accumulantiq; thesauros inæstimabiles, qui, ut plurimum, fisco Magni domini cedunt. Existimatur Abrahimum Bassam, Alkayro avexisse valorem sex millionum, multo majorem summam habebat Mahumetes Visit. Occhiali, præter alias divitias mancipiorum milia possidebat. Sultana soror Selimi II. percipiebat quolibet die bis mille & quingentos Zecchinos, incepitq; ad peregrinorum commoditatem aquæductum ab Alcayro Mecam usque (opus profecto immensum). Magni domino facile est occasionem arripere, ut cuivis pro libito vitam cum bonis auferat. Donaria ad magnam summam accedunt: nemo enim legatus, coram ipso comparere potest absque donis, nemo aliquod munus, aut dignitatem momentosam speret, nisi pecunia adsit: nullus à provincia cui præfuit, aut ab expeditione quam confecit, vacuis manibus in conspectum tanti Principis venit, nec tam potenti Principi dantur teruncii. Vaivode Moldaviæ VValachia, Transilvania, conservant se in suis Principatibus vidonatorum, mutanturq; quotidie Vaivodæ VValachia & Moldaviæ: dantur enim Principatus plus offerentibus, qui ut præstent quod obtulerunt, opprimunt populos, rediguntq; ad inopiam provincias. Nihilominus vidimus bellum Persicum exhaustisse Turcæ æraria, & ejus thesauros consumpsisse. Annis postremo clapsis tum Constantinopoli, tum per omne Imperium Turcicum



crevit supra quàm credi potest, precium auri, ita ut aureus duplo plus quàm prius valuerit, materiaq; auri argentiq; adulterata adeo fuit, ut Ianizaris occasionem dederit ignem civitati Constantino- politanæ injiciendi, pavoremq; Magnodominio, non solum aliis, incutiendi præbuerit. In urbe Alepo, mutuum 60 millium aureo- rum nomine Magnidomini à mercatoribus petitum fuit. Quamvis autem Turcæ redditus non tam magni sunt, quàm amplitudo Impe- rii & regionem fertilitas exigere videri posset, habet tamen in sua ditione fructum majoris valoris quàm sunt ipsi redditus, nempe mul- titudinem Timarrorum, vel Feudorum: vendicant enim sibi Prin- cipes Ottomani agros, quos bello hostibus auferunt, prioribusque dominis talem partem, (exiguam aut nullam) prout ipsis visum est relinquentes, reliquum in Timarra, quæ sunt tanquam Commenda repartuntur, aut dant agros bene meritis militibus dum vivunt, ea lege atq; conditione, ut aliquot equos in belli usus paratos alant. In eo sita est omnis prudentia Turcarum, & cura quam de conservando Imperio habent; nisi enim hac ratione militibus, telluris colendæ, propter utilitatem, quam ex eâ sperant, cura demandaretur, omnia vasta jacerent: ipsimet Turcæ solent dicere, quod ubi Magnidomi- ni equus pedem ponit, ibidem amplius herba non crescat; his Ti- marris 250 millia equitum parata tenet, qui armis probe instructi, eo tendunt quo Princeps jubet, nec ipse vel teruncium expendit. Tàm magnus equitatus, minoris 14 aureorum millionibus nutrirî non posset. Mirandum itaque, quod aliqui redditus Turcarum cum Christianorum redditibus conferentes, tanti membri opum Ottoma- nicarum nullam faciunt mentionem. Fertur Turcam, bello quod cum Persa gessit, tantum sibi terræ subjecisse, ut 40 Timarrorum millia erexerit, institueritq; novum Gazophylacium Taurisii, unde aureorum millio ad ipsum redit. Institutio Timarrorum & dele- ctus Azomoglanorum (ita vocant juvenes qui educantur ut fiant Ia- nizarî) sunt duo præcipua columnina imperii Turcici. Vtrumque ad imitationem Romanorum institutum videtur: Romani enim Imperatores utebantur suis subditis ad bella, constabatq; ex iis ex- ercitus prætorianus, qui nunquam ab Imperatoris latere discede- bat. Tacitus docet selectionem juvenum, quæ ad hunc finem fie- bat, Batavis rebellandi occasionem dedisse. In Imperio Romano dabantur Timarra militibus in usumfructum, & in compensatio- nem



nem bene & fortiter factorum, dicebanturq; Beneficia, & qui iis fruebantur beneficiarii. Alexander Severus concessit heredibus militum, ut iis beneficiis frui possent, ea tamen conditione, ut militarent, alias non. Constantinus Magnus, dedit suis Capitaneis de se bene meritis, hereditarios agros, qui hactenus vita tenus tantum concedebantur. Feuda in Francia, ex temporariis perpetua facta sunt regnantibus ultimis Regibus Carolovingiis. Dicitur equitatus Turcicus, duos effectus valde egregios in Imperio Turcico facit: unus est quod subditos tanquam freno ita coercet, ut non tam cito se movere possent, quin hos sicut tot falcones, in cervicibus haberent: sunt enim in hoc per totum imperium divisi. Alius effectus est, quod una eorum pars (dum altera ad continendos retinendosq; in officio populos domi manet) semper ad eas quæ occurrunt expeditiones parata est. Est igitur pro præsidio Imperii, ad coercendos tumultus qui oriri possent, & pro præcipuo belli nervo. Præter eum equitatum habet Turca penes se bonum equitum numerum, quibus stipendia pendit, ij in Spachi, Vlufagi, Caripici dividuntur. suntq; tanquam seminaria ministrorum & Præsectorum Imperii. Inde enim ordinarii sumuntur Bassæ, Beglerbegi, Sangiaci. Præter hos sunt Aicanzi & auxiliarii Tartari, VValachi, Moldavi. Altera virium pars est peditatus qui in Ianizaris consistit: in iis duo considerantur, nempe natio & specialis dexteritas in armis. Quod ad nationem attinet ordinarie non inscribuntur albo Ianizarorum ex Asia oriundi, sed ex Europa. Habet enim illos pro mollioribus, sicut semper fuere, magis pronos ad fugiendum, quam ad strenue pugnandum; Europæ populi autem semper pro bellatoribus pugnacibusq; habiti fuere. In Oriente Asiatici milites Turcæ, nomine nationis Turcæ vocantur: Europæi autem dicuntur Rumi, id est Romani. Quod ad dexteritatem attinet, seliguntur pueri, in quibus majora indicia roboris, agilitatis & audaciæ apparent: hæ enim tres qualitates in milite requiruntur. Delectus quoquo tertio anno fit, nisi necessitas eum citius fieri urgeat, sicut bello Persico accidit, quo bello, non solum frequentior delectus habitus est, sed etiam Azamoglanis Turcicis usi sunt, quod nunquam antea fieri solitum erat. Quum ij juvenes Constantinopolim adducti sunt, instrantur ab Aga, qui nomen juvenis, quo patre & ex qua patria sit in tabulas refert. Eorum deinde pars in Asiam Minorem (nunc



Natolia dicitur) & in alias Provincias mittitur, ubi linguam & legem addiscendo, imbuuntur vitiis & moribus eorum, cum quibus degunt, evaduntque id non animadvertentes Mahumetani. Alia pars distribuitur per Septa (quæ Turcæ Seraglia vocant) quæ Magnus Dominus Constantinopoli & Peræ habet: aspectu pulchriores meliusq; compositi destinantur Consepto Magni Principis. Toto eo tempore quo ij juvenes Azomogliani vocantur, non habent certum Præfectum, nec occupantur præscriptis exercitiis, sed hic operam navat colendis hortis, ille fabricis, alius serviciis domesticis similibusque aliis rebus. Post certum tempus revocantur in Conseptu Azomoglianorum (ita vocantur toto tempore donec albo Ianizarorum inscribantur) tradunturq; Præfectis, qui eos operis manuariis laboribusque exercent, habenturque satis male quo ad victum amictumque: dormiunt in spaciosis ædificiis, dormitoriis Religiosorum similibus, in quibus luminaria ardentia custodesque sunt, sine quorum permissione se loco movere non debent. Arcu sclopetoque ferire discunt, cumque in exercitio aliquem habent usum, adscribuntur numero Ianizarorum aut Spachorum: illi non minus quam quinque, nec amplius quam octo Asperos (monetæ genus est) percipiunt; hi decem. In album Ianizarorum adscripti, in bella, aut in præsidia eunt, aut manent ad portam: hi ultimi habent pro sua habitatione tria loca amplissima, sicut monasteria. Vivunt ibidem sub suis Præfectis classis, minoresq; inserviunt majoribus in expendendo, coquendo similiaque ministeria obeundo cum magna obedientia & silentio. Qui unius classis sunt, vivunt in communi ad unam mensam, dormiunt in atriiis longissimis. Si aliquis per occasionem absque venia foris pernoctasset, sequenti vespera egregie vapulat tanta cum disciplina, ut posteaquam vapulavit simiarum more manus sui Præfecti deosculentur. Gaudent Ianizari multis privilegiis, honorantur quamvis sint insolentiores timenturque ab omnibus: in processionibus aut itineribus deprædantur casas & domos Christianorum, nec vel verbo contra mutire licet, dum quid emunt, precium pro libito rebus dicunt, à nullo quam ab Aga judicari possunt, nec plectuntur extremo supplicio citra periculum seditionis, ideoque id raro & valde secreto fit. Mille Regalia habent: aliqui ex eorum numero adjunguntur Legatis custodiendis, alii dantur peregre proficiscentibus, maxime cum sunt honestæ condi-

tionis,



tionis, ut sicuti sint in ditione Turcica, recipiuntque Ianizari bonas Strenas, eorum est electio Principis; nisi enim ipsi Magnum dominum approbent aut proclament, creatus esse dici non potest. Unusquisque Princeps adeptus Imperium dat eis aliquod Donativum, augetque stipendium. In gravi bello egreditur eorum pars cum ipsorum Aga aut suo Legato, ultimique omnium configunt. Apud Turcas munus cui plures invidcant non est quam Aga: ipse & Beglerbegus Græciæ soli non eligunt legatos, sed Magnus Dominus nominat eos. Aga Ianizarorum nihil certiori exitio esse potest quam eximius Ianizarorum favor. Numerus Ianizarorum est à duodecim ad quatuor supra millia. Hæc militia nostro tempore multum evluit, quia etiam Turcæ in Ianizaros assumuntur, sicut & Asiatici, quum primum non alii quam Christiani Europæ admitterentur. Deinde quia uxores ducunt, præter antiquum morem, nec id ipsis vetitum est: propter longam moram quam Constantinopoli, (qua non alia urbs magis est deliciis dedita) multum viluerunt segniores insolentes, immo intolerabiles evaserunt. Dicitur communiter robur Turcicum consistere in hac militia Ianizarorum: sed alibi ostensum est hoc esse falsissimum. Præter Ianizaros habet Magnus dominus Azappos peditatum vilem qui plus ligone quam ense utitur, magisque ad hostes multitudine delassandos, quam ad eos virtute superandos, conducit, solentque Ianizari Azapporum cadaveribus fossas implere, iisque uti pro scalis quibus hostium muros scandunt. Sicut autem Romani habebant milites legionarios & auxiliaarios (quorum illi præcipui, nervi suæ militiæ, hi autem velut additamen vel auxilium erant) ita & Turcæ equitatum, quem stipendiarium habet, & Timariottas pro robore exercitus æstimat: Alcanzos pro accidentali: Ianizaros tanquam Legionem prætoriam, Azappos tanquam numerum ducit. Sed tempus est ut duo verba de armatura navali dicamus. Primo non est Princeps, qui maiorem oportunitatem habeat instruendi classes quam Turca, sylvæ enim Epiri & Ciliciæ, sed plus aliis Nicomediæ & Arapezuntinæ tam magnæ ac densæ sunt, plenæque altis arboribus fabricandis omnis generis navibus aptissimis, ut creditu difficile sit. Imo videntur tritæ quasi jam fabricatæ sponte de sylvis Nicomediæ in Pontum Euxinum cadere. Nec desunt fabri ad copiam illam lignorum elaborandam: avaritia enim trahit in



in sua armentaria, etiam fabros Christianos. Anno sequenti, post illam cladem quam ad Echinadas acceperat, eduxit classem, quæ nostræ occurrere verita non est. Nec unquam Turcæ, bonus numerus hominum mari expertorum defuit; ex triremibus enim, quas pro custodia in Lesbo, Rhodo, Cypri Alexandria habet, & quod suis portibus Tuneri, Bugiæ & Algieriæ piratas recipit, potest ex iisdum opus est, Capitaneos & robur ministrorum nautarum & remigum suis classibus eligere. Quid præstare possit, visum est nostro tempore in classibus quas habuit ad Meliten, ad Echinadas & ad Guletam. Habet præterea apparatus bellicorum maximam copiam: tormenta innumera sunt. Ex Hungaria abduxit quinque tormentorum bellicorum millia: quingenta eorum acquisivit in Cypri: Guletæ paulo minus. Turcis sunt tormenta adeo immensæ magnitudinis, ut strepitus, non ictus tantum muros demoliatur: tantum commeatus, pulveris pyrii & globorum habent, quantum ad Meliten ostenderunt, ubi explosa sunt plus quam 60 globorum millia: Famagustæ 118 millia: Guletæ 39 dierum spacio furore impetuq; tormentorum demoliti sunt fortificationes à nostris 40 annorum spacio factas. Ultimo bello Persico, ducebat Osmanus generalis Turcarum quingenta tormenta campestria. Quatiunt mœnia munitionum tot tormentis, continuantque tanto tempore tantaq; cum vehementia, ut omnia solo æquent. Ubi vim non faciunt tormenta utuntur bipennibus, ubi hæc locum non habent, implent fossas ligone & Batillo: si nec hoc sufficit, implent eas cadaveribus suorum militum. Tria habent Turcæ quæ neminem non terrent: multitudinem hominum insuperabilem, disciplinam militarem imperturabilem, commeatum copiam infinitam. Multitudo suæ natura parere confusionem solet, & ordinarie cessere magni exercitus parvis. Sed multitudo frequentiaque virorum in exercitibus Turcicis tanto cum ordine graditur, ut & solo ordine minorem superet, qui tamen facilius in ordinem disponi potest, quàm exercitus immodicus, ita ut & numero & arte vincant Turcæ. Eorum disciplina militaris adeo probe ordinata est, ut ea in re ne Romanis quidem, nedum aliis cedant. Consistit autem eorum disciplina militaris in pluribus rebus: in parsimonia, sustentant enim se modico panis sub cineribus cocti, & oryza cum pulvere carnis ad solem desiccata. Prohibentur vino, sicut quondam



Carthaginenses: decem Turcæ habent in castris unum Decurionem, cui sine refragatione obtemperant, in ipsorum castris nec unam fœminam videre est: est ibi silentium mirabile. Tot enim milites reguntur signis manuum & vultus, citra verba: ne noctu strepitum faciant, patiuntur aliquando effugere captivos: in primis puniunt rixas & furta. Quando progrediuntur exercitus, non audent excurrere in vineas aut agros: contemnunt mortem, creduntque eam fato inevitabile contingere. Strenuos præmia, ignavos certa poena manet, nunquam disponuntur per urbes, nec iis conceditur in iis pernoctare. Ut exercitati sint milites, solent Principes Ottomani fere semper alicubi belligerari, ut disciplina militaris non intermittatur. Quum autem disciplina militaris armis apparatuque bellico destituta nihil sit, gigas enim quantumvis ferox, sed inermis, a puero armato vinciposset. Turca in bella tendit, tanta cum machinarum & instrumentorum bellicorum apparatu, eorumque omnium, quæ eorum tractationi usuique necessaria sunt, ut nullius alterius rei curam habere videatur. Id cognoscet is, qui ruinas considerabit, quas eorum vires fecere, ubi eas explicuerunt. Turcæ ad ortum contermini sunt Persis, secundum lineam, quæ imaginarie duci debet è Taurisio ad Balsaram usque, Lusitanis ad Sinum Persicum, ad Meridiem eisdem Lusitanis, ad mare rubrum Presbytero Iohanni, ad occasum Seriffo, & regno Neapolitano, ad Septentriones Polonis & Familiæ Austriacæ. Cum Persis belligerando absque dubio Magnus Turca superior est; Mahumetes II. enim vicit Ussucassanum: Selimus I. & deinde Solimanus ejus filius in fugam egerunt Ismaelem & Tamalum, Amurathes III per suos Capitaneos abstulit Persis totam Mediam, Armeniam majorem, & civitatem Regiam Taurisum. Quod prævalet consistit in peditatu, quo Persa caret: in tormentis bellicis & munitionibus, quorum persa nec copiam nec usum habet. Quamvis autem Persæ strenuitate equitatus aliquando aperto campo Turcas superaverint; tamen semper terram perdiderunt: Solimanus abstulit eis Mesopotamiam, Amurathes Mediam. Nec Persæ solum damnum passunt, amiseruntque sua, sed & eorum socii. Selimus I. spoliavit Mamaluchos Ægypto & Syria: Amurathes III. destruxit prope in totum Georgianos confœderatos Sophi. Turca cum Lusitanis belligerando multo inferior est, rationes enim cum ipsis



decertandi consistunt in viribus navalibus, quibus Lusitani in tantum Turca superiores sunt, quantum Oceanus Indicus, Sinu Persico, & mari rubro maior est. Habent Lusitani in india loca & portus, addam ditiones & dominia, ligno, commeatu, omnique apparatu nautico referta. Nec desunt eis potentes Principes auxiliares. E contrario Turca nihil munitum habet in Sinu Persico præter Balseram. Ora Arabia, qua uti posset, non habet plus quam quatuor oppida, satis infirma, & parvæ æstimationis: itaque hic, sicut & in mari rubro classem armare valde difficile est, quod regio, prorsus ligno fabricandis navibus idoneo, careat. Unde illis paucis vicibus, quibus classes in mari rubro instruxit (quum hoc in Sinu Persico minus facere possit) necesse habuit materiam fabricandis navibus ex portibus Bythinia & Cilicia per Nilum Alkayrum devehere, unde dorsis Camelorum Suez (quæ olim Heroum civitas dicta fuit) delata est, ubi armamentarium habet. Quoties Turca expeditiones adversus Lusitanos suscepit, nihil præter dedecus & damnum retulit, nimirum anno 1538. ad civitatem Dium: anno 1552. ad insulam Armuzium: anno 1580 ad Mombazam, ubi quatuor triremes & una Galeotta Turcica, quæ favore Regis Mombazæ eo in mari manere constituerant, captæ fuerunt, Lusitani in id summe incumbunt, & aventq; ne Turcæ eo in mari pedem figant, & quam primum odorati sunt, Turcas classem adornare, mox ipsos aggrediuntur, ideoque sæpe in mare rubrum absque resistantia penetrarunt. Presbytero Ioanni in bello prævalet Turca, ducibus, militibus, armis & munitionibus. Ille siquidem Princeps, habet ditionem absque munitionibus, & milites absque armis. Barnagasio enim ejus Vicarius ad mare rubrum, amisit universam oram maritimam, eoque redactus est, ut tributum Turcæ pendere promiserit, ut cum eo pacem haberet: In Africa habet quidem Turca plures regiones quam Seriffus; occupat enim id omne, quod inter mare rubrum, & Velez de la Gomera oppidum est, sed Seriffus partem meliorem, ditio-rem, fortio-remque magisque unitam habet. Sed nemo ipsorum alteri bellum inferre audet propter Regis Catholici vicinitatem. Residui sunt principes Christiani, qui Turcis contermini sunt: Primus est Polonia Rex: quid hi Principes contra se invicem possint, visum fuit in expeditionibus præteritis, ab una parte videtur Turca timere arma Polonica: diversis enim occasionibus provocatus,

nem



nempe regnante Henrico III. bello quod Ivoniam, Vaivoda Valachiae cum Turcis gessit, quo bello multi equites Poloni Ivoniae militarunt, & regnante Sigismundo III. excursionibus Kosacorum, & in motu Iohannis Zamoischi generalis regni Poloniae, non vindicavit, nec solita superbia ulcisci injurias conatus est. Ab alia parte Poloni post expeditionem Regis Ladislai, non solum nullam expeditionem adversus Turcas susceperunt, sed nec Valachis, (qui foedere eis juncti erant) auxilium tulerunt, sibi quoque quod ad mare Euxinum habebant, eripi passi sunt; sed Regnum Poloniae potius, quam nobilium ejus regni pusillanimitate id accidit. Sigismundus I. à Leone X. ad bellum adversus Turcas invitatus, quid multis opus est dixit, fac Principes Christiani concordēs sint, ego pro mea parte non deero. Sigismundus II. mente à bello adeo aliena fuit, ut non solum Turcas aggressus non fuerit, sed nec à Moscis irritatus, vindictam sumere tentarit. Rex Stephanus potentiae suorum vicinorum non iniquus aestimator, judicabat cum Turca manus conferere, rem esse periculosissimam: attamen cum familiaribus sermones habens, dicebat se, cum 30 peditum millibus quos equitatus Polonico jungeret, facile expeditionem in Turcam suscepturum fuisse, idque meditari quodammodo videbatur. Principes Austriaci longiore terrarum tractu quam ullus alius Princeps Turcae contermini sunt, expenduntque in praesidia arcium (in quibus cum equitum, tum peditum plus quam viginti millia habent) majorem suorum redituum partem, auxilioque Germanico suis viribus conjuncto magis ad defendendum sua, quam amissa recuperandum, imperiumque dilatandum attenti fuerunt. Ferdinandus Austriacus, majore robore quam successu, expeditionem Budanam & Possegensensem suscepit. Accidit id, non quod ejus vires non satis firmæ validæque essent, sed quod agilitate dexteritateque carerent: id volo, ejus Principis exercitus numerosos, omnibusque rebus probe quidem instructos fuisse, sed constitisse ex Germanis & Bohemis, gentibus tardis, lentis, parumque idoneis ad resistendum Turcis, qui in factionibus bellicis expediti, dextrique sunt. Veneti sunt quoque Turcis mari & terra, per multa centena milliaria finitimi: tuerentur se ipsos adversus Turcas magis pacis quam belli artibus, egregie muniendo sua loca, fugiendo pericula & expensas belli, commercio, donariis; denique, nihil non faciendo, ne ad manus venia-



tur salvis libertate & statu. Dicam quod res est: quamvis eis pecunia cum bellico apparatu sufficiente suppeteret, desunt tamen milites & commeatus tanto bello pares. Reliquus est Rex Catholicus, inter cuius & Ottomanicas vires, non est magnæ æstimationis differentia. Regis redditus (loquor de iis quos in Europa habet) excedunt redditus Turcæ: accipit enim plus quàm 4 auri milliones ex ditionibus, quas in Italia & Sicilia habet; plus quàm duos ex Lusitania; ex terris novis plus minus quàm tres milliones, unum annum pro altero æstimando. Hæ accepti partes æquant redditus Turcæ. Est autem illo longe superior si iis jungantur ordinarii redditus Castiliæ, Arragoniæ, Belgii: sed quid reperies (dicit aliquis) quod Timarris opponi possit? Primum, quod redditus Turcicos longè excedunt, suntque eis multo maiores: deinde subsidia quæ Rex extraordinarie, immo magna ex parte ordinarie (ita enim dici potest) præcipit à suis populis, nempe Cruciatæ (ut vocant) quæ ipsi, quantum unius regni redditus sunt, reddit: Subsidia Ecclesiæ, quibus ipse centum fortes triremes sustinere potest: Cadivæ officia, quæ in Hispania & Regno Neapolitano multo plus reddunt quàm quis credere posset: donaria ordinaria populorum & extraordinaria. Regnum Neapolitanum dat quoque tertio anno plus minus uno milione, & ducenta aureorum millia, quæ summa non est parvæ considerationis, Sicilia, Sardinia, ducatus Mediolanensis, Castilia & aliæ suæ ditiones, etiam Novus Orbis, mittunt suis temporibus magnifica donaria. Quid dicemus de contributionibus? Castilia anno elapso Regi contributionem octo millionum aureorum quatuor annis persolvendam concessit, quæ summa, totius Imperii Turcici censum unius anni æquat. Relinquo numerum Commendarum ordinum Montagiæ, Calatravæ, Alcantaræ, Sancto Iacobi, quæ ipsi quamvis nihil amplius haberet, sufficere possent. Rex tanquam dictorum Ordinum magnus Magister, media habet ad suos ministros, famulos, & quos ipsi placet, remunerandos ditandosque ac si Rex Angliæ ac Poloniæ esset. Addo supradiictis partibus magnum equitatus numerum, quem ordinarie in suis ditionibus alit: in Hispania nempe tria millia. Tantundem Cataphractorum & equitum levis armaturæ in Belgio: in ducatu Mediolanensi 400 Cataphractus, & mille equites levioris armaturæ: in regno Neapolitano mille & quingentos equites Cataphractus quod majus robur mili-



militiæ Italicæ est. Militiæ numerus in Sicilia est 1500 equitum. Nec parvi fieri debet obligatio, qua Feudatarii, necessitate urgente, suis expensis, defendendo personaliter servire tenentur: maxime si consideretur magnus Feudatiorum numerus & Titulosorum Hispaniæ, in qua numerantur 23 Duces, 32 Marchiones, 49 Vicecomites, 7 Archiepiscopi (contribuunt enim hi suam quotam, tanquam potentes domini) 33 Episcopi: In regno autem Neapolitano sunt 14 Principes, 25 Duces, 37 Marchiones, 54 Comites, 448 Barones, ut nihil dicatur de Lusitania, Sicilia, Belgio, Sardinia, Mediolano. Prætermitti non debet, quod equitatus, cui Turca Timarra concessit, non tam robore quam numero præstat: Timarra enim & commoditates villarum & prædiorum ipsis concessorum, studiumq; seiplos ditandi locupletandiq; fructibus agrorum, ignaviores, viliores, pacisque & otii plus quam belli & turbarum cupidus eos reddit. Aegre ab ædibus avelluntur, proficiscunturque in expeditiones, majore cum desiderio domum redeundi, fruendique deliciis hortorum, & fructuum suarum possessionum copia, quam configendi cum hostibus; aut se ditandi ipsorum spoliis. Si aliquantulum prædæ armis partæ milites quamvis feroces fortesque ignavos vecordesque reddit, quid faciet magna possessio; amœna villa, dives prædium, uxor liberiq; domi relictæ: taceo quod equitatus, quem Turca Timarris sustentat, potius populis subjugatis tanquam freno coercendis constitutus est, quam hostibus infestandis; subditi enim Turcæ, vi sub ejus imperio continentur, habent eum odio, detestanturque eum ob religionē contrariam & imperium quod in ipso habet: propter religionem Mauri & Arabes, qui se Æis diversis addicti sunt: Propter religionem & imperium simul Christiani, qui plus quam duas tertias partes ejus subditorum conficiunt. Ob id, illius numerosi equitatus major pars, domi maneat necesse est, nec sine Status regni periculo domo abduci potest. Est deniq; is equitatus tanto regionum spacio hac illac divisus, ut magno numero, in magnam expeditionem educi non possit: nec diu in ea, longe à domo, perstare potest, quin in miseriam & calamitatem incidat, si aliud auxilium, quam quod ab Timarrishabet, non reciperet. Rerum præteritarum experientiam quandam aqualitatem virium horum Principum esse docuit; jactura enim classis Catholicæ ad Zerbi insulam, opponitur fugæ classis Turcicæ à Melite



lite insula: Amissio Gulettæ, opponitur expugnationi Pegnoni Velez: Tunetum semper cepit is qui voluit. Rex Catholicus nullam notatu dignam expeditionem in Turcam suscepit, sed defendit se strenue ad Meliten & Oranum. Nihil dicam de clade classis Turcicæ ad Echinades, quod ibi alii Principes partem habuerint. Tractatum fuit utrinque de induciis pro aliquot annis inter Regem & Turcam. Uterque adæque fuit occupatus. Vnus in Persia, alter in Belgio, id in causa fuit, ut se invicem expeditis viribus non potuerint impetere. Bella (de quibus diximus) ambobus, propter regionum longinquitatem, extremæ impensæ fuerunt, sed magis Regi quàm Turcæ. Quamvis enim Persia longe Constantinopoli (unde maxima virium pars mittebatur) distet, est tamen contermina Mesopotamiæ & aliis Turcæ ditionibus, unde suus exercitus com meatu & pecuniis instruebatur: sed Belgium, ab aliis Regis ditionibus magno spacio distat. Turcæ, nisi cum Persa amicis destituto, res fuit. Regi autem uno eodemque tempore, cum rebellibus, Francis, Anglis & Germanis (quæ nationes Persis potentia inferiores non sunt) conflegendum fuit: nec unquam Turcam aggressus est, quin aliud bellum, nunc in Belgio, nunc alia in parte continenter gesserit.





## JUSTI REIFENBERG, Jcti,

*Ad Politiam Regiam*

JOHANNIS BOTERI

Notæ &amp; Recensiones novissimæ.

I. ADDENDA HISTORIA DE REGNO  
HUNGARIÆ.

**R** Ex Hungariæ regnum suum administrat II. magistratum  
 auxilio, qui sunt: Sublimior, qui in tres magistratus di-  
 viditur, quorum primus Gubernans regnum Regis nomi-  
 ne, in quo sunt *Palatinus regni*. Is à Rege proximus est,  
 & Regis ipsius sicubi accusatus, judex ordinarius existit,  
 quem regnicolæ communi voto eligunt, nec hæreditarium est offi-  
 cium. *Judex Curie*, qui est unus ex judicibus regni ordinarius.  
*Cancellarius* perpetuus, qui est Metropolitanus Strigonien-  
 sis, qui & *Regni Primas*, & *Summus Secretarius* nominatur, ac prærogativam  
 habet electum Regem inungendi, & sigillo majore privilegia mu-  
 nit. Arbitrio Regis assumptus, qui cæteras literas minores, & po-  
 tissimum mandata regia & in causarum distinctione datas munit,  
 decretisque Regis subscribit. *Magister Curie*, Regis comitatum se-  
 qui cogitur, & ejusdem intimus Consiliarius habetur. *Tavernico-  
 rum Regalium Magister*, aurifodinarum, salinarumque, & breviter  
 arum civitatum, pagorumque ac castrorum causas distinguit, quæ-  
 unq; ad fiscum regium pertinent. II. judicia tractans, in quo offi-  
 carii tres majoris authoritatis, *vico: Palatinus regni*, *Index persona-  
 lis præsentie*, qui & regie majestatis in judiciis locum tenet, & judi-  
 ciis præ est: *Vice Index Curie*: Minores, qui ministeria magis ju-  
 diciorum quàm magistratum exercent. *Protonotarii* duo judiciis  
 personalis præsentie. *Protonotarius* vice Palatini. *Protonotarius*  
 vice. *Judicis Curie*. Hi omnes Magistri appellantur, habentque in  
 laboris consortium adjunctos hos sequentes: *Secretarium Archie-  
 piscopi Strigonien-  
 sis*, qui *Fiscalis* dicitur, duodecim Adseffores, No-  
 tarios aliquot juratos. III. Ministrans Regi, *Thesaurarius* Regis, *Ma-  
 gistri cubiculorum Regalium*, *Agazonum*, *Dapiferorum*, *Pincernarum*,  
*lani*



*Ianitorum*, & alia minora officia. Atque hi sublimiores. Minor est, qui in singulis locis juridicis est.

Administratio Ecclesiastica penes duos Archiepiscopos est, qui sunt *Gran*, vel *Strigoniensis*, legatus Apostolicus, & primas regni.

Tellus rerum omnium copia à natura donata, ubi aurum, argentum, sal, lapillos, colores effodere licet. Frumenti, pabuli, leguminis & pomorum abundantia præstat. Neque deest amnicorum copia piscium & cupri confectura: in plerisque fluminibus auri optima ramenta inveniuntur: quin & in vitibus, in aurifero solo satis, aurum quandoque legunt.

## II. DE POLITICO STATU REGNI

Daniæ.

**D**Ania distincta est in præfecturas centum octoginta quatuor, quæ *Harer* vocantur, & à totidem præfectis legum Danicarum peritis administrantur.

Rex Daniæ quomodo coronetur Hafniæ, in Ecclesia D. Mariæ, copiosè docat *Mercator in Atlante*, ubi etiam explicat Status sive Ordines totius Reipubl. Daniæ, qui quinque sunt: Primus est Regis Familiæ. Secundus Nobilitatis, è quo Senatores regni eliguntur. Eorum stipendia *ibid.* memorat, simulque constitutionem, quâ Rex Daniæ bona immobilia prohibetur emere à Nobilibus, ob eam causam, ne aliqua dissensio inter Regem & proceres regni oriatur.

Ex hac Nobilitate eligitur *Præfectus sive Magister aula*, *Mareschallus*, *Cancellarius regni*, *Cancellarius Regis*, *erarii Præfectus*.

Tertius est status Ecclesiasticus.

Quartus status est *civium*, & *mercatorum*.

Quintus status est *Rusticorum*, quorum duo sunt genera; primum vocant *Freibunden*, id est, liberi coloni: possident enim agros: alterum est eorum, qui à Rege, Nobilibus, aut Ecclesiasticis personis bona conducunt.

## III. DE STATU BORUSSIÆ POLITICO

**D**ividitur Borussia in Regiam & Ducalem. Regia, etsi Regi immediate subiecta sit, & eodem cum Polonis regno contineatur, tamen peculiare consilium publicum, leges judicia (à qui-



(à quibus tamen ad Regem provocatio est) ærarii & belligerendi rationem habet. Consiliarios hujus Borussia *Mercator* quatuordecim numerat. Capitaneos seu præfectos arcium & reddituum regionum octodecim.

Ducalis Borussia, olim fratrum Crucigerorum Teutonici Ordinis propria, anno 1425 concessit inclientelam Regis Poloniae. Si lites inter Regem & Ducem oriantur, à Consiliariis Regis juramento novo ad justè judicandum obligatis Mariæburgi aut Elbingæ dirimuntur. Nobiles autem seu alii contra Ducem actionem habentes, coram Ducis vassallis à Duce ad iudicium deputatis, eam inrituunt, à quibus provocatio ad Consiliarios Regis & Ducis Mariæburgi constitutos libera permittitur. Iudicium aulicum quinque originarii Nobiles, & tres Iurisconsulti administrant. Iudices in provinciis ita constituuntur, ut ex tribus à qualibet provinciâ nominatis, Princeps unum eligat secundum ius Culmense, & constitutiones provinciae judicet. Si contra privilegia, libertates, jura, aut consuetudines Princeps faciat, liberum est Ordinibus provinciae absq; ullâ rebellionis culpâ ad Regiae Majestatis Poloniae patrocinium confugere, & vi pactorum inter Regem & Ducem initorum, defensionem suorum privilegiorum ab eo postulare.

## IV. DE MOSCOVIA.

Gubernationem, & justitiæ administrationem magnus Dux per duodecim Consiliarios assidue in aulâ præsentibus obit. In hos, præfecturæ arcium & civitatum in toto Moschi imperio distributæ sunt, qui literas & libellos supplices Principi inscriptos accipiunt, ejusdemque nomine respondent.

## V. DE HISPANIA.

Quamvis Regi Hispaniarum suprema sit in omnes & omnia potestas, nihil tamen fere decernit, nisi ex duodecim virorum (qui totius regni primores *Senatum Regium* constituunt) consilio. Ibi graviora, quæque magni momenti, plenè ventilata terminantur: quæ celanda, in *secretiore consessu* discutiuntur, quem faciunt ipse Rex, Dictator Legionensis, Præses, tertiaque consilii Regii portio. Quæ ad Indias earumq; gubernationem pertinent, tractantur in Senatu, quem *Iudicum* vocant, ab uno præside, 12 verò consiliariis. Bellica in *Senatu militari* peraguntur: quem constituunt 12 viri *Senatus Regii*, Dictatores item Legionensis & Castellanus



cum aliis. Præter hos etiam tres in Hispania sunt *iuris præfecturae*, quas *Audientias*, vel *Cancellarias* appellant, una quidem in Castilia, altera verò in Germania, tertia in Galæcia: unicuique præses est, & 12 Senatores: ab his, si litigantes sibi minus satisfactum arbitrentur, controversiæ ad Senatum Regium deferuntur. Est denique *Thesaurarius Castellanus*, sub se quatuor habens *Questores*, quorum omnium est pecunias regni tractare, earumq; habere reddereque rationem.

Ducum numerum in Hispaniâ Mercator disertè memorat, quibus omnibus annuus census est à 40 ad 100 Ducatorum millia. Ducibus *Infantasgi* & *Medina Sidonia* summum superantibus, quorum hic 130, ille 120 habet millia.

Potior pars Marchionum percipit redditum à 10 ad 60 millia Ducatorum.

Comites recensentur plus minus 80 quibus annuus est redditus à 10 ad 25 Ducatorum millia.

Archiepiscopus Toletanus Castellæ Cancellarius est, cui post Reges Regiamq; prolem, nullus vel dignitate, vel fortunæ amplitudine præstet.

#### VI. DE FLANDRIA.

**E**X omnibus ejus Curiis & juris dictionibus appellatur ad consilium Principis provinciale, quod est Gandavi, inde ad Parlamentum, quod est Mechliniæ. De statu Ecclesiastico & jurisdictione habet pauca, sed valde egregia, *Mercator in Atlante*.

Idem de comitatu Namurcensi ubi agit, statum ejus Politicum subjicit.

#### VII. BRABANTIA.

**A**Ntverpiæ olim commercia excedebant duodecim milliones coronatorum. Proinde meritò cecinit Julius Cæsar:

*Oppida quot spectant oculo me torva sinistra*

*Tot nos invidia pallida tela petunt.*

*Lugdunum omnigenum est, operosa Lutetia, Roma*

*Ingens, res Venetum vasta, Tholosa potens.*

*Omnimoda merces, artes priscaeque novæq;*

*Quorum insunt aliis singula, cuncta mihi.*

Cæterum de totâ Politiâ Belgii, quod Rex Hispaniarum adhuc obtinet, vide *Mercat. per partes differentem in Atlante*.



## VIII. DE GERMANIA.

**I**mperii caput Imperator est.

Primum membrum Imperii sunt 7. Electores.

Secundum membrum est virorum Principum & Nobilium.

Tertium Imperii membrum est civitatum Imperialium.

Nomina præcisè signavit *Mercator in Atlante*, ubi etiam agit de circulis, in quos Imperium divisum sit, & in quibus consilia particularia Imperii tractentur. Tu hîc ducem sequere *Tob. Paurmeisterum de Iarisd. Rom. Imp.* Confer. *Abrah. Ortelium in theatro orbis terrarum*, ubi regiones Germaniæ exponit. De statu Imperii Germanici hodierno differit *Arnif.* Idem *Mercator* exposuit plenius statum Germaniæ Ecclesiasticum.

## IX. DE POLONIA.

**S**tatus Politicus regni Poloniæ 2. habet membra: 1. completur Archiepiscopus, Episcopus. 2. Nobiles, in quibus sunt Castellanus Cracoviæ: Palatini, quos recensent *Mercat. in Atlante*.

## X. DE ITALIA.

**I**talorum gubernatio est duplex: *Politica & Ecclesiastica*. Politica continet varias dynastias. In Ecclesiastica Pontifex Maximus est Hierarcha.

*Iure* Italia utitur triplici: Pontificio, Cæsareo, Municipali.

Veneriæ urbs urbium clarissima censetur, & florentissima, mundi theatrum commune totius orbis emporium, victrix dominatrixque tot tantorumque hostium: Hadriatici maris regina, Itali nominis gloria decusque.

Dicitur Rex Hispaniarum ex statu Ducatus Mediolanensis proventum habere octingenta aureorum millia. Administratio causarum civilium & criminalium pendet Mediolani, à Senatu Mediolanensi, in quo sunt 16 Doctores, & nonnulli Prælati, Patritiique Mediolanenses.

## XI. DE SARDINIAE REGIMINE

**M**ulti sunt in Sardinia magistratus. Omnium supremus est *Prorex*, qui omnem fere Regis auctoritatem: & solus Hispanus hunc magistratum gerere potest, secundum antiquas constitutiones. Habet à Rege adsignatum Iuris U. Doctorem, quem



*Regentem* ibi appellant. Habet præterea & alios Consiliarios, quorum consilio omnia ferè disponit, appellaturq; ejus tribunal *Regia Audientia*. Olim hunc magistratum juxta privilegium regni nullus poterat gerere, nisi per triennium: deinde alius succedebat in locum ejus. Nunc autem in eo munere multis temporibus consistit, ut Regi placet.

## XII. DE IMPERIO TURCARVM.

**T**urca colligit annuos redditus vasa auri 68 & 38 millia ducatorum. Vas autem auri continet millia ducatorum centum.

## XIII. DE REGNO FESSAE.

**I**n urbe *Fez* est templum, cujus redditus in singulos dies feruntur esse ducentorum aureorum.

XIV. DE IMPERIO MAGNI CHARI  
seu Tartaria.

**H**abet Magnus Cham duodecim Barores aulicos, qui triginta quatuor præfati sunt Provinciis: horum officium est, ut singulis Provinciis duos præficient Rectores, ac regiis exercitiis, in locis ubi morantur, res necessarias provideant, & quicquid decernunt, id Regi indicant. Is suâ auctoritate id confirmat, quod illi statuendum dixerunt. In Hordas Tartari dividuntur, quæ vox illis cœtum conventumque plurium significat.

## XV. DE REGNO CHINAE.

**R**ex Chinae habet sub se Gubernatorem quasi Proregem, quem ipsi *Tutan* nominant. Hic causarum totius regni disceptator & iudex.

## XVI. DE INDIA ORIENTALI.

**G**ens in 7. ordines olim divisa fuit. Septimum conficiunt, qui publicis consiliis præfunt, numero paucissimi, maximè tamen insignes. Ex his ad Regum consilia, tum ad Rempublicam gerendam, tum ad res dubias judicandas asciscuntur. Duces insuper ex his deliguntur & Principes.

## XVII. DE IAPONIA.

**M**eachi 3 viri (qui totius regni primores summum magistratum constituunt) degunt, penes quos est summa rerum constituendarum potestas: primus Pontificis instar præest sacris: secundus dignitatibus & honoribus: tertius paci & bello.



*Officia magna est frequentia mercatorum, quorum qui mediocres facultates habent, minimum possident 30 aureorum millia.*

XVIII. DE ABISSINORUM IMPERIO.

**T**itulū & insignia Presbyteri Iohannis, cognosce è theatro orbis terrarum *Abrahami Ortelii num. 68.*

De Indiis Politica quædam etiam contulit Io. Isacius Pontanus, in *historia rerum & urbis Amstelodamensium.*

EXEGESIS HISTORIAE ET POLITIAE REGIAE

*è summis authoribus elaborata & innovata.*

I.

**A**TATE nostrâ Solimanus Turcarum Imperator, Ariadenum, Ænobarbum, Dragutum, Ochialam, piratarum omnium peritissimos potentissimosque, maximis propositis præmiis ad se pellexit, & clasibus ac maris Imperio præfecit, ut & eorum opibus suum imperium confirmaret, & piratarum copias toto mari grassantes frangeret & debilitaret.

II.

Apud Moschovitas & Tartaros, quos veteres Scythas Asiaticos vocabant, quater filium vendere etiamnum parenti licet.

III.

Philippus Augustus, Rex Francorum, Iudæos publicatis bonis, regni finibus exegit, quod contrâ leges Christianos circumciderent, ac pro servientibus (hoc enim verbo historia Dionysiaca utitur) sibi manciparent.

IV.

In Moschovia, Tartaria, Æthiopia, etiam peregrini à Principibus exire prohibentur, eoque magis, si peregrinus homo ingenio excellere videatur. *Francisc. Alvaresius in historia Æthiopica.*

V.

Insula patriciis Anglorum, Scotorum ac Danorum sine veniâ Principis exire non licet, eoque jure à majoribus accepto etiamnum utuntur Neapolitani, *Matth. de Afflict. decis 265.*

VI.

Londinum nec tantis opibus, nec tanta civium multitudine abundaret, nisi Richardus, Rex Angliæ omnes immunitates civibus tributas peregrinis proposuisset, qui modò decem annos urbem incoluissent.



## VII.

Venetias annos quatuordecim incolere necesse est iis, qui iura civium plebejorum adipisci velit, qui tamen ab omnibus imperiis, & omni suffragiorum jure summoventur.

## VIII.

Veneti quondam, Genuensi bello attritis opibus, & civitate pecuniis ac civibus exhaustâ, trecentos cives, quos ipsi *Citadinos* appellant, acceptâ pecuniâ in Patriciorum albo conscripserunt, ut eadem qua Patricii prærogativâ fruerentur; ex quo magnam pecuniæ vim coegerunt, & novorum civium incremento plebejorum potentiam infirmarunt,

## IX.

Polonorum legibus jam inde à Casimiro Magno usq; ad Sigismundi Augusti principatum, peregrino ab omnibus sacerdotiis procul arcentur.

## X.

Quibus in locis peregrini nihil proprii jure domini habeant, & illorum morientium pecunia filco vindicetur, vide *Bod. de Rep. c. 6. qui cap. seq.* Respublicas Helvetiorum justâ summaque imperandi prohibendiq; potestate, quâ quæq; civitas suos coercere potest, distinctas ubertim memorat. De iisdem agit *lib. 2. c. 6. & 7.* Item in *Methodo historicâ.* De administratione Rerum publ. istarum agit *Mercator in Atlante.*

## XI.

De regno Galliæ & Angliæ, itemq; Daniæ *Bod. de Rep. c. 8.* differit. Agit de eodem Angliæ regno *c. 9.* ubi de Scotiæ regno etiam disputat, & Ducibus Britannicæ Armoricæ, an Francorum vassalli sint. Vide *ibid.* fiducia formulam Regis Aragonum, quâ Pontifici præstitit, & authorem differentem de regno Lusitanicæ, de Ducatu Mediolanensi, Ferrariensi, civitatibus quibusdam Italiæ, Insulariæ, Germaniæ, Duce Lotharingiæ, Comite Asperi montis, Cuiarum domino, qui Lotharingâ continentur, Duce Allobrogum, id est, Sabaudicæ, Duce Lituaniæ, Pontifice Romano, regno Hungariæ (de eodem agit *cap. 10. & lib. 5. c. 6. lib. 6. c. 5.*) Rege Æthiopici, qui *Presbyter Johannes*, *Negus* suâ linguâ, id est, Rex ineptè appellatur, *lochan bellul.* id est, gemma pretiosa, de Principibus Africæ, regno Bohemiæ, &c,

## XII. A



## XII.

Apud Venetos magistratum edicta singulos cives, & suæ quemq; jurisdictionis obligant: decem virorum autem collegium magistratibus singulis potentius est: Senatus decemviris: consilium, id est, omnium Patritiorum coacta multitudo, jura majestatis, ut quidem *Bodin. c. 10.* putat, haber, ac Senatum cæterosque magistratus imperio continet. Quod si decem viri æquatis sententiis dissideant, coguntur sapientum collegia: quibus etiam inter se discrepantibus, res ad Senatum, ac postremo ad consilium Patritiorum deferretur, si rei pondus ac gravitas, aut reipublicæ majestas agi videatur. Itaque si quid decernitur pro collegio decem virorum, hæc verba decreto subjiciuntur: *In consilio di Dieci.* Cui si conjuncta fuerint collegia sapientum, addi solet, *Con la Giunta.* Si verò in Senatu decernatur, his verbis significatur: *In pregadi.* Si in comitia Patritiorum, hæc verba subjici consueverunt: *In consiglio maggiore.* Est & *Septem virorum* secretius consilium. Belli vero pacisque summa à Senatu, non populo pendet, quemadmodum in regno Poloniae, Daniae, Sueciae, Norvvegiae à nobilitate. Confer *Bod. lib. 2. de Rep. c. 7.* ubi agit de Venetorum comitiis, & quod ab illis sacerdotes ob jus jurandum Romano Pontifici præstitum, procul arceant. Adde *lib. 3. c. 1. c. 2. c. 3. lib. 6. c. 1.* ubi refert Venetorum tres magistratus cum censoria potestate.

## XIII.

In Galliâ, à quo magistratus creantur, vide *Bodin. d. cap. 10.* Quod jus provocationis ad Regem sit *eund. loco relato.* Quomodo Curia literas ad Regem superscribat & subscribat, *eund. lib. 2. de Rep. c. 1.*

## XIV.

Collationem Sultani Turcarum Principis & regis Hispaniarum instituit. *eod. lib. 2. Ibid.* dicit, quæ Ducum liberi in Angliâ & Scotia agros & prædia absque ullâ Ducis prælogativâ possideant.

## XV.

In Peruanorum regionibus, quomodo incolæ possessionem bonorum, mortuis propinquis petere cogantur, tradit *loc. relat.* ubi etiam tractat, uno legis Mahumeticæ capite contineri, ne quis ullius prædii dominum sese dicat.

## XVI. De



## XVI.

De Francisci I. Regis Galliarum opulentissimo arario decies septies centena aureorum millia complexo, & Heinrichi II. arario exhausto, differit *d. lib. 2. c. 4.* ubi etiam causam indigetat.

## XVII.

Cosmus Medices quomodo Dux Florentinorum creatus sit, *ibid. c. 5.*

## XVIII.

De Imperii Germanorum forma & statu dicere idem multa gessit, *cap. 6.* Sed ut Politicorum nostrorum Principes judicant, cæcus de coloribus sententiam fert, vide *Thuan. lib. 2. histor. de Germaniæ administratione quædam edifferentem.*

## XIX.

Turcarum Princeps Senatui rarius interesse consuevit, sed in teriore ac proximo Senatus habendi loco ferè semper consistit, aut consistere putatur, ut Senatores in officio contineantur *Bod. lib. 3. cap. 1.*

## XX.

De consiliis regni Galliæ agit *Bodin. d. lib. 3. c. 1.* Agit *ibid.* de consiliis quæ in Hispania sunt: *c. 2. & 3. 4. 6.* agit de Galliæ magistratibus: *c. 4. 6.* de Curia Parlamenti (de eadem agit *lib. 4. c. 4.*) *c. 7.* de jurisdictione Academiæ Parisiensis, & quæ collegia Templariis in Galliâ concessa sublata fuerint. Item quibus artibus Iudæi Galliâ & Hispania pulsi legantur. Exponit *ibid.* Comitia Galliæ. *lib. 4. c. 1.* agit de provinciâ Narbonensi ac Septimaniâ, ut solutâ fiduciâ ad Regem Galliæ redire debuerint. Omnium verò doctissimè de Politico statu regni Galliæ agit *Dominicus à Burmania in Atlante Mercatoris, Arniseus in Polit.*

## XXI.

A Rege Fessarum majorum ætate duæ Africae urbes potentissimæ defecerunt, propterea quòd præfectus sponsam alienam Regis exemplorapuisset.

Iosephus Mauritaniæ ac Fessarum Princeps ex duobus oppidis intervallo à se invicem disjunctis, unam eamq; maximam Fessarum urbem continuatis ædificiis perfecit, & animos civium iunxit concordia.

De Republ. Florentinorum multa contulit *Bod. d. l. c. 1.*

## XXII.



## XXII.

*De Censu Venetorum anno 1555.*

Illo anno censa fuerunt civium quinquaginta novem millia, 349 supra annum vigesimum: foeminarum verò 67 millia, 557. Monachorum duo millia, 185. Vestalium duo millia, 82. Iudæorum 1158 quæ summa conficit 132 millia, 330 civium, quibus si adjeceris tertiam partem totius summæ eorum, qui juniores sunt annis 20 quoniam hominis vita sexaginta ferè annis terminetur: numerus civium fuit circiter 176 millia, 440 extra peregrinos. Patritiorum verò sive optimatum numerus eo censu non fuit comprehensus, qui excurrit ad tria millia. Confer *Ianot. de Rep. Venet. & Arnif.* qui eundem allegat.

## XXIII.

Legem Venetorum de dotibus latam explicat *Bod. lib. 5. c. 2.*

## XXIV.

*Bodin. lib. 4. de Rep. c. 1.* memorat, Austriacæ gentis Principes undecim rerum gestarum gloriâ clarissimos, Imperii Germanici majestatem quasi defendisse.

## XXV.

Cur apud Indiæ Orientalis populos, Reges tantum numerum uxorum habeant, differit *Bodin. lib. 5. c. 1.* ex historia Perusina Indorum.

In Æthiopia homines litibus non vacant, sacra majori cultu habent, quàm ulla gens.

## XXVI.

De Norinbergensium Republicæ statu agit *Bodin. lib. 2. de Rep. c. 6.* & cum Republ. Venetâ in multis confert. Ego hoc cum multis dico.

I. Olim magnus nobilioribus, & longâ antiquitate venerandis familiis habebatur honos: nunc vetustissimæ familiæ premuntur, & vix ab interitu se vindicant. Respublicæ à populo ferè reguntur, ut patet in Republ. Genevatum, Helvetiorum, ubi populus jura suffragiorum Senatores eligendi obtinet, leges fert, bella suscipit, & pacem firmat. *Arnif. de Rep. c. 5. sect. 4. n. 16.* Adeò ad populum omnia apud Helvetios prolapsa sunt, ut præter paucos Barones nobilesque, qui per pacta conventa demum æquiore jure in potestatem Bernatum *au pais des Veaux* cesserunt, universam nobili-

Ee

bili-



bilitatem Epidemico quodam furore trucidaverint. Basileā qui supererant nobiles, ultrò in agros & prædia, sub Episcopi sita ditione, profugerunt, quod opificum & mercatorum imperia nescirent: quam fortunam etiam illi perpeffi sunt, qui Argentinam domicilia ex agris transtulerant.

2. Nam cum plebis furori cederent, & insolitudine pacata quàm in seditiosâ civitate, suisq; capitibus imminente vivere malent occasionem aperuerunt civibus transferendæ ad se Reip. legem, que condendi, quâ nobilibus capeffendos summos honores & magistratus via prorsus præcluditur. Sanciverunt enim, ne quem *Ammeisterum* (is est summus in civitate magistratus) creari fas esset, nisi qui opificio se aliquo debitum docere possit. Licet enim proximum ab hoc locum teneat *Stetmeisterus*, ex nobilitate residuâ sublectus, imperio tamen omni sine illius consensu destituitur. Et vidit *Arnif. de Republ. c. 5. sect. 1. n. 14.* illic, cum incursus hostium timeretur, & ad arma cives, suo quisque loco, prout divisæ sunt stationes, procurrerent, universæ nobilitati interdictum, extra ædium munimentum conspici, aut in platea deprehendi: quam eandem cautionem observant, quoties incendium oritur, ubiq; nobilitati ad recuperandum per vim civitatis regimen viam præclusuri. Exemplo Florentinorum, de quibus *Ioh. Mich. Brut. lib. 1. histor. Florent. Giachetto de Malespini hist. Florent. c. 214. Platina in vit. Clem. Cæteræ civitates Germaniæ, quæ in Democratiam hanc prolapsæ sunt, ex paucorum imperio, amoras partim à gubernaculis, partim seditionibus oppressas vetustiores familias, ita in arctam coëgerunt, ut nullæ ferè, aut quàm paucissimæ compareant. Lubecæ, Bremæ, Coloniæ, Magdeburgi, & Brunsvigæ, ubi interim Demagogi & assenatores populi dominantur, nec id exequi licet melioribus magistratibus, quod ex usu Reipubl. videtur, sed quod plebi placet, quæ audacter in quodvis facinus ruit, suâ se multitudine securum putans.*

3. Hodie adhuc Reipubl. Norimbergensis ad viginti octo familias, perinde Genuensis redacta est, *Giphan. in lib. 2. Polit. c. 10.* ex quibus colligitur conventus magnus trecentorum, aut præter propter Patriciorum. Nihilominus tamen & ipsi Norimbergenses præter octo seniores, & viginti sex senatores, in Senatum octo plebejos admiserunt, ut susceptionem oppressæ plebis à se averterent, & gliscentes subinde seditiones compescerent.

4. Omni-



4. Omnium verò purissimam Aristocratiam retinent Patricii Luneburgenses, qui non tantum ad arcana Reipubl. ex plebeis neminem admittunt, sed etiam ne sanguinem cum iis commisceant, adeò supersticiosè cavent, ut Romani olim, ante rogationem Canuleiam, non crediderint supersticiosius auspicia hac commixtione turbari, & incerta reddi.

## XXVII.

Reges Galliae societatem Helveticorum tantâ mercede conduxerunt, quantum videmus, ne finitimi Principes illos ad se majori mercede pertraherent, ac peditum quos optimos habet illa natio, legiones inde conscriberent. Quem numerum conficiant pensiones Helvetiorum à Rege Galliae acceptæ, docet Bod. lib. 5. c. 2. ubi Quaestoris Helvetiorum Apochas laudat.

De salis vectigali in Galliâ, vide eund. loco relato, ubi concludit, Galliam frumento, vino, oleo, sale esse divitem, & ab Hispania in Galliam auri & argenti copiam ingentem advehi. Auri abundantiam in regno Peruano etiam describit fide Augustini Zaratae, qui Logistes Hispani Regis meruit. Sic itaque exponit tributa & vectigalia Regis Galliae, Caroli V. Imperatoris ex Insubria, Principum Florentinorum. Turcarum Principis. Narrat, quadruplatorem quendam professum esse amplius septies millies sestertium, id est, libellarum Turonensium summam 36625000 sublati cæteris omnibus tributis ac vectigalibus facilimè ac sine cujusquam incommodo in ærarium Regis Galliae cogi posse: eundemq; quadruplatorem sexcenta millia oppidorum ac pagorum in Galliâ constituisse, sed ipse ex rationibus publicis numerum exprimit.

## XXVIII.

Montes pietatis Italicorum *ibid.* Bodinus attingit, qui ad inopiam tenuium sublevandam instituuntur, ut cui filia nascitur, in ærarium pietatis pecuniam dotalem, quam volet, eodem inferat momento, nec repetere possit: sed cum puella annum 18 attigerit, deculpam pecuniam maritus dotis nomine ab ærarii Quaestoribus accipiat. Alterum pietatis ærarium est, unde tenuibus pecunia datur ad summum aureorum, eâ lege, ut trientibus usuris, duæ omniū levissimæ judicantur, & pignoribus ærario caveant, se creditam pecuniam stato die reddituros: si solvendo non fuerint, pignus



publicè venditur: quod soluta pecunia reliquum est, debitori restituitur.

## XXIX.

Franciscus I. Rex Gallia, pecunias moderato fœnore accepit, persuasus ita futurum, ut Italicorum & Germanorum opes brevi cogeret, hostibus eriperet. Henricus filius brevi exhausto patris ærario opulentissimo, usuras centesimas, post etiam sesquicentessimas, tandem anno 1554 ducentessimas pactus est. Verum erroris opinione deceptus est: cum enim graviores cæteris usuras creditoribus solveret, maiorem vim pecuniarum se coacturum sperabat. Illum verò gravi fœnore obæratum fides defecit, & ærarii tanta inopia fuit, ut Henricus moriens plura deberet, quàm sui majores annis quadraginta à suis subditis exegissent: idque æs alienum annis 12 quibus imperavit ferè totum usuris contractum est: præterquam quod quatercenties quadragies quinquies L 5, id est, 2312610. II. Turonens. mutui nomine sine usuris debuit.

Quæ debita usurarum vitio Carolus V. ejusq; filius Philippus contraxerint, *Bodin. lib. 6. c. 2. expedit.*

## XXX.

Rex Hispaniarum librum habet omnium literarum, duas ad Legatos & Præsides provinciarum scribit, compendiosissimè singula complectentem, eum volvit ac revolvit.

## XXXI.

Franciscus I. Rex Galliarum, personarum illustrium, quibus donaret, delectum habuit, & largitionibus modum imponere didicit. Nescivit Henricus filius, *Bod. loco relato.*

## XXXII.

Venetì summa quæque in Republica septem viris aut sapientibus deliberanda, sæpiusq; decernenda committunt, ne arcana imperii in vulgus manare possint. Quibus artibus illi ipsi Rempubl. maximam maximè tueantur, dicentem vide *Bod. lib. 6. c. 4. §. quamobrem Veneti.*

## XXXIII.

Turca habent suum Muphthem, id est, Pontificem maximum, qui illam quæ inter jus scriptum & æquitatem intercedere dicitur, interpretationem solus habet. Alii Reges Persarum, Africani suos quoque habent Pontifices, de quibus vide *Bod. d. l. c. 9.*



## XXXIV.

Apud Tartaros & Moschovitas levissima furta morte puniuntur, quia in tuguriolis an aut casis humilibus fortuna cujusq; posita sunt. Quin etiam apud Indos, qui sunt ad Occasum, fures verubus ac varris transigi mos erat, priusquam Hispani regiones illas subegissent.

## XXXV.

Turcarum Imperator propterea nullam tolerat campanam in sua ditione, atq; adeo nullum horologium, cum existimet campanas esse seditionum instrumenta.

## XXXVI.

Principes Austriae non solum filios, sed & filias suas curant institui in lingua Latina.

## XXXVII.

Sleid. lib. 19. circa medium, eleganter describit inaugurationem Regum Galliae. Adde Bod. lib 6. Polit.

Imperatores Romani pro insignibus habent aquilam bicipitem: Reges Galliae habent lilia: Anglia Reges habent rosam cum leone, Nicol. Reusn. de insignibus.

## XXXVIII.

Philippus Bellus, Rex Galliarum, legem vestiariam tulit olim Bodin. lib. 6. de Rept. Nunc laudabile ac utile institutum Reipublicae Venetae, & imprimis Norimbergensis est, in qua cuilibet civium ordini certa vestimentorum genera, & eorundem pretia constituuntur.

## XXXIX.

Feudum Turcae dicunt *Timar*, & vasallos *Timariotas*. Est autem *Timar* honorarius praediorum fructus, à Græco ut opinantur *τιμῶν*, quod est honorare, quæ vocabuli notatio propriam feudi naturam exprimere videtur.

## XL.

Regis Galliarum idcirco magna est & formidabilis potentia, quia partes Galliae sunt continuatae in circulum, ita ut ab omnibus partibus extremis Galliae subditi Lutetiam, tanquam ad regiam facile conflueri possint necessitatis tempore, veluti lineæ à circumferentia ad centrum.



## XLI.

Dominicus Sotus *de just. & jure lib. 1. quæst. 5. art. 3.* homo Hispanus, exprobrat Germanis crudelitatem suppliciorum.

## LXII.

In historiis Indicis notatur, & à Lipfio quoque *in not polit.* perscriptum de Rege Iapaoniæ, qui suis subditis jurare cogitur, se effecturum, ut justo tempore pluat, & justo iterum tempore sit serenitas, néve imbres, grandines, & ejusmodi alia noceant frugibus.

## XLIII.

Valdè à Politicis laudatur magnus Hetruriæ Dux, qui cum sit potentissimus & opulentissimus, aulam tamen interim habet contractam & parcam.

## XLIV.

Relationes legatorum à multis seculis consignatas, Senatus Venetus in Archivis suis pro quodam velut thesauro Politico conservat. Et quæcunq; Boterus & alii Itali de exteris Rebus publicis scripserunt, ea præcipuè ex talibus legatorum relationibus contexta sunt.

## XLV.

De fœdere Anseatico, der *Häusen Stätt* politici & Historici testantur, quod sit inter maximè nobilia & terribilia, usque adeò, ut Ludovicus ab Acila in historia belli Germanici non obscure profiteatur, potentissimum illum Carolum V. Imperatorem robur civitatum Anseaticarum valdè reformidasse. Quæ civitates sint in societate Anseatica docet *Matth. Steph. de jurisd. Rom. Imp. part. 2. c. 3. Mezeran. lib. 19. hist. Belg.*

## XLVI.

Adhuc prudentes viri plus metuunt Tartaros quàm Turcas, quia Tartari sunt Septentrionaliores. Et sunt multi in hac opinione, Germaniam tandem à Tartaris vastatum iri, & illis prædam futuram.

## XLVII.

Quæ Boterus de regimine Poloniæ scribit, ita sunt intelligenda, ut Monarchia ibi secundum quid prævaleat, & secundum quid Aristocratia.

## XLVIII.

Stipendia & redditus scholarum Turciarum non constituuntur ex fisco & redditu Imperii, sed ex nova acquisitione vel additione fac-



ne facta imperii: ut, Turca ob eam causam invasit Cyprum & Nicetiam, scholas dicit redditibus, quos percipit à *Zigets* in Hungaria, *Tholos. de Rep. lib. 18. c. 5.*

## XLIX.

Galliae populus, in quot ordines distributus sit, idem *Thol. lib. 4. c. 1. sect. 14.* refert, & *lib. 4. c. 5. §. 38.* addit, Galliae Rege mortuo, quomodo magistratus exerceant potestatem.

## L.

Insignia dignitatis donata summo Pontifici & clericis ejus à Constantino Magno, quae sint, vide *Thol. lib. 25. c. 1. n. 11.* ubi mira nobis prodit.

## LI.

Princeps Moschoviae baculo nobilibus dato, eos officiis praeposit, quem abeuntes magistratu reddunt. Intelligitur obsequium in Principem, *Alex. Guagin. de nece Rostoviensis Ducis.*

## LII.

Insignia Regis Scotiae, & Alphonsi I. Portugalliae Regis, *Thol. lib. 6. c. 16. n. 14. lib. 12. c. 16. n. 6.* disquirat, insignia crucis albae in campo rubeo, Siciliae ab Archadio quare data.

## LIII.

Poloniae (quae aliquando, cum Ducatus esset, tributaria imperii fuit) insignia sunt aquila alba, *Thol. lib. 6. c. 16. n. 7.*

## LIV.

Modus exquirendae pecuniae exquisitus fuit, cum Veneti patriatum promiserunt classem juvantibus pecunia.

## LV.

Statum Reipublicae Venetae, ejus primum tribunos, magistris militum, deinde Duces, magnos magistratus, concilium magnum, nobilitatem patritiorum, collegium, *il Collegio* peculiari nomine dictum, Decemviros, eorum potestatem circa jus belli, pacis, foederum (hic confer *Bodin. de Rep. 1. c. 10.*) Procuratores D. Marci, haec omnia diserte explicat *Arnif. in Politic. de statu Reipub. Venetae.* Adde *Paul Palczowski de Palozovice in lib. suo de statu Veneto Phil. Camer. in obs. hist. c. 33.* laudabilem fert esse morem Venetiis inter Senatores, quando in Curiam ad consultandum de rebus publicis conveniunt. *c. 64. e Sabell. in hist. Vener. decad. 3. lib. 6. thesaurum publicum.*



cum Venetorum in æde D. Marci prodit. Confirmat hoc *Cominatus lib. 2. de bell. Neap.* Liber Italus, qui inscribitur de rebus memorabilibus Venetæ Reipubl.

## LVI.

Poloni licet Regi se subiectos fateantur, tamen ut de de Gal-  
lis *Boter. lib. 2. Polit. illustr. c. 3.* dicit, tractari volunt ut fratres: alio-  
quin statim audiet: *Apogee facesse hinc.* Iuramentum Henrici An-  
degavenfis, & Stephani Batori refert *Arnis. in Polit. de statu regni Po-*  
*loniæ*, ubi alia confert, & de statu regni Poloniæ scita & docta disqui-  
rit. *Iohannes* quoque *Ianusovvski*, qui statuta regni concinnavit, in  
præfatione ad lectorem memorabilia de statu regni Poloniæ habet,  
& temperiem Monarchiæ, Aristocratæ & Democratæ ostendit.

## LVII.

Iudicium Regis Hispaniarum de opibus Regum aliorum,  
& Belgio ipso, vide *Meter. in hist. Belg. lib. 19. de anno 1598.* ubi reci-  
tat Regis epistolam monitoriam ad filium.

## LVIII.

*Ioh Boterus, Canonicus Romanus, in thesauro Politico* scribit,  
quænam utilitas ex occupatione regni Daniæ ad religionem Catho-  
licam redundare possit, scilicet auxilia hinc posse accipere res Ca-  
tholicorum in Belgio, *Mirus* hinc nobis Politicus Boterus. *Cicarella*  
quoque in vita Sixti V. Pontificis scribit, quinq; milliones in castro  
S. Angeli reconditos, ad recuperationem clicujus regni ab inimicis  
Romanæ Ecclesiæ occupati.

## LIX.

ANNUI REDITVS ET CENSVS REGNORVM  
& REGIONUM, de quibus *Grasserus* in  
officina Textoris.

ITALIA, teste *Viginario*, ex dominatibus solummodò Politi-  
cis Romano Pontifici quotannis exhibet millionem auri, qui efficit  
centena millia ducatorum. Hos autem redditus amplissimos domi-  
nia Ecclesiastica plurimis modis superant, quæ possidet in Italia,  
Hispania, Gallia, Germania, & alibi, *Lanovius* ponit quindecies cen-  
tena millia coronatorum: *Hieraus* autem 900000 coronatorum.

Neapolitanum regnum pendit quotannis, secundum *Vigin.*  
duodecies centena millia ducatorum, secundum *Hieraum* verò  
1646000 coronatorum. Sici-



Sicilia, teste *Vigin.* quinquies centena millia ducatorum.

Mediolanensis Ducatus, teste *Vigin.* duodecies centena millia.

Hetruriæ Ducatus, eodem *Viginar.* teste, Mediceo solvit quindicies centena millia. Teste verò *Hierao* 1110000. coronatorum.

Mantuanus Ducatus, & Montis Ferrati Marchionatus pendit centena millia, secundum *Viginarium*, vel secundum *Hieraum* 849000.

Parmensis Ducatus, ex *Viginar.* octoginta millia. Urbinatus Ducatus, ex *Viginar.* quinquaginta millia, ex *Hierao* 10000.

Lucensis Respublica triginta millia.

Genuensis Respublica centum millia.

Ferrariensis Ducatus 327000.

Venetorum Respublica ex universo dominio quindecies centena millia, *Vigin.* & sic Italia, secundum *Vigin.* redderet 9. auri miliones, centum sexaginta quinque millia ducatorum, ut ærarii Quæstores subductis rationibus invenerunt anno Christi 1583. Ex solo sale enim collecta sunt septingenta duo millia ducatorum, & sedecim.

Tributa omnium artium Mechanicarum effecerunt centum quinquaginta sex millia, sexcenta nonaginta octo.

Ex piscatione 5752. ducati.

Ex lignis ædificiorum 5754. ducati.

Ex pistrinis & molis 1997.

Ex naulis maris & fluminum 6591.

Ex venditione vinorum 2361.

Ex officinis monetariis 33081. & hæc ex sola urbe Veneta.

Subsidia verò ex Patavio, Trevisio, Verona, Gologna, Bergamo, Bassamo, Civitalle, Feltre, Rovigo, Crema, Bressa, Vincentia, earumque statu, æquarunt centum sexaginta millia ducatorum, septingentos & nonaginta.

Eædem urbes solvunt annuatim ad stipendia Centurionum, equitum & peditum 80000. cor.

Ex Ducatu, qui antiquitus continebat oppida lacunarum sinus Adriatici, qui circum Urbem, & dicuntur vulgò portæ urbis, ut sunt Muranum, Malomocum, Torcellum, Buranum, Mazorbium, Chiozza, & loca littoralia, quæ separant Adriam à Lacunis.

Ff

Ex



Ex Murano 862. Ex Torcello, Mazorbo, Burano, aliisque locis pertinentibus additionem Torcelli 2187. Ex Nalomoco 94. Ex Chiozza 3538.

Quod autem alias urbes & oppida status Veneti attinet, ex his sequentia colliguntur tributa.

Ex Adria 1010.  
Lorico 1460.  
Gambara 400.  
Cavargere 1095.  
Patavium 48504.  
Preve di sacro 920.  
Novale 950.  
Campo S. Piero 914.  
Montagnana 2346.  
Este 934.  
Azolo 1782.  
Castel Franco 1700.  
Castel Citatella 1522.  
Mestre 2914.  
Vincentia 47237.  
Castella Vincentina 1064.  
Longino 1628.  
Verona 75170.  
Castella Veronensia 11106.  
Cologna 6240.  
Castelbaldo 248.  
Mons Celisi 932.  
Bassano 4976.  
Trevigi 25265.  
Castel Trivisana 932.  
Valerzo 1261.  
Porto Buffale 793.

Sacile 1490.  
Caneva 718.  
Conigliano 6521.  
Saravalle 1136.  
Cadore 2551.  
Rovigo 8547.  
Lendonara 1446.  
Abbatia 7525.  
Vtina 5726.  
Civitalle 2838.  
Porto Gruaro 1476.  
Lignago 5650.  
Peschiera 1190.  
Sorve 1212.  
Brescia 89958.  
Solo & Riviera 12427.  
Romano 1168.  
Martinengo 1466.  
Lona 1471.  
Azolo 2136.  
Orzi 1336.  
Bergamum 34697.  
Crema 77610.  
Monfalcon 1122.  
Chiasa 750.  
Perdonove 4577.  
Feltre 4620.  
Civitaldi Bulleno 5392.

Ex Istria colliguntur redditus.

Capo d' Istria 2612.  
Piran 1021.

Rovigno 633.  
Parenzo 1116.

Cira



Cita Nouva 881.

Pola 200.

Dignam 1384.

Albona & Fianona 1143.

Valle 878.

Montona 1820.

Grittigiana 1584.

S. Lorenzo 1456.

Pinguente 2756.

Humago 590.

Salvia 752.

Buie 342.

Portole.

Ex Dalmatia, ubi notandum, ejus confiscationes, & multas omnes condemnationum peculiari privilegio communitati Dalmatarum attribui, non Venetorum fisco adplicari.

Cherso & Osero 6101.

Veglia 4735.

Arbe 2780.

Zara 2287.

Nona 640.

Sebenico 6246.

Trau 4980.

Limissa 8720.

Spalato 15567.

Curzola 3070.

Pago 600.

Catara 8507.

Piazza 6000.

Budua 1240.

Novegradi immunes sunt ab omni tributo, sed singulis militibus praesidiis, qui arcem tuentur, quotidie numerant 25. solidos.

Ex Insulis, quae ad Græciam vergunt.

Corcyra 8059.

Cephalenia 13877.

Cerigo 2340.

Candia 17810.

Retimo 4510.

Zacynthos 1784.

Canea 4107.

Scythia 2930.

Leve & Micesi 3706.

Summa summarum omnium proventuum Reipublicae Venetae regit ad quatuor milliones, centum sexaginta quinque millia ducatorum, & quadraginta octo ducatos.

Pedemontanus principatus, & Sabaudiae Ducatus superat millionem auri.

Gallia quamvis Italia duplo major sit, tamen Regi suo quatuor tantum auri milliones pendit. Communicantur enim plures proventus Principibus regni, & nobilibus, qui simul a suis subditis non minus quam tres milliones colligunt: totidem etiam recipit ordo Ecclesiasticus, quia nonnulli testantur Gallicarum Ecclesiarum redditus accedere ad septem milliones coronatorum aureorum. .æc Viginarius.



*Lanovius* autem asserit, in Gallia esse duodecim Archiepiscopatus, 96. Episcopatus, 600 Abbantias lautissime dotatas, 2000 Prioratum, & omnes hos ordines possidere in annuo redditu decies centena millia librarum: alii vero observarunt plura, quod est verisimilius: constat enim omnes Episcopatus, sacerdotia & canonia Italica, vix tantum recipere proventum quotannis ex beneficiis Ecclesiasticis, quantum quarta pars Ecclesiæ Gallicanæ.

*Bodinus* refert, anno 1444 sub Carolo VI. totum regnum solvisse quotannis tantum tredecies centena millia librarum. Sub Carolo IX. anno quo mortuus est 1574, redditus regni superarunt quatuordecim millones librarum. Sub Henrico Magno exhibuit quinque milliones auri, & quingenta millia coronatorum. Qui tamen redditus annuatim in maximas excrescentes gazas, quorundam avaritiæ non suffecerunt.

Auctor libelli, qui vocatur *Conclave Regium*, testatur, Politici ordinis redditus accedere ad triginta novem milliones, & quingenta millia librarum Turonensium, quæ superant tredecim milliones coronatorum. Ordinis autem Ecclesiastici redditus longè ampliores affirmat.

Ideò autem veteres Galliæ Reges in Ecclesiasticum ordinem tam liberales fuerunt, quia illum prehenderunt erga pauperes, viduas, orphanos, peregrinos, & similes miserabiles beneficium, & paternè affectum, qui tantos redditus in afflictorum Christi membrorum pium usum collocarunt. Vnde omnes illi pii Episcopi & præfules, pauperum causa horum proventuum tam diligentem semper habuerunt rationem, quemadmodum inter plurimos alios in Ambrosio & Laurentio videmus, quorum hic Decio, ille verò Valentiniano Imperatori bona Ecclesiastica tradere jure noluit. Et Leo I. ad Episcopos per Siciliam scripsit: Bona hæc non nostra, sed nobis commendata esse.

Caveant sibi omnes Achabi, ne Nabothis vineam eripere præsumant: quæ enim felicitas in auro Tholosano sit, omnibus & seculis & gentibus plus satis innotuit.

HISPANIA, *Viginario* teste, duos tantum auri miliones quotannis Philippo suo pendit. Ex India autem & America ingenti auri copiam colligit. *Ortelius* refert, ex novem Hispaniæ regnis quinque milliones ducatorum comportari. Octo ejus Archiepiscopatus,



& 48 Episcopatus in annuis habent creditibus centum & quadraginta millia ducatorum.

Belgium, ut observavit *Viginarius*, solvit sedecies centena millia coronatorum. *Bodinus* scribit Belgas Caroli V. tempore solvisse tantum tredecies centena millia librarum.

Portugalliae regnum, ut *Boterus* refert, pendit singulis annis duos ducatorum milliones.

ARRAGONIA ducenta millia. NAVARRA centum millia. SARDINIA centum millia.

GERMANICUM imperium, teste *Botero*, possidet septem milliones.

Austriaca domus duos milliones, & quinquaginta millia.

Polonia ut observat *Boterus* pendit centum millia coronatorum.

Lotharingiam sexies centena millia librarum solvere ait *Viginarius*, *Boterus* autem non ultra quam quinquaginta millia.

De Helvetia nihil dico; agat illa Deo pro tanto libertatis beneficio dignas gratias, & piis majorum insistat vestigiis. Vel binæ illæ de Carolo Burgundo victoriæ sufficiant loco maximorum reddituum: sufficiat regio amœnissima, fertilissima, saluberrima, munitissima.

ANGLIA, secundum *Viginarium*, quindecies centena millia.

SCOTIA, ut *Boterus* scribit, solvit centum tantum milliis, quando ejus regni proventus magis in hominum, quam pecuniarum numero consistit, ut observavit *Viginarius*.

TURCI Imperatores proventus pro diversitate tyrannorum diversi sunt. Solymanni tempore totum Imperium solvit quotannis decem milliones, nongenta quadraginta octo millia ducatorum, & quingentos, ut refert *Theodorus Spanduginus*, *Patricius Constantinopolitanus*, qui particulatim hæc ita explicat:

Ex tributo Carazzi, quod à Christianis penditur quotannis, recipit millionem unum, & quingenta millia Seraphorum

Ex minericiis, metallicis, salis, aluminis colorum, boli Armeni, terræ figillatæ, & ejusmodi. 900 millia.

Ex Datis & Gabellis, ut vulgo loquuntur, 700. millia.

Ex privilegiis & diplomatibus 100. millia.

Ex bonis caducis, quæ Galli Aubennas vocant, 500 millia.



Ex salinis 500. millia.

Ex bonis defunctorum sine hærede vel patrono 100. millia.

Ex naulis, quæ penduntur pro egressu regnorum, 50. millia.

Ex monetariis officinis 100. millia.

Ex piscationibus 50 millia.

Ex redditibus mortuorum Bassarum, & aliorum, quibus stipendia quotannis ab Imperatoribus solvuntur, post quorum mortem redeunt ad ærarium quotannis plus quam 600, millia.

Cyprus hodie pendit 8. millia. Moldavia 6. millia.

Valachia 12 millia. Ragusium 12 millia, 500. Chios 10 millia. Ægyptus decies centena millia Sultaniorum.

Ex decimis omnium urbium 4 milliones.

Ex decimis aliorum regnorum 7. milliones.

*Boterus* dicit Ægyptum olim solvisse 7 milliones.

*Franciscus Sanforius* ait, Turcam possidere quotannis quia-  
decim milliones auri, ex illis autem quinque tantum referri in ærari-  
um, ex reliquis decem per imperium alii milites.

*Iovius* in vita Solymani scribit, connumeratis cum prioribus  
suis etiam Sultanici regni redditibus, sexagies centena millia aureo-  
rum singulis annis habet: ex quibus quinquies & quadragesies cen-  
tena millia expendit.

*Bernhardus Navagerius*, serenissimæ Venetæ Reipub. apud Tur-  
cam Legatus scribit: Ego dico me animadvertisse, ex rationibus æ-  
rarii, quod Chasna dicitur, recipi annuatim octo milliones 272000  
ducatorum, quæ summa ex his particularibus colligitur.

Tributum Asiæ minoris, quod à Christianis Græciæ & Ana-  
toliz extorquetur, superat decies centena millia ducatorum.

Ex Datis, diplomatibus & privilegiis, colliguntur quotan-  
nis centum millia ducatorum.

Ex bonis defunctorum sine hærede, trecenta millia.

Incolæ Ducatus Arrago, qui à tributo Carazzi immunes sunt,  
solvunt annuatim per singulas domos Ducatum unum, quod efficit  
summam ducentorum millium.

Ægyptus, Nemphis & Arabia, solvunt unum millionem, & o-  
ctingenta Seraphorum aureorum millia, ex quibus in Turcæ æra-  
rium redeunt trecenta millia: reliquum ad tuitionem provincia-  
rum impenditur. Mesopotamia ducenta millia, ex quibus ad ærariū  
redeunt centum, & quinquaginta millia.

Ex



Ex Rhagufino tributo decem millia.

Ex tributo Moldaviae sedecim millia.

Ex Transilvania decem millia.

Ex Valachia duodecim millia.

Ex Insulis Archipelagi sex millia.

Ex Chio decem millia.

Ex Cypro octo millia, &c.


*Viginarius* Turcicum proventum aestimat duodecim milliones auri, qui quotannis ingrediuntur ærarium Sultani. Accedunt autem & alii reditus, qui Thimar dicuntur, ex agris, sylvis, fluviis, fortis & pascuis totius Imperii Turcici, qui ad maximam summam redeunt. Ex iis suppeditantur impensæ ad alenda trecenta millia equorum militarium, quos Turca suis equitibus distribuit, quoties expeditionem in hostem molitur. Ad bellum enim omnes coguntur, quotiescunque Principi libet, stipendiis, armis equisque & annonæ ex ærario acceptis.

Ex his itaque, humanissime lector, colliges, quantum olim fuerit Romani Imperii robur & potentia: quantis facultatibus & divitiis abundaverit. Nam quod ex Syria & Mesopotamia colligantur hodie octies centena millia ducatorum, mirum videri non debet: testatur enim *Herodotus*, Darium, Histaspis filium, primis suæ monarchiæ annis, ex his duabus provinciis contraxisse quotannis quatuordecim talentorum millia, & quingenta, quæ efficiunt octo milliones, & septies centena millia aureorum.

Quod si verò Turcicis redditibus annuis, qui efficiunt viginti milliones auri, addas alios viginti milliones, qui à Christianis possidentur Principibus, totius summa erit quadraginta milliones, qui quotannis ex provinciis colliguntur, quæ Imperio Romano olim erant subiectæ, & sic differentiam inter hodiernum & priscum Romanum perpende

Imperium.







# INDEX INDEX RERUM MEMORABILIUM.

## in BOTERI RELATIONES.

### A.

<i>Abissinia</i> nulla regio generationi a- prior. 45	<i>Amochi</i> milites <i>Calicutii</i> seipsos execrantur. 130
<i>Abissinia</i> mancipia miros extra pa- triam habent progressus. 150	<i>Anglia</i> in 5 comitatus dividitur. 12
<i>Abissinii</i> loquendi & epistolam con- scribendi regulas non habent 145	non generat lupos aut noxi- um animal. 10
observant jejunium 50. die- rum. 148	situs fortitudine alia regna superat. 10
<i>Spartanorum</i> morem in mu- niendis urbibus amplectun- tur. 145	<i>Angliae</i> ambitus 8. 9.
sunt ingenio tardi. 145	<i>Archiepiscopatus</i> 9.
veritatem non dicunt, nisi ju- raverint per Regis vitam. 146	<i>Episcopatus</i> ibi.
<i>Abissiniorum</i> divitiae. 145	lanæ præstantes. ib.
<i>Adel Rex</i> hostis <i>Abissiniorum</i> 151 152	locamunita. 11
<i>Sancti</i> nomen sibi paravit, quod semper bellum gerere cum <i>Christianis</i> velit. 160	opes 9. 14
<i>Æstus</i> maris <i>Britannici</i> . 11	oppida 9
<i>Agefanizarorum</i> . 198	panni. 10
<i>Agilitaris</i> causa. 32	parochia. 9
<i>Albis</i> . 52	vires maritimæ & terrestres 11. 12
<i>Alcaceria</i> . 155	<i>Angli</i> duo totum orbem terrarum circumnavigarunt. 12
<i>Alcaides</i> . 160. 161. si mortui sunt. bona eorum Rex recipit. 160	<i>Angli</i> in continente nihil præclarè fecerunt. 175
<i>Aleppum</i> . 193	<i>Anglorum</i> in rebus maritimis dex- teritas. 11
<i>Alcairum</i> princeps <i>Africa</i> ur- bium. 193.	<i>Animalia</i> sylvestria <i>Polonia</i> . 26
<i>Aloe</i> odoris suavissimi in regno <i>Mansin</i> . 123	<i>Animos</i> unit equalitas. 28
	<i>Annone</i> caritas oritur in <i>Turcia</i> ex hominum penuria. 194
	<i>Antuverpia</i> . 210
	<i>Apes</i> <i>Polonia</i> . 26
	<i>Aracan</i> . 123
	98



# INDEX.

<i>Arbores immensa in Moscoria.</i>	36	<i>Bate oppidum significat.</i>	105
<i>Arces nimis cooperta &amp; tecta inter meliores non censentur.</i>	103	<i>Belgica Politia forma unde proflexerit.</i>	183
<i>Arma destrunt magis quam conservant.</i>	194	<i>Belgii encomium.</i>	169
<i>homines audaces faciunt.</i>	156	<i>Bellica artes Turcarum.</i>	193
<i>Armis quomodo exuat populum Fassiha.</i>	142	<i>in Bello plurimum expendendum est.</i>	119
<i>Armuzii laus.</i>	163	<i>Bellum si non procul domo geritur non est difficile paucio tempore magnos exercitus colligere.</i>	121
<i>Arvernii montes.</i>	7	<i>Beneficia &amp; Beneficiarii.</i>	197
<i>Astrologiam Persae laudant.</i>	135	<i>Bindimirus st.</i>	133
<i>Astrologi in magno pretio sunt apud Tartaros.</i>	95	<i>Bohemia.</i>	45
<i>Avenionensis status subjacet Papae</i>	57	<i>Boriquena insula.</i>	165
<i>Augusta ducatus</i>	59	<i>Borno Rex infestat Abissiniam.</i>	149
<i>Auri pretium annis superioribus in Turcia adeo crevit, ut unus aureus duplo plus quam prius valuerit.</i>	196	<i>Bornenses uxores &amp; liberos habent communes.</i>	149
<i>Austriaca domus nulli regno in Europa cedit.</i>	45	<b>C.</b>	
<i>inclarescere coepit fere eodem tempore, quo familia Othomanica.</i>	44	<i>Calicutii regnum.</i>	128
<i>Austriaca familia ditiones.</i>	45	<i>Cambaia</i>	100
<i>reditus.</i>	46	<i>Camelorum Persiae tria genera.</i>	136
<i>Authoritatem suam quomodo Magnus Dux Moscovia conservet.</i>	38	<i>Candahar caput Parapomisi.</i>	134
<i>Azomoglani columen imperii Turcici.</i>	196. 197. 198.	<i>Candia</i>	74. 75.
<i>Azoppi.</i>	199	<i>Cantabrorum laus.</i>	171
<b>B.</b>		<i>Carceres nulli sunt in Atonomotapa.</i>	152
<i>Badurii Cambaia regis expeditio</i>	98. 99.	<i>Carinthia.</i>	45
<i>Barma Rex.</i>	103	<i>Carniola</i>	45
		<i>Carnis pondere libra vendita pendit nummum Duci Florentiae.</i>	62
		<i>Carolus M. imperium occidentale adeptus est.</i>	49
		<i>Carucen templum Fessanum Mahometanum admirandum.</i>	154
		<i>ejus reditus.</i>	160
		<i>Casbin</i>	134
		<i>Caucasi millerami.</i>	102
		<i>Cedarum</i>	



# INDEX.

Cedrus	141	Chingis Rex Tartarorum.	39
Cespitio diaboli	19	Chirmain metropolis Caramania.	134
Chami imperii amplitudo	91	Chrysostomi homilias legunt Mo-	38
Chami iustitia maiestas potentia	93	scovita.	43
Chami vires duas singulares consi-	93	Circassi	53
derationes habent.		Civitates cur dicantur Imperiales.	31
Chamo in imperium succedit pri-			
mogenitus cum singulari cere-			
monia	94	Comitia cui rei sint similia.	101
China vocatur etiam Mangi	99	Conatum humanorum non datur	179
quando à Tartaris subjugata.	ib.	cursus continuus.	106
in ea non fuit pestis univer-	108	Congo Rex Africa.	47. 48. 193
salis.	109	Conservare suas regiones magis re-	47
China civitates	107	gium est quam dilatare.	53
divisio	107	Constantinopolis.	140
provincia XV.	107	Constantinus restituit imperium	9
Reges finitimi	113	antiquo splendore.	33
Chinense imperium est unum ma-		Contributiones unde ortum traxe-	30
ximorum imperiorum	110	rint.	68
est despoticum	110	Coquinai	30
Chinenses alios bello offendere ab-		Cornubia.	174
stinent.	105	Corfieri	26
legatos aliorum principum		Cosacchi	134
veneno tollebant & sepulcra		Cosmus à Pio V. in Magnum Du-	
sumtuosa ipsis ponebant	105	cem Etruria creatus est.	
patria excedere non audent	108	Cracovia cur non sit munita.	165
nisi cum venia Regis.	108	Cuba	17
populos sibi subiectos libere	106	Cunctatio an impetus melior.	17
dimiserunt.	106	Curlandie duces	17
Chinensium imperii delineatio.	104	Custra Susiana caput.	
		D.	
regionis fertilitas incompa-	105	Dairi auctoritas magna, potentia	142
bilis.	107	nulla.	16
jaſtancia.	111	Dania	
divitia	113	Dania Regis divitie in quo	
vires	112	consistant.	17
		militia terreſtris & navalis	17
		Gg 2	ſtatui



# INDEX,

status politicus	208	Europa populi semper pro bellatoribus habiti fuerunt.	197
vestigalia	17. 18	Exerciti numerosi collectio & editio.	119
Dania Rex non abundat pecuniis	18	Exercitus longe facilius colliguntur in regionibus Africa Orientalibus quam in Europa.	121
Delectus in Anglia habendi modus.		Exercitus numerosi non diu durant.	123
Deliberatio expeditionum tribus capitibus inniti debet.	36	Exercitus numerosos perdendi consilium.	102
Differentia inter Polonum & Moscum.	44	Expeditio bellica interdum seipsam alit.	120
Diluvium Chinense	108	Expeditiones quales esse debeant.	35. 36.
Dolcinda regio sterilis.	102	Expeditionum deliberatio tribus capitibus inniti debet.	36
Duina fl.	25	F.	
E.		Fabri in Abissinia habentur pro nigromanticis.	145
Electio Regis Mexicani.	165	Fassia Rex Japonia.	141
Eor civitas	134	Fassia reditus ex oryza.	143
Eques levis armatura melior est cataphracto.	33	superbia.	160
Equi Anglici cum Germanicis non conferendi.	12	Ferdinandi tertii Magni Ducis Etruria insignia	68
Equi Germanici potius fortes quam animosi.	55	Fertilitas China duplici via augentur.	107
Equis in Malabar in praeliis non utuntur.	129	Fesse civit. privilegium.	154
Equitatus Anglia	13	sunt plus quam 400 mola.	160
Equitatus est exigui momenti in montibus.	102	Fessa vetus continet 50 templa Mahumetana.	154
Equitatus Germanicus non est aptus ad insequendum hostes.	33	Flandria	210
Equitatus Polonia.	30	Florentia	61
Equitatus Turcici effectus.	197	Florentia Ducis reditus ex dotibus venditione bonorum immobilium, locatione domorum, causarum actionibus, datis.	62
Equites Teutonici.	25		
Equitum Teutonicorum			
Magister quomodo in Ducem Prussiae mutatus.	26		
Equitum Moscovie arma.	42		
Equorum Suecia laus.	22		
Eri caput Provinciae Aria.	134		
Etruria	60. 61		



# INDEX.

Florentia parantur panni ex auro pulcherrimi	ib.	auri ardentisq; mineris dives	ibid.
Florentinus status.	61	divisa est in decem circulos.	53
Fortificationis laus	104	dividitur à Meno in superio- rem & inferiorem.	52
Francia dat vina perfectissima.	2	meretrix non minus est quam fertilis	16
Francia felicitas.	3	Germania civitates liberae 96 quon- dam fuerunt.	53
fertilitas, fluvii.	3	equites meliores.	54
figura, frugum copia aer, di- visio, termini.	5	fluvii	52
reditus	6	inferioris oppida, municipia, pagi	100
pagi	4	natio adeo numerosa est, ut absq; ea nullae fiant expeditio- nes.	54
populi frequentia.	5	natura largita est in regio- nibus à mari dissitis fontes aqua salsa.	52
in Francia sunt 4 magnetes, qui fo- ris ad se pertrahunt pecuniam.	5	pedites meliores.	54
Franciam cum Hispania sub una corona uniri optatur magis quidem effectum dari potest.	174	populi divisio	52
Francis arma Anglorum tremenda	12	provincia.	ibid.
Francisci II. Magni Ducis Etru- riae mors subitanea.	68	situs & figura.	51. 52
Franciscus Dux Mantuae & Mon- tis ferrati.	69	vires maritima.	55
Franciscus Mantuae Marchio pri- mus omnium Italiae principum barbam perpetuo aluit.	69	vires terrestres maxima.	53
Franciscus Maria Roboreus.	71	Germani sunt constantes.	54
Franciscus Maria II.	72	Gothia quid significet.	19
Fredericus ex Marchione Dux Mantuae creatus.	69	Gothiae civitates.	ibid.
Fredericus Mantuae Marchio ter- tius.	ibid.	Gueoni	117
Eur privatur vitâ in Cathaia nisi nonuplum persolvat tam pro obolo quam pro auro.	94	Guidobaldus	70. 71
G.		H.	
Gangis aqua nemo se lavare potest, nisi regibus vectigal persolvat.	25	Halis nomine Calipha insignitus occisus Cuse.	131 132
Germania abundat frugibus.	12	Henrici VIII. expeditio Bolonien- sis	13
		Hibernia	10
		Hispania auro argentoq; ditissima	168
		Gg 3	Hispa-



# INDEX,

<i>Hispania forma regendi duobus fundamentis nititur.</i>	109 209	<i>Imperatoris creatio ab Electoribus quando coepit.</i>	50
<i>Hispania nova ora opes inexhausta</i>	165 167	<i>Imperia magna sua molerunt.</i>	101
<i>Hispania Rex praevalet Turca Regis redditus exaquant re- ditus Turca.</i>	171 204	<i>Imperii Rom: Civitates &amp; Princi- pes.</i>	51
<i>Hispanicum imperium an diu du- rare possit.</i>	169	<i>divisio quando facta.</i>	48 49
<i>Hispani maximum damnum passi sunt ab Anglis.</i>	176	<i>Praelati.</i>	52
<i>Hispanorum sagacia.</i>	172	<i>membra non sunt uniformia.</i>	51
<i>Homo utitur eo omni ad defensio- nem sui, quod ad offendendum pertinet.</i>	103	<i>reditus</i>	53
<i>Hungariae regni administratio I.</i>	207	<i>Imperium Rom: bellis civibus Gal- ba, Othonis, Vitellii labi capit.</i>	47
<i>Iagello quibus conditionibus fa- ctus fuerit Rex Polonia.</i>	24	<i>imperante Traiano fuit am- plissimum.</i>	47
<i>Ianizari.</i>	164 194. 197 198	<i>quamdiu permanferit in fa- milia Caroli M.</i>	50
<i>Iaponia est corpus multarum In- sularum.</i>	140	<i>quantum exercitum educere possit.</i>	54
<i>pro sterili potius est habenda.</i>	ibid.	<i>Indion caput Margiana</i>	134
<i>varie distat à China.</i>	113	<i>Industria pacis filia</i>	111
<i>Iaponenses praestantiores sunt Chi- nensibus.</i>	ibid.	<i>In habitatorum Italiae Germania, Francia, Sicilia, Anglia Belgii numerus.</i>	109
<i>Iaponensium laus.</i>	140	<i>Iohannes Franciscus Gonzaga à Si- gismundo Cesare creatur Mar- chio Mantuae.</i>	68
<i>Iava habitatores à Chinesibus or- tum videntur trahere.</i>	105	<i>Ior &amp; Achem Reges.</i>	183
<i>Ignem utuntur Chineses ad exclu- dendos pipiones.</i>	108	<i>Irruptiones in longinquas regiones magnam faciunt vastitatem.</i>	35
<i>Imperator Austriacus non est tam impotens, quam ipsum aliqui ex ignorantia Imperiorum esti- mant.</i>	46	<i>Ismaelis Sophi origo.</i>	131
<i>non regit absolute sed per co- mitia.</i>	31	<i>regni amplitudo.</i>	133
		<i>Ispaam caput Parthiae.</i>	134
		<i>Istigias caput Baetriae.</i>	134
		<i>Italia cedit Franciae.</i>	3
		<i>Italici peditatus laus.</i>	78
		<i>Itali sibi ipsi, egregie imponunt, cum</i>	



# INDEX.

<i>cum opinantur suam regionem omnibus aliis prestare.</i>	<i>Mahumetes.</i>	131
<i>Ius eo momento, quo delictum commissum est, in Monometapa dicitur.</i>	<i>Mahumeten Mahadin Mauri non mortuum esse ajunt.</i>	132
<i>Iustitia quietis mater.</i>	<i>Malabar.</i>	128
<i>L.</i>	<i>Mancipia quare in Capitaneos à Mamudza sint electi.</i>	96
<i>Lai.</i>	<i>Marchia.</i>	56
<i>Lappi.</i>	<i>Mare Caspium.</i>	135
<i>Legatus coram Turca compariturus dina adferat.</i>	<i>Mare &amp; flumina in China non minus frequenter inhabitantur quam terra.</i>	108
<i>Lithuania quomodo Regno Polonia unita.</i>	<i>Mare novum.</i>	25
<i>Livonia à Polonis armis acquisita.</i>	<i>Mari dominantes terra quoque prevalent.</i>	106
<i>Longevitas multum facit ad propagationem.</i>	<i>Marochum civitas &amp; regnum.</i>	153.
<i>Lubecum Danis &amp; Suecis inter se belligerantibus modo huic modo alteri adhaeret.</i>	<i>Meaco.</i>	140
<i>Ludovicus Gonzaga.</i>	<i>Media quibus Turca suum dominium conservat.</i>	194
<i>Lusatia.</i>	<i>Mediolanensis ducatus.</i>	168
<i>Lusitanis nil nisi Viri desunt.</i>	<i>Meicon.</i>	116
<i>Lusitani Turca superiores in viribus navalibus.</i>	<i>Mellis copia in Abissinia.</i>	145
<i>Lusitanorum regna &amp; dominia.</i>	<i>Mercatura floret in Persia.</i>	135
<i>M.</i>	<i>Mercatura in Turcia fere est in manibus Christianorum.</i>	195
<i>Madaraccia collegium Fessanum.</i>	<i>Mexicani in septem tribus divisi.</i>	166
<i>Magellanus obiit in Cuba.</i>	<i>puerorum institutionem curant.</i>	165
<i>Magni Ducis Etruriae militia reditus, regiones naturâ munita, vires.</i>	<i>Regem veneno necarunt.</i>	ib.
<i>Magnus Magor cur sibi dominium totius Orientis &amp; India non acquirit.</i>	<i>Miles Suecicus ab hoste captus redimitur à Rege.</i>	22
	<i>Militari robori premia maxima proponuntur apud Barbaros.</i>	95
	<i>Milites Lusatiae optimi.</i>	45
	<i>Militi Suecico si occisus fuerit equus, alium Rex donat.</i>	22
	<i>Mor.</i>	



# INDEX.

<i>Manus Germaniam dividit in su-</i>		<i>segetes non perveniunt ad</i>	
<i>periolem &amp; inferiorem.</i>	52	<i>maturitatem.</i>	37
<i>Mogor.</i>	96	<i>Moscovia Magni Ducis luxu in</i>	
<i>Mogori Indiam superarunt.</i>	100	<i>vestitu.</i>	38
<i>copia elephantum, equorum,</i>		<i>ditionis ipsius fines.</i>	34
<i>tormentorum abundant.</i>	111	<i>regimen despoticum.</i>	38 209
<i>Tartaria oriundi.</i>	96	<i>vires consistunt in equitatu.</i>	41
<i>Molluccas primi detexerunt Chi-</i>		<i>nomine recitato omnes assur-</i>	
<i>nenses.</i>	105	<i>gunt in pedes.</i>	39
<i>Monomotapa elephantum copia,</i>		<i>Moscus &amp; Tarca soli sunt domini</i>	
<i>regnum, tria fodinarum mil-</i>		<i>suorum dominorum.</i>	38
<i>lia, tributa.</i>	152	<i>Moscus semper invadit Suecum.</i>	44
<i>Mons aureus.</i>	2	<i>valde dilatat regiones suas.</i>	34
<i>Montes Pyrenæi.</i>	2	<i>Mosqua.</i>	34 35
<i>Moravia.</i>	45	<i>exusta à Tartaris</i>	41
<i>Moschi de suo Principe tanquam de</i>		<i>Motus perpetuus est solius Dei &amp;</i>	
<i>Deo credunt &amp; loquuntur.</i>	39	<i>natura.</i>	101
<i>in bellis opus habent calca-</i>		<i>Mulieres Finlandie sunt fecundæ.</i>	19
<i>ribus.</i>	40	<i>Mulierum communitas introdu-</i>	
<i>maris usum non habent.</i>	38	<i>cta.</i>	130
<i>metu poenarum strenue mili-</i>		<i>Munimenta Moscovia consistunt</i>	
<i>tant.</i>	40	<i>in pluralitate paludum &amp; densi-</i>	
<i>mercaturæ non dediti.</i>	38	<i>tate nemorum.</i>	40
<i>quondam Tartaris subditi</i>		<i>Munitionem offendendi quatuor</i>	
<i>fuere.</i>	34	<i>sunt modi.</i>	37
<i>Moscovia abundat melle, feris</i>	36	<i>Munitiones meliores.</i>	37
<i>mater lacuum &amp; fluviorum</i>		<i>utilissima.</i>	23
	37	<i>Muri in Moscovia exstruuntur</i>	
<i>Jylvis &amp; lacubus magna ex</i>		<i>extrabibus</i>	40
<i>parte occupatur.</i>	36	<i>Murus Chinensis</i>	111
<i>tribus de causis habitatori-</i>		<i>N.</i>	
<i>bis infrequentior facta</i>	35	<i>Nabunanga.</i>	141
<i>Moscovia, aer fructus pecudes par-</i>		<i>Nairi</i>	
<i>vapisees.</i>	37		
<i>civitates precipue</i>	34		
<i>munitiones.</i>	40		



# INDEX

<i>Nairi, milites Malabaris, omnes sunt nobiles.</i>	129	<i>Odiorum inter Suecum &amp; Danum causa.</i>	22
<i>pedibus instar pardorum valent.</i>	129	<i>Otiosi non tolerantur in China.</i>	107
<i>uxorati non sunt.</i>	130	<i>Otto Dux Urbini.</i>	70
<i>Narsingæ Regis militiæ descriptio.</i>	125. 126.	<i>Oxus Persiæ fluvius.</i>	13
<i>opes &amp; redditus.</i>	125	<i>P.</i>	
<i>regni situs.</i>	124	<i>Parlamenta Angliæ.</i>	14
<i>verba milites ad pugnandum incitantia.</i>	127	<i>Papæ arces &amp; civitates munitæ.</i>	56
<i>Natura pronior est ad defendendum quàm ad offendendum.</i>	103	<i>dominium temporale est duorum generum.</i>	56
<i>Navale Venetum admirandum.</i>	79. 80.	<i>Italia bonam partem possidet</i>	<i>ibid.</i>
<i>Neapolitanum regnum gemma Italiæ.</i>	168	<i>non deerunt pecunia, quamdiu manus ipsi erit calamus</i>	57
<i>Nobiles Anglici loca munita non possident.</i>	15	<i>Patrimonium Petri.</i>	56
<i>Nobiles Polonici propriis impensis Regi &amp; Regno inservire obligati sunt.</i>	30	<i>Pauperum mangam curam habent Veneti.</i>	84
<i>sumtus magnos faciunt in visendis comitiis.</i>	32	<i>Pecunia vis.</i>	120
<i>Nobilitas apud Persas in pretio est.</i>	95. 134	<i>Pecunias conflandi modi in Anglia</i>	15
<i>à Turcis extirpatur.</i>	95	<i>Pedemontani quicquid habent in luxum impendunt.</i>	59
<i>Nobilium Polon authoritas.</i>	28	<i>sunt simplices &amp; mansueti.</i>	<i>ibid.</i>
<i>Nogay.</i>	42. 43.	<i>Pedemontii civitates.</i>	16.
<i>Norvegia populorum potentia.</i>	16	<i>pars maxima aspectu jucunda, abundat frumentis.</i>	58
<i>regnum quomodo pervenerit ad Danum.</i>	17	<i>Pegu.</i>	117
<i>Novoguardia.</i>	35	<i>Peibæ lacus.</i>	25
<i>Nummus Chartaceus.</i>	92	<i>Persæ classibus usi non sunt.</i>	135
<i>Nuncii terrestres.</i>		<i>delectantur bonis literis.</i>	134
<i>O.</i>		<i>quoties arma cum Turcis contulerunt, amiserunt aliquid.</i>	138. 201
<i>Odera.</i>	52	<i>timent Turcam.</i>	<i>ibid.</i>
		<i>Hb</i>	<i>tria</i>



# INDEX.

tria militum genera habent.		arces	31
	135	opes	26
Turcas superant civilitate &		regni situs & amplitudo	24
humanitate.	135	reditus	29
Persarum militia gravi morbo la-		regno quanam ablata sint	29
borat.	135	regnum auro & argento di-	
nomen aliquamdiu suppress-		ves non est	29
sum fuit.	131	Polonici regni thesauri consistunt	
Persia Reges finitimi.	137	in salinis	26
Regis reditus.	136. 137	Poloni in praeliis opus habent freno.	41
Regnum simile Hispania.	136	pedestrem militem non ha-	
Regum historia successionis		bent.	30
	131. 132. 133.	Polonis agilitas deest.	31
vires consistunt potius in vir-		Pontificis Romani amplitudo est	
tute quam in numero.	135	dnorum generum.	56
Peruvia Rex.	165 166	Populi favor facit homines ambi-	
thesauri.	167	tiosos.	157
Peso nummus.	167	Populi orientales paucis contenti	
Philippine.	168. 176	vivant.	121
Philippinarum precipua Luzon		Populorum Septentrionalium lon-	
	179	gevitas.	19. 20
Philippi Regis Hispania regno nul-		Populus tantum valet quantum	
lus habuit majus.	168	Rex ingenio valet.	44
regiones recensentur.	162. 163.	Præcopus.	42
Planta in China bis aut ter fructus		Presbyteri Iohannis aula fixa non	
reddunt.	107	manet.	146
Pipere abundat Calecutium.	129	imperii situs.	144
Podolia.	25	imperium non respondet fa-	
Politia magistra legum.	111	ma quam vulgus de ea ha-	
Polonia abundat frugibus, melle li-		bet.	144
no.	25	hostes	149 150
Polonia Regis autoritas.	27. 28.	reditus sunt trium generum.	
electio.	27		147
Rex quomodo stabiliverit re-		regiminis forma.	146
gnum.	28	religio militaris.	148
juribus majestatis non gau-		potentia.	ibi
det.	31		vene-



# INDEX.

veneratio.	146	Regis Chinensis veneratio.	170
Presbyter Iohannes confert ordines sacros.	146	Regni potentia non est aestimanda ex municipiorum numero.	100
originem trahit ex Salomone & Regina Saba	147	Resbuti.	102
fratres includit in montis A-marae arce.	147	Res moderatae durante.	102
Princeps bonus curat, ut à populo suo diligatur.	99	Res prosperae excacant homines, ad-versæ reddunt eos cautiores.	102
Principatus in Turcia dantur plus offerentibus.	195	Revalia.	25
Principes fortes & potentissimi.	93	Rex tantum valet, quantum pruden-tia valet.	28
in oriente & meridie exerci-tus nostris majores educere possunt.	98	Rhenus.	52
in rebus bellicis præstantissimi	31	Romandiola.	56
seculares Imperii.	53	S.	
Principis divitiae non debent esti-mari à magnitudine reddituum sed de bono regimine.	6	Sabaudia Ducis dominium ejusq; divisio.	58
Principum orientalium scopus est victoria.	125	potentia & redditus.	60
Privatorum opes valde ditant a-rarium principis.	62	Salis & piperis grana expenduntur loco nummorum.	92
Proveditores generales.	79	Samogithia.	25
Prussia.	26 208	Samorini.	128
Prussiae divisio.	27. 208	Sanosaradinus.	96
Q.		Scania.	16. 17.
Quinzai.	90	Schola aliae in Moscovia non repe-riuntur, quam in quibus doce-tur lectio & scriptio.	38
R.		Scotiae fertilitas.	8
In Rebus practicis nihil infelicius quam nimium ingenii acumen.	170	Securitas est unica basis status.	106
Reditus Regis Angliae ex pupillo-rum tutela	14	Seditiones in Moscovia ut aver-tantur integra familia ex uno loco in alium transferuntur.	39
Regis Montis Duces.	26	Segnes in China castigantur.	107
		Selandumia.	16
		Sena & Pisa servitutis jugum agre ferentes vacuae derelictae sunt.	61
		Senensis status.	61. 52
		Seriffi dominium.	59. 161
		militiae genera.	ibid.
		Hb 2	Ors.



# INDEX,

Origo.	156. 157. 158. 159	reditus consistit in quatuor rebus.	20
progressus conferuntur cum progressibus Ismaelis, Sophi		tormentorum copia.	21
Seriffus quomodo regna Marochum & Fessanum sibi comparaverit.	159	Sueci atate mari, terra hyeme beligerant.	22
totius Africa principibus praefertur.	156	exteris aversantur.	20
Siam abundat elephantis	118	Succus cum Mosco bellagerens primas obtinet.	23
Siam civitas.	116	Sund.	17
Siamici Regis Barones, magnificentia, regimen.	116	T.	
Regniopes, reditus.	115	Tabernam in Persia positurus Regi quotannis certum quid pendere debet.	137
Sicilia laus.	169	Tamarindi potio Abissinitorum.	145
Silesia.	45	Tandaia.	177
Siras	134	Tartari expeditiones maximas fecerunt.	89
ad Status alicujus firmitatem quatuor requiruntur.	31	plurimique equites.	93
Statuum ampliatio quid efficiat.	106	regiones plurimas afflixerunt.	89
conservatio dat iisdem essentiam.	106	sub diversis principibus degunt.	10
Stercus humanum in China venditur.	107	Tartarorum divisio.	95
Stiria.	45	imperium majus fuit Alexandri & Romano imperio.	91
Stockfisch.	17	statura.	95
Sua perdere, ut acquirantur aliena est stultitia.	106	Taurisium.	134. 193
Subditorum facultatibus necessitate urgente quomodo utatur Dux Etruria.	63	Templum Fassibae adificare curat, cui omne ferrum Japoniae vult insumere.	142
Subsidium Romanum.	53	Templum Turcis Moschea.	132
Suecia divisio.	18	Tenza dominus in Japonia absolute imperat.	141
minera.	20	Terra motus saepius in China accidunt.	108
peditatus & equitatus.	21	Timarra.	196
		Tima-	



# INDEX.

Timariotti.	135	V.	
Tomanivalors.	137	Vasallis Moscovitis non licet regni	
Turban gestamen capitis.	132	fines exire.	38
Turca est draco insatiabilis.	46	Vdia.	119
dedecus & damnum retulit.		Velocitas bello summe necessaria est	101
quoties Lusitanos aggressus	202	Vendenao.	177
est.		Venetæ Reipublicæ laus	84
imperio suo comprehendit		concilia	82 83.
præcipuas partes trium or-		ad Venetæ Reipublicæ clavum se-	
bis terræ partium.	163	dent nobiles & Dux.	82
semper bella gerit.	201	in Venetæ Republica quanam defi-	
Turca æraria exhaustit bellum Per-		derantur.	87
sicum.	195	Venetiarum admiranda externa	73
militia navalis.	199	dominium, pontes, nobiles, re-	
nil nisi armorum curam ha-		ditus, situs.	73. 75
bent	194	Veneti quas possideant civitates,	
reditus.	194. 195	regiones, insulas, arces.	74. 78
robur consistit in equitatu,		quamdiu libertatem retinne-	
peditatu classibus, comme-		runt illibatam & quibus me-	
atu, pecuniis.	194	ditis.	83
tria habent, quæ nemini non		student cum principibus Chri-	
metum incutiunt.	200	stianis pacem colere.	85
Turcarum arces bellicæ.	193	timent Turcam & Hispanos	85. 86.
classes cur nobis incommo-			
dum afferunt.	33	Venetorum Ducis creatio.	82
disciplina militaris.	200 201	militia.	78. 81.
regimen est plane despoticum		modi extraordinarii colligen-	
	193	di pecunias.	76
Turcicum imperium à parvis ini-		regimen placet populo.	84
tiis in magnitudinem extime-		Venti capiunt partem naturæ loco-	
scendam excrevit per arma.	193	rum, per quæ transeunt.	2
robur consistere in Ianizaris		Vervicum cauda in regno Adel	25
falsum est	199	& amplius pondo est.	149
Tyrannorum mores.	98	Victo-	
Tyrolensis comitatus.	45		



# INDEX

<i>Victoria reddunt nos insolentiores.</i>	<i>Vistula.</i>	25
	101. 157. <i>Vites in Anglia non maturefcunt.</i>	2
<i>Vini Malvatici dolium in Polonia</i>	<i>Vmbria</i>	56
70. aureis constat.	29 <i>Urbinni Duces.</i>	68
<i>Vinum Abiffinii ex uvis non expri-</i>	<i>VVallia.</i>	9
<i>munt.</i>	145 <i>VVarahus.</i>	18
<i>Vires majores tractationi ineptæ</i>	X.	
	101 <i>Xaidu Chamipalarium est.</i>	92
<i>raro comitem habent pru-</i>		
<i>dentiam.</i>	5	





# INDEX AUTHORUM POLI- TICORUM.

## A.

**L** Eo Afer de rebus Mauritania & America.

Anglia nobilitas, Londini edita in fol. cum tersissimis Iconibus.

Argentrai historia Britannia.

Franciscus Alvarosius in historia Aethiopica.

Alexandri Andrea libellus de bello inter Philippum Regem Hispaniarum, & Paulum III, Pontificem gesto, de regno Neapolitano multa exponit.

Henningus Arniseus de statu Reipubl. Venet. & de statu Imperii Germanici.

Petrus de Andlo de Imperio Romano

AEmyl. in histor. Franc.

Frider. Achilles, Dux Vitiemburgic. de principatu provinciarum Europæ.

Aventini historia Bojica.

Arnodus Clapmarius de arcanis Rerumpublicarum, in quibus nequæ quædam Politiarum singulariter edisseruntur. Tribuere autem hanc opellam Politicam sibi videtur Kecker. in diss. Practicis.

Admonitio ad orbis terræ Principes, qui se suosq. salvos volunt, ad illustrissimos Germaniæ proceres.

Apologia civitatum Ansaticarum pro assertione fœderis sui antiquissimi, quod nimirum id sit cum commerciorum, tum etiam tuitionis seu defensionis, & quidem æquissimum omnibus iuribus conveniens.

## B.

Iohannes Bohemus de moribus diversarum gentium.

P. Bembus in historia Veneta.

Braun in theatro urbium.

Auger. Gisl. Busbequii Itinerarium Constantinopolitanum.

Brusch in descript. Westphalia.

Basilidis Moschovita historia.

Brunus in Comitatu Astensi.

Petrus Belluga de regno Terraconensi, in Speculo suo accurate scripsit.

Hectoris Boetii historia Scotia.

Geor-



## INDEX AVTHORVM POLIT.

*Georgius Buchananus de rebus Scotia.*  
*Bruchius de omnibus Germania Archiepiscopatibus.*  
*Ant. Bonfinii decades rerum Hungaricarum.*  
*Vincentius Burginus scripsit de rebus Italia.*  
*Barnabas Briffonius de regio Persarum principatu.*  
*Bilibaldi Birkheimeri descriptio Germania.*  
*Boterus de polit. virorum illustrium origine urbium, earundemq; augen-  
 dicatione.*  
*Boterus de statu Principum.*  
*Jurisprudentia Politice, sive arcanarum disquisitionum Politicarum li-  
 bri duo Liberii à Bodenstein.*  
*Sigismundus Barth. de Moscovia.*  
*Suscitabulum pro Principibus, id est, pro defensione autonomiae & euno-  
 miae in Imperio Romano concessa & statuta, autore Benbellona de  
 Godenziis.*

### C.

*Danielis Cellarii Geographia.*  
*Philipp. Camerarii observationes historice.*  
*Cromerus de rebus Polonia.*  
*Philip. Cluveri Germania: edidit alias etiam orbis partes: Siciliam, Sar-  
 niniam, Corsicam.*  
*Casaubonus ad Cosmograph. Strabonis.*  
*Barth. Casai narratio de regionum Indicarum per Hispanos devasta-  
 tione.*  
*Ioachimi Curai Annales Silesiae.*  
*Gulielmi Cambdeni Britannia.*  
*Cuspiniani Austria.*  
*Alberti Cranzii Saxonia, Vandalia.*  
*Ambrosii Contareni itinerarium Persicum.*  
*Cœlii Curionis historia Sarracenicæ.*  
*Cœlii Augustinii Curionis historia de regno Marochi.*  
*Iohannis Cotovicii itinerarium Hierosolymitanum & Syriacum.*  
*Iohannis Iac. Chiffletii Vesontio, civitas Imperialis, libera.*  
*Contarenius de Republ. Venet.*  
*Comineus de bello Neapolitano.*  
*Hieronymus Connestagius.*  
*Martini Crusii Annal Suev.*



# INDEX AUTHORUM POLITIC.

*Emanuel à Costa de rebus Indicis.*

*Ceriolanus Cypio de rebus Venetis.*

*Cicarella continuator Platina.*

*Chronicon Hollandia, de Hollanderum Republ. & rebus gestis commentarii.*

*Consilia bellica à summis Pontificibus Imperatoribus. ceterisque sacri Romani Imperii Electoribus. Principibus ac Statibus, &c. pleraque contra Turcam in summis Christiani orbis Conciliis atque Comitibus explicata.*

## D.

*Donatus de Republ. Venetorum.*

*Georgii Douša itinerarium Constantinopolitanum.*

*Dubravius scripsit res Bohemia.*

*Discursus Epistolares Politico Theologici, de statu Reipubl. Christiana degenerantis.*

*Iani Douša Annales Batav.*

*Discursus aliquot quorum Meter. lib. 25. hist. Belg. meminit, & eorum contenta recitat, Politia provinciarum Vnitarum etiam faciunt mentionem.*

*Caspar Dornavius de incrementis dominatus Turcici.*

*De Politicâ dignitate & potestate Germanorum, ex Matthæi Dresseri Isagoge historica.*

*Sumarischer Begriff der Kaiserl. Freyen Reichs- und Ansestade Dortmund/ colligirt durch Detmarum Mulherum.*

## E.

*Ubbó Emmius de Republ. Frisiorum.*

## F.

*Marquardi Freheri Origines Palatine. Scripsit & Dereditorium antiquiorum historicorum hic utile.*

*Fazelli res Sicula.*

*Feraldu de jure regni Gallici.*

*Fœderatorum inferioris Germania defensiones multa scitu digna continent de Rege Hispaniarum, Pontifice Romano, quâve Politia gaudere velint. Extat etiam in defensione secunda I. Lips. I. laus ingens & conferta Pontificis Romani, & Romanae quam anchoram fluctuanti Europa ponit, decus, tutelam & columnam rerum facit.*



## INDEX AUTHORUM POLIT.

*Petrus Ant. Finariensis, de dignitate Principum liber.*

### G.

*Ludovicus Guicciardinus in descriptione generali Belgii.*

*Damianus à Goes descripsit Vlyssibonam, primariam Portugalliae urbem.*  
*Scripsit & res Aethiopicas.*

*Gianottus della Reip. de Viner.*

*Philipp. Glaserus edidit Catalogum historicorum selectissimorum & Possessum serè: hic tamen planè utilem, quia orbem urbesque hi tales edisserunt.*

*Politica Imperialia Melchioris Goldasti.*

### H.

*Sigismundus L. Baro ab Herbenstein de rebus Moschovia.*

*Philipp. Honorius p. 2. apoteles. ss. Prnd. Politica de Belgio disserit.*

*Ioh. Herbertus in Chron. Polonia.*

*Helmoldus in historia Sclavorum.*

*Hotomanni Franco Gallia.*

*Haillan. de statu Franc.*

*Heiden de bello Moscovitico.*

*Caspar Hennibergerus de rebus Prutenicis.*

*Danielis Heinsii laudatio funebris Jani Doussæ, ubi de Batavis exactè dicit.*

*Andreae Hosi oratio de novæ apud Europæos Monarchia, & ad infringendam Turcicæ dominationis potentiam, & ad stabiliendum Christiana statum utilitate.*

### I.

*Paulus Iovius in legatione Moscovitarum ad Clementem VII.*

*Ianottus de Rep. Venet.*

*Bernhardus Justinian. in histor. Venet.*

*Iacobi nobilis Dani, Friderici II. Regis legati, Hodeporicon Ruthenicum, in quo de Moscovitarum regione, moribus, religione, gubernatione & aulâ Imperatoriâ exequitur.*

### K.

*Keckermannus in libell. de regno Polonia.*

*Vilhelmi Kiriani commentarii de statu Augusta Trevirorum.*

### L.

*Lennelavii historia Turcica.*



## INDEX AUTHORUM POLIT.

*Chronicon Laurisb. h.*

*Iusti Lipsii Lovanium.*

Von Anfang und Aufrichtung des Teutschen Reichs/ und was es jederzeit mit demselben/ und insonderhit mit den Erb Frey- und Reichs-  
städten vor ein gestalt gehabt. In Chronico Spirensi Christophori  
Lehman.

### M.

*Antonii Magini Geographia.*

*Machiavelli historia Florentina.*

*Marianus de rebus Hispanicis.*

*Matthias à Michou de Sarmatiis.*

*Ioannis Macri Indicarum historiarum lib. 3.*

*Ioannis Mariana Iesuita de rebus Hispania libri 30.*

*Chronicon Mansfeldense.*

*Paulli Merula Geograph. & oratio de nat. Reip. Patavica.*

*Bernhardi Mendoza commentarii de rebus Belgicis.*

*Petr. Montanin descript. belgy.*

*Ioh. Meursii rerum Belgicarum libri.*

*Monita Politica ad S. Rom. Imperii Principes, de immensâ Curia Roma-  
na potentia moderandâ.*

*Mundus Imperiorum, das ist: Beschreibung aller Keyserthumb/ Kö-  
nigreich/ Fürstenthumb/ &c. in vier Theil aus dem Italianischen  
verteutschet/ durch Johan von Brüssel.*

*Balthasaris Mentzii discursus Politicus, von den fürnehmsten Ständen  
des H. Römischen Reichs/ wie sie zu ihren hohen Emptern  
erhaben/ sambt den zwölf Christlichen Königreichen/ und Teutscher  
Nation Erstlistten. &c.*

### N.

*Levoldi à Northoforigines Marcana.*

*Sigismundus Neugebauer in historia rerum Polonicarum. Ejusdem Ico-  
nes & vita Principum ac Regum Polonia.*

Nothwendige Erinnerung wegen Donawert. Relation/ und gründlicher  
Unterriecht de quæst. Ob der Kays: Hoffrath concurrentem jurisd.  
cum Camera.



# INDEX AUTHORUM POLIT.

O.

*Abrahamus Ortelius scripsit laculentissima theatra in Geographicis & authores quâ veteres, quâ recentiores, qui copiose omnia persequuntur, fideliter citat & refert.*

P.

*Is. Pontanus de urbe Amstelodamo.*

*Platina de Pontif. Rom.*

*Onuph. Panvinus de iisdem episcopatibus & titulis Cardinalium.*

*Procopius de rebus Vandal.*

*Paurmeister de iurisd. Imp. Romani.*

*Poggii historia Florentina.*

*Polydorus in historia Anglorum.*

*Pontanus de increm. urb. Venet.*

*Iul. Pflugius de Republ. German.*

*Antonius Possevinus (extraordinem ferè dicendus) contulit nobis numerum innumerum historicorum qui de pluribus orbis Imperiis, Regnis, Dynastiis variè scripserunt. Ille Bibliothecarius est, qui adyta ad amplissimam hanc Bibliothecam referat. In hoc tamen ejus apparatus delectum habet, quem qui habebit, cum Solonem prædicabo hujus HISTORIAE.*

*Conradi Peutigeri Chronicon Augustanum.*

*Ægidii Periantri nobilitas Maguntina.*

*Praxis sapientie Politica hoc est selectiores tractatus, monita, acta, relationes & discursus varii, plenam atq; exquisitam regie prudentie & Principum, Rerumpublicarum populorumq; notitiam suppeditantes, ex variis authoribus Italicis Latine redditi a Julio Bello.*

*Paulus Palczowski de Palczowice de statu Veneto.*

*Politicarum dissertationum de statu Imperiorum, Regnorum, Principatuum & Rerumpublicarum tomus 4. studio Nicolai Belli editi.*

*Politischer Probiertstein/ darauff die vornehmsten Monarchien und und Freyen Ständ in der gangen Welt Regierungen gestrichen und deren halt zu sehen ist.*

Q.

*Guerrinus Piso de Roman. & Venet. magistratuum comparatione.*

R.

*Michael Ritius de Regibus Sicilia.*



## INDEX AUTHORUM POLITIC.

*Ioh. Ruffius in Geneal. Austriacae.*

*Gerardus de Roo Veter. Aquinas in Annalibus Domus Austriacae.*

*Stephani Ritteri Cosmographia Prosometrica, opus novissimum.*

*Beatus Rhenanus de rebus Germaniae.*

*Micolans Reusnerus de urbibus Germaniae Imperialibus.*

*De Romani Imperii ruina liber Latine factus ex Italico per Turlerum.*

*Renati Choppini de civilibus Parisiorum moribus & institutis lib. 3.*

### S.

*Iohan. Sleidani historia, in qua multa de particularibus regnis habet.*

*Io. Similernus de Republ. Helvetiorum.*

*Thomas Smithus de Republ. Anglor.*

*Aeneae Sylvii Europa.*

*Sabellici historia Veneta.*

*Lazari Sorancii Ottomannus, ubi agit de Ianizariis, & eorum laudatissima institutione.*

*Erasmus Stella de Borussia antiquitatibus.*

*Theodorus Sanduginus lib. de moribus Turcarum.*

*Bernardinus Scardeonius de urbe Patavio.*

*Claud. Seisell. de Republ. Gallicae.*

*Sanfovin. de statu regni Galliae.*

*Iul. Scaliger in encomiis urbium.*

*Spachius edidit Nomenclaturam historicorum particularium his etiam usui futuram*

*Georgii Schonborneri descriptio Statuum & Ordinum Sacri Romani Imperii.*

*Soranzius Patritius Venetus de rebus Turcicis.*

*Caroli Scribani Antverpia.*

*Nicolai Serarii res Moguntiaca.*

*Inscriptiones historicae Regum Scotorum Ioannis Ionsstoni Scoti.*

### T.

*Iac. Augustus Thuanus in historia sui temporis, quae exacta multa regnorum particularia continet.*

*Trithemius scripsit quadam de Germania.*

*Rodericus Toletanus de rebus Hispaniae.*

*Thesaurus Politicus, relationes, instructiones, dissertationes aliosque ad Imperatorem, Regnorum, Provinciarum, omniumque quae ab iis de-*



# INDEX AUTHORUM POLIT.

pendent, cognitionem pertinentes tractatus complectens, ex Itali-  
co Latine factus.

De Turcicis rebus  
scripserunt.

Laonicus Chalcondyla.  
Theodorus Gaza.  
Baptista Egnatius.  
Joannes Ramus.  
Andreas à Lacuna.  
Volfgangus Dreschler.  
P. Callimachus.  
P. Porondinus.  
Leonhardus Chiensis.  
Isidorus Ruthenus.  
M. Antonius Coccinus Sabellicus.  
Bernhardus de Breidenbach.  
Marinus Barletius.  
Henricus Penne.  
Jacob. Fontanus.  
Michael Soiterus à Vinda.  
Aloysius Amerius.  
Joannes Etrobinus.  
Ioh. Crispus Aegius.  
Nicolaus Villogagno.  
Ioannes Martinus Stella.  
Ioan. Christophorus Calvetus Stella.

V

Volat. 4. Georg. cap. de Venet.  
Marci Velseri historia rerum Augustanarum.

W.

Iacob Wimpeling. de rebus German.

Z.

Theodori Zuvingeri theatrum lib. 4. voluminis 28. in quo de specialibus  
Politicis memorabiliter tractat. ita tamen, ut historiae limites non  
transiliat.

Zoanettus de Imperio Romano.  
Caterini Zeni, Patricii Veneti commentaria rerum Persicarum.

Atque



## INDEX AUTHORUM POLIT.

Atq; hos nunc castigatissimæ fidei authores confer cum Bote-  
ri nostri Politicis, & messis copî copîa surget, vereque existet MUN-  
DUS IMPERIORUM celebratus & illustratus imò exiges moni-  
mentum.

— — are perennius,  
Regaliq; situ Pyramidum altius,  
Quod non imber edax, non Aquilo impotens  
Possit diruere, aut innumerabilis  
Annorum series, & fuga temporum.

Non sum nescius, Lector, in aulis, in atrîis magnatum, præ-  
cipuos aulicos & Palatinos multa scripto, quod lucem non spectat,  
comprehensa, & ad Boteri modulum methodumque nimis exactè fa-  
cientia sibi thesauri loco servare. Certè si eorum copia omnibus  
fieri posset, plurima scitu dignissima de arcanis omnium Rerum pu-  
blicarum paterent. Sed id vel non tutum, vel non obvium est.  
Itaque spicilegia hæc nostra tibi placeant, quæ digitum & ner-  
vum ad illa occulta & *κρυφα* quàm maximè inten-  
dunt, & observata tibi cum nostris æquissimè  
confer. Tantum.

F I N I S






INDEX ALPHABETICUS

Alphabeticus est index, qui litteras alphabetice ordinat, ut sit facilis accessus ad omnia, quae in libro continentur. Huiusmodi index in multis libris, praesertim in his, quae multa continent, non minus utilis, quam in his, quae pauciora.

Alphabeticus est index, qui litteras alphabetice ordinat, ut sit facilis accessus ad omnia, quae in libro continentur. Huiusmodi index in multis libris, praesertim in his, quae multa continent, non minus utilis, quam in his, quae pauciora. Alphabeticus est index, qui litteras alphabetice ordinat, ut sit facilis accessus ad omnia, quae in libro continentur. Huiusmodi index in multis libris, praesertim in his, quae multa continent, non minus utilis, quam in his, quae pauciora.


F I N I S













F609

S379b



